

ALEXANDRI
NEVYLLI
ANGLI,

De furoribus Norfolcien-
sium Ketto Duce,
Liber vnus.

Eiusdem
NORVICVS.



LONDINI,
Ex officina Henrici Binne-
mani Typographi.

Anno salutis humanæ
c15.15.1335.



In obitum amplissimi Præ-
sulis, Matthæi Parkeri Cantuar.

Archiepiscopi eiusdem

Alex. Neuylli carmen.

SIC CONSTAT mortale nihil: sic luminis oras
Quæ subeunt, abeunt: rapit (heu) rapit omnia tellus
Quæ peperis: refugusq; vigor mortalibus ævum
Decursat miserum: dociles non parcere Parca
Sic occant nimium: sic sic abrupta beati
Stamina Parkeri, tantum dant flere misella
Orbatoq; gregi, quantum bona commoda vita
Voluerat aureulus cursus, plebesq; regendi
Gnarus amor, sollemisq; animus, fluidosq; premendo
Mite supercilium, mens & lentando modesta.

ET MEA quæ tanto viduata camæna patrone est,
Luget in abruptum: rursus decidua fati:
Rursus inhorrendas mundi sensura procellas.
O bene cælicola, tanto quod functus honore
Euicit linguasq; hominum, nigrasq; loquelas.
Quas spargit numerus, quas sacra insania ructat:
ERGO IACE venerande heros: & murmure stulto
Invidia maiorq; omni, felixq; peractio
Obdormi studio: nps hic tua facta sonamus:
Te pleni, & amore sui: te stemus ademtum.
Te te magne pater nos hic veneramur, amamus,
Et tanti æternum mirabimur acta magistri.

Libri post defunctum

patronum editi,

Protopopœia.

*F*leBILE principium (si quid prasagia monstrent)

Fortuna auspiciū præsentiū habes.

sed quid habent verū prasagia inania? quæ

Posit ab hoc tanto spes superesse malo?

Da (Deus) auspiciū signis melioribus oro:

Huic metus diras omni inesse minas.

Haud facile optatum cursu contingit honorem,

Turpiter in primo carcere lapsus equus.

Haud facile optati portus contingit arenas,

Infelix patrijs mersa carina vadis.

sed grauior fortuna mea est, & tristius omen.

Ante ferè erepta est, quàm data vita, mihi.

Ecce extrema mihi vixdum superaddita lima,

Vix signata suis pagina prima typis:

Cum decem (heu dolor) ille ingens, decem occidit ingens,

Pars anima, & vita magna columna mea.

Fata queror nostrum nimium contraria rebum,

Syderaq, auspicijs facta proterua meis.

Nam tua dum properant nimium, & mea fata morantur.

Te mihi surripuit, (Spes mea) meq, tibi.

Infelix ego quid merui? cur Postuma proles

Nascer, & in seros differor vsq, dies?

At quia non tecum patiantur vinere fatas

O vitinam in tumula dent latuisse tua.

G. A.

Ad librum post defunctum
patronum editum, Carmen
consolatorium.

Non bene venales poscunt præconia merces,
Hædera laudatrix, vilia vina decet.
Cætera præsignes sibi quarant scripta patronos,
Claræq; Magnatum nomina fronte gerant:
Nil opus ascitis titulis tibi, pone querelas,
In te præsidij est satq; superq; tibi.
Sed tibi diffidas, ævδρῶν tandem affice ΑΛΕΞΕΥ,
Is solet esse alijs, is tibi ΑΛΕΞΙΣ erit.
Is pater est, idemq; simul pater, atq; patronus,
Ille dedit vitam, & proteget ille tuam.
Insuper ex merito Norfolkia tota patrona est,
Angliæq; ex merito est tota patrona tibi.
Adde quod ex alijs, vitæ exemplaria præsta,
Si quem delectent scripta, patronus eris.
Deniq; si quis erit qui quid memorabile gessit,
Vel non diffidat posse, patronus erit.
Nemè aliquis desit: cuius nunc funera luges,
Ipse etiam inuita morte patronus erit.
Nam fera quod potuit dire mors abstulit vingue,
Terra quicquid erat, cætera non posuit.
Corpore nam posito fama est & honore superstes
(Quippe ab honore nihil mors violenta rapit.)
Corpore deposito vivit virtute superstes,
(De virtute nihil mors violenta rapit.)
Corpore deposito mente est, animaq; superstes:
(Sæcra ex mente nihil mors violenta rapit.)
Ergo & honore suo, virtute & mente superstes.
Is tibi maiori parte patronus erit.

G. A.

αἰγ

In Alexandri Neuylli Kettum

Thomæ Drantz carmen.

ERGO Neuylle vulgare Kette cothurno,
Tua furorq; tuus, scelus excidiumq; tuorum?
Vtq; in grande nefas, atq; in sua vulnera versi,
Plebs hominum ruit, & sociarunt fœdera fures?

Illicet est actum: totus de nomine puro
Tolleris, fama; niger surbabere cæcos
Ad manes: tu voce viri, tu voce Neuylli
Sordescis, pollentis opes & numina lingua
Te vitiant, te, se, prestans facundia perdet.

O mihi post nullo memorande Neuylle disertus,
O docti pars multa chori: ceu namq; puellus
Ingenio, genio, calamo, sermone, puellus
Anteibat, ita virq; viros, ita maximus unus
Omnipotente viges, & nos post terga relinquit.

Nec tua qua tanto precellis Musa nitore,
Cui triuiale nihil, nunquam cui friuola cura,
Tam modicus fueret venis, inflaret auenas
Tam tennes, fieretq; humilis sub iudice mundo.

Te nisi non albi teneret lex ferrea fati,
In peius rerumq; vices, & moriger artus
Præsulū imperijs animi flexit, fecitq; minorem
Arte suo, veteriq; bonum de more labare.

Cumq; tui valeant humeri, nec ferre recusent,
Es tui antistes iam non sua iussa suburget.
Sumito materiam Iouio vel Casare dignam,
Desine tu Kettos, atque indiga dicere castra,
Hac arbusa tace, seq; his exsolue myrica.

Tu cane vel reges, vel regis, maxima semper
Magne sona: canor & florens te gratia sandi
Intulerint cælo, potes, o potes, esse beatus.

I puer aurato iubeas velentur amictu,
Qua sua prælustris perarabis cumq; Neuyllus.

In historiam Alexandri Neuylli,
Hendecasyllaba.

Vl **R** **B** **I** **V** **M** ne putabū abs auara
Demissum Styge? posse vel renasci
Hospitem Pythici? vel enomari
Bis fata? ac iterum sepulta reddi
Terra corpora? quale fabulose
Solent fingere per iocum Poeta
Monstrum, quale vel impetu minore
Format Pythagoras renatum Orco.
Iurabis Linij, Salustijq,
Casarij, Demosthenisq, Gray
Calores veteres adhuc vigere,
Tulliumq, quietē Tusculana,
Nouū sedulo rebus occupatum.
Nempe, qui nouus exis hic libellus,
Nescū, vtilior vè, dulcior vè,
Ferior, melior, Latiniornè,
Maior, purior, elegantior nē.
Vnus vè referat ferē vniuersos.
Sed nec numina fallier licebit,
Nec, quas cymba tulit, reuaxit.
Exspectas igitur, qui hos polires
Libros? historiamq, tam eruditamē
Ille qui sapienter emulatus,
Quos atas prior exstulit, vel ipsos
Aequauit Zephyro secundiore.
Huc qui transtulit Aetlicos colores,
Romanumq, salem, decusq, lingua.
Cui cū munera summa largiantur
Pelasgi, Latijq, doctiores:
Nulli, quid tamen v's suum reposcunt.
Atqui vū propius videre quū sit.

Est, dico, studiosus omnium huius
 Virtutis bene quæq; ponderantis
 Hic quos longa premebat, inuida q;
 Nube condidit atra nox, recludit
 Fastus, historiamq; cæciorem
 Ornat luce decenter insalenti.
 Hic nobis patrias lares, domosq;
 Ausosq; focos fecitq; nobis
 Incunabula nostra notiora.
 Hunc ergo maneat (sæuente fato,)
 Sera secula posterum nepotum:
 Ut mistum Rhetorum choro, iacentes
 Terras despicias volante fama,
 Nos aut breui, ac inerte vena
 Ignati, procul a foro remoti
 Admirabimur hæc filebimusq;.

Typographus Lectori.

Deditur operam equidem (quantum in nobis fuit) ut liber iste
 purus & integer, nullisq; respectus latus hominum in manus
 perueniret. Sed dum Author longius abesset, & pericula (sic folia
 appello quæ non serio, sed periclitandi tantum gratia exciduntur)
 ad eum sæpe nulla, prima raro, secunda vero nunquam deferrentur:
 factum est ut nostra diligentia industriæq; non undequaque re-
 sponderet euentus: nonnullaq; (imprudentibus nobis) errata irrepse-
 rint. Ex his quadam expunximus: reliqua (propterea quia id in
 excuso iam codice minus commode fieri posse videretur) quemadmo-
 dum corrigenda sint, te Lector optime admonenti curamus. Vale.

Errata præli.

Prior numerus paginam secundam lineam denotat.

21. 21. labefactandam, lege labefactandum 79.8. metuentes, lege
 metuebant. 81. 1. spe, lege ope. 94. 1. incensæ, pro incensæ.
 95. 6. subdebilitatem, lege subdebilitatam. 98. vlt. Ita, lege Item.
 120. 1. & 2. animos vincendi, lege animis viuendi,

Quædam inciderunt alia, quæ quàm apud potuimus
 quibusdam in locis emendauimus.

REVERENDISSI-
MO IN CHRISTO PA-

TRI EDMUNDO ARCHIE-

PISCOPO EBORACENSI,

ANGLIAE PRIMATI,

ALEXANDER NE-

YLLVS S. D.



OGITANTI

mihi (Præful illu-
strissime) cui nam
potissimum labores
consecrarem meos,
tu maximè eo mihi
munere dignus oc-
currebas , qui am-

plissimis tum in honoribus, tum fortunis,
quibus diuina te clementia circumfudit,
maximarum quoque virtutum splendore cir-
cumfluis. Nam cum Cantuariensis (ille
magni nuper nominis Heros) cuius per-
illustri persona spes mea dudum niteba-
tur omnes, ab illiberali me otio, ad hanc

b. scribendi

scribendi curam sollicitudinemq; tradu-
xisset; nunquam suspicari (nedum vere-
ri) mihi in mentem venit, fore ut meis
optimis perimimica semper atque perad-
uersa fortuna consilijs, tam subito, tanto
mererum mearum presidio orbaret. Sed
quemadmodū nihil est in vita quod non
mihi sapissimē fors iniecerit, quo me ve-
xaret acerbi, neque ynquam tam secun-
dis ventis vsus sim, quin ij mihi protinūs
reflarint: ita huius præstantissimi Anti-
stitis interitus, plagam mihi certē inflixit
acerbissimam & sempiternam.

Et verò is miserijs huius molestissimæ
vitæ perfunctus, integris sensibus, ætate
optima, è vita, tanquam è scena benè per-
acta fabula discefsit, meo autem magno
malo detrimentoque interceptus extin-
ctusq; incredibile mihi præ cæteris om-
nibus sui desiderium reliquit. Proinde
cogor à pontifice, ad pontificem, id est ab
amplissimo & propè coclesti viro (mor-

tuo

tuo tamen) ad viuum te, & præfulem, &
virum veris virtutum laudibus præstan-
tem, confugere. Quis autem hos libellos
exceperit, si tu reieceris? Aut quem mea
Posthuma proles tutorem inuenerit si tu
aspernabere? Aut cui denique hij nostri
labores, viuentis Archiepiscopi imperio
suscepti, & morientis testamento com-
probat, grati erunt atque iucundi si tibi
Archiepiscopo & optimo, & sapientissi-
mo minùs probabuntur?

Verùm enim uerò maxima spe sum,
fore vt sicuti is nuper nobis solatium, or-
namentum, ac columen exstiterat, (sem-
perque proculdubio exstitisset, si semper
per ætatem viuere liquisset) sic tu vicissim
(nam quis te vno aut sanctior vnquam,
aut dulcior est habitus?) nostræ sis orbi-
tati solitudiniqu; præsidio futurus.

Neq; porro me ea deterrent, quæ sunt
in te summa omnia, eximius vitæ splen-
dor, grauitas admirabilis, doctrina pere-

gregia, singularis prudentia, præsertim
cùm tantis illustratus excellētissimarum
virtutum luminibus, permultum meae
obscuritati (ex tua amplitudine) splēdo-
ris adferre poteris: isq; vir sis qui in omni
vita, cū prudentia perinsigni, incredi-
bilem quoq; comitatem coniunxeris.

Itaque licet fortassis cuiquam audacter
nimis, atque subrusticè facere videbor,
qui te tantum Præsulem tam pænè nullus
affari non dubitem, tamen minori sum
verecundia, propterea quia hoc quod
rogo, & tuæ personæ aptissimum erit, &
demortui Antistitis volūtatī, (si quis vita
functis sensus inest) in primis consenta-
neum. Rogo autem, vt quando is mori-
ens hos mihi libellos, (quos nunc ampli-
tudini tuæ dono dedicoque) typis per-
uulgādos reliquerit: (qui funesto omine
suscepti, & post defunctum patronum in
lucem editi, hominum ora cōspectumq;
horrent atq; refugiūt,) hijs tu ad gratiam

&

& nostrorum hominū existimationem
commendationi atq; decori esse digneris.
Tum si tenues tibi nimium atque ieiuni,
nimium rerum ac verborum inopes vi-
debuntur, & iccirco doctissimis perpoli-
tissimisq; tuis auribus indigni, feras tamē:
ijsque oculis, eodemque quibus omnes
bonos intueri soles vultu, contemplerē.
Quod æquissimo te facturum animo
(Præful optime) confido: tum quia potes,
tum quia soles benefacere quàm plurimis:
estq; hoc naturæ tuæ, tuisq; dulcissimis,
suauissimisq; moribus coniunctissimum.

DEVS Opt. Max. amplitudinem
tueatur tuam, concedatq; vt vbi perdiū
nobiscum in terris lætus atq; hilaris vixe-
ris, inter cœlites tandem cum CHRI-
STO IESV æuo perpetuo ac sem-
piterno perfruare. Londini. a. d.

VII. Kalend. Decemb.

CIO. IO. LXXV.

Amplitudini tuæ deuotissimus,
ALEXANDER NEVYLLVS.

Reuerendissimo in Chri-
 sto patri D. Matthæo Cantua-
 riensi Archiepiscopo, totius Angliæ
 Primati & Metropolitano,

ALEXANDER NEVILLVS.



IVINITVS
 contigisse puto
 (Præsul am-
 plissime) vt
 quâ Deus opt.
 max. amplitu-
 dini tuæ sedem
 ac domicilium
 esse voluerit,
 eadem sit etiã
 hoc difficilimo

tempore mœrori meo ac solitudini perfugium.

Nam cum insigni ac propè admirabili laude a-
 pud omnes bonos circumfluas, cumq̃ tibi summum
 dignitatis decus vniuersi tribuant, & singularis

A.

cuiusdam

cuiusdam sapientie atq; constantie laudem imper-
 tiant, in his tantis molestijs, quibus undiq; circum-
 fusus sum, quid mihi accidere potuit, vel ad prae-
 sentis vitae conditionem illustrius? vel ad prae-
 teriti temporis solatium iucundius? vel ad futurae aetatis
 spem praestantius? quam in domo tanti Pontificis,
 tanta virtute, facilitate, & morum elegan-
 tia redundantis assidue versari? Itaque sic affi-
 ciebar interdum, ut quoties istius rei mihi in me-
 tem venisset (venit autem saepissime) toties omnes
 illae curarum undae quae in animo perpetuo effer-
 uescebant meo (quasi mare ventis cessantibus)
 continuo deferbuerint. Et certe, dum nihil undiq;
 nisi pudicum, nihil nisi pietatis, pudoris, ac conti-
 nentiae plenum intueor, sit, nescio quo pacto, ut de-
 siderio acriori, ac multo (ut mihi videor) rebe-
 mentius incenso, ad illarum rerum imitationem
 inflammer. Accedit hoc etiam, quod non plus opi-
 bus & potentia, quam illustri humanitatis laude
 praecebas: neque solum eos, qui tibi famulantur,
 fortunis ac facultatibus iuves, verum etiam gratia,
 favore, consilio, auctoritate, beneficentia sustates.

Vnde

Unde adeo factū est, ut tacitā inconsiderata temeritatis meae reprehensionem non magnopere per-
timuerim, quod amplitudinem tuam his meis li-
terulis tam fidenter affatus sim. Neq̃ enim fieri
potest, ut humilimum amplissimus, aut sui obser-
uantissimū humanissimus Pontifex aspernetur.
Quapropter ardentissimis votis ac precibus obte-
stor, ut hos industriæ meae flosculos verius quam
fructus, quos bonori tuo obtulero, (obsequij & a-
moris monumentum erga te mei) leta fronte ac
benigna suscipias. Quod te facturum pro illa tua
præstanti pietate, qua omnes omnium literatorū
hominū conatus, ac studia prosequeris magnope-
rè sanè confido. Etenim labores hos meos quos in
Caium Norwicensium rebus gestis te aucto-
re explicandis suscepi, Amplitudini tuæ consecra-
re decreui. Qua in re tum cultus & observantiæ
in te meæ, tum mentis meritorum erga me tuorū
non immemoris excusatione, tam inscitiae crimen
quàm impudentiæ labē deprecabor. Nam cum
tua me amplitudo ad scribendum potissimum im-
pulerit, & mihi (quod aiunt) currenti quasi cal-

cār abhibuerit, inhumanum me esse certè oportebat, & non solum bonitatis quæ oblitum, verum etiam officij prorsus immemorem mei, si tibi neq̃ hortanti obsequer, neq̃ imperanti. Preterea cum te tanta dignitate, consilio, prudentia, etate, vigilantia, & (quod caput est) grauissimis plerumque rei christiane publicæ muneribus implicitum Presulem, ea semper mente præditum perspexerim, nullæ ut te vñquam cogitationes à præclarissimarum disciplinarũ studijs & Musarum veluti complexu abstrahere potuerint, dũ omnia omnium antiquorum hominum monimenta scrutaris, omnium doctrinarum ac disciplinarum omnes libros exhauris: cumq̃ domi semper tuæ Academicam quasi quandam literatorũ hominum florentem animaduerterim, qui perpetuò præceptis adhortationibusq̃ inflammatis tuis, sui quotidie fructus ingenij proferre consueuerint, profectò mihi nisi inertiae nequitiæq̃ maculas iniri voluissem, aliquid tale præstandum aut certè conandũ fuit, in quo significatio saltem nonnulla industriæ ac voluntatis ostenderetur meæ. Præsertim cum

tu (vir talis ac tantus) semper mihi & ad suscipiendam, & ad ingrediendā horum studiorum rationem, auctor & princeps exstiteris. Videlicet in hanc cogitationem (prudentissime Pontifex) perpetuò incumbis, ut domi semper tuæ doctrinae atque humanitatis studia, à cunctis celebrentur: maximaq; delectatione perfunderis quoties domesticos tuos literis ac bonarum artium disciplinis deditos conspexeris: Solesq; eos quos in familiam asciscis tuam, imprimis cohortari ut eruditionem ac pietatem ardenti desiderio consecentur. Quae quidem me impulerunt ut ego quoque mihi in istiusmodi rebus pro virili parte elaborandum statuerim, nō tam ut tibi gratificarer (quāquam quid est quod flagrantius exoptem?) quā ut mihi metipsi prodessem, planumq; cunctis facerem quibus domi tuæ studijs ac cogitationibus tempus traduxerim. Feci itaque quod debui, & feci equidem non inuitus, ut onus illud quod tu mihi imponendū putāris alacri mēte subierim. Quod si me quandoq; oppresserit (fieri enim non potest quin tanto impar oneri sustinendo, saepe-

A. iij.

numero

numero succubuerim) tua erit humanitatis,
(Præsul optime) iacentem patrocínio subleuare
tuo. Præsertim cum dum tibi imperanti, & ad
hanc me quæstionem pertractandam crebrius ex-
citanti, non parere nefas esse duxerim, plus in me
forsitan oneris quam perferre potui receperim.
Vtunque erit, non patitur tua te tam excellens
naturæ bonitas cuiusquam indignitatem asper-
nari, & ego is sum qui cum in præstanti tua vir-
tute spes meas omnes defixerim, nullius alterius
iudicium magnoperè reformidem.

Et quanquam non defuturos quosdam suspicor
(ut sunt nonnulli huius ætatis homines morosi
nimium & difficiles) qui mihi, nescio quod te-
meritatis & imprudentiæ crimen infligent, ta-
men & aliorum exemplis me cōsolabor, & tem-
pora magis amica virtuti sperabo, nec me fæli-
tem minus si probris onerarint, quam si laudibus
ornarint, existimabo.

Alterum est genus hominum eruditissimorum
atque in bonarum literarum disciplinis assidue
versantium, quibus ego magnoperè cupio studium

&

Et industriam probari meā. Hiji forte in scriptis nostris pauca admodum (imò potius nulla) deprehenderint, quæ sitim illam suam rerū præclarissimarum inexplebilem restinguant, sic habeant cupisse me optima, præstitisse mediocria, polliceri vberiora. Dent igitur tenuitati Et inopia veniam meā, sciantque hæc quæ nos hijs libellulis aridè sanè Et ieiunè complexi sumus, non ex Academicorum fontibus, sed ex industria nostra riuulis profluxisse. Neque porro à me præreptam cuiquam, sed potius omnibus præbita scribendi ansam existiment, si qui forte post hæc, aut per se meliora indagauerint, aut accepta ab alijs perfectius ædiderint: cùm nihil interim mihi magis unquam in votis exstiterit, quàm ut quæ inter scribendum, vel per incuriam omissa, vel per inscitiam incognita exciderint, ea à peritiorè tandem artifice plenius pertractentur. Tu autè Præsul dignissime, fauoris tui radios in hos teneros ingenij mei foetus transfundere digneris, eosq; patiari tui nominis amplitudine illustrari. Quæ sint ibecilles, quæ tenues, quæ nullarū viriū vides,

vides, sine sanguine, sine succo, nullis neque re-
ligata ossibus, neque nervis astricta. Lucem me-
diusfidius perferre non poterunt, si non admi-
rabilis tua bonitas illorum cœcitati clementiæ
tuæ lumen prætulit. Nihil erit mihi vel ad
opem firmitus, vel ad desiderium optabilius, vel
ad nominis mei existimationem accumulati-
us, quàm si tu mihi præsidio contra importuni-
simos maleuolorum hominum impetus fuisse videbe-
re. Qua quidem in re quantum poteris non sum
certè nescius (potes enim quantum vis) ut au-
tem velis quantum potes, es mihi per illam tu-
am incredibilem qua vincis penè omnes huma-
nitatem vehementius obsecrandus. Nihil ha-
bet fortuna tua maius quàm ut possis, nec natura
tua melius quàm ut velis, subsidio esse quàm plu-
rimis. Perge itaq; quod facis (præsul amplissi-
me) fauere bonis, odisse improbos, virtutem ex-
tollere, oppressis opitulari, eruditos tueri, præmijs
amplificare, consilio, auxilio, misericordia suble-
uare. Nihil mihi crede magnificentius, nihil
præclariùs, nihil admirabiliùs, nihil neq; naturæ,
neque

que moribus tuis omni elegantia & suauitate
perpolitia accommodatiùs. Hæ sunt veræ virtutes,
dignæ summo viro, dignæ Pontifice, te verò vi-
ro optimo & Pontifice amplissimo dignissimæ.
Verumtamen non committam ut qui ad hanc
scribendam epistolam ut tibi labores hos dicarẽ
meos initio me contuli, nunc te hominem om-
nium sapientissimum, ad eas vitæ rationes horter
& excitem quas ab ineunte ætate perpetuò com-
plexus es, ne aut infolens viderer si prudentissi-
mum, aut impudens, si præstantissimum, aut
meæ conditionis oblitus, si illustrissimum ad-
monere coner. Itaque finem scribendi faciam:
illud tamen prius profitebor, quamuis ubiq̃ gen-
tium existant multi, quos singularis tua boni-
tas liberalitate non leuiter consperserit sua, sed
planè obruerit: mortalem tamen viuere neminem
qui plus se tibi debere existimet quàm ego debeã,
neminem qui id libentius præ se ferat & agnos-
cat, neminem deniq̃, qui si quando opus fuerit,
tenuissimas vitæ suæ facultates pro dignitate tua
alacriùs profuderit. Cuius voluntatis, ac officij
B. serui-

*seruitutem mei quo testator omnibus esse posset,
tibi posterisq; tuis harum literarum testimonio
sempiterno astringi.*

*Christus optimus maximus amplitudinem tuam
nobis & christiana Reipublica (cum sum-
ma semper dignitatis amplificatione)
quàm diutissimè sospitem seruet,
& incolumem.*

Amplitudini tua humilimus,

Alexander Neuillus.



ALEXANDRI NEVILLI

de Furonibus Norfolciensium Ketto Duce.

LIBER VNVS.



PTAREM

equidem, vt hæc populares tempestates, & seditionum procellæ, quibus patria nostra (tēpore Edouardi regis sexti) fordidissimorum hominū scelere & perfidia per-

culsa & afflicta fuit, aut nunq̃ contigissent, aut (si fieri posset) illarum memoria penitus ex omnium mentibus exscinderetur. Sed quoniam præterita mutari nō possunt, & hæc macula proditiōis à perniciosissimis ciuibz patriæ nostræ impressa, altus insedit in populi Norfolciēsis nomine, ad memoriam sceleris

B.ij. sempit.

sempiternam infixā, quā vt penitus deleri,
aut prorsus extirpari queat: faciliē patior ob-
latam mihi hanc huius historiolæ conscriben-
dæ facultatē, vt omnes intelligant quibus ini-
tijs hij tanti tumultus excitati sint, ac qua tan-
dem virtute compressi: penitusq; perspiciant
vulnera illa, ac seditionū scelera patriæ nostræ
non à bonis viris & fortibus inflicta, sed à de-
speratorum hominū flagitiosissimis gregibus
inuista fuisse. Illud certē apud omnes constat,
incredibilē ex istiusmodi rerū cognitione uti-
litatem ad posteros dimanare: magnosq; pro-
culdubio fructus cōsequentur homines boni,
si ad hæc exemplorum documēta acriter ani-
mos intenderint: & ex ijs ipsimet sibi salubrē
ac frugiferam vitæ disciplinā instituerint. Cō-
traq; impij ac turbulēti ciues, si qui fortē sunt
huiuscemodi (quales esse in hoc regno vel nul-
los, vel non ita multos cōfido) ex aliorum ca-
lamitatibus sapere sibi condiscāt: aut saltē si id
facere nequeāt (nequeunt autem quia nolūt)
horū miserabiles exitus contuentes, perhor-
rescant.



NNO Christianæ salutis
millesimo, quingentesimo,
quadragesimo nono, cum ad
regē Edouardum, eius no-
minis sextum, nonnulli graui-
ter conquesti essent, agros
publicos intercipi, & à priuatis quibusdā ho-
minibus circumscripi: eius rei cura auctori-
tate regia hominibus grauissimis ac integer-
rimis delata est, quæstioq; constituta, iussiq;
vt primo quoq; tempore de istiusmodi quæ-
relis anquireret: & de tota re quàm fieri pos-
set maturè, cognoscerent atque deliberarent.
Quod cum exisset in vulgus, palamq; fieret,
uarij; rumores dissiparentur, ac inter cætera
Cantianos fossas complexisse, & agros (quon-
dam publicos) scrobibus ac sepiū munimētis
interclusos aperuisse, id quia similiter in pro-
uincia Norfolcensi factum non esset, de ple-
be homines quidam tenues ac seditiosi, apertè
fremere ac indignari cœperunt. Exin im-
mani se scelere ac nequitia constrinxerunt, vt

B. iij.

ipsi

ipfi contra quàm fas eſſet, acq; iniuſſu regis idē
facere conarētur, quod in Cantio factitatum
eſſe audierant: cupiētes (vixitus docuit) non
tam agros publicos iniuria quorūdam circū-
ſeptos patefacere, quàm nefariam, nefarijs ſē-
ſibus incluſam, omnia pereundi perdendiq;
libidinem in rem publicam profundere. Ex
quo ſbellum patriæ pernicioſum, & ſibi-
met ipsis exitiale conſlarunt. Nam cū fama
iſtius nefandæ ſocietatis multorum ſermone
percrebuiſſet, paſſim clandestina cōcilia iniri
cōcepta, multiq; multis in locis, obſcuri & ig-
nobiles viri ſuam Fortunam conqueri, ac in
generoſorum atq; nobilium potentiam in-
»temperantiſſe inuehi cōcepērunt. Enimvero
»intollerandam iam procerum potentiam vi-
»deri, ſuam verò cōditionem miſerimam. Hos
»affluere delitijs & omni rerū copia circum-
»fundi, languidiſque liquefacti voluptatibus a-
»uaritia duntaxat ardenti, & flagrantiffimis
»cupiditatum facibus inflammari, ſe labore &
»vigilia penē enectos, nihil aliud in omni æ-
tate

tate facere, nisi sudare, algere, esurire, sitire. “
 Quæ quidem quamuis misera sint & indigna “
 (sunt autem proculdubio indignissima) ferri “
 tamen posse, si non hijs effervescentibus mala- “
 rum delectationum fretis immerfi, aliorum ino- “
 piam calamitatemque insolenti nimis fastidio “
 insectarentur. Nunc verò se suamque fortunam “
 hominibus superbissimis, omniq; mollitia & “
 otio defluentibus ludibrio esse, eam rem (sicu- “
 ti debet) tantum menti dolorem inurere, tan- “
 tamque famæ turpitudinem infligere, nihil ut sibi “
 nec ad commemorandum acerbius esse possit, “
 nec ad tollerandum iniquius. Illam verò agri “
 possidendi conditionem miserabilem ac planè “
 servilem videri, ad procerum libidinem tene- “
 re se omnia, non liberè, sed ex præscripto & “
 tanquam ad domini voluntatem ac nutum: “
 continuo simulac quisquam aliquem ex pur- “
 puratis istis offenderit, fortunis omnibus exui, “
 priuari, deturbari. Quousque tantam dominandi “
 libidinem inultam sinerent. Iamque eò deuenisse “
 illos crudelitatis & avaritiæ, ut non contenti sint “
 omnia

„ omnia rapere, spoliare, & per vim ac scelus
 „ adipisci, quæ in luxu muliebresq; delicias pro-
 „ fundant: nisi etiã sanguinem penè ipsum, me-
 „ dullãq; ex venis & ossibus exfluxerint. Agros
 „ publicos sibi ac suis subleuandis à maioribus
 „ relictos adimi, prædia quæ patrum memoria
 „ cõmunia essent, ea nunc fossis ac sepibus di-
 „ stingui, pascuis scrobes circumduci, omnes fi-
 „ bi aditus intercludi. Quicquid volucrũ coe-
 „ lum continet, quicquid piscium mare cõple-
 „ ctitur, quicquid frugum terra parit & fundit,
 „ hoc omne illos deuorare, consumere, absor-
 „ bere. Naturam non sufficere ad libidinem
 „ explendam, nouas quoq; artes excogitasse, &
 „ tanq̃ disciplinas voluptatum, condire, suffire,
 „ aromatibus circumfluere, suauia suauibus af-
 „ fundere, omnia deniq; vndique cupiditatum
 „ instrumenta, ac lenocinia libidinum conqui-
 „ rere: cum illi interim herbis ac radicibus
 „ vescantur, ac continuo labore tabescant.
 „ Enimvero quòd viuant, quòd spiritum
 „ ducant, quòd libero cœlo ac aère fruantur

indignari. Nō posse amplius tantam ac tam “
crudelem iniuriā perferre, nec æquo animo “
nobiliūm superbiam intueri: ruituros se po- “
tius in arma, & terrā coelo misturos, quā post- “
hac tā atrocita pateretur. Naturam vt illis, sibi “
quoq; prouidisse, corpus & animam dedisse, “
nū cætera inuidisse. Formā cū habeant ean- “
dem, & sortem nascendi cōmunem, cur ha- “
berent vitam dissimilem, & disparem fortu- “
nam? Videre se ad extrema ventum iam esse, “
velle quoque extrema experiri. Septa distur- “
bare, fossas complere, aditum ad publica vni- “
cuiq; patefacere, omnia deniq; quę illi nō mi- “
nus nefariē, quā auare crudeliterq; circum- “
sepsissent solo adæquare. Nec vtique pas- “
suros se amplius oneribus inuitos præmi, “
nec tantum dedecus admissuros, vt in his ma- “
his cōsenescentes, posteris miserā ac lugubrem “
Rempub, relinquunt, & multò quā à maio- “
ribus acceperāt peiorem. Quamobrem om- “
nia se tentaturos, neq; vnq̃ nisi rebus ad arbi- “
trium compositis quieturos. Cupere se liber-

C,

tatem

« tatem, & permixtam omnium rerum licen-
« tiam: hanc velle, alioquin huius tumultus e-
« undem qui vitæ finem futurum.

His irarum fluctibus & querelarum veluti
tempestatibus iactati, concitarunt se inuicem
perditi ac profligatissimi nebulones, pallsis que
velis ad ea scelera prouecti sunt, quibus & pe-
riculū patriæ, & sibi metipsis exitiū intulerūt.
Ac non ita multò post contigit, vt ludi ac spe-
tacula VVyndhamiæ celebrarentur, anti-
quitus ita instituta, vt biduò, duabusq; nocti-
bus perpetuis continuarentur. Ad quæ cū in-
gens omnium ordinum concursus fieret, pro-
ditores nequissimi in hoc solummodò intenti
erant, vt virus inuidiæ suæ in patriā euomerēt
loci tantum oportunitatem ac temporis exspe-
ctantes. Itaq; primū clandestini fiebāt coitus,
hominū huc & illuc discurrentiū, deindè se-
cessiones & occulta colloquia; ad extremum
verò tumultuari omnes & apertè insanire
coeperunt. Cūq; inaudissent, Robertū quen-
dam Kettiū, Coriariū, hominem ferum aca-
grestem,

greſtem, importunaq; audacia ac violētia ef-
frænata præditum, agri aliquantulum quod
aliquando publicum fuiſſet, circumcluſiſſe, ad
eum pleni furoris ac amentia cōuolauerunt,
illiquē quæ ab illis conſilia pacis perturbandæ
inita fuiſſent exponunt, ac vehementer ab illo
depoſcūt vt quicquid publici circumſepſiſſet,
protinūs reuulſiſſeptis, ac ſolo adæquatis, pa-
triae atque illis communi vtilitati conſulenti-
bus concederet.

Kettus, vt qui iſdem furorum flammis ar-
deret, quibus iſti conflagrauerunt, facile paſ-
ſus eſt ſeſe in ſocietatem tam execrandi faci-
noris aſciſci. Reſpondit omnia ſe facere para-
tum, præſtoque ſemper futurum non ad re-
primendam ſolū, ſed ad comprimendam
procerum potentiam: ſperare ſe breui eſſe-
cturum, vt ſicut illos ærumnæ, ſic iſtos ſuper-
biae pœniteat. Multa nefanda, quæ per hos
annos perpelli eſſent, oſtendit, multas iniuri-
as ac calamitates quibus affecti, afflictiq; fuiſ-
ſent: lubet macte virtute eſſe, potentiam hanc

C.ij. tantam

» tantam, tantam avaritiam, tantam ac tam in-
» auditam in omni genere crudelitatem, Deo
» hominibusq; omnibus inuisam ac execran-
» dam videri. Damna quæ Rebus publicis, a-
» grisq; communibus, ab importunissimis do-
» minis importarentur, ab illorum iniurijs se
» vindicaturum pollicetur, daturumque ope-
» ram, ut cui agro ille fossam circumdedit, id
» denuò sibi cum omnibus publicum ac com-
» mune fiat, illamq; sese primo quoq; tempore
» suis manibus completurum. Addidit ad ex-
» tremum, se commodis illorum nunquam de-
» futurum: habituros illum non comitem dū-
» taxat, sed Ducem, non tantæ rei gerendæ so-
» cium, sed signiferum, authorem, principem.
» Omnibus deniq; consilijs non interfuturum
» solum, verum etiam perpetuò præfuturum.

His illi despiciatissimi viri, ac omnium qui vn-
quam post homines natos exstiterunt turpissi-
mi, vocibus accensi: cum undique circum-
fusi & gratulabundi succlamassent, repente
velut agmine facto in agrum quædam Ketti
villulæ

villulæ VVyndamiae continentem & adiū-
ctum, omnis multitudo sese effudit, ibique
(sicut constituerāt) fossis terram obducunt.
Quod cū fecissent tanq̃ effrænes equi, ad
eam quam opinionis errore sibi confinxerāt
viuendi licentiam adhiimientes, partim au-
daciā ipsimet sua, & hoc inani rerum successu
confisi, partim Ducis adhortationibus, & cla-
moribus, tāquam facibus ardentibus inflam-
mati, incredibile dictu est, quantis iam furia-
rum flammis ad pacem perturbādā, & sta-
tūm Reipublicæ labefactandā exarserint.

Exindē Hethersetum profisciscūtur, (quod
oppidulum nō longē distat à VVyndamia)
atque illic in agrum Flowerdui cuiusdam
impetum faciunt, fossas complent, septa de-
turbāt, claustra refringunt. Ad hos tumultus
magna lis & altercatio orta est, cū Flower-
duus dolore & iracundia grauit̃ excande-
scens, Kettum acrius increpasset, illiq̃ crimini
daret, vtpotē qui hanc plebem indomitā &
rebellem conciuisset: subindē eum nefarium

virum, patriæ pestem, & fugitiuorū ducem appellans. Atq; ab hoc quidem Flowerduo (quoad licuit) illorū sceleri occursum est, retardatq; conatus: factumq; quantū potuit à fide inermi fieri, cōtra perfidiam instructam & armatam. Quibus illi dictis factisq; vehementius accensi, cū Ketto vociferabundi circumfusi, clamoribus, querelis, ac mutuis adhortationibus omnia complessent, tādē ab illo auxiliij fidem (qua se recens deuinxerat) implorant, & exposcunt. Ille vt qui omnem spē futuri sceleris, in maleficij præsētis euentu defixisset, non amplius sibi cunctandum ratus, bono vt sint animo hortatur, seq; libertatis authorem ac vindicem sequantur. Quæ esset illi à Repub. imposita persona non excidisse, salutē illorum nihil prius, nihil antiquius sibi fore, vtpotē pro qua opes ac vitam (res secundū illos charissimas) alacri mēte profusus sit.

Fama istius flagitiosissimæ vocis vndique omnes sceleratos ac perditos viros conciuuit, adeo

adeò vt repētè magni seruatorum ac fugitiuorum greges, in Kettiana castra confluerint. Quibus ille scelerū satellitibus, atque ministris stipatus, cū tā Hetherseti, q̄ VVyndhamiæ impressa flagitiorum suorum vestigia reliquisset, atq; omnibus penè locis quacunq; incederet, vastitatem intulisset, decimo die Iulij ad locum Etonensi syluæ vicinū perueniunt. Huic syluæ continentes & adiuncti sunt agri cōpascui ciuitatis Norwicēsis, quos multorum inopū ac pauperum boues depascuntur, illisq; publicitūs custos præficitur, cui vnaquaq; hebdomada singuli, singulos obolos dependere consueuerunt. Ad hos agros quod illis viua sepes & fossa prætēderetur, ne pecora palantes vsq; dilaberentur, ex infima plebe Norwicensi quidam, pridie quàm rebelles urbem versùs iter fecerunt, præcipiti rabie & amētia districti cōuolauerūt. Publica ea pascua esse (sicut erant) vociferantes, nec se ampliùs publica passuros scrobibus obuallari aut sepibus præmuniri. Adeò cōcō impetu à mente

mente & ratione auersi ferebantur, vt quæ maiorum prouida ac sagax industria in communem vtilitatem sepsisset, ea suis manibus ipsi rescindere conarentur. Vix dum in superiori parte agri scrobem demoliti sunt, cum permulti nefarii ac pestilentes viri, quorū auribus rumor auram aliquam istius perniciosissimæ conspirationis afflauisset, è ciuitate clā dilapsi, cum Kettianis militibus sese coniungunt. Qui id vt facerent, eò citiùs adducebātur, quod proditores isti nequissimi impuriſſimo scelere suo, salutem semper Reipub. necnō cōmunis vtilitatis curā prætexuissent.

Harum rerum nuntijs in ciuitatem celeriter perlatis, Prætor (Thomas Coddus is dicebatur) re noua trepidus, protinùs huic malo prospiciendū sibi putauit, elaborandumq; vt huius tumultus (si qua ratione confieri posset) primo quoq; tempore comprimerentur. Quam ob rem ex primoribus vrbis aliquot, ac patribus accitis, (Aldermanni ij dicuntur, & semper Prætori in concilio adsunt) ad hos motus

motus sedandos in Kettiana castra contendit. Ibi illos omnia nefanda patrans inuenit, atque in luxum & epulas effusos. Ac primum pecunia ac blandis pollicitationibus illos pellexit, ut incepto desisterent, & domum quisque suam decederet. Illi verò nihilominus sceleris instantes, quicquid erat uspiam clausi, aut muniti refringunt. Prætor cum omnia frustra tentasset, neque prece, aut pretio quicquam profici vidisset, quo mentes proditorum, à tanti sceleris diritate, ad cogitationem pacis auerterentur: confestim in ciuitatem reuertitur. A cuius discessu seditiosi rati id quod erat, quodque ex rumusculis quorundam hominum qui ad illos ex vrbe profugerant, subodorari coeperunt: si diutius distracti ac populabundi vagarentur, protinus illorum consilijs nullo negotio occurrere, & obsistere posse, huic rei preuertendum existimantes, tutissimum ad id sibi visum est, ut execrandæ suæ societatis assemblée unum in locum contraherentur. Vnde ex templo ad syluam Etonensem perrexerunt,
D. quam

quam cum undique oculis perlustrassent, & castris ponendis minus idoneam ac commodam inuenissent, publico consensu decretum est, uti illinc primo quoque tempore Mousholdiam proficiscerentur, eumque locum potissimum deligerent, in quo scelerum suorum sedes, ac rapinarum latibula constituerentur.

Proinde cum hoc consilium omnibus arrisisset, iamque nox negotinantibus interuenisset, missi continuo ad Praetorem qui illi renuntiarent: Sibi esse in animo sine ullo maleficio iter per ciuitatem facere, & propterea quod via illa esset multo facilius & expeditius, rogare uti eius voluntate, id sibi facere liceat. Praetor ad haec: Inimico esse illos & hostili animo in Rempub. quapropter non daturum se illis per ciuitatem itineris faciendi facultatem. Deinde eos ut seditiosos, & omnia perturbare, ac confundere cupientes, asperimis verbis perstrinxit, & minantibus vocibus, ac ad terrorem undique instructis, a tanti sceleris immanitate deterret. Denique si furere pergant demuntiat breui

breui futurum, vt tam perditos conatus, horribiles exitus consequantur. Tantū verò abfuit vt ad hanc orationem illorū furor deferbuerit, vt multò quā venerint obftinatiorēs, & in proditiōis propofito obfirmatiores, à Prætore recefferint. Cæterum Kettiani hac fpe conatuque depulfi, noctem illam totam in Etonenfi fylua delituerunt.

Interea Prætor primoribus vr̄bis in cōciliū conuocatis, quamprimū ad illos de Repub. refert. Ibi diu multumq; deliberatū fuit, veluti ab his quorum animi in ancipites fententias diftraherentur. Nonnulli cenfent celeritate opus eſſe, protinùs, ac fine mora profligandos: deſperatione ac rabie furentes ſi non primo quoq; tempore reprimerentur, toti Pro- uinciæ exitium ac peſtem illaturos. Alij contrà ſentiunt, rem eſſe maximi diſcriminis, de liberationis verò ac conſilij ſummi. Hanc reſiſtendi celeritatem, vt forti ac magno animo profectam, ſic lubricā & præcipitem videri, nēpè cuius omnis laus in euentu defixa foret.

D.ij.

Eum

Eum autem vt semper ancipites, sic plerūque miserabiles exitus sortiri. Proin suadere se, urbem vti muniant, custodias, vigiliaq; intētiis instruant, oppidanos per muros, vrbisq; opportuna loca disponant. De cætero quoniam lege **DE VI ET ARMATIS HOMINIBVS**, cautū est, ne quę copie iniussu Regis contrahantur, nihil tentādum, sed eius voluntatem auctoritatēque expectandam arbitrari. Facile huic sententię inclinant omnium animi, vt quę è re nata optima visa sit, & ad quemuis fortunę impetum tutissima. Missique extemplò, qui maximis itineribus ad Regiam contenderent, ijs datæ literæ, in quibus omnia diligentissimè perscripta sunt: iussi que, vti festinatione quanta adhiberi posset maxima, ad Regios Consiliarios perferrentur.

Postridiē eius diei, (vndecimus is erat Iulij) coniurati, cū vt per urbem iter illis facere liceret, à Prætorē impetrari nō posset, omnis spe præcisa protinūs (id quod optimum factu

ctu videbatur) Pontem Heilesdonium trans-
ire decreuerunt. Quod cum commodè fieri
nō posset per pontis angustiam, quæ iter præ-
bebat per arduum ac difficile, & iumentis ac
vehiculis transducendis impeditissimū, ma-
gnam vim lignorum in flumen coniiciunt,
atque ita fasciculis & arborum truncis con-
gestis, viros, equosq;, atq; impedimenta om-
nia, trans amnem conuexere. Hunc in modū
fluvium transgressi, insequenti nocte Dray-
toniæ confederunt: proximo die Moushol-
diam versū cōtendunt, septis ac sepibus vn-
diq; reuulsis. Quinetiam Sacellum Corbetti
cuiusdam diruerunt, omnibusque locis stra-
gem ac ruinam miserabilem intulerunt.

In hunc perditissimū sceleratissimorū ho-
minum gregem, omnia delentem ac vastan-
tem, & quacūque insisterent præcipiti rabie
ac furore ruentem, fortè fortuna dum specu-
landi causa qua venerant incautiū progre-
deretur, inciderunt Rogerus VVoothofius,
vir ordinis equestris, & Apelyardij fratres:

D.iiij. hos

hos comprehendunt, secumque inuitos trahunt. Exin collem D. Leonardi vrbi Norwicensi ex aduersum cœpère : quo in loco Comes Surreius, præclaram exadificauerat & plenam dignitatis domum, cui infrà flumen publicum præterlabitur (quod medium inter ciuitatem & collem interfluit) habetque ex occidente & meridie syluam ac villulam Thorpenssem, ex oriente verò ac septentrione cōpascua Mousholdica, quæ amplius millia passuum sex in longitudinem ac latitudinem protenduntur. Hic illi furorum cubilia, ac quasi castra locarunt : & in syluosis illis latibulis canum instar delitescentes, omnia iura diuina & humana polluerunt. Quinetiam domum illam magnificentissimam homines impurissimi inuaserunt, atque omnibus in locis scelerum suorum impressa vestigia reliquerunt.

Iam verò quicquid vspiam est infimæ & abiectæ plebis confluxit; omnisq; sex & fentina populi Norfolciensis in hac se castra refudit,

fudit. Præterea magna multitudo Suffolci-
ensium, & hominum etiam in alijs locis, at-
que regionibus degentium, campanarum
tinnitu, & incendio specularum excita, con-
gregatur. Addunt etiam sceleri scelus: Nam
immanem hanc tantam nequitiam, & inau-
ditam omnia delēdi libidinem, specie fictæ ac
simulatæ sanctitatis adumbrant. Sacerdotem
adhibent: hunc rebus diuinis, ac votis quoti-
diè manè ac vesperi suscipiendis præficiūt. In-
super viros optimos, & quæ religionis ac do-
ctrinæ, quæ virtutis ac innocentiæ laudibus in-
signes, ad horum scelerum societatem adiū-
gere conantur. Inter quos fuerunt Robertus
Watsonus concionator, Thomas Coddus
Prætor ciuitatis, & Thomas Alderichius de
Aula Mangrenēsi, vir quoad vixit omnibus
charus atq; iucūdus. Hos tres quòd se tā nefa-
ria pactione, & perfidiæ fœdere deuincire re-
cusassēt, inuitissimos coēgerūt omnibus inter-
esse cōsilijs, & vnà cū Ketto seditionis archi-
tecto, cūctarū rerū administrationē suscipere.

Quod

Quod quidem accidit percommode, nam si quando contigisset, (contigit autem sapissimè) Kettum, aut ex conspirationis principibus aliquem (ut erant proni nimis ac precipites ad omne flagitium) consilio furibundæ ac vesanæ multitudinis incitatum, aliquid sceleris ac nequitiae machinari, quod tadem aut urbem, aut agros, & regionem vrbi vicinam afflixisset, horum perprudens & solers industria, istiusmodi pestiferos conatus sæpenu-merò repressit.

Quanquam Kettus ardens scelere, & agrestibus suorum instinctus furijs, solebat interdum mandatorum velut ex autoritate perscriptorum formulas emittere: quæ **KETTIANA DIPLOMATA** dicebantur: ad quæ nonnunquam intemperantissimus helluo, honestissimorum virorum nominibus abutebatur. Horum diplomatum exemplum subiunximus.

Nos Regis amici ac Delegati: pecoris & cuiusvis generis commeatus conquirendi, necnon

in

*in castra Mousholdica deferendi potestatem, omnibus concedimus, quocunque in loco deprehenderit, dummodò ne qua vis aut iniuria honesto ac pauperi cuipiam inferatur. Cunctis ex imperio denuntiantes, prout honori ac Maie-
 stati Regiæ, Rei^q publicæ afflictæ, prouisum & cōsultum volunt, nobis Delegatis, & his quorū nomina subsequuntur dicto audientes esse.*

ROBERTVS KETTVS.

Et tum ordine longo alij consequebantur: namque Delegatorum numerus erat ingens, quippè qui præter illos huius nefandæ societatis principes ex omnibus centurijs duos sibi viros asciiuissent. Erant autem cēturiæ viginti sex. Atque his & huiuscemodi diplomatibus permulti nobiles & optimi viri, quos vulgi furor ac rabies reos fecisset, comprehendebatur: multi ac si fontes essent Mousholdiā perducti, atq; illic in custodiam ac carcerem cōclusi. Prætereà valli ac sepimenta quibus agri publici circumscripti ac muniti erant, talium

E.

diplo-

diplomatum auctoritate reuellebantur, multique è locis multi citabantur, vt horum tumultuum socij ac participes exsisterent. Atq; hæc omnia fiebāt his tribus, Prætore, VVatsono, & Alderichio, non tacentibus solū & conuiuētibus, verumetiā ad speciem interdū consentientibus. Tempestati identidem obsequi coactis, quò patriæ tum fluitanti in alto, procellis seditionum atq; discordiarum subuenirent. Ne si nequicquam obsistendo aduersum infestūq; vulgus conciuissent: & ipsi met sibi præsens exitiū, & patrię lamētabilem conflassent interitū. Quę proculdubiò si tum palām reclamassent, (tanta fuit rabies, adeoq; effrænis) rapinis, incendijs, atq; omnibus publicis exitijs perculsa concidisset.

Interea ciuitas Norwicensis de hoc rerum statu sollicita, & tantis de tumultibus anxia & suspensa, incerta spe, & diuturna expectatione pendebat. Neq; adhuc à Regia Maiestate quicquam allatum fuit, nec quid illius Consiliarij fieri decreuissent intellectum: & ciues

ciues horum iniussu nihil audēdum rati, imperium Regis expectantes in vrbe manebāt.

Accidit autem eādem tēpestate, vt multis in locis multi obscuri & ignobiles viri in armis essent, tanquā communi sceleris consensione deuincti, ad Rempub. dilacerandam conspirassent. Etenim quāuis agrestiu furor multò magis ac atrociùs in prouincia Norfolciensi, quā alibi vspiā exarserat, tamen & eadem fatalis cuncta perturbādi lues per omnes penè regni partes diffusa, nō Norfolcienses duntaxat, verumetiam Buchingamienses, Oxonienses, Surreienses, Estsaxones, Cantianos, Cantebrigienes, multosq; insuper mortales iisdem tumultibus implicuit. Vndè adeò factū est, vt cū omnis consiliariorū cura & cogitatio in his tantis seditionū flāmis exstinguēdis consumeretur, (ne si incēdio protinùs nō subuenissēt tota Respub. deflagrasset,) tardiùs aliquantulū quā cupiebant ad hos Norfolcienses motus reprimendos accesserint.

Gliscit interim seditio, nec remittit ali-

E.ij.

quid,

quid, sed indies ingrauescit, ita vt sexdecim
pænè millia sordidissimorum hominum in
Kettiana castra cōuenerint. Atq; hi quidem
Ketto duce omni se præsidio munire cœpê-
runt. Multisq; è locis bellicos apparatus ac
instrumenta in castra conuexêrunt. Insuper
magnam vim pulueris bombardici, & tor-
mentorum cuiusuis generis numerum ingê-
tem. Ad quæ diripienda huc & illuc passim
discurrentes, multorū nobilium domos per-
uagati, eosq; depeculantes, quicquid peco-
ris in agris, aut pecunię in ædibus, aut frumē-
ti in horreis reperire possent, impiè nefarieq;
auferentes, (inspectantibus etiam dominis)
in castra deportarunt. Atqui quamplurimi,
cū hūc in modum cuncta vastassent, com-
pilassent, exinanissent, ac miserabilem vbicū-
que vestigia posuissent, rerum omnium stra-
gem ædidiissent, maxima prædæ parte auersa
& clāculum in speluncas retrusa, furtim quis-
que sibi, quantū rapinarum in latibulis coa-
ceruari potuit, congefferunt. Re comperta,

&

& ad Kettum & cæteros **GVERNA-
TORES**, (sic enim dici volebant) delata,
huic incōmodo primò quoquo tempore me-
deri cupientes, communi cōsensu decretum,
locum aliquem deligendum, in quo Iudicia
exercerētur. Quercus erat annosa, & patulis
diffusa ramis, hāc tignis atq; trabibus trāsuer-
sim iniectis contabulauerunt: ibiq; plerunq;
circūfusa plebe consistentes, de querelis & li-
tibus (si quæ fortè cuiq; intenderētur) prout
visum est, statuunt atq; decernunt: & nōn-
ulorum interdum solutā nimis ac efferuescen-
tem omnia rapiendi cupiditatem arctioribus
vinculis cōstringūt. Hanc **QVERCVM
REFORMATORIAM** nuncupa-
runt, in quam initio aditus nulli dabatur, præ-
terquam Ketto, & Gubernatoribus. Ex qui-
bus nonnulli, & inter hos Prætor ciuitatis vt
qui maximè, & Alderichius, & alij quos an-
teā diximus inuitissimos talem in numerum
ascriptos, omnibus modis quantum in se fuit
vehementer cōtenderunt, vt plebeculam in-

finam & ieiunam ab hac tā importuna prædandi licentia coercerent. Quem in finem idētidem Quercu conscensa, orationis gravitate perpulerunt, vt aliquem interdum, si non exitum, at saltem modum, tantis rapinis, ac tā effusæ in omni intemperantia violentiæ constituerent. Fuerunt item & alij grauissimi viri, & Theologi præstantissimi, qui omni opera, studio, ac diligētia cōnixi sunt, plebem tumultuantem, & (legum iam vinculis laxatā) in omne se scelus ingurgitantem, à rapinis & incendijs quibus omnia miscuerant, ad pacis cogitationem traducere. Atque hij quidem de die in templis concionando, de nocte verò armati intrā ciuitatem excubando, nihil prætermiserunt, quod esset aut cum officio sanctissimorum Theologorum, aut cōstantissimorum subditorū fide coniunctum. Insignis tū inter cæteros Doctoris MATTHÆI PARKERI prudentia, fides, & integritas fuit. Vir venerabilis, ac omni semper virtutis decore circumfluens. Ac tum
quidem

quidem professor sacrae Theologiae fuit, hodie verò (tempore illustrissimae Reginae Elizabethae) Cantuariensis sedis Archiepiscopus amplissimus. Huic cum esset in animo boni pastoris officio ac munere defungi, videretque omnia furorum ac flagitiorum flammis circumfusa, fecit id quod & prudenter decuit, & constantem oportuit. Nam & in sceleribus redarguendis fortem se praebuit & magnanimum, & in periculis cautè deuitandis, sagacem & industrium. Vnde & Deo, & regi praestitit quā debuit fidem: & sibi metipsum diligenter consulendo, adhibuit eam, quae à sapiente imprimis requiritur, prudentiam.

Euenit autem ut cum die quodam, vnà cum amicis quibusdam in Kettiana castra cōtenderet, Kettum & alios eius societatis affines, in Quercu stantes, & inter se de rebus varijs differentes inuenerit. Quo quidem tempore Prætoris Coddie egregia virtus enituit, audiebaturq; vox illius magnifica planè & viro forti dignissima.

Nam

finam & ieiunam ab hac tã importuna prædandi licentia coercerent. Quem in finem idētidem Quercu conscensa, orationis gravitate perpulerunt, vt aliquem interdum, si non exitum, at saltem modum, tantis rapinis, ac tã effusæ in omni intemperantia violentiæ constituerent. Fuerunt item & alij grauissimi viri, & Theologi præstantissimi, qui omni opera, studio, ac diligētia cōnixi sunt, plebem tumultuantem, & (legum iam vinculis laxatã) in omne se scelus ingurgitantem, à rapinis & incendijs quibus omnia miscuerant, ad pacis cogitationem traducere. Atque hij quidem de die in templis concionando, de nocte verò armati intrà ciuitatem excubando, nihil prætermiserunt, quod esset aut cum officio sanctissimorum Theologorum, aut cōstantissimorum subditorū fide coniunctum. Insignis tū inter cæteros Doctoris MATTHÆI PARKERI prudentia, fides, & integritas fuit. Vir venerabilis, ac omni semper virtutis decore circumfluens. Ac tum
quidem

quidem professor sacrae Theologiae fuit, hodie verò (tempore illustrissimae Reginae Elizabethae) Cantuariensis sedis Archiepiscopus amplissimus. Huic cum esset in animo boni pastoris officio ac munere defungi, videretque omnia furorum ac flagitiorum flammis circumfusa, fecit id quod & prudenter decuit, & constantem oportuit. Nam & in sceleribus redarguendis fortem se praebuit & magnanimum, & in periculis cautè deuitandis, sagacem & industrium. Vnde & Deo, & regi praestitit quā debuit fidem: & sibi metipsum diligenter consulendo, adhibuit eam, quae à sapiente imprimis requiritur, prudentiam.

Euenit autem ut cum die quodam, vnà cum amicis quibusdam in Kettiana castra cōtenderet, Kettum & alios eius societatis affines, in Quercu stantes, & inter se de rebus varijs differentes inuenerit. Quo quidem tempore Praetoris Coddi egregia virtus enituit, audiebaturq; vox illius magnifica planè & viro forti dignissima.

Nam

Nam cùm Kettus scelerum signifer illi cupidius instaret, vt traditis clauibus, omniq̃e potestate sibi permissa, semetipsum Prætura abdicaret: enimuerò Coddus ferociter respondisse dicitur, animam se potiùs daturum & ipsam è corpore vitam, quàm aut per scelus ciuitatem perfidiosissimè defereret, aut fidem ergà Regem per metum & ignauiam flagitiosissimè abijceret.

His vltro citroq̃e iactatis, inclinato iam in vesperum die, Matthæus videns miserã plebem vndique potu luxuq̃; demersam, ad temulentos & ebrios, quàm cibo potuq̃; onustos, quàm cœli solisq̃; ardore cōfectos, parùm profecturam orationem sanã ac sobriam existimans, eo die nihil sibi dicendum putauit. Quamobrem cuncta furorum ac tumultuū plena relinquens, in ciuitatem regressus, postridiè manè (dies is erat Veneris) cum fratre Thoma Parkero (qui postea Norwici Prætor fuit) in Kettiana castra reuertitur. Exin (mirabile dictu) omnes sub quercu orationi

ac precibus intentos inuenit, mediumq; inter illos Letaniam dicentem Thomam quendam templi D. Martini vicarium. Matthæus oblatam iam sibi dicendi facultatem conspiciatus, Quercum conscendit, ibique concionem habuit, prudentiæ, grauitatis, ac modestiæ plenissimam. Erat autem omnis illa oratio in tres potissimum distributa partes, quarum prima sapienter eos admonuit ne ijs quæ sui sustentandi causa in castra comportassent, dissipatis atq; consumptis, mundi fructus ac munera diuinitus concessa, per luxum ac nequitiam impurissimè profunderent. Tum ne priuatâs & occultas inimicitias persequentes, iracundia aut vlciscendi libidine intemperatius elati, manus cruore ciuili respergerent: nèue illos quos instar hostium haberent, custodia aut vinculis coërcerent: vitæmue cuiuspiam nefariè aut crudeliter adimeret. Extremum fuit, vti communi vtilitati consulentes, incepto desisterent, nec fecialibus aut internuntijs regijs fidem detraherent, sed debitum

F. Regiæ

Regiæ Maiestati honorem, etiam in tenerâ
& imbecilla ætate deferrent, quò ipsi postea
florescentibus annis firmata iam virtutis stir-
pe, & altis tanquam radicibus defixa, incre-
dibili cùm voluptate, tum lætitia perfrue-
rentur.

Hoc in loco cùm omnes dicendi nervos
contendisset, cunctique concionanti benignè
attentèq; audientes circumfunderentur, cla-
more cuiusdam sceleratissimi ac infimi ho-
“ minis obstrepi cœptum est. Quousque (in-
“ quit) hunc mercenarium doctorem perfere-
“ mus? qui à generosis prætio conductus huc
“ accessit, vocem adferens venialem, & linguâ
“ mercede constrictam. At nos illorum intol-
“ lerandæ potentiae frænos iniiciemus, illosque
“ tergiuerfantes & inuitos, legum nostrarum
“ laqueis implicatos tenebimus.

Tum verò fremere plebs, ac apertè indi-
gnari cœpit: multiq; dicto huius furibun-
di ac vesani hominis incitati, asperrimis eum
verbis & minantibus insectantur. Auditaq;
voces

voces nonnullorū horribiles & infestæ, quæ etiam aures ipsius Matthæi perculerunt. Ac ex ijs quidam ferociter inclamarunt : Optimum esse vt quoniam tam bellè locutus esset tamque lepidis & verbis & sententijs orationem conspersisset suam, telis sagittisque confixus, descendere cogeretur. Enimvero tum viro optimo pavor iniectus, & ad hunc pauorem, insuper alterius mali suspecti & occulti terror adiunctus. Senferat enim sub pedibus hastarum cuspides ac spicula, magnoque in timore fuit, ne ab irata multitudine transfigeretur. Postea tamen nullam ab his tanti timoris causam existisse intellectum, quippè pænè omnes qui sub arbore constiterunt, Matthæum summo in honore habebant, eumque omni amore & beneuolentia complexi, aduentu illius mirificè lætabantur. Sperabant enim fore, vt illius oratione impulsæ ac mansuefacta plebs, aut languidior ad scelus & nequitiam facta penitus resipisceret, aut saltem

F.ij.

aliquid

aliquid de tanti furoris atrocitate remitteret: atque ita illi (qui omnes aderant inuitissimi) maiorem libertatem nansciscerētur. Vt cunq; fuit, ingens tum eum horror perstrinxit, magnoque in periculo constitutus videbatur, cū ecce tibi de repente Thomas ille (quo de antè diximus) templi D. Martini Vicarius, ascitis tribus aut quatuor Æditimis, *Te Deum* Anglico sermone musa solenni, & modorum interuallis, ad aurium voluptatem elegāter distinctis, cōcinere cœpit. Cuius illi cantus suauitate perfusi, (Musica enim insolentes erāt) crudeles & efferæ mentes insueta delectatione delinitæ, paulatim deferbuerunt.

Matthæus hanc oportunitatem nactus, nō exspectādum sibi putauit, dum aut hī canere desisissent, aut illi furere de integro cœpissent, atque ideò de Quercu descendens, cum fratre quā dabatur exitus castris excessit. Euntibus illis per collem D. Leonardi ad portas Pockthorpenfes, denuò inferunt se & alij eius societatis affleclæ, tumultuosissimis eum clamor-

clamoribus infectantes. Qui quidem multis de rebus secum expositulantes contenderunt, maximè verò de magno Sigillo quo concionandi potestas fuit illi permiffa. Videns itaq; Matthæus omnes contactos hoc scelere, velut inecta rabie ruentes, tantorum tumultuum pertæsus, ac patriæ malis ingemiscens, clàm quàm potuit elapsus, fratrem Thomam Parkerum post se reliquit, qui cum illis de rebus omnibus disceptaret: atq; ita sese illorum furori subtraxit. Postridiè eius diei ædem D. Clementis ingressus, è lectionum altera (quæ tum publicè in templo legebantur) denuò causam arripuit, ad dicendum aliquid de hijs perniciosissimis tumultibus, multis coniuratorum circumuolitantibus. Ac tum quidem nihil dixerūt, sed exitum illius de templo expectantes indignabundi circumfistūt. Egressum protinùs infecuti, intelligere se aiunt illū tres vel quatuor cantharos habere expeditos & habiles, qui Regi deseruiant, monent vt statim à prandio præstò sint, se illis confestim

vsuros. Matthæus aut nihil, aut pauca sariè respondit; sed Hyppatio celeriter accito, iussit vt alijs detractis soleis, vngulæ ad viuum refecarentur, alios verò calcantho viridi superinfuso obliniri, medicamentis delibutos, ac si nimio labore & cursu fatigati conficerentur. Seditiosi ita rem habere suspicati, ac postea illos dum veluti pastum ducerentur, hos pedibus fascijs deuinctos, illos calcantho perfusos cernentes, conquieuerunt. Matthæus non ita multò post veluti deambulandi causa portis egressus, ad duo millia passuum à ciuitate, præstò sibi ad pontem Crynkelfordensem equos inuenit. Quibus consensis, Cantebriam versùs contendit. In itinere verò quæ viderit, quæque audierit, quosque tumultuantium (quibus in via occursum est) furias ac scelera conspexerit, singula persequi laboris esset propemodùm infiniti. Veruntamen Dei benignitate omni hoc motu & populari concitatione defunctus, tantitandem periculi securus, Cantebriam incolumis

lumis peruenit.

Huius igitur amplissimi viri veluti diuinitus demissa vox & oratio, ad hunc modum ab hominibus despiciatissimis, & ab omni non solum salute, verumetiam spe derelictis, nequiter neglecta, & contempta fuit. Quam etsi tum furore & amentia cœci & præcipites, velut exitialem, ac tantis ac tam perditis vitæ rationibus inimicam & infestam aspernati sint & respuerint: postea tamen proculdubio ex calamitosissimis casibus qui consecuti sunt, diuinæ vindictæ horror omnium mentes perfudit. Nam cum (vt antea diximus) huius cœlestis orationis caput exstitisset, vt tanto improbitatis velut incendio in animis restincto, protinus resipiscerent, ne longius progressa prodicionis impietas, patriæ propediem funesta foret & horribilis, & sibi metipsis ad extremum lugubris & exitiosa: enimuero omnia quæ à voce illa persapienti & verè diuina veluti fata populi Norfolciensis concinebantur, euenerunt: & ipsi à scelere ad scelus

scelus delapsi, iustas tandem ac debitas tanto furori poenas persoluerunt.

Interea verò seditiosi (quos antea diximus nobilium bonis ac fortunis inhiantes, omnia furtorum ac rapinarum scelere refudisse) exsaturati iam spolijs, à prædâdi libidine ad vim crudelitatemq; conuersi, per omnem regionem Norfolciensem terrorem & periculum cunctis qui non ab illis stetissent denunciante incedunt. Iamq; nobilibus vndique quâquâ versùs flagitij se furor inclinasset cõprehensis, ac in castra perductis, tantus omnibus horror illatus est, vt cuncti domibus ac patrijs sedibus relictis, vestitu mutato, ne fortè in itinere ac fuga cõspecti cognoscerentur, in loca deuia demigrarint: & omnia ab illis extrema metuentes, in speluncarum latibula, ac syluas densissimas sese abstruserint. Multi etiam coacti sunt carris equisq; si haberet, suis vt, si non haberent, aliundè cõquirere. Hisq; imperatum, vt laborem & sumptum de suo impendentes, frumentum commeatumque
in

in castra Mousholdica deueherent. Quibus quidem (nisi protinùs parùissent) ab agris & ædibus vastitas, à liberis & vxoribus vis denuntiata est. Prætereà quoscunque nobiles ac generosos comprehendissent, (comprenderant autem quàm plurimos) eos arctissimis vinculis astringunt, ac si semetipsis in omni scelere nequiores exstitissent. Multiq; Norwicum in custodiam traditi, atq; ex his nonnulli in Prætorium, (vulgò Aulam Gildensem appellant) alij in carcerem publicum, quidam in ædes Comitum Surræi, instar furum conclusi. Huc accedit quòd si quando rei pecuniarię inopia premerentur, (premebantur autem sæpissimè) ex publico ærario semper huic difficultati subueniendę necessitas, Prætori crudeliter imposita fuit. Quorum importunissimis efflagitationibus si tum Prætor restitisset, enimuero ærario exhausto & incenso, omnium fortunis miseranda lues, & pernicies accessisset. Et quidem sæpenumero eius compilandi nefaria ab istis consilia inita

G. sunt,

sunt, remque sine dubio transegiissent, si non
Prætoris sedulitate ac diligentia, semper hac
de spe conatuque depulsi fuissent. Nihilomi-
nùs tormēta multa & apparatus bellici quic-
quid comparari potuit, (metuentes videlicet
ne quando quid aduersi contingeret) è ciui-
tate in castra transtulerunt. Cunctisque ciui-
bus indictum vt primo quoq; tempore præ-
stò sint, qui se (si opus sit) tueantur atque de-
fendant. Regios se amicos vociferantes, &
iniurijs diuexatos, legum ac Maiestatis Re-
giæ tutelam defensionemque suscepisse. Nec
hoc contenti, Regis etiam nomine ad scelus
& nequitiam abusi sunt. Diplomata quedam
erant Regia, in quibus quorundam Nobili-
um nomina perscribebantur, hisque potestas
delata fuit à Rege, iussiq; labēti Reipub. pro-
spicere, videreq; vti his motus primo quoquo
tempore compescerentur. Hæc nacti, nobiliū
nominibus deletis atq; inductis, sua nomina
inscribi fecerunt, Regisq; sigillis auulsis, &
ad sua commentitia diplomata affixis, ijsq; in
publico

publico propositis, plebem imperitam, tantæque fraudis insciam deceperunt.

Iamq; eò sceleris ac dementiæ deuenerunt, vt nec à Gubernatoribus, nec à Ketto quidem ipso, seditionis Architecto & principe, tanti tumultus furor ac impetus retardari potuerit. Præterea non solum ij qui tantorum scelerum societatem cum illis coire recusassent, hostes iudicati, sed & multi boni ciues qui cum liberis & vxoribus conseruandi sui causa, ex vrbe profugissent hostium loco habiti. Qui quidem tanti periculi terrore tectis expulsi, cum nullo loco diutius consistere auderent, per multitudinis efferatæ vim ac rabiem, dispersi, dissipatique huc & illuc vagabantur. Multisque lamentationibus ac lachrymis illorum temporum iniquitatem deflentes, conditionem patriæ miserrimam deploraauerunt. Vrbi etiam incendium atque deflagrationem minitabantur, adeò vt ij qui in ciuitate remanserant, nihil aliud nisi

G.ij. rerum

rerum omnium labem atque ruinam exspectauerint. Castrorum verò horribilis ac miseranda facies. Nam cum in illa magna multitudo vndique ex Anglia perditorum hominum latronumq; conuenisset, quos spes prædandi, otijque cupido ab agricultura quotidianoque labore auocauisset, tanta fuerunt flagitiorum monstra quæ conceperunt, tantæq; in omni genere nequitiae ac libidines, vt eas quodammodo horreat ac reformidet oratio.

Illud certè constat, sicut omnium agris ac ædibus vndiq; vastitatem & solitudinem infandam intulerunt, sic quæcunq; in castra deuecta sunt, lustris & helluationibus nequissimis celeriter consumserunt. Adeo vt incredibile penè videatur, ac portentisimile, quoniam modo illa, tam multa, tam exiguo temporis spatio deuorauerint. Nam præter cygnorum, anserum, gallinarum, anatum, & volucrum cuiusuis generis numerum infinitum, ad tria millia bouum & ouium viginti diebus paucis in castris luxuriosissimè absumta sunt.

Insuper

Insuper viuariorum vallis ac sepimentis (in quibus bestiolæ delectationis causa concluduntur) perruptis atque refractis : quicquid vspiam damarum conspici aut comprehendi potuit, crudelissimè confecerunt. Nihil erat clausum libidini, nō ratio futuri temporis adhibita, non ijs quæ postea acciderunt malis prouisum, nulli sceleribus ac nequitie termini defixi, sed miserandum in modum dissipata omnia & exhausta fuere. Tantæque ouium passim cædes, reliquiꝫ pecoris trucidationes factæ dicuntur, vt veruex drachma publicè veni erit, capitibus atq; extis, velut escis contemptissimis fastiditis atque reiectis, propterea quod nullus inuentus fuit, qui illis in tanta delicatioris cibi copia vesceretur. Quid hic nemorum vastationes, ac sylvarum strages commemorem? quibus radicitus penè extirpatis atque defectis, omnem eam materiam quæ erat cæsa, aut incendunt, aut (quod multo foediùs fuit) in scelerum suorum sedibus ac latibulis exstruendis infumunt. Addi-

tur ad hanc tam ratiōcem licentiam, (talium
plebūq; factorū semper comes) crudelitas;
Homīnibus honestissimis ac integerrimis, a
fidelissimis belluis, omniq; diritate teterrimis,
catenā infecta sunt, multiq; manica cōpe-
desque impacta, quibus bini pariter reuincti,
acerbissimum illum quasi carceris cruciatum
ac carnificinam diutissimē pertulerunt.

Custodes etiam ad omnes portas & vrbis
introitus dispositi, ne qui fortē elaberentur,
in siq; vicorū submagistri vti viderēt ne quis
vrbe excederet. Magniq; agrestium ac rusti-
canorū hominum greges coacti, quibus prae-
stitutumq; certis in locis vigiliis & excubias
agerent. Illi à vicorū submagistris (vulgo
Constabularij dicuntur) omnia ad libidinem
& luxum suppeditabantur, adeo vt tantis, ac
tam profusis sumtibus multi honesti viri, re
familiari valde comminuti, funditis conci-
derint. Odium autem quod inclusum in a-
nimo, in omnes conceperunt, id crudelissimē
in eos quos cōprehenderant, expromserunt.

VVharto-

VVhartonus erat quidam, (magno vir
præditus animo, sed minimè populari:) hunc
dum in Ciuitatē ad carcerem & vincula du-
ceretur, ingens seditioforum caterua circum-
sepsit atq; muniuit, destinata videlicet quæ ei
presidio foret, ne fortè in itinere à vesana mul-
titudine violaretur. Sed nec VVhartonum
sua probitas & fides, nec seditioforum diligēs
custodia satis tutata est, parumq; absuit quin
interficeretur, multiq; mortem illi & inte-
ritum intentarunt, corpusque illius plurimis
in locis hastilibus & spiculorum cuspidibus
perstrinxerunt.

Accidit autem vt eodem penè tempore quo
hæc fiebant, contendētib; illis ad urbem,
Moultonumq; quendam instar captiui tra-
hentibus, (cuius odio deflagrarunt immāni
quòd esset vaferrimo semper, venaliquè vir
ingenio (erat enim leguleius:) nec non sicuti
opinio fuit diris votis, ac horrendis supersti-
tionum portentis, inferorum manes elicere
consueffet) dum itaq; (vti supra dictum est)

Moulto.

Moultonum hunc mulierculæ cuiusdam indicio, in sylvis paulò antè repertū, atq; ex verbis & dumetis, in quæ se melioris inops consilij recens abstruserat extractum, omnibusque oneratum probris & contumelijs secum pertrahunt, cœlum non sine ingenti audientium stupore, horribili tonitru contremuit, maximique imbres grandine permisti defluerunt, terræque repens labefacta est, vtpotè quæ non longè à Quercu (quam Reformatoriam appellarunt) in immensam altitudinem defecit. Cæterum tantum abfuit, vt ad hæc veluti diuina prodigia expauescerent, vt iam perindè ac si cœlesti voce incitarentur, ardentiores ad omne nefas, & multò quàm antea fuerat inflammatiores exstiterint.

Neq; porro minori tempestate conflictatæ sunt nobilium mentes, quos agrestes sæuitia insigni, atq; feritate detestabili furentes, catēnis iniquissimè constrinxerant: qui omnes aut mortem quotidie pertimescebāt, aut ipsa morte diriora tormenta, & quæcunq; ab impurif-

purissimis latronibus cogitari potuerunt terrima. Etenim nonnulli ac si quid nefandi sceleris admisissent, in desperatorum hominū coetum, tanquam ad iudicium vocati, ac prò Quercu constituti, veluti è vinculis causam dicere cogeantur. Cumque ab imperita & agresti multitudine quæsitum fuisset, quid de illis fieri decreuisset: vno veluti ore ab omnibus cōclamatū est, SVSPENDEANTVR, SVSPENDEANTVR. Denuò sciscitantibus illis, cur hac tam truci voce vterentur in ignotos præsertim, & nullius noxæ aut criminis conscios, ferociter responsum est: vsurpari illam vocem ab alijs, & ideò se vicissim eadem vsuros. Neq; præterea quod dicerent habebant: quanquam alij hanc huius crudelissimi clamoris rationem adferebāt, Generosos eos esse, & ideò de medio tollēdos, scire enim se, quòd si quando illi victoria potirentur, omnes sibi sint cruciatus, acerbitatesque perferendæ. Proin præstare vt his quos iam in potestate haberent, vita priuatis,

H.

uatis,

uatis ~~ipſi~~, ipſi demùm otio ac ſecuritate perfruantur, quàm illis uſuram vel vnius horulæ ad viuendum largiri, à quibus poſtmodũ veluti pecora trucidarẽtur. Adeo inuiſum iam nobilium nomen erat & exoſum, vt furore penè pluſquàm hoſtili flagrantes, in fine ſortis homines, non nobiles tantùm, ſed ipſam etiam (ſi fieri poſſet) Nobilitatis ſtirpem dele-
re funditùs & exſcindere concupierint.

Hunc igitur in modum cùm omnis propè Regio Norfolciensis huius funeſtiſſimi tumultus tempeſtate percuſſa & afflicta fuiſſet, ac iam viginti ferè à primo dies elapſi interfluxiſſent, nihilque interim vbiq; fieret, niſi vaſtationes, incendia, rapinæ, omniaque non modò miſeranda viſu, verum etiam auditu horrenda: tantus omnibus bonis, ac præcipuè ciuitati Norwiciensi dolor iniuſtus eſt, vt ad hunc patriæ tam lugubrem aſpectum aſiduo pænè mœrore ac lachrymis contabuerint. Reſiſtere autem huic tantæ improbitati, per illam quæ
iam

iam vndique in castra conuenerat perditorum hominum multitudinem nequibant, & (quod caput erat) arma sumere iniussu Regis, lege, vt antè diximus, prohibebantur. A cuius consiliarijs quoniam nihil adhuc perlatum fuit, vrbi perniciem & deflagrationem quotidie metuentes, abscissa propemodum omni salutis spe, omnisque consilij inopes, intra muros permanserunt.

Erat autem tum fortè Londini Leonardus quidam Sothertonus, ciuis Norfolciensis, qui illinc velut è flamma, & communi incendio vitæ conseruandę causa profugit. Hūc Regij Consiliarij ad se accersunt, & de illo omnia seditiosorum consilia sciscitantur & exquirunt. Sothertonus quæ sciret, enunciat: ingentem nefariorum colluuiem confluisse, ab his omnibus locis calamitatē ac pestem inferri, numerum indies augeri, nihil sceleris fingi aut excogitari posse, quod non conceperint, homines optimos cōprehenso,

« ac in vincula ductos, domos direptas, agros
« vastatos, sylvas incensas & prostratas, pecus
« omne trucidatum, præ rabie ac furore nihil
« vspiam intactum inuiolatume relictum, sed
« populari petulantia cuncta confundi: vrbi
« etiam nisi celeriter cōsultum & prouisum sit
« interitum & ruinam impendere. Sperare se
« tamen, atq; etiam inaudisse, permultos esse in
« illis castris ac scelerum speluncis, qui propo-
« sita sibi apud Regem veniæ ac impunitatis
« spe, arma abiecturi sint, & Maiestatis Regiæ
« clementiam amplexuri. Obsecrare ergo, &
« vehementer ac demississimè contendere, vt
« publico edicto Rex fidem astringat regiam,
« fore omnibus impunè, qui ab illis castris di-
« scesserint, posse ita facilimè hos coetus dissi-
« pari. Comprobato consilio, ex Regis autho-
« ritate & sententia statuunt atq; decernunt.
« Maiestati Regiæ placere, ægrotæ atq; affli-
« ctæ Reipublicæ, primo quoque tempore me-
« dicinam adhibere, quò à periculosissimis illis
« motibus, & seditionum malis, quibus eam
perfidia

perfidia pestis intulisset expiata, conuale-
 sceret. Verū tamen omnia experiri velle, pri-
 usquā id quod in illa contactum esset atque
 pestiferum (ne reliquo corpori noceret) am-
 putaretur. Proin decreuisse: poenas iamdiu
 improbitati, nequitia, sceleri, ac libidini debi-
 tas tantisper differri, spem salutis cunctis si in-
 cœpto absisteret, denuntiari, fidem Regiam
 interponi, omnem seueritatis metum præci-
 di, dummodò possint clementia & mansue-
 tudine ad pacem sanitatemque perducī. His
 igitur hunc in modum deliberatis atque sta-
 tutis, hoc solummodò restabat, vt hæc Maie-
 stas Regiæ misericors clementia plebi è ve-
 stigio proponeretur. Feialis ad id missus,
 (qui eodem Leonardo Sothertono Comite
 ad celeritatem adhibito) magnis itineribus
 Norwicum contendit. Illinc in castra conti-
 nuò progressi, caduceator propter Quer-
 cum stans fecialibus indutus insignibus, clara
 voce ita vt omnes, qui vndique circumfun-
 debantur, loquentem exaudierint. Audite

H. iij. (inquit)

« (inquit) audi tu scelerũ signifer Kette, & vos
« omnes quotquot adestis, audite.
« Etsi mos maiorum, & huius imperij digni-
« tas, & nominis Regij Maiestas postulare vi-
« deatur, vt vos qui nefaria in patriam arma
« sumistis, & in apertam coniurationem ac
« latrocinium vosmetipsos coniecistis, hostium
« instar ferro ignique profligati, debitas sce-
« rum quæ concepistis pœnas sustineatis: ta-
« men Maiestatis Regiæ tanta mansuetudo est
« atque clementia, vt quos ad pœnam & sup-
« plicium sceleris atrocitas deposcat, eos tamen
« pro singulari & incredibili benignitate con-
« seruatos velit & incolumes. Proin iubet vt
« protinũs omnes arma deponatis, castra hæc
« & furorum cubilia relinquatis, domum de-
« cedatis, errori si id feceritis veniam largiri, ac
« omnium quæ suscepistis flagitiorũ impuni-
« tatem. Sin autem in sententia, & perfidię pro-
« posito permanseritis, se cuncta maleficia &
« scelera quæ patraistis, acerrimè, vt par est, ac
« omni supplicio vindicaturum, nec pas-
surum

furum hæc quæ refecanda sunt & sanari non
poterunt, longiùs ad perniciem totius Regni
dimanare.

Hoc cùm magna (vt antè dictum est) voce
promulgasset : ab omni pænè multitudine
conclamatum est, **REGIAM MAIE-
STATEM DEVS TVEATVR
INCOLVMEM.** Is clamor cùm idē-
tidem redintegraretur, multi in genua pro-
uoluti, hanc tantam & tam inauditam cle-
mentiam ac misericordiam laudibus ac la-
chrymis prosecuti sunt. Quam quidem om-
nes tum proculdubiò complexi fuissent, vt
potè quorum animi pudore ac metu sensim
infringi, ac remollescere cœperunt, si non sce-
lestissimæ nonnullorum voces, Ketti que ad-
hortationes perfidiosissimæ, eos à pacis co-
gitatione auersos, denuò ad sceleris consensi-
onem retraxissent. Ille asperè sanè & feroci-
ter respondit.

Consuesse Reges flagitiosis hominibus nō
innocentibus & integris veniam dilargiri.

Nihil

« Nihil se meritum, nec vllius sibi culpæ con-
« scium, proin eam vt inanem ac suis rationi-
« bus inutilem aspernari. Exin conuersus ad
« suos, rogat ne se deserant, nèue animo conci-
« dant, sed meminerint quo se fœdere obstrin-
« xerint: paratum se qui vitam (si opus sit) pro
« eorum salute profunderet.

Hæc vbi ravidè iracundèque dixisset: Fe-
cialis homini turpissimo, & tot perfidiæ no-
tis insigni, imminutæ Maiestatis crimen in-
fligit, eumque proditorem teterrimum, &
summi sceleris reum pronunciauit. Iussitque
deindè Ioannem Petibonium Prætoris ensi-
ferum, latroni profligatissimo actionem per-
duellionis intendere. Enimuerò tum tumul-
tuari coëptum est, vtrisque hinc atq; illinc, nō
minùs pertinaci, quàm pernicioso certamine
contédentibus. Fecialis videns iterum labare
plebis animos, (quos antea pacis denūciatio-
ne nō nihil emolliuerat) & Ketti verbis velut
furiarum stimulis instinctos, à salute quā pri-
us amplexuri videbantur, denuò ad scelus
nequi-

nequitiamque deuolui, castris excessit. Multique eum nihilominus mortales consecuti sunt, qui abiectis prioribus consilijs armisque depositis, Regis se fidei permiserunt. Hij omnes vnà cum Prætore & Thoma Alderichio in ciuitatem ingressi.

Prætor continuo portas obstrui iubet, præcipuè verò eam quæ Episcopalis seu Pontificia nuncupatur, quòd illac è vestigio (nisi celeriter huic consilio obuiam itum fuisset) seditiosi in oppidum irrupturi viderentur. Ad hæc omnes generosi quos antea diximus, à Kettianis in carcerem coniectos, leuati vinculis & è custodia emissi fuere, adhibitiq; in concilium, quæsitumque ab illis quâ potissimum hostium impetus retardari possent: rationesq; in ita vrbis defendendæ, ne perditorum introitu ac militari licentia omnia diriperentur. Placuit ad extremum ciuitatem quaquâ versùs muniri, portas murosq; asseruari, custodias vigiliasque disponi, itinera intercludi, quòd commeatus supportandi facultate

I. tate

« (inquit) audi tu scelerū signifer Kette, & vos
« omnes quotquot adestis, audite.
« Etsi mos maiorum, & huius imperij digni-
« tas, & nominis Regij Maiestas postulare vi-
« deatur, vt vos qui nefaria in patriam arma
« sumistis, & in apertam coniurationem ac
« latrocinium vosmetipsos coniecistis, hostium
« instar ferro ignique profligati, debitas scele-
« rum quæ concepistis poenas sustineatis: ta-
« men Maiestatis Regiæ tanta mansuetudo est
« atque clementia, vt quos ad poenam & sup-
« plicium sceleris atrocitas deposcat, eos tamen
« pro singulari & incredibili benignitate con-
« seruatos velit & incolumes. Proin iubet vt
« protinūs omnes arma deponatis, castra hæc
« & furorum cubilia relinquatis, domum de-
« cedatis, errori si id feceritis veniam largiri, ac
« omnium quæ suscepistis flagitiorū impuni-
« tatem. Sin autem in sentētia, & perfidię pro-
« posito permanseritis, se cuncta maleficia &
« scelera quæ patraſtis, acerrimē, vt par est, ac
« omni supplicio vindicaturum, nec pas-
furum

furum hæc quæ refecanda sunt & sanari non »
 poterunt, longius ad perniciem totius Regni »
 dimanare. »

Hoc cum magna (vt antè dictum est) voce
 promulgasset : ab omni pænè multitudine
 conclamatum est, REGIAM MAIE-
 STATEM DEVS TVEATVR
 INCOLVMEM. Is clamor cum idē-
 tidem redintegraretur, multi in genua pro-
 uoluti, hanc tantam & tam inauditam cle-
 mentiam ac misericordiam laudibus ac la-
 chrymis prosecuti sunt. Quam quidem om-
 nes tum proculdubiò complexi fuissent, vt-
 potè quorum animi pudore ac metu sensim
 infringi, ac remollescere cœperunt, si non scē-
 lestissimæ nonnullorum voces, Ketti que ad-
 hortationes perfidiosissimæ, eos à pacis co-
 gitatione auersos, denuò ad sceleris consensi-
 onem retraxissent. Ille asperè sanè & feroci-
 ter respondit.

Consuesse Reges flagitiosis hominibus nō »
 innocentibus & integris veniam dilargiri. »
 Nihil

« Nihil se meritum, nec vllius sibi culpæ con-
« scium, proin eam vt inanem ac suis rationi-
« bus inutilem aspernari. Exin conuersus ad
« suos, rogat ne se deserant, nèue animo conci-
« dant, sed meminerint quo se fœdere obstrin-
« xerint: paratum se qui vitam (si opus sit) pro
« eorum salute profunderet.

Hæc vbi rabidè iracundeque dixisset: Fe-
cialis homini turpissimo, & tot perfidiæ no-
tis insigni, imminutæ Maiestatis crimen in-
fligit, eumque proditorem teterrimum, &
summi sceleris reum pronunciauit. Iussitque
deindè Ioannem Petibonium Prætoris ensi-
ferum, latroni profligatissimo actionem per-
duellionis intendere. Enimuerò tum tumul-
tuari coeptum est, vtrisque hinc atq; illinc, nō
minùs pertinaci, quàm pernicioso certamine
contēdentibus. Fecialis videns iterum labare
plebis animos, (quos antea pacis denūciatio-
ne nō nihil emolliuerat) & Ketti verbis velut
furiarum stimulis instinctos, à salute quā pri-
us amplexuri videbantur, denuò ad scelus
nequi-

nequitiamque deuolui, castris excessit. Multique eum nihilominus mortales consecuti sunt, qui abiectis prioribus consilijs armisque depositis, Regis se fidei permiserunt. Hij omnes vnà cum Prætore & Thoma Alderichio in ciuitatem ingressi.

Prætor continuò portas obstrui iubet, præcipuè verò eam quæ Episcopalis seu Pontificia nuncupatur, quòd illàc è vestigio (nisi celeriter huic consilio obuiam itum fuisset) seditiosi in oppidum irrupturi viderentur. Ad hæc omnes generosi quos antea diximus, à Kettianis in carcerem coniectos, leuati vinculis & è custodia emissi fuere, adhibitiq; in concilium, quæsitumque ab illis quâ potissimum hostium impetus retardari possent: rationesq; in ita vrbis defendendæ, ne perditorum introitu ac militari licentia omnia diriperentur. Placuit ad extremum ciuitatem quaquâ versùs muniri, portas murosq; asseruari, custodias vigiliasque disponi, itinera intercludi, quò commeatus supportandi facul-

tate vndique incisa atq; prærepta, coniuratorum animi cibariorum inopia, & bellandi tedio perculsi languescerent.

His de rebus, dum remotis arbitris multa inter se (vt fit) deliberabundi ac consultantes egissent, trepidi à portis nuntij superueniunt, rem atrocem incidisse prædicantes. Multos esse ciuium qui se horum scelerum communione cōstrinxissent: ex his nonnullos è Kettianis militibus quamplurimos in urbem intromisisse. Cùm hoc tantum repētini periculi præter opinionem contigisset, & seditiosi in urbem ingressi, cuncta protinùs direpturi viderentur, isq; metus omnium animos perstringeret, à primoribus urbis facile impetratū est, vt generosi denuò in carcerem cōcluderētur. Ne fortè cōspectis ijs in ciuitate solutis, ac demptis, quæ recens iniecta fuere vinculis, seditiosorum animi furoris & irarum pleni, ad cædem & sanguinem irritarentur. Conuocati omnes atq; iterum in custodiam conclusi. Postea tamen intellectum
hostes

hostes vrbe qua venerant, egressos, in castra recessisse. Prætor ac primores hoc periculo defuncti, videntes cōiuratos, omniū iam fortunis vndiq; perniciē ac interitū machinari, totos se in ciuitatis cōseruandę cura defigunt. Quāobrem decē maioribus tormētis versūs hostes in fossa (quæ castello circūditur) directis, & ad vrbis defensionē (si qua vis ac impetus fieret) aptē dispositis, quibuscūq; in locis, ac potissimū in ijs quæ vetustate iam dilapsa corruerunt, custodias vigiliasq; constituunt. Quibus protinūs ibidem cōsistere iussis, vt si qui nocturnus hostiū terror incideret, continuo lapidibus, telisq; disiecti, vrbe portisque depellerētur: ceterę multitudini imperatū, vt ad quemuis euentū armata omnis in foro, & in trāsuersis viarū diuerticulis præstolaretur.

Et quoniā apparebat tormenta (quæ quidē prius diximus) in fossis & murorū ruinis defixa, nec hostibus multum obfutura, nec ciuib; quicquam ad defensionem opis allatura, idcirco Prætoris imperio ea omnia in planiciē

confestim deuecta sunt: ijsq; prata quæ inferiori vrbi parti subiacent, celeriter instructa. Noxq; ferè tota quæ infecuta est, crebris atq; infestis vtrinque tormentorum emissionibus absumta fuit.

Postero die coniurati vicissim cernentes, ex illo nocturno tumultu, plus vrbi terroris quàm cladis illatum (propterea quòd glandes quæ è bombardis emitterentur, ciuitatem transuolantes, damni nihil fecissent) tormētis quæ habebant omnibus è summo in planum deductis, ijsq; ad radices montis defixis, urbem quater de integro cœpère.

Verùm enimuero quòd non ita multò post totis castris cibariorum inopia premi cœptū est, quò commodiùs posset ex finitimis locis commeatus subuehi, inducias cum ciuibus pacisci decreuerunt. Iacobum quendā Guilielmum, & Radulphum Suttonum, homines impurissimos, ac de infima ciuium Norwicēsiū plebe postremos, huic muneri defungendo præfecerunt. Hij protinùs illinc cū indu-

induciarũ vexillo ad portas profecti, & per-
missu ciuium ad Prætorem & Senatũ intro-
ducti, demũ ita locuti traduntur.

Dux noster Kettus, eiufque commilitones, ”
ab hac ciuitate & à vobis Prætore, patribusq; ”
paucorum dierum pacem & inducias depo- ”
scunt. Quò sibi per vrbe[m] (sicuti nuper fieri ”
consuevit) detur commeatus supportandi fa- ”
cultas. Quam vtiq; nisi concesseritis, per vim ”
se in oppidum irrupturos, atque cuncta ferro ”
flammaque deleturos denunciant. Prætor ad ”
hæc respondit. ”

Proditores esse illos tēterrimos, perfidia &
omni inaudita nequitia coopertos. Nolle se ”
eorum iniquissimis postulationibus quicquā ”
deferre: nec si velit, licere quidem: præsertim ”
illis (hominibus qui vnquam post homines ”
natos exstiterunt) turpissimis. Tot illos, tanta ”
ac tam intolleranda facinora suscepisse, vt nō ”
solùm è ciuitate excludendi, verumetiam ex ”
finibus humanæ naturæ (si fieri posset) peni- ”
tùs exterminandi viderentur. Regiam ab illis ”

Maieſtatem imminutam, patriam vaſtatam,
“ Norwicensem penè omnem ciuitatem qua-
“ quà verſus depopulatam, ſibi poſteriſq; æter-
“ num ſcleris & perfidiæ dedecus inuſtū, per
“ vim ac nefas vexata, polluta, perturbata, diſ-
“ ſipata omnia: tamen vt in ciuitatem admittā-
“ tur rogare? vt ſint eo iure quo ciues? fructuū
“ ac munerum diuinorum participes? inopiā
“ demū vt ab his ſubueniatur deprecari? Quid?
“ non poenitere ſclerum quibus ſe obſtrinxif-
“ ſent? ne pudere quidem? Enimuero ſtatuerē
“ nō poſſe ſclerationē ſine ſint qui hæc patrarint,
“ an impudentiores qui iſtæc poſtularint. Spe-
“ rare verò ſe à Prætore, & eodē Prætore, quem
“ nuper carceris contumeliā perferre coëge-
“ runt, ab hac vrbe, quam funditū exciſam cu-
“ piunt, à populo Norwiceſi, cui vim ac belli
“ terrorem vndiq; intulerunt, annonam & cō-
“ meatum (veluti furoris pabulum) ſubmini-
“ ſtratum iri, cuius tandem dementiæ videri?
“ Eant ergo eant, & Ketto conſcleratorū fla-
“ gitioſiſſimo duci hæc renūtient. Ciues Nor-
wiceſes

wicenses Regiæ Maiestati, non patriæ prodi-
t ribus & belluis immanissimis obtempera-
turos. Se ne tanti quidem facere pericula &
terrores, quæ vrbi ab illis intenderentur. Ir-
rumpant, vastent, deleant, excindât, proster-
nant, depopulentur omnia, dūmodò vindicē
sciant & ultorem Deum, & tantorum tandē
conscientia scelerum perhorrescant. Daturus
enim proculdubiò eas propediē poenas, quas
ipsimet sibi furore & amentia contraxissent.

His in castra ad Kettū & comites celeriter
perlatis, impotēti ira odioq; (tanq̃ œstris) per-
citi, clamore truci ac infesto vociferantes de
colle decurrerūt. Cūq; propè ad portas per-
uenissēt, omni vi cōnixi sunt in urbē irrūpe-
re, sed telis sagittisq; repulsi, eo conatu destite-
rūt. Ac tum quidem quicquid erat tormēto-
rum, (quæ antea diximus in subiectos vrbi
cāpos delata) id omne à nostris in hostes effu-
sum: cæterum in magna tormentarij pulue-
ris inopia, & libratorum imperitia, parū
aut nihil sanè profectum. Verum ^{tamen} etiam multi
sagittis

ſagittis confixi vulnerabantur, quæcùm in terram frequentes decidiſſent, puberes ruſtici (quorum erat numerus ingens) & alij de fece homines ſordidiſſimi eas legere ſolebant & ad hoſtes deferre. Adeoq; omnes exarſerant animis, vt inermes etiam pueri (perinde ac ſi vis quædam illos à ſenſu mentis abſtraxiſſet) paſſim diſcurrentes, omni verborũ contumelia noſtros laceſſerent.

Addebatur huic maledictorum importunitati facinus odioſum & immane. Etenim (legẽtib; tamen honos præſandus eſt) quidã ex illis clunibus detectis, & ad ludibrium in noſtros verſis, truci clamore ac vlulatu cuncta complentes, palàm, ſpectantibus omnibus, ea fecerunt, quæ ab homine verecundo ſcribi nõ poſſunt. Sed natibus tranſiectis, nonnulli dignas (vti par fuit) ſcleris poenas dependerunt. Qui etiam ferunt quosdam ex illis ſagittas in corpore defixas (horrendum dictu) ipſos ſuis manibus è recenti vulnere extraxiſſe, illaſq; (ita vti erant) cruore & ſanguine ſtillan-

stillantes, ex coniuratis ijs qui circumsteterant dedisse, quo in nostros refunderentur. Tanta inerat in omni pænè ætate cuncta delendi cupido, tantaque sanguinis hauriendi sitis.

Interea verò cùm ex altera parte ciuitatis horribilis clamor oriretur, AD ARMA, AD ARMA, Ciues si viri estis AD ARMA: hostes in vrbe sunt: illucque omnes de repètè, vti trepidantiũ mos est vbi maximè tumultuantium voces strepitusque exaudiuntur, concurrissent, coniurati de superiore loco omnia cõtemplãtes, & oppidanos raros in muris, & pro portis conspicati, extẽplò eam partem ciuitatis quam defensoribus vacuam vidissent inuadere statuerunt. Ibi pueri (de quibus antea diximus) & ex illa colluione agrestium, turba ingens, rem ausi sunt non modò visu mirabilem, sed & auditu profectò incredibilem. Namque inermis cæterò qui multitudo, pars fustibus & gladijs, alij baculis, sparis, aut lanceis, (vt quemque casus

K. arma-

sagittis confixi vulnerabantur, quæ cum in terram frequentes decidissent, puberes rusticani (quorum erat numerus ingens) & alij de fece homines sordidissimi eas legere solebant & ad hostes deferre. Adeoq; omnes exarserant animis, vt inermes etiam pueri (perinde ac si vis quædam illos à sensu mentis abstraxisset) passim discurrentes, omni verborum contumelia nostros lacefferent.

Addebatur huic maledictorum importunitati facinus odiosum & immane. Etenim (legētibustamen honos præfandus est) quidā ex illis clunibus detectis, & ad ludibrium in nostros versis, truci clamore ac vlulatu cuncta complentes, palam, spectantibus omnibus, ea fecerunt, quæ ab homine verecundo scribi nō possunt. Sed natibus transiectis, nonnulli dignas (vti par fuit) sceleris poenas dependerunt. Quinetiam ferunt quosdam ex illis sagittas in corpore defixas (horrendum dictu) ipsos suis manibus è recenti vulnere extraxisse, illasq; (ita vti erant) cruore & sanguine stillan-

stillantes , ex coniuratis ijs qui circumsterant dedisse , quo in nostros refunderentur. Tanta inerat in omni pænè ætate cuncta delendi cupido, tantaque sanguinis hauriendi sitis.

Interea verò cùm ex altera parte ciuitatis horribilis clamor oriretur, AD ARMA, „ AD ARMA, Ciues si viri estis AD „ ARMA : hostes in vrbe sunt : illucq; omnes de repètè, vti trepidantiũ mos est vbi maximè tumultuantium voces strepitusque exaudiuntur, concurrissent, coniurati de superiore loco omnia cõtemplâtes, & oppidanos raros in muris, & pro portis conspicati, extẽplò eam partem ciuitatis quam defensoribus vacuam vidissent inuadere statuerunt. Ibi pueri (de quibus antea diximus) & ex illa colluuiione agrestium, turba ingens, rem ausi sunt non modò visu mirabilem, sed & auditu profectò incredibilem. Namque inermis cæterò qui multitudo, pars fustibus & gladijs, alij baculis, sparis, aut lanceis, (vt quemq; casus

K.

arma-

armatæ) instructa, in fluuium quo vrbs ad portã (quæ Episcopalis appellatur) alluitur, præceps se demisit. Quem intrepidè tranâtes, & ad portas tumultuosissimis clamoribus vociferabundî deuolantes, omnium mentes tâto horrore perfuderûnt, vt nullus pænè existeret qui non eû diem sibi vrbiq; fatalẽ futurum crediderit. Itaque pauidi ferè omnes consternatiq; diffugerunt, & qua cuiq; dabatur iter in domuum ac tectorû abdita (vrbem indefensam relinquentes) obstreperunt. At cõiurati omnibus portarû claustris reuulsis, quodcunq; tormentorû & instrumenti militaris reperibant è ciuitate in castra transportarunt. Ibi cûm è nostris nonnulli ex harum rerum miserabili intuitu, dolore ac cõmiseratione perculsi, voce flebili, ac oculis lachrymantibus, hanc tâtam à ciuitate calamitatem deprecaretur: à pueris, & rusticanis, qui ludibundi circumsteterunt, proditores appellati, ac indignissimum in modum omnibus probris maledictisq; lacerati, afflictisq; fuere.

Sedenim

Sedenim patefactis iā (vt antea diximus) portis, cū omnia seditiosorum audacia violentiaque permiscerentur, (frequentes enim ē castris in oppidum conuenerant) Fecialis (namque adhuc in vrbe fuerat, necdum dies vltima à Maiestate Regia multitudini præstituta, ante quàm liceret sine fraude ab armis discedere præterierat) cum Prætore in forum magna multitudine ciuium circumfusus deuenit. Ibi Regis nomine denuò denūtiat vti arma deponant, castra relinquāt; domum (quisque suam) decedant, misericordia & clementia Regia supplices vtantur, si fecerint saluos se fore; omnisque supplicij securos: alioquin nihil aliud nisi acerbissimos cruciatus, mortem, extrema denique omnia exspectanda. Huic cū dixisset arroganter sanè & asperè à seditiosis succlamatum est: Iret in malam pestem malumque cruciatum, cum suis inanissimis pollicitationibus: insanire ipsum qui talibus blanditijs in illorum aures influens, confideret eos

K.ij.

verbo

“ verborum lenocinijs delinitos, oppressos ad
“ extremum & circumuentos iri. Istiusmodi
“ verò misericordiam detestari se, & modis
“ omnibus execrari, vtpotè quæ extrinsecus
“ lubrica & inani impunitatis obiecta spe, pe-
“ nitùs omnem insidiosissimè salutem præcidat
“ & amputet.

Fecialis videns, cunctos furori & nequitia veluti mancipatos iam, & addictos, nec posse villo vel supplicij metu, vel impunitatis spe, de sceleris cogitatione deduci: infecta re, vrbe confestim excedens, ad curiam reuertitur. Protinùs à cuius discessu coniurati Leonardum Sothertonum ad se acciri iubent, quò illi vincula iniicerentur, quòd is se comitem feciali in itinere coniunxisset. Sed Sothertonus re intellecta, veritus ne infana & turbulenta plebs, odio quo in omnes bonos incitata flagrabat, corporis illi carnificinam, necémue infligeret, clanculùm apud suos in ciuitate delituit. Deindè Kettus prætorem, Robertum VVatsonum, Guilielmum

rum Rogerum , Ioannem Homersonum ,
Guilielmum Bramptonū , & alios complu-
res comprehensos, ē ciuitate in castra , atque
indē in custodiam deduci iubet. Quamobrē
omnibus catenæ iniectæ , atque in montem
Surræium conclusi , ibique ad extremū con-
iurationis diem in carcere , ac vinculis detenti,
tandem pars dimissi , pars verò crudelissimē
interfecti sunt.

Dum hæc & huiuscemodi in castris tu-
multuosissimē geruntur, Kettus cernens eò
iam rem deuolui , necesse vt sit illi aut cruen-
ta victoria contra patriam potiri, aut dignum
moribus factisq; suis exitum propediem sor-
tiri , commodissimum suis rationibus existi-
mauit si copiæ quàm possent maximæ con-
traherētur. Quamobrem omnes vndiq; qui
conciri poterant fugitiuos, & homines tam à
re quàm à spe derelictos, præmijs ac pollici-
tationibus illexit, vt sese ad societatem huius
exsecrandi tumultus adiungerent. Itaque in-
credibile est , quantam & quàm penè innu-
merabi-

merabilem facinorosorum hominum multitudinem de repente conflauerit.

Attamen ciues indignè ferebant Prætorē suū virum optimum & integerrimū, à flagitiōsissimis ficarijs, & sanguinis vt iam videbatur sitientissimis vinciri, & victo insuper carceris contumeliam & dedecus impingi, metuentes etiā ne tandem ab illis crudelissimè per vim morte muletaretur, eò quòd pars eorum multa atrocità illi minitarentur: pars verò honestissimi viri nomen scurrili & infulto ridiculo, necnon periculoso (vtpotè quò mors illi quodammodò portenderetur) perstrinxissent. Nam cūm Coddus nominaretur, piscis autem sit marinus, quem nostrates **COD** appellant, (qui idem Latinis Capito nuncupatur) in Prætoris optimi nomine ac periculo anasas ad risum & ludibrium alter alteri inuicem subministrantes, identidem clamare & vociferari solebant, vti omnes crastino conuenerent, Capitonis caput eo die publicè in castris denario

denario venum iri. His de causis veriti,
nerâ seditiosis grâuius aliquid in eum sta-
tueretur, Prætoris de se optimè meriti pe-
riculo mirificè perturbati, ad Thomam Al-
derichium certatim de hac tam importuna
audacia, violentiâque effrænata questum
venerunt. Fuit hic Alderichius vir (vti
antè diximus) omnibus vehementer cha-
rûs, tantumque prudentia; grauitate, &
modestia perfecit (erat enim impigro atque
acri ingenio) vt immanissimis etiam ho-
stibus illius nomen plerumque terrori existi-
terit. Nam cum illum omnes magnope-
rè dilexissent, singularem eius humanita-
tem ac modestiam admirantes, in tantam
(etiam apud seditiosorum principes) autho-
ritatem breuî peruenit, vt eius neque consili-
um, neq; incœptum vllum frustra vnquam
ceciderit. Itaque multis bona, quæ per vim
à coniuratis ademta fuerant, illius opera re-
stituta sint, multiq; Rebellionum pestiferi co-
natus eius prouidentia ac sedulitate reſtincti.

Hic

Hic igitur cū quanto in discrimine Prætoris salus ac vita versaretur, intellexisset, indignitate rei permotus, ad Kettum in castra perrexit, monet vti Prætori vincula adimeret, eumque è custodia liberaret. Ad hæc Kettus cū veluti cogitatione defixus, verbum nullum emisisset: Alderichius clara voce inclamans, non te pudet proditor nequissime, non dico hominem innocentissimum, sed Prætorem, id est Regiæ maiestatis vicarium fidelissimum, carcere ac vinculis coercere? Adeone ferox & cruentus es, vt cū omnium fortunas ac bona luxu ac libidine dissipaueris, satiari iam non potes nec expleri, nisi ad extremum innocentium etiam sanguinem exorbueris? Quin ergo hominum quos terra sustinet sceleratissime, eum confestim de custodia deduci iubes?

Hæ verborum tanquam faces acriter in Kettum intentæ, tantam siue hominis qui loquebatur verecundiam, siue, quod verisimilius est, ex scelerum conscientia metum ac
for-

formidinem incusserūt, vt quod alij precibus atq; omni cōtentione impetrare nequissent, id ille minis ac orationis grauitate perfecerit. Cuius prudentia Prætor libertatem adeptus, etsi prorsus omnem illā turbulentissimi temporis procellam deuitare nō potuerit, tamen & carceris acerbitem & vitæ periculū felicissimè subterfugit. Quamobrem facta illi vltro citroq; in ciuitatem commeandi facultate, multis postea ciuiū in ijs malis quæ tum urbem opprēssere subsidio fuit illius probitas & industria. Et quoniam omnī tempore ad gubernacula ciuitatis sedere nequibat (quippe qui plerumq; perpetuò in hostium castris cōmorari coactus fuerat:) Augustino quodā Stuardo in illius locum suffecto, omnem vrbis defendendę curam (se absente) delegauit. Qui quidem ascitis sibi Henrico Bacono, & Ioanne Atkinsono vicecomitibus, ciuitati diligentissimè præfuit, omnesq; oppidanos (nisi qui fortè immaniores exstitissent) in officio facillè continebat.

L.

Cæte-

Cæterum hic operæpretiū erit referre, quā
tristes & tetrici Iudices exstiterūt in eos quos
captos, & in vinculis detentos, omni ludi-
brio & ignominia crudelissimè affligerunt.
Quorum tanta fuit atrocitas & nequitia, vt
quos singulari primum & inaudito scelere
violassent, eos ad extremum diuexatos, & a-
cerbissimis affectos iniurijs, stolidissimæ &
infanissimæ multitudini iugulandos obiece-
rint. Indicto namq; die, quo comprehēsi ve-
lut rei in publicū producerentur, vt præpo-
stero Iudiciorum more questio de ijs excerce-
retur: Kettus palam omnibus inspectatibus,
arborē quā vocant **REFORMATO-**
RIAM conscendens, (ordine vnoquoque
nominatim citato) ab asseclis & scelerum cō-
scijs qui circumfusi steterūt, sciscitari solebat:
quidnam illis videretur? Ibi furiosissimi ne-
bulones, de vita innocentissimorū hominum
quæsitores ac iudices constituti, si nihil de reo
cōperissent, **BONVM VIRVM** eū
esse, **BONVM VIRVM**, & absolui
debere

debere conclamarunt. Sin autem tenuissima alicuius leuissimi criminis suspicione, illius qui nominaretur fama perstricta fuisset, aut quæuis vel minima res reperiretur, qua forte quempiam ex illis aliquando offendisset, **SVSPENDEATVR, SVSPENDEATVR** respondet aliquis: cuius voce cætera plebes velut furijs instincta, tametsi hominem albus aterue fuerit penitus ignoraret (vtpotè cuius antea nomen ne audierit quidem) tamen idipsum semper vociferari consuevit.

Atq; hunc in modum proditores pestiferi, non iudicio & ratione ducti, (ne sui fortè dissimiles videretur) sed cæco ac repëtino quodâ impetu animi (quasi turbine) correpti, vno persæpè verbo, & vesano veluti furoris nutu, viris integerrimis miserrima & crudelissima supplicia inflixere. Tanta certè vis morbi, atque vti tabes omnium animos inuaserat, vt alienatis propè sensibus, & tantorum scelerum atrocitate stupefactis, omnia

L.ij.

iura

iura diuina & humana inmani furore & audacia polluerint.

Paucis ab illo tempore interiectis diebus, rei militaris præfectura, belliq; administrandi potestas, **GVLIELMO PARO** Marchioni **NORTHAMTONI-ENSI** ex imperio regis delata est: iussuq; uti protinus Norwicum cõtenderet, daretq; operam ut quoniam hij tanti furores, clementia ac mansuetudine consopiri nequiuissent, Kettianos perindè ac proditores & Maiestati Regiæ hostes immanissimos ferro flammaq; persequeretur. Northamtoniensis ex sententia rebus omnibus paratis compositisq;, cum mille quingentis militibus (sicuti imperatum fuit) paulò post Norwicũ proficiscitur. Erant autem illo in exercitu reguli duo, Sheffieldensis, & VVentworthësis, præterea Anthonius Dëny, Richardus Southwellius Radulphus Sadlerus, Ioãnes Gatesius, Thomas Pastonus, Henricus Bedingfieldus, Ioannes Suliardus, Gulielmus VValgrauius,
Ioan-

Ioannes Cutzius, Thomas Cornwalleyfius, equestris ordinis viri. Ad hæc Armigerorū, & Generosorum, tam Anglorum quam Itolorum, cateruæ splendidissimæ.

Cū iā mille tantum ab vrbe passuū abesset Marchio Northamtoniensis, feciale confestim præmisit, qui vrbi (sicuti mos est) nisi paruisset, bellū indiceret. A quo omnibus quæ fieri cōsueſcunt, in ciuitate promulgatis atq; transactis, Augustinus Stuardus vrbis prætor, celeres protinus nuntios dimittit, qui Goggio Prætori renūtiarēt, (inuitissimū hūc antea diximus in Ketti castris detentū) quæ mandata Regio nomine ciuitati à Marchione Northamtoniensi proponerētur. His eadem quæ profecti sunt celeritate reuersis, demum feciali à Prætorē responsum. Nihil sibi „ vnquam in vita accidisse tristius, quàm hæc „ mala quæ à seditiosissimis hominibus inuecta, „ patriam ac ciuitatē Norwicensē, antea flo- „ rentē, iam pænē inexpiabili scelere peruer- „ tissent. Se quantum humana ratione prou- „

„deri potuit) omniſpe adnixū, vti hij tumul-
 „tus primo quoquo tēpore profligarētur: ne-
 „quiſſe tamen præſcelerum rabie quibus im-
 „plicate omniū mentes tenerētur. Carceris ſe-
 „terrorem, mortis pericula, omnes deniq; acer-
 „bitates pertuliſſe, ac nunc quidē ab hoſtibus
 „vndiq; circūſeptū teneri, alioquin (ſicuti par-
 „erat) ad Marchionem Northamtonienſem
 „cōfeſtim vēturū fuiſſe. Verum enim uerō
 „quō facilius ciuitatem in officio contineret,
 „eius tuendæ auctoritatē Auguſtino Stuardo
 „homini induſtrio delegaſſe, ne fortē ſe abſen-
 „te, plebs per imprudentiā laberetur. Urbē in
 „illius poteſtate futura, ſeq; (ſi Kettus permit-
 „teret) libenter ad eum iter in caſtra ſufceptu-
 „rū, & ſuas, ciuitatisq; fortunas, eius fidei per-
 „miſſurū. Hijs properē per ſecialem ad Nor-
 „thamtonieſem delatis, Propretor cōtinuō cū
 „vicecomitibus ac magno ciuū numero ſub-
 „ſecutus, in Northamtonienſis caſtra conceſ-
 „ſit. Cui enſe tradito (inſigne is eſt Regiæ ma-
 „ieſtatis & potentæ, atque in maximis An-
 „glia

glia ciuitatibus prætori semper præferri con-
 suevit) demonstrat quemadmodum prætor ipse
 (quod maximè in votis erat) venire nequi-
 ret, se tamen atq; primores ciuitatis suæ adef-
 se, qui urbem, se, suaq; omnia in fidem atq; po-
 testatē Regiā transdaret: fateri permultos op-
 pidanorū existisse, qui deterreri non potue-
 rint, quin cū his consentirent, maximā tamen
 optimorum ciuiū partē in fide ac officio per-
 māsisse, neq; se cum reliquis cōiunxisse, neq;
 cōtra maiestātē Regiam omnino coniurasse:
 hanc paratā esse, & imperata facere, & eum
 exercitūq; in ciuitatem accipere. Northam-
 toniensis oppidanorum animos verbis cōfir-
 mauit, pollicitusq; est sibi ciuitatē curæ futu-
 rā, magnam se habere spem, fore uti hī tanti fu-
 rores, quibus nunc omnia arderēt, breui cō-
 pescerentur. Quæ cū dixisset, Southwellio
 ensē tradidit: quē ille (qui honos semper à no-
 stris, Præfectis regijs antiquo more & solenni
 defertur) nudo præ ferens capite, Northam-
 toniensi in ciuitatem præibat. Qui per por-
 tas

tas D. Stephani ingressus, protinus indicit, uti omnes ad se in forum conuenirent. Ibi diu deliberatum, multaq; à multis tam ad vrbs defensionem quàm ad hostium impetus retardandos excogitata. Tum vigiliæ in muris & prò portis excubiæ, omnibusq; in locis (si quæ fortè infirmiora videbantur) armati ad quemuis euentum collocati.

His constitutis rebus atque peractis, Northamptoniensis sub noctem, venit in domum Propratoris, ibique cum cætera multitudine Nobilium, ac Generosorum cœnatus est. Peracta cœna, cuncti in illis ædibus, etsi itineris tædio, ac æstu languidi, armati tamen, ne incauti opprimerentur, ea nocte conqueuerunt.

Atq; hic casu ne, an consilio euenit, nondū satis comperi, factum tamē est, ut Itali quidā cum magnā Coniuratorum manu (multis utrinq; vulneribus acceptis & illatis) conflixerint. E quibus vnus, cū intrepedantius se in medios hostes inferret, vir fortissimus, primum multitudine circumdectus, ad extremū

captus,

captus, & ignominiosissima morte affectus est. Nam vestibus omnibus, & armis (quibus indutus erat sumtuosissimis, & affabrè sanè factis) detractis, nudum eum (multis tamen prius affectū probris & cōtumelijs) de quercu in arce Surriensi suspēderūt. Magnū equidē omnes acceperunt dolorē, ex tā crudeli, ac miserabili morte optimi viri, ac militis præstantissimi, hancq; tam atrocem ignominiam ab illo (si licuisset) pecunia (quanta certè æstimari non potest) libētissimè redemissent. Verūtamen ex huius calamitate, statim initio perspectū, qualis & q̄ detestabilis in ijs qui contra patriā scelerata arma sumserūt inesset immanitas. Quanquā nō ita multo post consilio diuino (neq; enim malos diu cōsistere patitur inultos innocentium profusus cruor) Caymus ipse qui author huius tam diræ crudelitatis exstiterat, eodem genere mortis, etsi nimium seras, dignas tamen tam execrabili sæuitia poenas suscepit.

At; enim Northamtoniensis nocturnos
M. hostium

hostium in urbem introitus metuens, iussit ut custodiæ, & vigiliæ, (quas antea diximus diuersis in locis dispositas, in muris, & pro portis, cōstitisse) acerbius, & diligentius (quā vulgò fieri consuevit) circumirentur. Quò (nostrorū tū oculis tū animis in omnes hostiū conatus paratis atq; intentis) si quæ fortè nocturni tumultus procellæ exsuscitarētur, eorum cōsilijs facilimè, ac nullo negotio occurrī posset & obsisti. Quod quidem à cēturionibus sedulò factum fuit, cæteriꝫ omnes milites in foro excubabāt, qui magna lignorū strue exstructa, eandem incenderunt, ne si quid fortè contingeret, nostri tenebris & locorū inscitia impediti, hostiū insidijs, imprudentes, & incauti, circumuenirentur.

Edwardus V Varnerus, (equestris ordinis vir) & tum tribunus militum (Mareschallū vulgò appellant) tesseram dedit. Thomæ autem Pastono, Ioanni Clero, Gulielmo Valgrauio, Thomæ Cornwaleisio, Henrico Beddingfeldio, (explorata virtutis, atq; prudentiæ

tia viris) diuersæ vrbis partes ad defensionē ipsius distributæ sunt. Qui omni studio rem complexi, summaque cum alacritate officio functi suo: tūc huc, & illuc, perpetuò circūcursitantes, nostrisque nunc voce, nunc vultu, nūc labore, & alacritate ipsimet sua, vim & aculeos addentes, pestiferos rebellium conatus prudentissimis consilijs anteverterunt.

Porrò cunctis iam rebus ex sententia confectis, Northamtoniensis, quiq̃ue cum illo venerant omnes (ijs solummodò exceptis, quibus, vt diximus, propugnādē vrbis cura incubuit) corpora diurno fessa labore, quieti tradere constituerunt.

Iamque suavi sopore, nostrorum hominum membra deuinxit somnus, cū concubia ferē nocte coniurati, ac si iam iam in urbem irrupturi forent, terribili tormentorum tonitru, horrificisq; omnia circum clamoribus permiscuerint. Quanquam certè percommodè ea in re accidit, vt ferreæ

M.ij.

pilæ

pile, quę maioribus ę tormentis in vrbe[m] dis-
sploderetur, perpetuò suprà nostrorum ca-
pita volantes, non magnoperę nocerent, siue
eas ignis vis, impetusque, violentius abstule-
rit, siue libratorum manus infidę (nam sunt
qui pecunia corruptos putent) tormenta sua
altius aliquantulũ quàm expediret, de indu-
stria direxerint. Quę quidę dũ hęc in mo-
dũ (quãuis semper sine damno) creberrimę
tamen, ab impuris importunisq; latronibus
excercerentur, continenti fragore, reboatuq;
horrifono tantum terroris inuexerāt, vigiles
vti nostri qui in muris, quique in portarum
stationibus constiterunt, (AD ARMA)
sępius conclamarent. Idq; cũ crebrò fie-
ret (neq; enim hostes vnquam furere desti-
terunt) Northamptoniensis qui se, si quid in
vrbe tumultuosius coniurati machinaretur,
protinus acciri iusserat, à Tribuno militum
excitatus, ijs quos in exercitu habebat nobi-
libus ac generosis stipatus, in forũ descendit.
Deinceps quò paucitati atq; infrequentia mi-
litum

litū prospiceretur, oppidūq; facilius propugnari posset, consiliū cœperūt huiuscemodi: vti omnes auersæ ab hostibus portæ, murrūq; ruine obstruerētur, rati sic nec militē ad moenia defendenda defuturum, si copię angustius contraherentur, & hostem sine periculo vrbis introitu arceri posse.

Rebus hijs institui iam cœptis, & ad exitū pænè perductis, seditiosi ad vnū ferē omnes, rapidissimi torrentis more, è speluncis deuoluti suis, dissonis cum clamoribus, atq; vlulatus feris, inconditisque, ad urbem decurrerunt. Ibi ferro, igniq; portas comburere, atq; exscindere conantur alij, alij muros conscendere: fluuium tranare nonnulli: multi per loca humilia, & vetustate collapsa moenia, in oppidum sese iniicere. Cōtrā nostri omnia moliri cœperunt: magnaue vi contendere: ingressum hostem vndiq; fortiter repulerunt: aduent autem iam, & influentem, viriliter represserunt: hastis, sagittis, gladijs, omni telorum genere profligarunt: M. iij. eoq;ue

eoque rem deduxerunt, vti fractus paulatim atq; imminutus irruentium vigor, fluctuare aliquātulum incoeperit. Cæterum pugna fit inflāmatissimis vtrinq; armis, sæua, peratrox, cruenta, (si qua alia) dū in vrbē per vim infundere se niteretur hij, nostri autē illos omni aditu prohibere. Itaque ad horas ferè tres, acerbissimis inter se conflictati odijs decertarunt, cōmissumq; acrius (suprà quā quis crederet) & ardentius, diuersis in locis præliū: euētū certè adeò dubio, & ancipiti, vt nisi nostrorū hominū ad repugnandū ardor mirificus, Pastonij verò, Valgrauij, cæterorumq; equitum peregregia virtus, & planè inexsuperabilis exstitisset: ea nox nostris proculdubiò vna omnium calamitosissima cōtigisset. Tanto siquidem furore rebellium mentes ignitæ atque incensæ fuerunt, tantaque bellandi libidine, vt quamuis mortiferis concissi vulneribus, pugna tamen abstinere noluerint, sed semianimes, & suo, atq; alieno, immergi cruore, ad extremū vsq; spiritū, nostris indigna-

indignabundi restiterunt. Multi etiã pectoribus ferro transfixis, & fœmorum nervis, atq; poplitibus incisis, (horresco referēs) genibus innixi tamen, tam diris exagitabantur furijs, nostrorum vt nates atque crura inter mortuis iam pænè manibus, & planè exsanguibus conuulnerarent. Verùm enim uerò nostri inclinatam iam tandem hostium vim & subdebilitatem animaduertentes, impetu adeò vehementi sese intulerunt, vti sustinere repugnâtes diutiùs, aut cōsistere nequierint, sed viribus vndique protrititis atque contusis, ingenti cum strage suorum (trecēti enim in illa pugna ceciderunt) ex oppido expulsi, reiectique, in perinuisa cubilia denuò sese condiderint. Quo nostri prælio defuncti, (paucis ex suis desyderatis, vulneratis verò paulò pluribus) aduersus omnes hostiũ insidias securi, id quod supererat noctis, (superfuit autem non multum) quieti dederūt.

Crastinus autem vbi illuxisset dies, ex oppidanis nonnulli ad Northamptonensem

nienſem detulerunt, permultos eſſe coniuratos in Ketti caſtris, quorū in animis omnis iam furor reſtinctus deferuiſſet, hos per facile & nullo negotio impelli poſſe, vt ab illa cōſcelerata perditorum hominum ſocietate deſciſcentes, ad officiij cogitationē & ſalubriora cōſilia ſeſe traduci ſināt. Pertæſum enim iamdiu ſclerum quæ perpetraviſſent, præſtoq; eſſe ad portas Pockthorpenſes, quatuor vel quinque millia hominum, qui nihil aliud exſpectent, nihil deſiderent, niſi pacem & veniam, quæ ſi iam tandem ab illo proponeretur, cōfidere ſe illos è veſtigio arma abiecturos, & Regiæ ſe clementiæ miſericordiæque permiſſuros. Northamtonienſis ex hoc nuntio, incredibili ſanè lætitia ac voluptate perſuſus eſt, vtpotè qui maluerat facilem & incruentā reportare victoriam, quàm (etſi perduelles eſſent & nocentes) lugubrē tamē, & ciuili ſanguine reſperſam. Fecialem vnā cum Tubicine conſeſtim dimittit, iubet fidem vti Regiam interponeret, impunè fore omnibus

omnibus qui ab armis recederent. Hij continuò ad portas Pockthorpenſes progreſſi, neminẽ tamen illic inueniunt. Verũ fecialis buccina ſignum dat, ad quod cùm ab hoſtibus effuſiſſimè de Monte decurſum eſſet, Flotmannũ quendam (hominem ferum & immanem) conſpicatus, (princeps enim de colle deſcenderat) clara voce fecialis conſiſtere iubet. Quærenti quidnam eſſet? & cur tubæ cantu illos ad colloquium conciuſſet: Fecialis: Abi (inquit) & à Marchione Northamtonieſi, huius belli præfecto tuis, renũtia: Maieſtatem Regiam monere, vt iam tandem reſipiſcant, & his tantis furoribus finem imponant: ſi fecerint: ſaluos ſe fore: & illius clementiã tutos, & incolumes, neq; cuiquam quod admiſiſſet ſcleris, fraudi futurum. ”

Ad ea Flotmannus (vt erat volubili ſemper lingua, & ad petulantem loquacitatẽ celeritate quadam præcipiti) ſuperbè, minaciterq; reſpõdit: Quod ad Northamtonienſem attinet, ſe ne tanti quidem facere, nullius neq; ”

N.

virtutis

“virtutis, neque consilij, neque fortunæ
 “virum, sed eum contemnere, & pessimè
 “odisse, tanquam infamem, leuem, impu-
 “rum, atque alienæ semper opis indigentem :
 “perfidia denique, atq; omni proditoris tur-
 “pitudine delibutum. Regiæ salutis, dignita-
 “tisque propugnatores, se semper acerrimos
 “existisse, eaq; mente perpetuò futuros, illius
 “ut incolumitate suas, omniumque bonorum
 “fortunas, inniti arbitrentur. Arma se indu-
 “isse, non contra Regem, sed quæ Regi, sibiq;
 “in posterum salutaria futura confidant: neq;
 “vlla, vel concepti sceleris cōscientia, vel læsæ
 “maiestatis dedecore illigari. Ecquid enim
 “aliud conari? quàm regium nomen, maiesta-
 “temq; defendere? cōmuni saluti prospicere?
 “legum libertatisque iura tueri? semetipsos,
 “coniuges, liberos, fortunasq; suas cōservare?
 “rem deniq; publicam (indignis vexatā mo-
 “dis) ab inimicorū suorū detestabili superbia,
 “libidine, crudelitate, vindicare? Proin cul-
 “pæ expertes à pœna ita immunes ac liberos
 esse

esse debere. Nam quod persplendens ille »
 præco, multoq; perinsignis auro, ad speciem »
 præclara sibi quædam & magnifica dudum »
 proposuisset: id eo sanè fieri cōsilio, vt aut in- »
 fidiosa pacis cōditione, libertatis reciperan- »
 dæ studia restingueret, aut ipsos salutaribus »
 quibus septi fuerāt præfidijs nudatos, omniq; »
 ope exclusos, truculentissimis belluis deuo- »
 randos obijceret. Impunitate igitur (inquit) »
 tua qui deliquerint, fruantur: per nos licebit: »
 nos qui hijs armis, atque innocentia tecti no- »
 stra, securi tutiq; sumus, nullius vnquam mi- »
 sericordiam implorare decreuimus. Etenim »
 prostratā iam pænè Rempub. & generosorū »
 indies importunitate labefactatā, & impulsā, »
 aut hijs conatibus, ex miserabilibus in quibus »
 iam diu iacuit ruinis, ad pristinā dignitatem »
 excitaturi sumus: aut (quod viros fortes, ma- »
 gnoq; præditos animo decet) capitis periculo »
 audacter decernentes, in prælio (nequaquā »
 prodita, quāuis oppressa libertate) morituri. »

Vix dum finem fecerat huius furiosissimæ

N. ij. oratio-

orationis(homo mortalium omnium perfidiosissimus, cum repens de improviso clamor omnem quaquā versus urbem peruassisset,horribilesq; exaudirentur hominū trepidantium,& AD ARMA conclamantium voces,quibus omniū vndiq; aures personauerūt. Namq; hoc ipso tempore dū hęc ad portas Pockthorpenſes fierent, coniurati insanabili rabie ac pertinacia incitati,per loca quædam propter infirmorū hospitia in urbem irrumpentes,hostilem in modum omnia ferro igniq; vastantes incedunt. Verūtamē à nostris in planicie iuxta palatium Episcopi Noruicensis celeriter occursum est, ibique pugnatum diu sanè atq; acriter,circa centum & quadraginta hostium cæsi,& ex nostris militibus aliquot, vtrinq; autem multi grauiſſimis vulneribus affecti.

Sed omnium oculos mentesq; miserabili luctu ac horrore perstrinxit DOMINI SHEFFELDII mors indignissima. Hic dum(vt fit) generis ac dignitatis, magis quam

quàm salutis suæ memor, viuvidus, & ferox,
reiq; gerendæ percupidus, in confertissimos
hostes alacrius & incautiùs pugnans inuehi-
tur, fortè fortuna, ab rapido cursu circum-
gēdo equo effusus, in fossam præceps deuol-
uitur. Ibiq; vir nobilissimus à sicario scelestis-
simo crudelissimè interficitur. Cumq; hanc
tam dirā, & atrocem à se mortem, omnibus
modis, quā præmia maxima pollicitādo, quā
nobilitatem, nominisq; splendorem sæpiùs
indicando, deprecaretur: tantum afuit illo-
rū vt animos, aut hominis, aut nominis, cō-
miseratio subierit, vt eò ferociores exstite-
rint. Posteaq; de facto (velut gloriosissimo)
inter se contendentes, ad laudem eius tam in-
uisi facinoris, ita cuncti animis exarserant, vt
pænè ad vim ventum sit, cū vtrinq; incen-
deretur, ad decus & gloriam, quæ apud suos
proposita videbatur ei, qui homini splendi-
dissimo, fatale illud vulnus, ac mortiferum
influxisset. Sed omnium opinione, Fulcus cē-
teris palmam præripuit, qui palàm prædica-

bat (Deum detestans) à se claua ictum interisse. Vtunque fuit, vir clarus & honoratus, hoc tam tristi fato functus, occubuit. Et Fulco non ita multo post (vindice Deo) debita tanto scelere præmia persoluta sunt.

Verum enimuero dici non potest quantū semper in vtramq; partem valeat ad victoriā, amplissimorū virorū interitus. Etenim hostes cognito hoc tam lugubri casu, infestiores fieri coeperunt, & ad preliū cōmittendū alacriores: nostri autē sensim animis imminuti, paulatim elāguescere: adeo vt cōiurati lætitia elati, magno vndique clamore quasi explorata victoria, sublato, in urbē (quā dabatur iter) nostros hostiliter insequētes, inuolauerint. Qui partim multitudine oppressi, (vīginti enim pænē millia cōiuratorū erant: nostrorū autē mille tantū quingenti) partim autē huius illustrissimi adolescētis clade perculsi, vrbe cesserūt: diuersiq; itineribus per deuia tota nocte inter saxa, vēpres, & virgulta dilapsi, Londinum tandem omnes reuerterunt.

At

At ciues tot tantisq; onerati atq; obrati malis, cum omnia vndiq; hostium plena essent, vim ac cædem, cunctaq; quæ in captis vrbibus fieri solent hostilia metuentes, omni spe abiecta, è ciuitate diffugerunt. Tantoq; pauore plerumque omnium animi defixi fuerunt, vt multi mentibus simul luctu, metuq;, à sensu rerum suarum abalienatis, vxores & liberos, omnesq; fortunas in hostium potestate relinquerent. Multi verò suam quisque spem, sua consilia (communibus deploratis) exsequentes, quicquid esset auri, argente, & supellectilis pretiosi, in cloacas puteosq; demerserunt. Vrbem verò totam quaquà versùs perculit luctus, & mulierum puerorūq; ploratus, qui cum hostiū clamore, & flammæ sonitu, & ruentium tectorū fragore permixtus, horrendo cuncta compleuerat sono. Nam coniurati statim à Northamtoniensis discessu tectis ignem iniecere, isq; per domos vicosq; horribili flamma diffusus, magnā vrbis partem celeriter absumpsit. Etenim quæ
erant

erant ad vicum Holmenssem ex vtraq; parte
incēdebātur omnia, hospitiāq; quæ plebi in-
opi ac valetudinariæ destinabantur, tum E-
piscopalis, Pockthorpenſis, Magdalenenſis,
Beareſtretienſis portæ, multaq; prætereā va-
rijs in locis ædificia conflagrauerunt.

Accidit autem peropportunè, vt eodem
tempore, magni imbres de cœlo defluerent,
quibus ignis celeriter reſtinctus, nequaquā
tam paſſim, ac latè quā hoſtes volebant, per-
uagatus eſt. Ad hæc proditores diuitum do-
mus ingreſſi, eas diripuerunt, exhaustas etiā
nonnullas igni concremauerunt. Tantaque,
& tam varia, nefandæ crudelitatis exempla
vbique ediderunt, vt iam non homines, ſed
immanes belluæ formam hominum indutę,
in vrbem ingreſſæ viderentur. Etenim ſatis
conſtat, illa tempeſtate ciuitatis ſpeciem, tam
lugubrem, ac miſerabilem exſtiſſe, cū ni-
hil aut oculis hauriretur, aut auribus conci-
peretur, niſi vlulatus, cantusque hoſtium diſ-
ſoni, fletus muliebris, virorū clamor, & huc
&

& illuc discurrētium strepitus, tum ferrūm,
flamma, ruina, cætera quæ (quæ ne narrando
minora faciam prudens prætereo) vt nō vi-
dentium solū mentes oculosq; horror per-
fuderit, verum etiam audientium auris & a-
nimos incredibili mœrore perculerit.

Capta igitur hunc in modum à coniuratis
vrbe, incēla, direpta, deserta, cū omnia yn-
diq; (præterquam ab hostibus) solitudo oc-
cupauisset, (nam qui in oppido remanserāt,
obseratis ianuis in intima ædium sese abdi-
derant) Proprætor solus, velut ad spectacu-
lum occidentis patrię à fortuna relictus, con-
filijs, & auxilijs expers, cū de summo ædium
cuncta flammis ac ruinis vastata vidisset, ra-
tus, hostes non ita multò post, sicut ædibus
stragem intulissent, sic hominibus vicissim
vim ac mortem illaturos, occlusis foribus
domi se continebat.

At coniuratorum intereà manus ingens,
velut agmine facto, per portas Augustinen-
ses in vrbem irrupit, cunctiq; præcipiti cursu

O.

ad

ad Proprætoris domum delati, fustibus & ijs
quæ fors obiecerat baculis armati, fores ef-
fringere conantur. Demùm ignis subijci co-
eptus, ad quem terrorem Proprætor cum co-
horruisset, ianuam (namque omnes serui in
fugam se proripuerant) recludit. Protinùs
illū comprehendunt, palliūq; (quo tū for-
tè utebatur) detrahunt, proditorē appellant,
necē deniq; minitatur indignā, nisi indicaret
quo in loco Northætoniensis delituisse. Cū
ille, discessisse omnes respondisset, eam vocem
cūcti clamore ac indignatione tumultuosissi-
mè exceperunt, omniq; impetu in ædes ir-
ruentes, loca quælibet furacissimè perscrutā-
tur. Deindè ad prædam dilapsi, spolijs onusti
recesserunt. Sed multi, partim pecunia alijsq;
rebus à propræto acceptis, partim cuiusdā
hominis voce, qui illa intolleranda esse dixit,
& furta ac flagitia omni supplicio vindicāda
repressi, sarcinas oneraq; quæ prius asportas-
sent denuò in officinas coniecerunt. Verun-
tamen permulti ciuium, quorum domus se-
ditiosi

ditiosi intrarunt, cū Northātonienſes tantū querere prę ſe tuliffent, omnibus fortunis exuti ſpoliatīq; ſunt. Pręcipuē verō eorū ædes deſpoliauerant, qui vrbe ceſſerunt, illos proditores, Maieſtatiq; Regiæ hoſtes apertiſſimos eſſe prędicantes, bonaq; illorū ſe in fiſcū redacturos. Cęterū oppidanorū nōnulli id conſilij, cœperunt, vt panem ac potū, omniſq; generis alimenta furioſiſſimæ multitudini exhiberent: quibus miſera ac ieiuna plebs delinita, non nihil à rapinarū rabie cōquieuit. Nihilominus quāmplurimi, hac inexpectata calamitate accepta, magna dāna, iniuriaſq; pertulerunt, tantiſq; depreſſi difficultatibus fuerūt, vt ſemper poſteā dū vixerant (viuunt autē adhuc etiā nōnulli) domeſticis rebus implicatiores exſtiterint. Subit interim rebellīū animos (vt videbatur) futuri tēporis recordatio: proin à vi ad ſalutiſ curā cōuerſi, Proprætori, vrbīſq; primoribus imperāt, vt i oſtiatim à ciuibus, ad omnes portas cuſtodix vigiliæque quotidie inſtruantur:

ni fecerint, mortem ac cruciamenta acerbissima interminari.

Præterea in templo (horrendum dictu) in templo Dei optimi maximi, proditores importunissimi, quoties pluuia decidisset, furorum suorum castra locarunt. Eoq; progressa est improbitas & audacia, cunctaq; delendi libido, ut nec sapientissimorum hominum voces, nec diuinæ vindictæ terror, nec mulierum lamenta, & lachrymæ, eos à scelere auocare potuerint. Etenim foeminae, postquam cæde inermium temperatum conspexissent, frequentes sese in vijs obiecerant, ut patriæ parcerent rogantes, sibi, suisque, homines se meminerint, hominibus natos, satis in illos, quorum causa arma ceperunt, sauitum, inijcerent modo frænos iræ, pacem veniamq; atque omnia proculdubio bona à Maiestate Regia consecuturos. Sed ut antea dictum est, nec minæ, nec sapientum consilia, nec præcū blanditiæ, neque vlla denique res, potuit eos à tanta flagitiorū atrocitate deterre. donec patriæ

patriæ miserandam cladem, & sibiipsis dignum talibus sceleribus exitiū tandem contraxissent.

Namque Rex postquam intellexisset maiestatem suam indies magis magisque minui: nefariorum hominū coetus augeri: cuncta hoc execrabili insanissimi tumultus furore permisceri: elementiam & mansuetudinem regiam cōtemni: nullū iam misericordiæ locum relinquī: lenibus remedijs nihil profici: insanabiles esse animos, & letali huc contactos: omnem denique salutis spem penitus ademtam, nisi eam solā quæ in vi & suppliciorum atrocitate defixa foret: hanc primo quoque tempore adhibendam existimauit. Quamobrem in Comitatu Lincolnensi, & varijs Regni regionibus, delectus institui, ac militem conferri iussit, magnūq; Heluetiorum numerum accersiri, ratus (id quod res monebat) sceleratā iam gētem stirpemq; penitus interfici debere, alioquin si latius se dissiparet, vicinamque plebem sceleris con-

tagione inficeret, tum demùm difficulter si-
sti possē illius pestis feruor longiùs perua-
gatus, atque in regni tanquam venas ac vi-
scera illapsus, omnes eius partes funestissi-
mis perfidiæ flammis inuoluisset. Huic ex-
ercitui IOANNES DVDLEIVS
comes VARVICENSIS, peregre-
giæ nobilitatis admirandæque virtutis vir,
præficitur: illiq; literis mandatisque Regijs
imperij summa defertur.

Hæc autem tū apud nostrates opinio om-
nium ferè sermone percrebuit, huius amplis-
simi Comitis tantam eo tempore animi ma-
gnitudinē ac rei militaris sciētiam exstitisse,
vt aut ab hoc superari, aut à nullo certè pro-
fligari posse viderentur. Harum igitur rerū
voces in vulgus crebrę sparſę disseminateq;
aliquā exercitus, apparatusq; regij, rumoris
auram Kettianis afflauerat. Postea verò
cū pro certo comperissent delectus illos,
Ducem, arma, cohortes, omniaq; bellici ter-
roris instrumenta, in se instituta, parata, in-
tenta

tenta fuisse, cōfirmare se indies, ac omnia circumspicere, ac periclitari cōperunt, quò instructiores essent ad resistendum. Tantum abfuit vt eorum immanitatem & audaciam vlla vel ratio imminuerit, vel terror infregerit.

Hunc in finem cū multa quotidie à seditionis tumultuosiū fieri animaduertissent ciues quidam, vim, cædem, rapinas, incendia, omniumq; rerum lamentabilem interitum metuentes, demū ne inuiti etiam ab illis stare cogerentur si in ciuitate remansissent veriti, rebus omnibus quæ raptim coaceruari poterant, in vnum congestis, ijsq; aut in terram defossis, aut cæmentariorum opera, latere lutoue circumclusis, noctu clām ex vrbe profugerunt.

Varuicēsis interea, postquā se milite tā domestico q̄ externo, pecunia, armis, cunctisq; quæ bello vsui sūt^{ab} instruxisset, omnibus copijs circūfusus Lōdino proficiscitur. Fuerūt in illo exercitu Marchio Northamtoniēsis,
(penes

(penes quem rei militaris administratio nuper fuit) Villoughbæus, Poijsius, Braius, multiq; alij proceres illustrissimi: præterea equitum, armigerorum, generosorum, Heluetiorum, & cuiusvis ordinis militum circiter millia penè quatuordecim. Cùm ad Catebrigiam peruenissent, ibi, ad castellum Varuicensi obviam fit à primoribus aliquot urbis Norwicensis, cæterisque civibus, quos paulò antè diximus, ex formidabili & perinsana coniuratorum audacia, timore cõcepto, cõfusus, perterritosq; ex oppido profugisse. Hij squalore, & sordibus obsiti, & in genua prolapsi, vniuersi se ad pedes illius proiecerunt, flebilibusq; eum vocibus atq; lamentis vehementiùs obsecrare cœperunt: Ne quid
 „ grauius in se statueret, nullius se culpæ con-
 „ scios; Regiam tamen clementiam ac misericordiam deprecari. Incredibilem sanè dolorem, ex hac miseranda patriæ clade ac vastitate cõcepisse, extrema omnia perpeffos demùm quò vitæ consulerent, fugere è ciuitate coactos,

coactos, ferro, flammâq; ab vrbe, ab vxore, „
à liberis, & pænè à complexu suorum diuul- „
sos & eiectos. Tantis in miserijs (quibus vn- „
diquè premerentur, nihil tamen aliud obte- „
stari, nisi, vt si in hoc communi, & summo „
omnium timore, per errorem & impruden- „
tiam, inscios se aliquo scelere implicauissent, „
id ne fraudi sit, sed vt huic omnium dolori „
& precibus condonaretur. Varuicensis
ad hæc: Intelligere se quâto in periculo fue- „
rint, magnamque eam perditorum hominũ „
proculdubiò vim exstitisse, quæ ab omnibus „
ijs rebus eos, quæ tantum non vita cario- „
res sunt, abstraxisset: fateri nihil illos (quod „
sciat) perperam admisisse. Quòd urbem in „
tanto terrore reliquissent, humanum id qui- „
dem & ferendũ videri. Vna in re paulò im- „
prudentiores fuisse, qui initio, hijs tantis ma- „
lis non obstiterint, per paucos quidem fortes „
& prudentes viros, momento temporis illos „
cœtus discussuros, si recenti re, se pro salute „
patriæ intrepidè obiecissent. Veniam nihilo „

P,

tamen

et tamen secius quam peterent concedere, Regiamque cunctis clementiam impertiri. Iube-
re in super ubi se telis militaribusque rebus in-
struxissent, parati ut sint qui agmen sequan-
tur, colla taniolis circumuincti, quod a ceteris
discerni queant.

His peractis, Canteburgia proficiscitur, &
a. d. X. Kalendas Septemb. omni cum exercitu
Intwoodiam peruenit. Distat autem Intwoo-
dia Norwico, ad duo fere millia passuum; ubique
Thomas Greshamius quidam (equestris ordi-
nis vir) domum habuit sane per amplam & or-
natam, in qua Variicensis eo die, & insequenti
nocte cum suis permansit. Armati tamen om-
nes fuerunt, & ad prelium instructi, si quid forte
tumultus repentini hostes exciuisent: qui
quidem ex speculis & turribus cuncta quae fie-
rent contemplantur. Variicensis interea
dum (ut antea dictum est) cum omnibus co-
pijs VVintwoodie coesidisset, facilem mit-
tit, qui Regis nomine urbi, ciuibusque (uti
mos est) bellum denunciaret, nisi portis quam
primum

primū patefactis, atq; reclusis Regium exercitum in oppidum intronississent.

Kettus vbi facialem ad portas peruenisse intellexisset, Augustinū Stuardū proprætorem & Robertum Ruggū vrbis primores, adire eū iussit, & ab illo quid postulatū venisset sciscitari. Ij per posticū emissi, re cognita, feciali respōdēt: Miserrimos sese arbitrari, omniū qui vnquā vixerūt mortaliū, tot tantisq; cladibus & animo, & corpore perfunctos, vt ad earū memoriam totis artibus cōtremiscant. Veruntamen hoc vnū prætereā etiam ad summam calamitatē, doloris & dedecoris adiungi, quòd eam quam Regiæ maiestati fidem deferre & debeant, & cupiant, hoc tempore præstare nequierint. Infelicissimos sese existimare, quorum in illa tempora ætas incidisset, quibus implicita, semper aut vitæ, aut dignitatis discrimen subeundum foret. Nihilominus benè se de Regia Maiestate sperare, vtpotè qui nullo horum se scelerum consensu deuinxerint,

« sed ea (quantum certè fieri potuit) à ciuibus
 « suis magna cum rei familiaris iactura, & in-
 « credibili semper vitæ discrimine depulerint.
 « Vnum hoc insupèr à Varuicensi demississi-
 « mè deprecari, vt quoniam in vrbe Kettiano-
 « rum innumerabiles essent inermes, inopes,
 « ac nudi, quos (præterquàm quòd metu &
 « flagitiorū conscientia, astricti tenerentur, cæ-
 « teroqui huius societatis pertæsum esset, (vt
 « potè qui cupiditatem ipsam malefaciendi,
 « furorū satietate repleuissent) rem sæpiùs fru-
 « strà tentatam, semel tamen iterum experiri
 « dignaretur. Magnoperè sese confidere de-
 « monstrant, si hoc tempore impunitatis spes
 « denuò proposita sit : fore vti protinùs sine
 « cæde ac sanguine ab armis discedatur. Æter-
 « nam eius rei ad posteros memoriam futurā,
 « & gloriam quauis victoria præstantiorem: si
 « pacem ac tela ciuili nequaquā imbuta cruo-
 « re domum reportasset.

Fecialis continuò à colloquio Proprætoris
 in castra Varuicensis digressus, cuncta quæ
 ab

ab illo didicisset demonstrat. Varuicensis, cui nihil antiquius fuit, quam vt (si qua ratione confieri posset) incendium hoc, tam periculosum, & acerbum, sine cruore ac sanguine restingueretur: statuit & ipse quoq; huiusce rei consilium, non facinorū, quæ designassent atrocitate, sed dignitate Regia, & regni vtilitate metiri.

Metuebat insupèr ne Generosi qui vincti in carcere ac custodijs detinebantur, magnis indies terrorum iactati fluctibus, tandem ab illis crudelissimè interficerentur. Namque mortem illis quotidie interminabantur, & permultos ex ijs, ac præcipuè Rogerum VVoodosium, equestris ordinis virū, omni verborū contumelia lacerarunt. In quo sanè viro violando atque vexando, inauditam illam suam atque insatiabilem animi crudelitatem exercuerunt.

His igitur de causis placuit denuò experiri possentne iam tandem veniæ & impunitatis spe, de sceleris errore deduci. Dimissus ad id

statim cum tubicinē fecialis, quibus urbem ingressis, obuiam sibi protinus à quadraginta feditionis, qui bini pariter incedentes (erant autem omnes in equis) multo cum plausu, ingentiq; clamore à porta diui Stephani ad Episcopalem perrexerūt. Exin tubicen buccinē cantu signum dedit, ad quod cum confertim de colle magni coniuuratorū greges confluxissent, citato cursu equites ad illos diuolarunt. Iubent uti utraque parte viæ ordine directo consisterent. In quem cum se è vestigio retulissent, fecialis cum tubicine, ciuitatisque primores duo, per medios hostes progressi, magnis vndiq; clamoribus ac vociferationibus excepti sunt. Nāq; singuli capitibus denudatis, vno veluti ore ac consensu ad vnū serò omnes cōclamarunt: **VIVAT EDOVARDVS REX. VIVAT EDOVARDVS REX.** Collaudati ob id à feciali & primoribus ciuitatis, atque ordinem quem tenerent uti eundem paulisper conseruarent rogati: fecialis cum

eum

eum in modum ducentos quinquaginta ferè
passus cōfecisset, tandem collis cacumen cō-
scēdit. Ibi sacris ac sollemnibus velatus insi-
gnibus, paululū moratus, (nondum enim
Kettus venerat) demū ita locutus fertur.

Non ignorare illos ex quo primū sceler-
rata arma in patriam cōperunt, quot quan-
tisq; modis, omni studio, labore, sollicitudi-
ne, Regia Maiestas eam in curam incubue-
rit, vti a scelerum atrocitate, qua omnia iura
diuina atq; humana violauerūt, ad aliquam
officij, & salutis suæ cogitationem, (cōuer-
sis tādē voluntatibus) tradūcerentur. Nō
semel tātū, sed sæpius iterū atq; iterū, pa-
cis præcones, atq; internūtiōs ad illos misisse,
quos tamen despectos semper, atq; omni af-
fectos ludibrio, detestabili furore ac perfidia
neglexissent. Nunc verò (prò Deū immor-
talē) quō ruerent, quō se fortunāque suas
exitabili vesania præcipitarent, quem perfi-
diosissimis furoribus modū, quem impuris-
simo consilijs exitum imponerent. Quousq;
pesti-

“ pestiferis incitati cupiditatibus, quas semel a-
“ nimos vincendi spes falsas atque perinjanas
“ imbibissent, letali semper vanitate confecta-
“ rentur? Quousq; turpissimam exitiosæ pro-
“ ditionis impietatem, e mentitis verborum ti-
“ tulis, condecorarent? Quousque horribiles
“ impuritates, atq; nequitias, fallacissimis vir-
“ tutum integumentis inuoluerent? Quousq;
“ deniq; earum rerum, fatali desiderio tene-
“ rentur, quas si assequi liceret, atque indipisci,
“ totius continuò Reipublicæ interitus, longè
“ acerbissimus, atq; luctuosissimus accideret?
“ Quin potius iâ tandē circūspicerēt paulisper,
“ atq; animū, mentemq; adhiberent, REM-
“ QVE suam P V B L I C A M, (de qua
“ omni in sermone non perinsulse minus, quā
“ nefariè, impieq; gloriari solerent) intentioni-
“ bus oculis acerrimè cōtemplarentur. Enim-
“ uerò tū facilimè perspicī posse, fidelesne sub-
“ diti sint, & bonorum ciurum nomine digni,
“ qui contra maiestatem Regiam hostilia ar-
“ ma induerint: qui despiciatissimorum homi-
num

num, flagitiosissimos greges cōflauerint: qui patriæ (communi omnium parenti) impias, atq; sacrilegas manus intulerint: qui plebis fecem, & mortalium vilissimos, (omni panē ex Anglia excussos) in Rempubicām, ad bonorum interitū, & regni disperditionem immiserint: qui maximam ornatissimæ ciuitatis partem acerbissimo incendio deleuerint: qui permultis fortibus, atque integerri-
mis viris fœdissima vincula iniecerint: nonnullos autem exquisitissimis cruciatis tormentis perneçarint: qui refertissimas domus penitūs exhauferint, vicinasq; villulas compilarint: qui multorū (nuper diuitum, nunc autem illorum immanitate, miserorum atq; egentium) fortunas, ad se, in sua nefanda castra funesto latrocinio transtulerint: qui falsas leges, falsas literas, falsa diplomata, Regis nomine cōfinxerint: qui templa Dei optimi maximi profanauerint: priuatorum hominum domus prostrauerint, agros circumquaque perculerint, & afflixerint: qui cogi-

Q.

tationes

„tatipnes omnes, studia, conatus, ad depopu-
 „lationes, (cædes, vastationes, incendia, rapi-
 „nasq; cōuerterint: qui deniq; nihil superesse
 „suerint, quo progredi longius posset furoris
 „rabies & amentia, quin id totū, aut profun-
 „dissima libidines absorpserint, aut importu-
 „nitates tæterrime dissipauerint. His cū se
 „tot, tantis, ac tam horrendis, flagitiorū fœdi-
 „tatibus, Deo, Regi, Reiq; publicæ, obstrictos
 „videāt: cumq; iam eum in locū res suas, for-
 „tunasq; omnes, deductas animaduertāt, atq;
 „ita planè profligatas, & perditas, peiore vt
 „conditione quā nunc sunt (sunt enim pes-
 „sima) ne si cupiant quidem, esse queant,
 „tum ipsi secum recordentur, quā in im-
 „mensum malorū mare præcipientes sese deuol-
 „uerint: cogitentq;, quid pertimescendum sit
 „illis, quorum capitibus semper impendeant,
 „(quæ vitæ certe nullo pacto poterunt) di-
 „uini numinis ira, & inuictissimis violati in-
 „festique Regis exercitus. Etenim decreuisse
 „maiestatē suā, nō pati diutius herere hoc tantū
 „malum

malum in visceribus regni sui, neque tam fer-
ram, inhumanam, & intolerandam audaciam
ulterius impunitam & inultam relinquere.
Itaque delegisse Comitem Varuicensem,
(celebris gloriæ, multique nominis virum,
& huic rei à maiestate sua præfectum) qui
illos ferro, ignique persequeretur, iussisset;
vt nunquam prius desisteret, quam hardil-
lorum tam tetram & horribilem societatem
radicitus excidisset. Nihilominus tantam
esse eius immensæ bonitatis, atque clemen-
tiæ magnitudinem, vt quem perditorum fa-
cinorum (si perseverarent) vindicem con-
stituerit, eundem quoque (si secus fecerint)
misericordiæ suæ interpretem atque admi-
nistrum esse voluerit. Quam nisi iam de-
terioribus posthabitis consilijs, amplecte-
rentur, Varuicensem per omnia sacra iu-
rare, nunquam eam posthac cuiquam ob-
latam iri, sed se (sicuti sibi à Rege imperatū
fuit) omnes eius perniciosissimæ coniura-
tionis socios, satellites, ministros, adiutores,

« vt maiestatis regiae hostes infestissimos fer-
« ro, ignique perlecaturum: neq; ante perse-
« quendi finem facturum, quàm illi qui hoc
« nouo, inaudito, inexpiabili parricidio, cuncta
« polluissent, & se tam infans scelerum flucti-
« bus obruissent, meritis Deo, Regique poe-
« nas, debitaque persoluerint.

« Haec cum dixisset, etsi multi de rerum euen-
« tu magnopere solliciti, & quâ angore con-
« scientia, quâ flagitiorum suorum recordati-
« one conuicti, cohorruiissent: tamen pleriq;
« omnes huic orationi grauitè infensè, & inti-
« mis exarserant sensibus, vt facialem protinus
« clamoribus vndique infestis, maledictisq;ue
« conscinderent. Nonnulli eum proditorem
« esse vociferarunt, non à Rege trissum, sed à
« nobilibus instructum, & subornatum, qui il-
« los in fraudem impulsos, verborum blandi-
« mentis atque delitijs consopiret, quò faciliùs
« veluti cõiuentes, incauti, & nihil triste for-
« midantes, opprimeretur. Alij veniam illam
« ad speciem quidem præclaram, & magnificâ
videri,

videri, sed reuera exitiosam tandem, & li-
 gubrem futuram, vtpotè quæ nihil aliud
 esset, nisi **DOLIOLVM CAPI-
 STRIS REFERTVM.** Tunicam,
 autem illam pictam, auroque distinctam &
 illustrem, neutiquâ esse fecialia insignia, sed
 quiddam ex Papisticis confutum ornamen-
 tis. Multa præterea in illum (pestilenti ve-
 cordia turbidi atque præcipites) rabidè fu-
 riosèq; coniecerunt, dum quaquauerfùs cū-
 cti, acerrimis in eum vocibus, & mortem re-
 dolētibus, virtus acerbitatis suæ profunderēt.
 Nihilominus fecialis illine cū Ketto digres-
 sus, alio in loco eadē quæ ibidem promulgas-
 set, cæteræ plebi, (namque antea præ multi-
 tudine omnes audire nequierant) proponit.

Accidit autem vt prius quàm orationi finē
 imposuissēt suę, scelestissimus puer nates fla-
 gitiosissimè denudarit: facto insuper foedif-
 sumo, addita sunt verba foediora. Qua indi-
 gnitate quidam permotus (nam eis flumē e-
 rant ex nostris aliquot, qui eò speculatum

Q. iij. venerant)

venerant) puero fistulæ glande plûbea suprâ
renes, plagam repentè mortiferam inflixit.
Quod coniurati cûm conspexissent, equites
duodecim de syluâ furiosissimè conclaman-
tes decurrerûnt: Circumuenimur ô socij, nisi
prouideritis, circumuenimur. Nõne vi-
detis commilitones nostros coràm trucidari?
ac tormentis transijci? Quid speremus sparsi
& inermes, cûm etiam iam armatis vis infe-
ratur? Enimuerò fecialem nihil aliud cona-
ri, nisi vt cuncti insidijs circumclusi debilita-
tiq; à nobilibus contrucidemur. Hæc cûm
dixisset, dissipati omnes, ac veluti repentino
furore conciti diffugerunt.

Attamen Kettus feciali se adiunxit, eratq;
illi in animo Varuicensè coràm affari: iamq;
collem panè Sturtellensem descenderant,
cûm iagens eum seditiosorum cæterua cla-
moribus insecuta, ad vnum omnes vocife-
rari cœperunt. Quonam iret rogâtes: se pa-
ratos omnem (quamuis vel acerbissimam)
cum illo fortunam subire. Quin si longius
progredi

progredi perrexisset, habituros illos itineris,,
etiam comites, ac vitæ necisque participes.,,
Fecialis cum à tergo tantam hominum con-
fectatium vim vidisset, Kettum rogabat uti
hos cōcursus ac tumultus sedatum retrò cō-
cederet. Qui cum ad suos se retulisset, proti-
nus conticuerunt, cunctique cum illo ad ca-
stra reuerterunt.

At Varuicēsis cum vniuersos furore quo-
dam, & ceco veluti mentis impetu ad interi-
tum præcipites ferri animaduertisset, neque
vllis aut precibus aut pollicitationibus, neq;
porrò supplicij denunciatione permoueri,
vti à tã fœdo incoepto absisterent, pacis spē
rem tām à se, quàm ab alijs sæpius frustra
tentatam, in æternū sibi dimittendā putauit,
& tandem de bello agendū. Itaq; confestim
ad portas diui Stephani exercitum ducit,
(quas cataractis dimissis, perduelles occlu-
serant) iussitque magistros libratorum re-
gios, ita bombardas pro portis locare, vt
ijs deturbatis, atque tormentorum impetu
refractis,

refractis, militi in urbem aditus præstrueretur. Quæ dum fierent, ab Augustino Stuardo proprætore intelligit, ianuam esse auersam (quam vulgò æneam appellât) hanc ab illis maximis defixis trabibus, ijsque terra lapidibusque repletis munitam, nihilominus nullo negotio distrahi atque perrumpi posse. Munitores accersuntur, ijs imperatû vti refringant. Effracta porta, per patentem eam nostri primùm in urbem ingressi, multis interfectis, hostem eo loco facillimè submouerunt. Iamque tormentariorum præfectus, catractis disclusis, atque disruptis, dimidiam ferè portæ partem, frequenti tormentorum ictu quassatam disiecerat, cum Northamptonensis, & Druryus quidam (perspectæ fortitudinis vir) cum cohortibus suis, illac in urbem inuolantes, Kettianos istinc quoque multo inflicto vulnere, multisque trucidatis, è vestigiò depulerint. Ex altera item parte urbis, Proprætore perfecit, vti portæ Vestuicenses aperirentur, quibus reclusis patefactisque, Varuicen-

Varuicēsis omni cum exercitu intronissus, resistente pænè nullo, in forum peruenit. Ibi sexaginta ferè hostium deprehensi, in quos confestim militari more animaduersum est. Indicta enim causa, omnes protinùs (vt in bello fieri consuevit) manifesti sceleris conuicti, vltimo supplicio afficiebantur.

Ac non ita multò post, vehicula ac impedimenta omnia, quæ propter tùm subuectionum difficultates, tùm frequentes, ac repētinās hostium incursiones, aliter importari nequirēt, per illam quoq; portam in oppidū introducuntur. Sed accidit (vt fit) calorum temeritate & inscitia, dum nostri grauioribus negotijs implicarētur, vti ad portam Episcopalem Mousholdiam versùs, vrbe excederent. Quod ex seditiosis quidam conspicati, missis qui auersos calones adorirentur, nostros impedimentis omnibus exuerūt. Qui ex hoc incredibiliter gauisi (nā antea ab istiusmodi rebus imparatissimi fuerūt) carros tormentis, ac puluere sulphureo,
R. omni;

omniq; militari instrumento onustos, in castra perduxerūt. Sed per opportunè cū cohorte sua Drurius interuenit, qui (neque tamen omnino sine militū iactura) uehicula quædā ab hoste recuperauit. Deindè per duelles hoc cōsiliij coeperunt, vt in trāsuersis platearū diuerticulis, cateruatim ex insidijs subsisterēt: rati nostros incautos, & viarū insuetos, propter tūm locorū insolētiā, tū vr̄bis magnitudinem, celeriter confici posse. Quamobrē vicatim distributi, pars ad diui (quē vocant) Michaelis, pars ad Simonis, alij ad Petri, nōnulli ad Vymerensem vicum, parati omnes ad præliū, instructiq; cōstitērunt. Ibi nostros necopinantes adorti, tres vel quattuor generosos, prius quā quispiam subsidio venire posset, crudelissimè interemerunt. Re cōperta, & in forū diuulgata, Varuicensis omni cū exercitu ad hostem submouendū proficiscitur. Cū per plateam (quam vulgò Ioannis vocant) ad templum diui Andræi peruenissent, hostes de improviso magnam sagit-

sagittarū vim atq; procellam in nostros effu-
derunt. Sed sagittantibus illis, & terram cœlo
miscere conantibus, denuò cum scloppetarijs
suis, sūmæ pernicitatis atq; peritiæ iuuenibus,
derepentè infert se Druryus, tātām q; vicissim
tormentorū tempestatem (grandinis ritu)
refundit, puncto vti temporis trepidātes om-
nes in fugam impulerit. Circiter centū & tri-
ginta interfecti: multiq; dum in cœmiteria &
sub muros correperant comprehēsi, & acer-
bissimo supplicio affecti fuēre. Cætera omnis
colluuiēs ad castra Moufholdica, velut in sen-
tinā refluxit. Quibus exhaustis, ciuitas (quòd
tātām pestem euomuisset, forasq; proiecisset)
recteari tandem, & magnoperè releuari vi-
debatur.

Seditiosis itaq; hunc in modū reiectis, vrbeq;
depulsis, *Varuicensis* quò oppidum cōmuniti-
us fieret, muros militibus, rebusq; ad hostem
repellēdum idoneis instruxit: iussitq; vti pro-
tinus cunctis in vijs armati collocarentur, om-
nesq; aditus in urbem, portaq; (extra vnā aut
R. ij. alteram)

alteram) obstrueretur. Namq; per illas nostri
 magnam tormentorum multitudinem deue-
 xerunt, quæ parata inibi stabant & instructa,
 quò postridiè Mousholdiam deportarentur.
 Sedenim Kettiani rati nostros magna pulue-
 ris sulphurei, cæterarumque rerum omnium
 (quibus tormenta exerceri solent) penuria la-
 borare: videntesq; insuper ad impedimenta &
 vehicula passim stare ex nostris quosdã (quos
 tam propter paucitatem (nec enim multi erant
 & incompositi) tũ quòd de superiore loco de-
 currentium impetus, sustinere nequaquã posse
 videbantur, magnoperè despexerunt) oblata
 sibi per insignem rei benè gerendę facultatem
 existimarunt. Itaque dum *Varuicenses*, quã ab
 vrbs defensione, quã à cæteris rebus distentis-
 simi, maioribus curis impeditur, Milo qui-
 dam, vir (vt videbatur) audacissimus, & pila-
 rum eiacularandarum peritissimus, oportuni-
 tatem eius facinoris, tempusq; diligenter aucu-
 pans, Præfectum libratorum regium tormēti
 glãde transfixit. Quem illi exanimem cōspi-
 cati,

cati, pars nudi & inermes, pars baculis, clavis,
 ac bidentibus instructi, phanatico veluti cursu
 instincti, de colle in nostros impetum fecêre.
 Ne primâ quidê impressiōis procellam tu-
 lerunt (tantus omni ex parte terror fuit, & tã
 necopinata hostium vis) sed inconditis vlula-
 tibus & strepitu horrifono obstupefacti, per-
 territiq; (impedimētis omnibus carrisq; reli-
 ctis atq; desertis) magno cū clamore cursuq;
 effuso, vndiq; fugæ se mandarunt. A pluri-
 bus itaq; paucis hunc in modum dispulsis atq;
 fugatis, seditiosi tormenta quædam quæ inibi
 prehenderunt, carrosq; cunctis rebus quæ
 bello vsui forent onustos (priusq; auxilio à no-
 stris veniri posset) in castra comportarunt.
 Quæ sanè res peraduersa nostris & incōmoda
 fuit. Nam præterq; quòd instrumēti militaris,
 quo se hostis instruxit postea indiguerint:
 Kettiani libratores, pilis ferreis, quæ è bom-
 bardis, & tormentis quæ ceperunt, in nostros
 creberrimæ insensibilissimæq; torquebantur, vr-
 bem vehementer afflixêre. Multisq; interfe-
 ctis,

ctis, tormentorumq; rabie laceratis, atque dis-
cerptis, hoc insuper addidēre sceleris & ne-
quitia, magnam vti muri partem, turrimque
quæ in summo Episcopalis constitērat portæ,
furiosissimè deturbarent. Quanq̃ certè (diuini
numinis clementia) ea tūm populi Norwicē-
sis fortuna fuit, vt circumuolitantes tormen-
torum pilæ, siue casu, siue consilio, siue (quod
magis reor) collibratium (vt interdū accidit)
temeritate, & inscitia altius emissa, domuum
tectā sine damno, præteruolauerint. Quæ res
vtiq; nisi contigisset, ab impurissimis latroni-
bus, deterrimisque, continenti tormentorum
impetū ædificijs vndiq; disiectis atq; deterfis,
maximæ vr̃bis partes, leui momento constra-
tæ, æquataq; solo concidissent. Atqui equi-
dē proculdubio detrimētum opinione om-
nium maius publicis rebus eo die importa-
tum fuisset, si Druryus, virtute sua, & haud
contemnenda militum strage, hoc incōmodo
expiato, hostibus profligatis atque repulsis,
maximam eorū quæ tūm auerterūt, partem

non

non præripuisset.

Varuicensis post hæc, quarundam portarum ingressibus concisis, atque aggere obseptis, in pontibus & vicorum flexionibus, ac diuerticulis, diuersa suorum præsidia disponit, magnamque armatorum manum ad portam Episcopalem constituit, cui Dominum VVylloughbæum præfecit; sicque omnia milite circumsepsit, atque munivit, ut ea nocte hosti introitum in urbem, vndique præcluserit.

Postero tamen die, seditiosi flumen transgressi, circa locum quendam quem Counsforth appellant, incendio terribili, & ad aspectum sanè perlugubri cuncta permiscēt. Nam omnibus duarum parœciarū ædificijs exustis, ignis ita latè se diffudit, ut vicina pleraque loca horribili flamma comprehēderet. Dominus erat quædā in qua Mercatores Norticeses, ea quæ Yarmoutho deuexissent, deponere cōsueuerūt: huic ignis illatus, quo momento temporis domus ipsa, vnàque maximus frumenti

frumenti numerus, multæq; honestissimorum negotiatorum fortunæ concremata, deflagrauerunt.

Fama est (neque absonum fidei videtur) decreuisse illos totam urbem incendio delere: atq; eo consilio quibusdam tectis ignem iniecisse, quò videlicet vniuersi ad arduas domus discurrentes, seditiosi eodem tēporis puncto, portis omnibus inundantes, nostros dissipatos, & mutuo interclusos auxilio, hinc flamma, illinc ferro constringerent. Id prudenter animaduersum, & hostium conatus fefellit, & nostros eam in sententiam adduxit, vt ignem passim per tecta, populabunda velocitate grassantem, vagari sinerent, neq; orientem eum quamprimùm restinguerēt.

Veruntamē cum nostris ista hunc in modum omni ex parte infoeliciter accidissent, calamitates alias super alias perpetuò accumulāte fortuna, multorū animos ingens stupor ac moestitia defixit, adeò vt desperatione ac timore languescerent (deficiente iam
ad

ad omnia consilio) p̄nē succūberent. Hij
 Varuicēsem adeūt, demonstrat urbē esse ma-
 gnā, portas omnes aut fractas, aut exustas,
 summā propugnantiū paucitatem, hostium
 verò copias ingētes, defendi non posse, ro-
 gāt enixē vti saluti consulat, ciuitatem relin-
 quat, neue rem in summum discriminē deduci
 sinat. Varuicensis (vt erat corde semper
 excelso sanē, & inulctō, tū acer, & vehemens
 in ferro vir, omnisq; insolens infamiae) Quin
 igitur (inquit) tam citō animis concidistis?
 Tantane derepentē offusa menti caligo, vir-
 tutis acie perstrinxit, vt hoc aut vos velitis,
 aut me viuo fieri posse arbitremini? Ego vt
 urbem relinquam? prius ferrum, prius flā-
 ma, prius deniq; omnia, quam tantam mihi,
 vobisue ignominiae aut dedecoris labem as-
 sperferim.

His dictis, gladiū distrinxit, fecere idem
 & cæteri nobiles (aderant enim frequentis-
 simi) iussitque vti alter alterius ensi (militari
 more in maximis periculis interdū hoc fieri
 S. consueuit)

confuevit) osculum & sacrae crucis signum
imprimerent, & iurare iurando, sanctoq; foc-
dere conceptis verbis vniuersi se deuinci-
rent, nō prius istinc discessuros, q̄ aut hostem
funditus profligauissent, aut vitā pro Regia
maiestate dimicantes fortiter profudissent.
Dum hec fierent, seditiosi alia ex parte op-
pidi, qua nostri illos minimē ingressuros re-
bantur, in urbem perumpunt, sed cū iam
penē ad pontes peruenissent, à nostris celeri-
ter occursum est, multisq; cædibus vulneri-
busq; repulsi, fuga quā intrarunt præcipites
se effundunt. At Varuicēsis, quō hanc hosti
urbis adeundē potestātē penitus præriperet,
iussit omnes pōtes quaquauerus interscindi.
Postea verō quibusdā de causis secus impe-
ratū; isq; tantum qui vulgō Carmelitarū di-
citur interruptus: cæteris omnibus perstre-
nui milites præsidio impositi, cunctaq; loca,
& precipue porte, quod ille maxima ex par-
te omnes, aut prostrate cōcidissent, aut incē-
sæ deflagrassēt, hominibus impigerrimis, &

in militari re exercitatissimis, tuēde ad quos-
uis repētinos casus trāsdite. Vndē adeo factū
est, vt improuisi, atq; nocturni hostiū impe-
tus, omnes omniū calsi, & inanes exstiterint.

Postridiē eius diei (is fuit. a. d. VII. Kalen.
Septemb.) Heluetiorum mille quadraginta
peracres (vt vulgus hominum existimabat)
bellatores & egregij, Lōdino ad Varuicēse
venēre. Hij lētis acclamationibus à nostris
suscepti sunt, qui multis tormentorū bombis
gaudiū atq; alacritatē significarūt suā. De-
mum per vicos domusq; diuisi, & à ciuibus
perliberaliter perq; benignē accepti inuita-
tiq;, vt nostrorū animos exsultātes, & rei be-
ne gerēde fiducia subnixos ad certā spē ere-
xerūt, sic hostiū mentes, noua iā cōfusas for-
midine, consternatasq;, ad haud dubiam fu-
turi interitus cogitationem depresserunt.

Interea verò seditiosi, nihil aliud nisi bonorū
omniū sanguinē exsorbere cupiētes (cuius iā
spē aliquā auidissimis imbiberant animis) in
eo rem totā veri existimarūt, si Varuicēsis

S.ij.

copiæ

copie primo quoquo tēpore profligarentur. Et certē sicut Deum optimū maximum deseruerunt, sic ab illo spreti vicissim, abiectiq; diabolo sese constringendos dediderunt. Hic anili superstitione mentes imbuerat, perfcitque ut cæcis ariolorum ineprijs impliciti, vicinam quandam cōuallem veluti huic fatalem bello deligerent.

Quanquā equidem (sicuti memoriæ proditum est) non defuere portēta, & manifesta diuini furoris indicia. Namq; anguis ex columna lignea in gremium vxoris Ketti dilapsus, non tam multorum pectora terribili pauore perculerat, quā Kettum ipsum anxij impleuerat curis. Sed hīc forsan operæpretium erit referre, quā futili opinionis errore inflati, sese ad exiōsa deuoluerint, cum quæ reuera iram & vindictam, (vti videbatur) diuinam portenderunt, vā cordi feritate atq; pertinacia tumentes, vniuersi neglexerint. Tātam certē noctem humana menti diabolus offundere consuevit, quoties

quoties eam scelere demersam conspexerit. Etenim cum multa essent vaticinationū deliramenta in vulgus relata, ex quibus nescio quam victoriolæ spem exfuxerant : inconditos tamē quosdam & insulos versus (stultæ animorum truculentia indices) præ cæteris omnibus amplexi sunt. Qui cū crebris quotidie sermonibus vsurparentur (falsi siquidem vates singulis pænè momentis huiusmodi ineptias auribus instillarunt suis) res erat exempli post natos homines planè inauditi, quæque omnem exsuperet fidem, quemadmodum ad eorum mentionem furibundos sensus incitarint animaduertere : tum quanta & quàm inani lætitia gestierint, intueri. Perinde ac si illis vnis versibus certa sibi salus & victoria, nostris autem interitus, & miserabiles fortunarum omnium ruinæ portenderentur.

Hij autem erant istiusmodi:

The cūrp' gnawes, Hob, Dick, & Hick, with clubs and clouted shoon,
Shall fill by Duffen vale with slaughtered bodies soon.

S.ij.

Quos

Quos nos (vt potuimus) Latino sermone
expressimus,

Rustica plebs clavis, & agresti induta perone,

Duffoni vallem miseranda strage replebunt.

Hij cū quotidie & (vt suprā dictū est) vbiq;
decātarentur, sceleratissimorū hominū mē-
tibus, id veneni dæmon infudit, vt ambiguo
falsi, fortunę loci, spes suas delegare decreue-
rint. Itaque omnibus scelerū suorū latibulis
atq; speluncis (quas passim ex ligno ipsimet
sibi cōstruxerāt) incēsis (adeò vt fumus è tot
simul distantibus locis ortus, toti pænè cœlo
veluti noctem induceret, subiectaſq; plani-
ties atra caligine integeret) indè in vallem
Duffonensem cum vexillis, ac signis mili-
taribus viginti perrexerunt. Tanta erat se-
ditiosorum prædæ spe, impunitateque al-
lecta multitudo. Ibi omnia conari, atque
moliri cœperunt, quò nostris aditum, &
negotij conficiendi spem adimerent: adeò
vt momento temporis vallo, aggere, mu-
nimentisq; se circūseperint, fossas vijs trans-
uerſas

uerſas perduxerint, itineraq; omnia ſudibus ſtipitibusq; in terram defixis intercluſerint.

Hæc cum Varuicenſis intellexiſſet, ſtatuit & ipſe quoque belli fortunam periclitari vt quos lenitate ac patientia frangere nō potuerit, eos vi & armis ſuperaret. Inſequēti itaq; die (is fuit. a.d. VI. Kalend. Septemb.) inſtructo exercitū per portam Coſtlinienſem cōtra hoſtem iter ingreditur. Adiunxerant ſe comiti Marchio Northamtonienſis, VVylloughbæus, Poiſſius, Braijus, Ambroſius Dudleyus Varuicenſis filius, & prætereà nobilium, ac fortiſſimorum viro- rum cohortes lectiſſimæ.

Prius tamen quàm in hoſtiū cōſpectū veniretur, Edmundū Knyuettū, & Thomam Palmerium, equites ex aula perilluſtres, atque altero totidem ſciſcitatum dimittit, vel- lentne nunc demum furores deponere ſuos, & ſcleris, crudelitatis, perfidiæ, belli deniq; contra patriam faciendi conſilia abiicere. Tantam eſſe nimirum & tam incredibilem
bonita-

bonitatis atq; clementiæ Regiæ magnitudinem, vt quamuis impietate pænè indelebili maiestatem ipsius, dignitatemq; polluissent, seseque sempiternis turpitudinum notis maculisque conspersissent : admissorum nihilo tamen secius facinorum veniam pacemque semel iterum cūctis (vno aut altero excepto) denuntiari iusserit : dummodò ex hoc cursu malignitatis atque nequitiae iter iam tandem (pœnitentia ducti) ad obsequium tranquillitatemq; conuerterint. Sin verò in amentia peruersè, atq; impiè persistere decreuissent, extremaque omnia experiri, nunc domum adesse scirent, malè sanæ leuitatis atq; perfidiæ pœnas suæ: ipsumq; Varuicensem, quāquam serum, certum tamen, tam nefandæ coniurationis vindicem. Hijs hoc vnum, idque ferocissimè ab omnibus responsum : **SE NOLLE.**

Quibus ad Varuicensem relatis, non longiori oratione milites peracri iam pugne desiderio deflagrantes, cohortatus est, quā

Vti

vti fortiter hostem inuaderent, nèue pertur-
barentur animo, sed eam quam conspiceret
seditiosorum multitudinem, non homines,
sed feras, omni diritate prædita existimarēt.
Nec se ad pugnam, sed ad pœnam venisse
arbitrarentur, eam confestim à flagitiosissi-
mis latronibus deposcerent, pestem patriæ,
pietatis atq; officij stragem, belluas denique
truculentissimas, maiestatiq; regiæ feritate
insanabili reluctantes, prosternerent, afflige-
rent, delerēt. His dictis, quia nō longiùs ho-
stes aberāt, q̄ quò glans ē tormento propelli
posset, prælij committēdi signū dat. At Ket-
tiani nostros contra se venientes conspicati,
suos ita instruxerūt, omnes vti nobiles quos
damnatorum more catenatos, durissimisq;
vinctos compedibus secū duxerunt, in pri-
ma acie locarint. Id eo consilio factum, quò
nostri, à nostris interficerentur. Sed Dei im-
mortalis numine & incredibili militum vir-
tute contigit, vt (secus quàm hostes volebāt)
omnes penè incolumes euaserint. Milo si-

T.

quidem

quidem (hunc modò Kettianum librato-
rem esse diximus, artifque tormentariæ
scientissimum) ferrea pila, regio vexilli-
fero foemur percussit: quæ pene equi hume-
rum, quo is vectus fortè incedebat, altius
adacta, ipsum quoque equum, eodem
vulnere transuerberavit. Id nostri indignè
ferentes, displosis vicissim tormentis, horri-
biliq; pilarum procella in hostes effusa,
ordines perrumpunt. Quibus continuo
impulsis, atque perturbatis, omnes nobi-
les qui in prima fronte constiterunt, fugiē-
tes, belli tempestatem deuitarunt. Etenim
nostri equites, postquàm hostes crebris tor-
mentorum, sclopetorumq; traiectionibus dis-
pulsos fugatosq; conspexerunt, subito om-
nibus copijs prouolarunt, impetumq; in
illos fecerunt, quem tantum afuit illi uti
sustinuerint, pecorum ut instar, promis-
cuè, citato cursu, cuncti præcipites in
fugam proruerint. Cæterum cum ex in-
sequentium strepitu, atque clamore, in
ultima

ultima iam perfidiæ obstinatione , feroces
ac præferuidæ mentes , tacitas nescio quas
odij atque doloris flammæ corripuissent :
(velut feræ) ex desperatione & scelerum
memoria , in rabiem versi , è fuga se re-
pentè conuertentes exitiabili perûicacia ,
nostris aliquandiù restiterunt. Verunta-
men tantus fuit pilarum vis , tantusque
nostrorum hominum (qui victoriæ per-
auidi effrenatiùs in aciem hostium per-
ruperant) irruentium ardor , vt Kettia-
næ cohortes vndique acri impetu , pulsæ ,
protritæque , nullo pænè negotio loco
pellerentur. Itaque Kettus , vti dux in
scelere strenuus , ita Imperator in bello
ignauus , vbi aduersa omnia vidisset , or-
dines interrumpi , suos disijci , nostros in-
festos inferri , neque salutis , neque præ-
sidij vllam spem , animo varius , & im-
manium facinorum conscientia exæstu-
ans , fugæ se mandans , clàm suis pugna
excessit.

T.ij.

Ea

Ea res vtiq; postquàm cognitum est, du-
cem è praelio profugisse, incredibiliter hosti
animos minuit, tantumque breui temporis
momento perfecit, vti omnis ille ardens nu-
per, ac vehemens repugnandi feruor, pro-
tinus ad tam necopinatae fugae famam elan-
guescens refrixerit. Quamobrem primùm
murmur, & tacitae querelae, post clamor, ad
extremum verò vndique fuga fieri coepta.
Effusos nostri equites perceleriter insecuti,
stragem ingentem dederunt. Namq; ad tria
milia quingenta caesi, & sauciorum magnus
numerus, cum omni ex parte dissipati, aut
vulnerarentur, aut trucidarètur. Quod qui-
dā è seditiosis animaduertentes, sublata om-
ni prorsus, vti rebantur, veniae spe, efferatos
iam multis immanibus factis animos, ad ma-
iora inuicem in ea desperatione salutis scele-
ra exacuerunt. Itaque peruicaci audacia cō-
festim è fuga se recipientes, praelium redin-
tegrare decreuerunt: praedicantes, malle se
“ fortiter dimicantes occumbere, quàm fugi-
entes

entes (pecudum ritu) contrucidari. Porro
vbi se telis, alijsque rebus (quæ humi passim
inter acervos cæforum corporum stratae ia-
cebant) instruxissent, & verua, fudes, stipi-
tesque; præacutas solo infixissent, fidem astrin-
xere, aut illic se vitam viriliter proiecturos,
aut victoriæ demum compotes futuros. Itaque
cum alter alteri propinassent (ominis id erat
instar, & signum animarum morti deuotarum)
precibus votisque; solemni more susceptis, ad
pugnam se confirmant.

Varuicensis re intellecta, facialem mittit,
monet vti arma deponant, impunè fore si fe-
cerint, secus omnes ad vnum interituros. Re-
spondent perlibenter se ab armis discessuros,
si scirent illam impunitatem sibi salutare fu-
turam, sed animaduertere in suæ societatis
homines vndique sæuiri, idadeò indicio esse,
mentionem hanc veniæ à nobilibus insidi-
osissimè inductam, nimirum quò falsa & per-
inani clementiæ spe (veluti laqueis) circun-
retiti tandem atque deuincti, ad cruciatum

T. iij. omnes,

omnes, & eadem constringerentur. Et re-
uerà quicquid illi præseferant, scire se tamē
perq; bellē intelligere, veniam eam nihil a-
liud esse, quàm **DOLIOLVM RE-**
STIBVS & CAPISTRIS RE-
FER TVM. Proin mori decreuisse.

His relatis, Varuicensis ingemuisset dicitur
turbæ iamiam perituræ, atq; commiseratio-
ne ductus, denuò misisse qui sciscitarentur:
Num si ipse veniret, & coram fidem obli-
garet suam, arma abiecturi forent. Con-
clamant omnes, id si fecerit, fidem habitu-
ros, & regis se arbitrio, potestatiq; per-
missuros.

Nec mora: Varuicensis protinus ad illos
pergit: facialem publicè litteras regias legere
iubet, quibus recitatis (quòd eæ veniā om-
nibus persanctè polliceretur) ijs cōfisi, arma
abijciūt, cunctiq; vno veluti ore gratulabūdi
exclamant, **VIVAT EDOVAR-**
DVS REX. VIVAT EDO-
VARDVS REX. Atque ita multi
mortales,

mortales, velut è fati faucibus erepti, Varuicēsis prudentia ac misericordia conseruati sunt. Confecto prælio, præda omnis eodem die militi permissa, atq; Norwici publicè in foro diuendita.

Illud insuper memorię proditū est, nobiles complures, ac primores etiā aliquot ciuitatis, in ipso tumultu & ardore pugnæ transfossos, etsi ingentem pecuniam, magnaque munera militibus dedissent, quò suę vitæ, incolumitatiq;ue prospiceretur.

Postero die quorūdam hominum nuntijs ad Varuicensem perfertur, Kettum dum equus labore languescens fortè (vt fit) itinerr succubuiisset, fugæ pertæsum in horreum correpsisse. Illic à duobus seruulis cuiusdam Richesij de Swannington comprehensum, domumque illius deductum asseruari. Missi protinus equites viginti, qui illum ibidem in sordibus, lamentis, luctuque iacentem offendentes, ex sanguinem metu, ac vitæ diffidentem, desperantemque suæ,
vincitum

vinctum Norwicum pertraxerunt.

Eodem die iudicia exerceri cœpta, quæstionesq; de ijs qui coniurassent habitæ in castello, multique mortales patibulis suffixi, acerbissimo cruciati supplicio, necatiq; fuere. Dein nouem, qui eius tumultus antesignani & principes exstiterunt, de Reformatoria Quercu suspensi: complures item eorum affines facinorum in crucem sublati: ijs (incisa protinùs resti) in terram dilapsis, (sunt hæc apud nostrates proditorû supplicia) abscissa primùm quæ procreandi causa affinxit natura, tum viscera viuis extracta, & in ignem iniecta, caput amputatum, idq; fixum in pilo, & in turris fastigio defixum, reliquû corpus in quattuor partes laceratum atq; dissectum, eæq; totidem in locis sparsæ, atque ad terrorem omnibus propositæ.

Verum enim uerò agrestibus hunc in modum deletis, permulti nobiles iracundia & vlciscendi studio vehementiùs incitati, animum Varuicensis ad crudelitatem incedere cona-

conabantur. Qui non paucorum pœna cō-
tenti, volebant omnem penitus stirpem sce-
leratam excindi: adeoq; acres in eo fuerūt,
& peracerbi, vti Varuicēsem coegerint pa-
lām ad illos hac oratione vti. Adhibendum »
esse modum: eum ne fortè in puniendo ex- »
cederent, in primis cauendum. Scire se ma- »
leficia eiusmodi acerrimè vindicari debere, »
& atrocissimo supplicio cōstringi. Sed quo- »
usq; progredērēt? ecquid semper sese im- »
placabiles in expiabilēsq; præberent? nullum »
deprecationi, nullum veniæ, nullum miseri- »
cordiæ locum relinquerēt? An essent & ipsi »
agricolæ futuri, & terrā aratris perstricturi? »
Hæc oratio vindictæ cupiditatē magnoperè
sedauit, perfecitq; vt multi qui antea ad im-
manitatem toti exarserant, postea tamen ad-
uersus miseram plebeculam longè humani-
ores exstiterint. Sub noctem trucidatorum
cadauera sepulta sunt, ne ex tabe corporum,
lues morbiue progignerentur.

Postridiè eius diei (inciderat is dies in ante

V, diem

diem. IIII. Kalendas Septemb.) præclarissimus, ac in summa sapientia & fortitudine illustrissimus princeps Varuicensis, vnâ cum cæteris omnibus nobilibus ingentiq; nō virorū modò, sed etiam foeminarum omnium generum, ætatū, ordinum turba, templū diui Petri ingressus est: ibiq; Deo optimo maximo gratiæ actæ, & ob rem peregre regiè gestâ supplicationes habite. Quibus peractis, cum omni comitatu vrbe excessit.

At ciues superfundenti se lætitia, vno consensu omnes Varuicensem in cœlū laudibus efferre, de illo omnia bona prædicare, plaufibus, hilaritatibus, gratulationibus, implere, miscereq; omnia, magnificentissimisq; verbis tanti ducis famam, tātæ virtutis memoriam cōcelebrare, vitā suam, cōiugum, liberorūq; animas, fortunās deniq; vniuersas, illius dūtaxat prudentiæ, foelicitatū, fortitudini acceptas referre. Statuerunt præterea, ad notam, & ignominiam illorū temporū sempiternā, vt eo ipso quo hostes fusi sunt die, cunctitēpla

pla adirent: ibiq; preces à sacrorum ministris
sollenni instauratæ ritu, quotannis celebra-
rentur. Quibus de more susceptis, decreue-
runt insuper concionem in publico fieri, ad
quam vniuersi conuenirēt. Quæ cōsuetudo
ex huiusmodi introducta principio, etiam
ad hæc quoque tempora permanuit.

Sedenim horum omnium scelerum signi-
fer Kettus, Londinum vnà cum Gulielmo
Ketto, homine plurimis flagitiorum turpi-
tudinibus infami, fratriq; suo, (non tam san-
guinis communionem, quam morū importu-
nitate, & perditissimis vitæ rationibus con-
iuncto) pertractus est: atque in turrim Lon-
dinensem coniectus.

Interiectis autem aliquot diebus, etsi ma-
nifeste perduellionis cōuicti, & omniū iudicijs
ignominijq; cōfessi, flagitiorū suorū consci-
entia conciderint, tamen ad Iudicū subsellia
traducti, more maiorū quæstio de ijs habita
est. Cōdemnati ducuntur Norwicum alter,
alter VVindamiam, vbi de vtriusq; suppliciū

V.ij.

sum.

sumtum fuit. Etenim Roberto Ketto Norwici in castello catene iniecte sunt, collumq; in laqueum insertū, atq; ita de terra vius in crucem sublatu, ad diuturnam tanti sceleris memoriam pepedit: donec infelix & triste cadauer, turpi tandem dilapsu tabe defluxisset. Gulielmus autem Kettus, VVindamiæ vnde omnes illi furores velut à fōte redundarunt (namq; inibi ambo habitauerūt) consimili mortis genere excruciatu interijt.

Atq; hunc in modum ciuitas, omnisque regio Norfolciensis (cū ad sexaginta fere dies, hæc impura & mortifera perfidie pestis ad multorum perniciem & interitum peruagata, cuncta lamentabili clade concussisset) Deitadem optimi maximi benignitate, & Varnicensis præcellentissimi principis admirabili virtute, hoc tam funesto ac lugubri perfuncta tumultu, conquieuit.

FINIS.

ALEXANDRI
NEVYLLI
ANGLI,
NORVICVS.



LONDINI,
Ex officina Henrici Binne-

mani Typographi.
Anno salutis humanæ
cic. lxxv.



Lectori.



NE ME (LECTOR
optime) existimes vel fa-
ma desiderio (quo sanè nō
conficior) vel præmij in-
uitatum & illectum spe,
(quod nunquam concupi-
ui) ad scribendum accessisse. Enimuerò non
sum ita mentis inops, ita omnis consilij ege-
nus, ut in hac tanta mea vel eruditionis, vel
ingenij mediocritate, vel huius peruersissimi
seculi maledicendi libidine (nam quæ tem-
pora inimica magis virtuti?) ullam aut lau-
dem, aut lucrum expectem. Vidi equidem
vidi, & longè antè præsaga mens atq; præ-
scia futuri prospexit, fore ut hic labor meus
non meo certè (quod quidam forsân suspi-
cantur) iudicio, sed alieno susceptus impe-
rio, in popularis inuidiæ procillas, & varias
maleuolorum reprehensiones incurreret. Sed
ego is sum, qui sicuti doctorum atq; prudentiū

X.ij.

iudicia

AD LECTOREM

iudicia permagni semper ad laudem & decus interesse putarim, ita insipientium perpetuò susurros ac murmura neglexerim.

Et verò nisi præstantissimi & optimè de me meriti præsulis authoritas, quæ mihi istius operis aggrediendi cupiditatem iniecerat, eadem perficiendi quoque necessitatem imposuisset, (siquidem moriens uti liber typis quàmprimum peruulgaretur testamento cauerat) citius (mihi crede) in cribro ad Antipodes per nauigassem, quàm in re tam sterili, atque pertenui vel industriæ meæ vel ingenij nervos intendissem.

Porro autem cum animo ob eas vitæ acerbitates atque ærumnas quas in me simul vno eodemq; tempore quasi conflauerat atque profuderat fortuna incredibiliter angerer: omnesq; mihi vndiq; venti reslauissent, quò aspirare mens meâ tantis malorum mōtibus circumclusa potuerit certè non reperio.

AD HÆC accedit, cum neq; ingenio, (quod mihi quidem minus quàm mediocre est)

est) neq̃ arte aut studio dicēdi (quibus in rebus aut nihil, aut non multum sanè temporis impendi) neq̃ usu & exercitatione quicquā valerem, ecquid mirum si cogitationes & spes meæ vniuersæ, tantis difficultatibus depressæ funditus concidissent? Quibus cum rebus omnibus ab omni prorsus scriptione deterrerer: ægerrimè passus sum ijs me literis atque laboribus inuolui, quæ plus mihi dedecoris videretur & molestiæ, quàm splendoris aut emolumenti allaturi. Quid enim mea intererat; qui qualesuè fuerint Noruicensēs, vndè orti, quibus primùm vrbs auspicijs nata, quibus deinceps aucta, quos curia Prætores, quos habuerit Ecclesia Pontifices? quæ omnia etsi ad legendum alijs vtilia videbuntur, & fortassis non ingrata, (neque enim contrà disputo) mihi tamen ad scribendum permolesta sanè atque perinui-cunda fuere?

Veruntamen clarissimi (vt antea dixi) & sapientissimi Antistitis voluntati obtempe-
 Xx.ij. randum

AD LECTOREM

randum fuit. Cuius cùm animus multum se
 & assiduè in huiuscemodi rebus inuestigan-
 dis peruolueret quid facere potuit abstrusis-
 simæ cognitionis, & perreconditæ pontifex
 vel ad nostram utilitatem præstabilius, vel
 ad nominis sui famam præclarius, quàm si
 eã antiquitatis notitiam, quæ in illius pecto-
 re semper vixit (fragilitatis cōsciens huma-
 næ) nobis (æternis literarum monumentis
 custodiendam) relinqueret?

Cæterum quot capita (ut ait ille Orator
 omnium maximus) tot sensus. Neq̃ enim
 defuturos quosdam arbitror (nam quid per-
 uersius huiuscemodi ingenijs?) qui tam pru-
 dentissimi Præsulis studium, quam meam
 qualis ea cunq̃ videbitur industriam, im-
 probaturi sint.

Sed tanti est apud me (Lector humanissi-
 me) leuissimorū hominum ineptias & ma-
 ledicta subire, (quem enim illi mortalium
 maledicentiæ spiculis non confixere?) dū
 modò doctos atque prudentes si quæ fortassis
 minus

AD LECTOREM.

minùs probabuntur æquiores inuenero.

Qui tamen si se mihi iusta petenti, duriores præbere in animum induxerint, (quod eos facturos minimè reor, quandoquidem sapientium nomine atque dignitate nihil alienius) communi me nihilominus omnium qui vnquam scripserunt conditione consolabor: & eius viri authoritate qui recusantem, & quiduis me potiùs facere cupientem ad hanc scribēdi audaciam impulerat (vel apud iniquos et inuitos Lectores) omne tam temeritatis quàm inscitiae crimē deprecabor. Vale.

X. Kal. Decemb.

CIO. IO. LXXV.

Alex. Ne amico suo ingenio atque
omni humanitate perpolito, Tho.

Dranta Archid. Leuicensis.

Quisquis in expletum seras decurrere in annos
Ardes, honorato nomen sumpturus ab ore,
Ille Neuylleo splendeat Apolline : quisquis
Sons animi, probitatis inops, & degener alta
Virtutis, nocuis audax occalluit ausis,
Quisq. miser meruit laniantis dentibus eni
Rodier, innumeris populataq. nomina linguis
Linguere, longeva nec se subducere labi,
Ille Neuylleo calamo vilescat utroq. est.
Par : culpae malos : dignos aut tollere laudes.
Tu mihi, tu teneris, ita nosse, Neuylle, sub annu,
Te melos, & pulchra iuuenilis gloria lingua,
Te studium semper flagrans, te nobilis ardor,
Et decorauerunt caelestis sensa cerebri.
Ac velut emollita fœdo bonâ cera calenti,
Antea formarumq. atque omnis imaginis eders,
Quaslibet admittis facies, & protinus omnes
Fingitur in vultus, rerumq. capacior exstat:
Sic in multiplices fandi decôr inclitus usus
Flectitur ille tuus, diuinig. ætheris haustus
Quodlibet audendi fœlix, facer impetus omnes
Quos velit egregios fluit obsequiosus in actus.
Certè ego, de docto potatus plurima fonte,
Quisq. hederas potui fronti vinxisse sequaces,
Offusus meliore deo : te dispare canna
Tentabam, pronumq. tua me cedere Musa
Sæpè quidem solitum non vllus, amice, negabo.
Quantus eras tum, cum memori quamplurima sensu
Eruit in medium, vel cum centena profatus
Extudit illustri tua mens diuinior artes?
Quantus eras vel cum, fluviorum lenè labantium

Instar

Instar istis sermo? vel cum nervosior esset
Intentanda acies, & acuti cordis acumen?
Quantum cum tumidis certabas rhetore rostris
Grandia fulmineo iaculatus verba rotata?
Quanto, quantum eras semper cum maximus illo
Effringendus erat Cicero, vestigia pressis
Cum signanda notis? di, di quam plurimus vsque
Egregias laudes, fama & decora alta tulisti?
Non tu nullus eras, nec eras non maximus inter
Pernassus proceres, & amani fontis alumnos?

Quin ego qui poteram varias fulgere per oras,
Inscribisq; polo meritum, & diuise canis
Frangebat satisq; malis hominumq; nocenti
Invidia: rebus late spoliabar: & omne
Viluit in lites studium, vitamq; leuandam.
Me malus exedit liuor, me infestis lucris,
Me dolus, amissu dubiq; in rebus amici
Fortuna pepulere bona: spissiq; cerebri
Fex hominum fausto vita de tramite traxit.

Heu nihil inuita fas quenquam posse trumena
Nunc patrare boni: nunc, nunc obiere patroni
Non cauponantes doctorem premia, Musa,
Musa inhonorata languent, squallentq; gemuntq;
Infipidus gliscit numerus: nummo geritur res.

O anima pars grata mea generosi Neullye
Diuis orte bonis, cui corpore vincta virtus;
Frontis bellus bonus, & amica mentis honestas.

Quaq; deos statuunt: si quid mea carmina possunt
Semper in innumeros Virtute Neullye decores.

Ecquid & infestis iactatus quando procellis
Hac mecum documenta referis, fallax, & rotunda
Defugis incuruos hominumq; non bene decore.

Tu quoq; non paucis iamaludum quassa peractis
Pondere nutasti grandi: te presulis Aula
Excipit hospitij, sed sic ut dicere velles
Nordouicum populum, mitraq; stolaq; patresq;
I.

Qui peda gestant illic, ita pluribus illa
 At cenae voluit vester, quia paruulus inde
 Creuerat, & disem scandeat forte cascedram.
 Sic tu tam laetus rerum memorator herili
 Imperio, medicamq; urbem, medicumq; Senatum
 Ingenti premis ore: seges tibi cremis ab illo
 Id populum cures potius, tradantq; parentes
 Obscuri gnati, & musses quisque viritum.
 Ingenys apta est hac area turpiter hyrsis
 Dicere quot patres, quot segnis quisque sedebat
 Lustra patrum, quota scita dabant, satuosq; popello
 Addiderant ritum, vel quot conuiuia ciues
 Secum agitant lati, quibus est auctoribus orta
 Urbs: quibus & templum: qua vix ego stans pede in uno
 Dikarem vetulus nisi plus vel patribus ipsis
 Urbs, vel ciue suo magis increbresceret orbi.
 Nec tamen his teritur tua laus, aut fama loquendi,
 Sine canas culices vox est tu cycnea cantu,
 Nec si grandifono pangas regalia plectro,
 Ad stolidum pendet mundum satrapae supini,
 Sordidulime gregum patres, ita vergit in aera
 Ad ens hominum, surdaq; cupit discescere fama.
 Tu tamen ut non sint pulchra sua premia laudi
 Ad arte animus, missisq; mica, virtuteq; fulge,
 Adors ruit, & mundi volat irreparabilis aetas,
 Sola vires virtus, & vis maiora patrandi.
 Scitibus augustis infer te te arduum astru.



Errata quæ in hoc volumine occurrunt,
vbi notandum est quod numerus
primus paginam, secundus
lineam denotat.

6. 11. debilitatis, lege debilitatus. 18. 15. stadioum, lege stadiorum.
19. 3. abducta, lege abducta. 31. 11. Tertia, lege Territa. 40. 1. Britanni-
cam, lege Britanniam. 41. 11. conflictu, lege conflictu. 43. 6. quid, lege
quod. Ibidem. 15. colon: pro cōma. 77. 10. Ordiuico, lege Ordouico. 94.
8. illorum, lege pontificum. 109. 1. duxit, lege perduxit. 117. 2. pontifica,
lege pontificia. 142. 3. a.d. Kal. lege a.d. XII. Kal. 162. 6. vti, lege vbi,
173. 3. ijs, lege ij. 208. 5. Balliua, lege Balliuorum.

1. The first part of the document
 contains the title and the date.
 2. The second part of the document
 contains the main body of the text.
 3. The third part of the document
 contains the conclusion and the signature.

Handwritten text from the reverse side of the page, appearing as bleed-through or mirrored writing.

Alexandri Neuylli Norwicus.



RBIS Norwicē-
sis historiā per-
scripturus sum: non
absolutam illā qui-
dem, aut suis vndiq;
numeris perfectam
(neq; verò id medi-
ocri est artis & in-
genij) sed vt in tanta rerum obscuritate
fieri, à me præsertim potuit, breuem, illu-
strem, & apertā. Etenim cū multa dies
deleuerit, nec pauciora fœda barbaries,
ac nonnullorum incuria deprauauerit,
veritatem tātis in fordibus demersam, in
integrū restituere, maius est certè quid-
dā quàm homines opinantur, pluribusq;
molestijs circūfufum. Nam cū senio,
ac æui labentis, tāquam faucibus, ipsa ve-
tustas multa cuiusuis generis deglutierit:

Aa.

tūm

tum rei literariæ quantum cladis inuenerit, dici equidem vix posse existimo. Et certè iure optimo expulſam ſe veritas, & omnibus è locis eiectam, & exterminatam conqueri poſſet: ſi nõ horum temporum foelicitas magnam nobis virorum optimorum copiam, & in omni eruditionis genere excellentium profudiſſet: quorum opera ac labore, obſcurata prorsus bonarum artium ſtudia, & exſtineta, denuo dilucere coepiſſent. Hi deſertam panem ab omnibus veritate, ac velut in alieno peregrinantem ſolo, hoſpitio ſuſceperunt, vulneraq; illa ſanarunt, quæ tempora inimica virtuti inflixerunt: tum priſtinam oris, ac formæ dignitatem reſtituerunt eam, cui vel hominum improbitas, vel (vt aliò culpa deriuetur) fortunæ quædam fatalis calamitas turpiſſimas maculas impreſiſſet. Veruntamen quantum ornamenti ac ſplendoris, ſingulæ, à ſingulis ſibi viris, artes aſciuerint commemorare, neq; propoſitum

positum est mihi hoc loco, neq; certè necessarium. Historia verò vt se poliuert, limarêt, illustrarêt, omnemq; vetustatis veluti fecem absterserit : qui non videt cœcus est : qui videt, nec agnoscit, tamen ingratus. Verum enim uerò quanquam multi singulares viri, ac pænè admirabiles hoc in genere elaborarêt, multumq; operæ ac studij in nostrarum antiquitatum monumentis peruestigandis adhibuerint, tamen cùm omnes omnium industrias animo ac cogitatione complexus fueris, reperietur vnus, qui quantum cæteris dignitate præstiterit: tantū omnes huius eximiæ virtutis laude superauerit. Primus namq; is (quod sciam) antiquitati Britannicæ, depressæ prius in tenebras, atq; in cœno iacenti dexteram porrexit : eamq; princeps in hominum cœtus deduxit, vt quæ antea vel librariorum inscitia, vel temporum iniuria deformata delituerant, ea nunc typis æneis excusa, &

nouis tanquã depicta coloribus, omnium
ora vultusque non reformident. Etenim
cùm huic præsuli amplissimo Deus opti-
mus maximus summam patriæ semper
iuuandæ voluntatem, & non minimam
cum voluntate facultatem tribuisset: eo
sanè animo perpetuò fuit, vt naturam ni-
hil habuisse melius existimaret quàm vt
vellet, nec fortunam maius quàm vt pos-
set, rei literariæ afflictæ vehementer &
perculsæ subuenire. Tātū itaq; cōsecutus
est, quantū & voluit vir omniū optimus,
& potuit præsulum præsul amplissimus.

Vigent ergo (vt antea dixi) tūc
huius maxime; tūc aliorum illustri-
um virorum industria, bonarum litera-
rum studia, artesque optimæ indies illu-
strantur: adhibentur etiam & cohortati-
ones, & præmia, vt & gloria adolescentes
illecti, & commodorum spe compulsi, ad
honestarum scientiarum studia incende-
rentur. Nam vt de me ipso coniecturam
faciam,

faciam, quem esse nihil in literis fateor,
(vt aliquid tamē sim quōtidie laboro) di-
ci non potest quantū huius præstātissimi
præfulis bonitate incēsus, ad ea studia ex-
arserim, quæ (de virtutis via deflectens)
dudum demens abiecerā. Etenim cū me
aulicæ iam leuitatis, vitæq; perresū, ac rei
familiaris angustijs, vndiq; implicitū, sibi
ablēpistolis ascivisset, erectus mente atq;
animo, cocpi flagratius multo, ac inflam-
matiore quāro vnquam antea voluntate,
in bonarū artium studijs disciplinisque
versari. Vndē factum est, vt & effu-
sam illam & vagam iuuentutis meæ li-
centiam, arctioribus vinculis astringe-
rem, & quæ antea mihi in otio, ac vo-
luptatis veluti regno degenti, ex ani-
mo effluxissent, ea (tanquam postli-
minio) domum reuocarim. Sed ac-
cidit sanē iniquo meo fato, vt quem in
tenera ætate cognitionis, ac scientiæ ardo-
rem, aduersus nescio, quis meis optimis

Aa.iii. studijs

studij genitus repressisset: Eū nunc huius
clarissimi Pontificis præsidio excitatum
denuo, & ardentem, imbecillitatis meae
recordatio restinxerit. Nam cum vndiq;
intuerer viros admirabili scientia, & co-
pia florentes, mihi autem ipse meae tenu-
itatis conscius forem, quamque nullis in-
structus essem optimarum artium disci-
plinis, longumque iter vidissem ad illa,
quae iam alij cōtigissent, desperatione de-
bilitatis in ipso paene cursu concideram.
Itaq; cum hanc historiolum illustrissimi
Pontificis imperio ac auctoritate suscepis-
sem, rei magnitudinem ac difficultatem
cogitatione ac mente complexus, coepi
ipsemet mihi diffidere, omnemque peni-
tus perficiendi spem abijcere. Etenim
cum istae aetas, nihil nisi egregium &
excellens admiraretur, omniumque aures
eloquentissimorum hominum scriptis, ac
vocibus circumsonent, quis mihi locus
erit adolescenti infantissimo, & nullis op-
tima-

timarum artium disciplinis instructo.
Veruntamen si sustinere tantam rem nō
potero, testificor me inuitum, & domini
mei (vt par est) amplissimi, ac optimè de
me semper meriti imperio obsecutum,
hanc scribendi impudentiam suscepisse.
Iniquus autem erit lector, quisquis ino-
piam & imbecillitatem meam pro cri-
mine posuerit, meque imprudentiæ pot-
tius condemnauerit, quia quod debui nō
potuerim, quàm industriam pro-
bauerit, qui quod potui
certè voluerim.

(∴)

BRITAN-

B **BRITANNIAM**
 omnium insularū
 quas continet terra-
 rum orbis nobilissi-
 ma, & esse, & mul-
 tis à retro seculis
 existisse, cunctorum
 iam penè literis ac
 linguis percrebuit, siue naturam loci, si-
 tu siue speciem atq; pulchritudinē spectes,
 siue vbertatem soli, siue gentis rerumque
 à gente gestarum magnitudinem. Hæc
 in tres est diuisa partes, quarum vna An-
 glia, Albania (Scotiā hodie appellant)
 altera, tertia Cambria siue VVallia nū-
 cupatur. Harum maxima, & cæterarum
 omnium florentissima Anglia est: sem-
 perque fuit: quondam Albion dicta, de-
 incepta Britannia: quod nomen genti à
 Bruto inditum, ad hanc vsque ætatem à
 Britocambris (antiquis huius terræ inco-
 lis) vsurpatur. Hi etenim Britanum
 hodierno

hodierno die sua lingua *Britvvn* & *Bri-*
tannos plurali numero *Britaniaid*, &
Brython appellant: quæ voces proculdu-
 biò à rege Bruto dimanauerunt. Nam
 quòd Polydorus homo Italus (magni
 certè ingenij vir, mediocris verò fidei au-
 ctor) libros suos nescio quibus coniectu-
 raturum deliramentis resperfit, Britan-
 niæq; & nomen, & originem aliundè de-
 riuauit, id certè nullius momenti esse
 debet, præsertim cùm Ioannes Pryseus
 (equestris ordinis vir) viuenti adhuc
 Vergilio, vanitatis & mēdacij dicam im-
 pegerit, multiq; post Pryseum scriptores
 grauissimi, leuissimi Itali errores & com-
 menta refutauerint. Britannia ergo an-
 tiquitùs (quod fatētur omnes) dicta fuit,
 ab eaque (teste Plinio) adiacentes insulæ
 Britannia denominatæ sunt, multiq;ue
 scriptores antiqui & illustres, huius in-
 sulæ mentionem fecerunt, nempè Ari-
 stoteles, Cleomedes, Cæsar, Cicero, Di-
 Bb. onisius

onius Halicarnassæus, Diodorus Siculus, Diō, Eustathius, Mela, Herodianus, Plinius, Plutarchus, Pausanias, Ptolomæus, Strabo, Eutropius, Lāpridius, Vopiscus, cōpluresq; alij Poetæ, Philosophi, historici, partim Græci, partim Latini: qui omnes Britanniam hanc, & minores huic circūfusas insulas (velut maiori appendices) Brytaniās, siue Brytanicās cognominauerunt. Nam quamuis Plinius (antiquitatis indagator acerrimus) secus fortasse cuiquam sensisse videbitur, sic enim scribit: *Albion ipsi nomen fuit cum Britaniæ vocarentur omnes*: tamen & ipse met Plinius Britanniam appellatam fuisse fatetur, & Aristotelem magistrum secutus (cuius hæc sunt verba, *ἡ ὀνομαζομένη Βρετανία*) insulam vocabulo veteri, & suo iam seculo prorsus obsoleto, ad notā ceterarū prudenter distinxit. Alioquin quid quæso causæ esse putemus, quod neque Tacitus, neque Cicero, neq; ipse Cæsar,

Cæsar, qui harum rerum (quo fuit certe ingenio) obseruantissimus semper fuit, neq; tot præterea politi scriptores, atque concinni, qui eius insulæ famā scriptis celebrarunt suis, Albionis vnquā meminerint, sed vno veluti cōsensu Britanniam vniuersi nuncuparunt. Veruntamen vt cunque hæc ab alijs accepta sunt, haud equidem in magno ponā discrimine: mihi certè satis erit ad id quod proposui, si ex his quæ dicta sunt, lectores & nomen insulæ, & nominis originem cōprehendāt.

Quales autem ab initio mortales regionem hanc incoluerint, quas res gesserint, quibus ex oris hanc in terram deuenerint, (quamuis Cæsar & Siculus aborigines, & ακτοδοκας eius inhabitatores fuisse arbitrentur) quemadmodum post (deuictis atq; deletis à Bruto, & Troianorū reliquijs, gigantibus, & veteribus huius regni incolis) regio in tãtam magnitudinem excreuerit, vt à Britanis

ad Saxones, à Saxonibus ad Normānos decursu temporis imperium defluxerit, ea subtiliùs perscrutari nequaquam mihi quidem in animo est: quādoquidem has res accuratè pleriq; commentarijs perscripserunt suis, & ego nō totius mihi gētis, sed vnius duntaxat ciuitatis historiam explicandam suscepi. Ad cuius vrbis amplitudinem atque splendorem permagni mihi sanè interesse videtur, si prius quā ad eius res gestas illustrandas peruenērō, totius insulæ situm, formamq; depinxērō. Etenim & ipsa sibi ciuitas excelsior quodammodò & augustior videbitur, si insulæ huius vniuersæ, velut filia matris, condecorata laudibus resplendescat, & nostræ gentis atq; nationis ignari homines, clariùs perspicient, quantam, & qualis populi urbem scriptis nostris celebraturi sumus.

BRITANNIA igitur insularum
(vt suprà demonstraui) omniū maxima,

xima, atq; populosissima, cui quodā Albion nomen fuit, nūc autem Anglia vocatur, Oceano circumflua, inter septentrionē & occidentē sita est, à Germania, Gallia, Hispania, maximis Europæ partibus multo intervallo disiuncta. Hanc quondam sicut Siciliam continenti adiunctam fuisse nonnulli existimant, maritimisq; inde æstibus abruptam atque diuisam: qua de re Virgilius:

Et penitus toto diuisos orbe Britannos
Et Claudianus etiam Poeta:
Paruit & nostro diducta Britānia mūdo.

Quæ quidem opinio siue vera sit, siue falsa, (quis autem rem tam veterem pro certo affirmare audeat.) diuturnitate tamen temporis extabuit.

Habet à meridie Galliam Belgicam, cui aduersæ sunt *Rutupiæ*, vrbs sanè perantiqua, & (Bertiniano teste) regum quondam sedes: de qua Lucanus libro sexto:

*Atq; in hanc Tethys, Raptusq; agne, litore
 ferunt, A. in hunc omni, cum nomen noid
 Unda Caledonius fallit turbata Britanos.
 Ab Anglosaxonibus olim (sed corrupta
 te) *Reptencester* dicebatur, à nostris autē
 hodie *Richborow* nuncupatur. A Mori-
 nis porro siue Picardis (namq; id hodie
 genti nomen est) brevissimus est in An-
 ghiam transitus (sic enim Iulius Cæsar
 commentariorū quarto scribit) & dein
 quinto: *Ex hoc portu* (Caletū nunc di-
 citur) cōmodissimū esse in Britanniam trans-
 iectū didicisse se demonstrat. Quāquā non-
 nulli (inter quos est Strabo) à Gessoriacō
 Morinorū gentis litore proximo, trans-
 missū putēt, stadiorū ter centū viginti sex;
 nōnulli autē millia passuū quinquaginta.
 Plinius etenim ad hunc modū scribit: *Ex
 aduerso huius (nempe Rhēni) sita est Bri-
 tania insula, Græcis nostrisq; monumentis
 clara, inter septentrionem & occidentem ia-
 cet, abest à Gessoriacō Morinorū gentis li-
 tore**

noctes, & multa luce conspicuas, adeò vt
 medio septem noctis tempore (vt Bede ver-
 bis vtamur) in quæstionem intuentibus ve-
 nire soleat, & trum crepusculum adhuc
 permaneat vespertinum, an iam adueni-
 rit matutinum. Qua de re Cleomedes,
 (auctor sanè grauissimus) sic scribit:
*In Britannia quàm sol circa Cancrum est,
 diem longissimum facit, vt decem & octo
 horarum sit dies æquinoctialium, nox autem
 sex, vnde etiam tum nocte lumen emicat, so-
 le ipso secundum sinientem procurrente, &
 supra terram lucem emittente. Et certè æ-
 state dies longissimi sunt, hieme verò bre-
 uissimi, adeò vt horarum ferè sex spatio
 Decembri mense conficiantur. Forma
 insulæ triquetra est, eaque ita vndiq; di-
 stincta portibus, & munita mari, vt nihil
 ad eius defensionem firmitus ab ipsa penè
 natura excogitari posse videatur. Cuius
 speciem & magnitudinem, quoniam viri
 quidam omni ex culti doctrina, atq; eru-
 ditione*

ditione præcellentes, scriptis suis memoria commendarunt, haud ab re fuerit, si eorum quoq; sententiolas breuiter subiungam. Cæsar itaque (vt ab eo potissimum exordiar) libro commentariorum suorum quinto hunc in modum scribit.

Insula natura triquetra, cuius vnum latus est contra Galliam, huius lateris alter angulus qui est ad Cantium, quò ferè omnes naues ex Gallia appellantur, ad orientem solem, inferior ad meridiem spectat. Huius latus tenet circiter millia passuum quingenta. Alterum vergit ad Hispaniam atq; occidentem solem, qua ex parte est Hybernia. Huius est lōgitudō lateris (vt illorum fert opinio) septingentorū millia passuum. Tertium est contra septentrionem: cui parti nulla est obiecta terra, sed eius angulus lateris maximè ad Germaniam spectat. Hoc millia passuum octingenta in lōgitudinem esse arbitrantur: Ita omnis insula est in circuitu vicies centena millia passuum. Cum Cæsare cōsentit

Cc. Diodo-

Diodorus Siculus, cuius hæc sunt verba: *Est hæc insula triangulari forma Siciliae similis, latera habens inæqualia cum protēdatur per obliquum Europam versus. Vbi minimum à continenti abest, promontorium est quod appellatur Carion, procul à terra quo tempore mare fluit, stadijs ferme cētum; alterum promontorium (Velerium nomine) abesse aiunt à continenti navigatione dierum quattuor, reliqua pars quam Orcham appellant, ad mare spectat. Minimum latus Europæ adiacens protendiasserunt stadijs septem millibus. Lateris secundi longitudo à Carione vsq; ad promontoriū stadiorum complectitur quindecim millia. Tertium latus stadiorum millia viginti. Ita uniuersæ insulæ ambitus stadiorum, & milium duorum & quadraginta. Hucusque Siculus: Mela autem sic scribit: Inter Septentrionē & Occidentem profecta grādi angulo Rheni ostia prospicit, deinde obliqua retrò latera abstrahit, altero Galliam, altero*

altero Germaniam spectans. Tum rursus perpetuo margine directi litoris ab tergo reabducta, iterum se in diuersos angulos cuneat, triquetra, & Siciliae maxime similis. Plinius verò sic: Britanniam circuitu patere tricies octies centena viginti quinque millia Pytheas & Isidorus tradunt: triginta iam propè annis Romanorum armis notitiã eius nõ ultra vicinitatẽ syluæ Caledoniæ propagatibus. Agrippa longitudinẽ octingetã millia passuum esse: latitudinem millia ter centum credit. Hæc Plinius. Solinus item de Britannia magnitudine scribens, ad hunc modum loquitur: *Finis erat orbis ora Gallici littoris nisi Britania insula non qualibet amplitudine, nomen pænè orbis alterius mereretur, octingentis enim & amplius passuum millibus longa porrigitur, ita ut eum in Caledonicum vsque angulum metiamur. In quo recessu Vlissem Caledoniæ appulsũ manifestat ara Græcis literis inscripta voto. Multis insulis nec ignobilibus circumdatur.*

Exposui de magnitudine & specie huius Insulæ doctorum quorundam hominū sententias: restat nunc vt de fecunditate soli, & admirabili gloriā gētis pauca quædā pari breuitate perstringamus. Ac primum de magnitudine comodorum quæ percipiuntur ex cœli temperatione, fecunditate terrarum, aliarumque utilitatum opportunitatumque complurium copia: multa dicere superuacaneū arbitror, præsertim cū Deus optimus maximus nihil in toto penè terrarum orbe, hac Insula sollertiùs fabricari, nihil meliùs, nihil præstabiliùs, nihil pulchriùs, nihil utiliùs. Etenim vt illa quæ sunt voluptatis magis quàm utilitatis præteream, camporum amœnitates, piscatus, venationes, aucupia, multa; eiusdem generis, quibus ad delectationem nostrā abutimur: qualia sunt illa? quanta? quàm præclara? quàm omni laude & prædicatione digna, quæ terra humano generi vbertim

bertim fundit, fruges, fructus, pecora, pisces, ferri, æris, plumbi, nonnullisq; item in locis, auri, argentiq; reconditas venas? Quid hîc vrbium, ciuitatumq; situs cōmemorem? Quid templorum venerandam maiestatem? Quid priuatarum ædiū magnificentiam? Quid nobilium in tanti regni dignitate sustinenda amplitudinem? Pontificū in relligione ac sacris ritē procurandis pietatem? Eruditorum in omni genere doctrinarum excellentiam? Militum in prælijs ineundis fortitudinē? Negotiatorum in mercibus importādis sedulitatem? Opificum in rebus singulari artificio fabricandis sollertiam? Rusticorum in agris colēdis parsimoniam & industriam? Quid deniq; cætera, quæ sunt innumerabilia, persequerer omnia, tam admirabili ordine descripta designataque, vt nihil neque ad vsum præclariùs, neq; ad speciē pulchriùs esse possit? Adde huc piscosos amnes, riuos liquidissimis

CC. iij. aquis

aquis profluentes, balnearum fluuios in
morbis depellendis saluberrimos, cam-
porum immensitates vndiq; arboribus,
floribus, herbis viridissimis vestitas, as-
peritates sylvarum & nemorum densis-
simas, montium altitudines, amoenitates
vallium, adde ouium greges, armenta
boûm, equorum reliquique pecoris vim
innumerabilem, auium siluestrium do-
mesticarumque numerû incredibile:
multaq; prætereà, quæ si enumerare cû-
cta conarer, vereor ne in infinitum pro-
grederetur oratio. Ac ne fortè quis istac
à me ad libidinē fingi arbitretur, quò pa-
triam immeritis laudibus ornarem meâ,
quorundam mihi scriptorum testimonia
hac de re proferenda existimaui. Etenim
quæcunque talibus de rebus in lucem e-
didero, cunctos tamē hortabor, ijs fidem
ne adiungant, nisi quatenus probabili ni-
xa ratione, firmissimis probatissimorum
auctorum sententijs comprobabuntur.

Mamer-

Mamertinus igitur Romanus, in pagnegryco Maximiniano dicto, sic scribit: O (inquit) *fortunata, & omnibus beatior terris Britania: merito te cunctis cœli & soli bonis natura donauit, in qua nec rigor nimius hyemis, nec ardor æstatis, in qua segetū tāta fecūditas, ut muneribus utriusq; sufficiat & Cereris, & Liberi: in qua nemora sine immanibus bestiis, terra sine serpentibus noxijs: contra pecorum mitium innumerabilis multitudo, lacte distenta, & onusta velleribus, cæteraque omnia quæ propter vitam diliguntur: longissimi dies, & nullæ sine aliqua luce noctes.* Hactenus ille. Quæ omnia scriptor quidam perantiqui sancti nominis, & eruditionis haud spernendæ, luculentissimis versibus expressit.

*Illa quidem longè celebri splendore beata
Glebis, lacte, fauis, supereminet insula cunctis
Quas regit ille deus, spumanti cuius ab ore
Profluit Oceanus.*

Et paulò post:

Testes

Testes Eödonium ratibus, Wintonia Baccho:
 Herefordia grege, Wirecestria fruge redūdās:
 Batba lacu, Salebyra feris, Cantuaria pisce,
 Eboracum Syluis, Excestria clara metallis.

Normicum Dacis, Hibernis Cestria, Gallis
 Cicestrū, Normagenijs Dunelma propinquās.

Testis Lincolia gens infinita decore,

Testis Eli formosa situ: Rouecestria visu.

Confirmat hoc quoque Solinus his ver-
 bis: Circuitus (inquit) Britania, quadra-
 gies octies septuaginta quinq; millia passuum
 sunt, in quo spatium magna & multa flumina,
 fontes calidi, opiparo exculi apparatu ad v-
 sus mortalium, quibus fontibus præsul est
 Mineræ numen, in cuius æde perpetui
 ignes nunquam canescunt in fauillas, sed
 ubi cinis tabuit, vertitur in globos saxeos:
 præterea ut taceam metallorum largam va-
 riamq; copiam, quibus Britania solum un-
 diq; generum pollet venis locupletibus. Ga-
 gates hic plurimus optimusq; est lapis, sede-
 corem requiras: nigrogemmeus: si qualitatē:

nullius

nullius ferè ponderis: si naturam: aqua ardet, oleo restinguitur: si potestatem: attritu calfactus applicata detinet aque vt succinum. Hæc Solinus: Beda verò magnæ doctrine vir, & ingenio præditus eximio, hūc in modum de Britānia scripsisse fertur: Optima frugibus atque arboribus Insula, & alendis apta pecoribus, ac iumentis, vineas etiam quibusdam in locis germinans: sed & auium feræ terra marique generis diuersi, fluminibus quoque multum piscosis, ac fontibus præclara copiosis. Et quidem præcipuè isſicio abundat, & anguilla: capiuntur autem sæpiſſimè vituli marini, & delphines, necnon & balenæ, exceptis variorum generibus conchiliorum, in quibus sunt & musculæ, quibus inclusam sæpè margaritam omnis quidem coloris optimam inueniunt, id est, & rubicūdi, & purpurei, & iacinthini, & prasini, sed maximè candidi. Sunt & cochleæ satis superque abundantes, quibus tinctura coccinei coloris
Dd. efficitur,

efficitur, cuius rubor pulcherrimus nullo unquam solis ardore, nulla valet pluuiarum iniuria pallefcere: sed quò vetustior, eò solet esse venustior. Habet fontes salinarum, habet & fontes calidos, & ex eis fluuios balnearum, omni ætati & sexui per distincta loca iuxta suum cuiq; modum accommodos. Aqua enim (vt S. Basilius dicit) feruidam qualitatem recipit, cum per cætera quædam metalla transcurrit, & fit non solum calida, sed & ardens. Est etiam venis metallorum, æris, ferri, plumbi, & argenti fœcunda. Gignit & lapidem Gagatem plurimum optimumque: est autem nigro colore gemmeus, & ardens igni admotus: incensus serpentes fugat: attritu calefactus applicita detinet æque vt succinum.

Iam verò quantum belli gloria floruerint huius regionis incolæ, quàm inuictò semper animi robore exstiterint, quo in rebus gerendis consilio, virtute, fœlicitate, quantum potuerint, quid effecerint, qui,

quī, qualesq; fuerint, ea si oratione complecterer omnia, & Polydoro perfidiæ labem æternam inurerem, & nostrarum rerum rudes, singulari tantæ fortitudinis admiratione perfunderem. Sed cū (vt antea demonstraui) ciuitatem tantummodò Norwicensē illustrandam suscepi, eò mihi contento semper cursu vela faciendā sunt, neque tam vastum mare ingrediendum, ne si fortè de via semel deflexerit oratio, aut longis erroribus fatigata (veluti ventis cessantibus) languescat, aut in ipso portu rerum magnitudine (tanquam fluctibus) obruatur. Quanquam quid est in hac causa quod orationis magnoperè indigeat. præsertim cū tot præstantissimorū hominum scripta nostrę gentis laudibus, & incredibili factorum fama vndiq; circumsonent. Nam vt illa antiquiora crafissimis inuoluta tenebris prætereā, quæ quidem tanta ignorationis caligine

Dd.ij.

longa

longa obsepsit vetustas, vt penè à conspectu omni luceq; remouerit: quis est adeò rerum Britānicarū insolēs, illud vt ignoret, quantum à Bruti in hanc insulam aduentu, vsque ad hæc tempora nostra natio nominis sui gloriam virtute bellica propagauerit. Percurre omnes omnium scriptorum annales, veteraq; rerum Britānicarum monumenta scrutare, quotq; reges à Bruto vsq; ad Calsiuelaunum regnarint, qui, qualesq; fuerint, animaduerte, omnem denique illam mille quadraginta annorum historiam euolue (totidem enim annos à Bruto ad Cæsaris in Britāniam aduentum regnatum est) tum demum manifestò apparebit, quantum ætas illa militari laude refulserit. Quid quod Polydorus Virgilius ipse, scriptor alioquin nomini (vt apparet) Britanico infensissimus (imbelle enim & infidum hominum genus Britānos appellat, multisq; in locis iniquissimis calumnijs nostræ

stræ

stræ gentis honori inuidiosissimè detrahit) coactus tamen fuerit populo Britànico virtutis testimonium impertiri.

Anglicæ enim historiæ suæ (sic enim appellat) libro primo ad hunc modum scribit: *Secutum est postea tempus militaris gloriæ, non item aliarum virtutum prorsus sterile, quo reges fuerunt Reginus, Morganus, Ennanus, Idwallo, Riuiio, Geruntius, Catellus, Coyllus, Porrex eius nominis secundus, Fulgentius, Eldalus, Androgeus, Vrianus, & Eliud.* Sedenim de Polydoro posthac fortassis aptior erit dicendi locus, qui tantum afuit, historiam vt vnquam puram, & integram, omnisque expertem labis cogitarit: vt etiam quæ ab alijs castissimè descripta sunt, turpissimè corruerit, librosque nonnullos veteres manuscriptos (certissimos Britànicarum rerum indices) homo Italus, (vt fertur) exemplo post homines natos pessimo exusserit. Itaque nihil illius scriptis con-

Dd. iij.

temtius,

temtiùs, nihil leuiùs, nihil inquinatiùs ex-
 istimari iam coeptũ est, præsertim cũ nu-
 per viri quidã nõ vulgari eruditione præ-
 diti exstiterint, qui illius vanitatẽ ac per-
 fidiam apertẽ coarguerint. Constat ergo
 (vt eò vndẽ digressi sumus reuertamur)
 vel hoc Polydoro teste, multis seculis an-
 te Cæsaris in Britanniam transmissum,
 gentem Britãnicam bellicosissimam ex-
 stitisse. Videamus nunc ecquæ macula
 turpitudinis & ignauia contracta sit,
 postquam Cæsar omnium (vt ipsi glo-
 riantur) gentium victor instructa classe,
 insulæ potiundæ spe impulsus Britãniam
 inuaserat. Quod autem indicium exsta-
 re potest maius, & ad insignem memori-
 àm fortitudinis Britannicæ, & ad iustam
 Romani nominis turpitudinem, quàm
 quòd constat Cæsarem imperatorem ta-
 lem ac tantum, qui propè totum terra-
 rum orbem sui nominis fama repleffet,
 bis à Britãnis fufum, ignominiosã nescio
 cuius

cuius victoriolæ umbram domum reportasse. Etenim si veram gloriam & solidam concupierit, (erat autem laudis avidissimus) quæ fit quòd non gètem omnem subegerit, sicuti Galliam, Germaniam, finitimosque populos continuis prælijs subiugauerat. Quid est quod cum Cantianis tantum (hominibus equidem semper ad laudem & gloriam natis) & circumvicinis oppidulis conflixerit, neq; insulam altius penetrarit, sed in litoribus semper & extremis regionis oris constitit. Quæ res impulit virum prudentissimum, & rei militaris scientissimum, ut impolitis adhuc rebus, & acerbis tam subito recesserit. Illud equidẽ negari non potest, illũ adipiscendæ huius insulæ spe, & Romani imperij dilatandi desiderio in Britaniam nauigasse. Credibile itaq; est, tentatis insulanorum viribus, omniq; tanti facinoris perpetrandi facultate præcisa, voluntatem quoque præstantissimo duci

duci defuisse. Et quidem quanquā Cæsar ipse, (quo fuit certè ingenio) multiq; alij conati sint ex ignominiosa fuga illustrem victoriam (tanquam portentum aliquod & monstrum) progignere, tamen non defuere magni nominis quidā poetæ, qui res illas vti gestæ fuerant, carminibus depinxere suis. Etenim Lucanus insignis poeta Pharsalidos secundo, de Cæsare sic scribit:

Tertia quæsitis ostendit terga Britannis.

Et Tibullus qui eorum temporū æqualis fuit, & Cæsari perfamiliaris, ad Messalā hunc in modum scripsit:

Te manet inuictus Romano Marte Britannus.

Tibulli ergò (id est) viri ingeniosissimi ac vndecunque doctissimi testimonio, qui mentiri neq; audebat propter Cæsarum amplitudinem atque potentiam, neque volebat (erat enim illorum amantissimus) neq; potuit ne se impudenti mendacio

dacio, præfenti hominum teste memoria,
 cōstringeret) huius inquam Tibulli ex-
 cellentissimi poetæ testimonio, Cæsare
 gentium iam omnium domitore defun-
 cto (recens enim in senatu viginti tribus
 vulneribus confossus interijt) manebat
 nihilominus (vt illius potissimum verbis
 utar) *Inuictus Romano Marte Britannus.*
 Quod si verum sit (est autem proculdu-
 bio verissimum) nunquam Britannia à
 Cæsare deuicta, sed Cæsar à Britania re-
 pulsus profligatusque, aut cruentam &
 turpem victoriam Romam reportauit,
 aut quod verisimilius est (iuuat namque
 Lucani verbis uti,)

Territa quæsitis ostendit terga Britannis.
 Sed hæc poetarum testimonia sunt: ve-
 niamus ad historicos. Eutropius de bello
 Gallico sic scribit: *Nauius onerarijs,*
atque actuarijs circiter octoginta præpara-
tis, in Britanniam transuehitur Cæsar, Bri-
tānisq; bellum infert, ibi acerba pugna primū
Ee. fatigatus,

fatigatus, deinde aduersa tempestate correptus, in Galliam reuersus est.

Et postea:

Iterum primo vere in Britanniam transuectus, equitatus primo congressu à Britannia victus, ibique Labienus Tribunus occisus est, & secundo praelio cum magno suorum discrimine hostes in fugam vertit. Huc accedunt quæ scripta sunt à Dione Cassio consulari, (magni sanè nominis viro) Caesar cum Britannis contra animi sui sententiam bellum composuit, postulatis adhuc pluribus obsidibus, quorum tamen exiguam partem accepit: Ita in continentem reuectus est, & quæ inibi concitata se absente fuerant, sedauit, nihil neque sibi, neque Romæ ex Britannia adeptus, &c. Atque hij quidem domestici testes sunt: verum tamen tantum abest, vt aut Britannorum fortia facta depresserint, aut Caesaris victoriam altius extulerint, vt nescio quid subtriste & impeditum præse

se ferat oratio. Cui rei fidem quoque facit epistola quædam Marci Tullij Ciceronis ad Quintum fratrem, qui tum cum Iulio Cæsare in Britannia militabat. Sic etenim libro tertio scribit: *De Britannicis rebus cognoui ex tuis litteris, nihil esse nec quod metuamus, nec quod gaudeamus.* Quæ quidem verba aperte indicant Cæsarem nullam (quod isti insulse nimis gloriantur) de Britannis victoriam consecutum, aut si quam adeptus est, humilem eam & subobscuram exstitisse.

Alioquin non solum Senatus omnis, populusque Romanus, (quod fieri semper in maximis bellis consuevit) in gaudium atque lætitiā sese effudisset, verum etiam Orator ille (omnium qui vnquam vixerunt) eloquentissimus, magnificentioribus verbis tantæ victoriæ famam exornasset.

Verum enim uero operæpretium erit
Ee.ij. animad-

animaduertere quemadmodum ubique
 prudens & per subtilis orator, rerum mi-
 nùs prosperè gestarum rumusculos ora-
 tionis subtilitate adumbrarit. Etenim eo-
 dem libro ad eundem Quintum fratrem
 hisce verbis perscripsit: *Sed me illa cura
 sollicitat, angitq; vehementer, quòd dierum
 iā amplius quinquaginta interuallo, nihil à
 te, nihil à Cæsare, nihil ex istis locis non mo-
 dò litterarū, sed ne rumoris quidem affluxit.
 Me autem iam & mare istuo, & terra
 sollicitat, neque desino ea quæ minimè volo
 cogitare. Et alio deinceps loco Cæsarem
 ex Britānia ad se litteras dedisse demon-
 strat, Satis commodas de Britannicis rebus.
 Quidnam (quæso) aliud causæ fuisse pu-
 temus, quam obrem huius summi artifi-
 cis in Cæsaris semper laude efferuescens
 oratio tantoperè refrixerit, nisi quòd res
 illæ quas in Britannia (vt Cæsaris ipsius
 verbis utar) satis tātum commodè gessisset,
 Ciceroni non magnoperè illustrandæ vi-
 derentur.*

derentur. Quæ centè res (ni fallor) pruden-
tissimũ oratorẽ perpulit, vt in scrip-
tis & orationibus suis, quæ ferè totæ Cæ-
sar's laudibus circumfluunt, verbum ta-
men nullum, cum vndiq; omnes dicendi
flosculos carpat atq; delibet, omnia vbiq;
orationis ornamenta asciscat, verbũ ta-
men (expresse) de Britannia nullum fa-
ciendum sibi existimarit. Sed hæc conie-
ctura nituntur. Illud verò quale, ac quãti-
tadẽ momenti esse debet, quod Cor-
nelius Tacitus (& ipse quoq; Romanus)
in historia sua de Cæsare scriptum reli-
quit, *Cæsarem ostendisse potius Romanis
Britanniam quàm subegisse.* Et deinceps:
*Recessuros Romanos, vt Diuus Iulius re-
cessisset, modò Britanni virtutes maiorum
suorum æmularentur.* Suetonius itẽ Trá-
quillus nõne omnem fidem commen-
tarijs Cæsaris detraxit hunc in modum
scribens. *Pollio Asinius parum diligenter,
parumq; integra veritate compositos (Cæsaris.*

commentarios putat. Cuius Cæsar pleraque & quæ per alios gesta erant, tamen crediderit, & quæ per se (vel cōsultò, vel etiã memoria lapsus) perperam ediderit existimat quæ res scripturæ & correcturum fuisse. Hæc illa.

Quid mores quibus in prælijs vsi sunt, & belligerendi ratio nonne insignem nostrorum hominū fortitudinem, & incredibilem in periculis incūdis audaciam declarant? Quam confligendi consuetudinem Iulius ipse Cæsar, talibus verbis libro Commentariorum quarto explicauit.

In prælijs plerunque uti consueuerunt essedarijs. Genus hoc est ex essedis pugna: Primo per omnes partes per equitant, & tela coniiciunt, atque ipso terrore equorum & strepitu rotarum ordines plerunque perturbant: & cū se inter equitum turmas insinuauere, ex essedis disiliunt & pedes præliantur. Auri-gæ interim paulum è prælio excedunt, atque ita se collocant, ut si illi à multitudine hostium

stium premantur; expeditionem ad suos receptum habeant. Ita mobilitatem equitum, stabilitatem peditum in prælijs præstant, ac tantum usu quotidiano & exercitatione efficiunt, ut in declivi ac præcipiti loco incitatos equos sustinere, & breui moderari, ac flectere, & per temonem percurrere, & in iugo insistere, & inde se in currus citissime recipere consueverint. Illi etiam consulto plerunque cedunt, & cum paululum à legionibus nostros remouissent, ex effedis desiliunt, & pedibus dispari prælio contendunt. Equestris autem prælij ratio & cedentibus, & insequentibus par atq; idem periculum inferebat. Accedebant huc ut nunquam conferti, sed rari, magnisq; interuallis præliarentur: stationesq; dispositas haberet, atq; alij alios deinceps exciperet, & recetes defatigatis succederent. Huc usque Cæsar. Diodorus etiam Siculus, qui Augusti tempore scripsit, eundem bellandi morē honorificetissimis verbis expressit.

Britan-

*Britanniāq̃ colunt incolę Aborigines, qui
 p̃fcorum more vitam degunt: Utantur in
 pugna: curribus, veluti antiquos Græcorum
 herōes vsos in bello Troiano ferunt. Vbe-
 rius istac aliquantulum Gyraldus, sum-
 ma quondam dignitatis vir, ac scriptor
 antiquissimus explicauit. Scribit enim
 sic: Gens agilis, gens aspera, potius quā ro-
 busta, gens armis dedita tota: non enim no-
 biles hic soli, sed totus populus ad arma pa-
 ratus habetur. Bellica tuba sonante, non se-
 gnius ab aratro Agricola, quā aulicus ab au-
 la ad arma prorūpit. Nec enim hic vt alibi
 redit: Agricola labor actus in orbem.
 Solum quippe Martio & Aprili semel a-
 periunt ad auenas, nec bis in æstate, tertioq̃
 hyeme ad tritici trituram terras vertendo
 laborant. Totus propemodū populus ar-
 mentis pascitur. Auenis, caseo, lacte, & bu-
 tyro, carne plenius, pane parcius vesci so-
 lent. Non mercimonijs, non nauigijs, non
 mechanicis artibus, nec villo prorsus, nisi
 Martio*

Martio labore vexantur. Pacis tamen
 tutela student, & libertati; pro patria pu-
 gnant, pro libertate laborant, pro quibus non
 solam ferro dimicare, sed vitam dare dulce
 videtur, unde & in thoro turpe, in bello ma-
 ri decus reputant. Et hi olim reliquias A-
 neadum in ferrum pro libertate ruebat. De
 his hoc etiam spectabile, quod nudi multoties
 cum ferro vestitis, inermes cum armatis, pe-
 destres cum equestribus, congregari non vere-
 tur; in quo plerumque confuso sola sunt a-
 gilitate, & animositate victores, illisq; quo-
 rum Poeta meminit situ & natura haud
 dissimiles. Populi quos despicit Aetios
 Felices errore suo, quos ille timorum
 Maximus haud urget leti metus, inde ruendi
 In ferrum, mens pro va viris, animiq; capaces,
 Mortis, & ignauum est creditur a parcere
 vitae.

(Et alibi) Gens leuiter armata, & agili-
 tati potius quam robustis viris confisa, si ho-
 die victa sit, & ardentem in fugam rursus
 conuersa,

Ff.

conuersa,

conuersa, cras vibilominis expeditionem pa-
rat, nec damni, nec dedecoris recordata, & si
apertis congressibus bello indicto non praeua-
let, insidijs & nocturnis irruptionibus hostē
grauat. Itaq; cum nec fame, nec frigore gra-
uata, nec martio labore fatigata, nec casti-
bus aduersis in desperationem data, sed post
lapsum statim resurgere prompta, belliq; dis-
crimina denuo subire parata sit, sicut praelio
facile, sic bello difficile vinci solet. Vnde &
Claudianus poeta de gentis eiusdem na-
tura sic loquitur.

*Si corda parumper
Respirare sinas, nullo tot funera sensu
Prætereunt, tantiq; levis iactura cruoris.
Hæc ille: Quas equidem laudes omnes
Iosephus in Antiocheide eleganti car-
mine constrinxit.*

*Incluta fulsit
Posterioribus ducibus tatis, tot diues alumni,
Tot fecunda viris, premeret qui viribus orbē:
Et fama veteres hinc Constantinus adeptus
Imperium*

Imperium, Romam tenuit: Byzantion auxit.
 Hinc Senonum ductor captiua Brennius vrbe,
 Romuleas domuit flammis victricibus arces.
 Hinc & Scæua satus, pars nō obscura tumultus
 Ciuilis, Magnum solus qui mole saluta
 Obsedit, meliorq̃ stetit pro Cæsare murus.
 Hinc celebri fato felici clauit ortu
 Flos regum Arthurus, cuius cum facta stupori
 Nō micuere minus: totus quid in aure voluptas
 Et populo plaudente fauus. Quæcunq̃ priorum
 Inspice Pelæum commendat fama tyrannum.
 Præima Cæsareos loquitur Romana triumphos,
 Alcidem domitis attollit gloria monst̃ris.
 Sed nec pinetum cōrili, nec sydera solem
 Æquant, annales Latior: Graiosq̃ reuolue.
 Prisca parem nescit, æqualem postera nullum
 Exhibitura dies. Reges supereminet omnes
 Solus, præteritis melior, maiorq̃ futuris.
 Quæ cum ita sint, desinant posthac Poly-
 dori fautores, & si qui fortē sint qui eam
 hæresim sequantur, veterum Britanno-
 rum famam scriptis violare suis, neque
 Ff.ij. magni

magni Caesaris vnam nobis amplius
 obijciant, qui aut nullam domum victo-
 riam, laureamue nisi cruentam, & Ro-
 mano resperfam sanguine reportauit, aut
 potius quod nonnulli autumant, fusus,
 fugatusq; aeternam post se dedecoris me-
 moriam reliquit. Brennum potius me-
 muerint Britannum, & Belini Britanniæ
 regis fratrem, ducem inuictissimum, qui
 eo animi robore fuit, vt cum Romanis in
 Italia depugnare non dubitauerit, ea autē
 felicitate vt tres simul Tribunos militū
 consulari potestate præditos, vno eodēq;
 momento cum ingenti strage in fugam
 verterit: ciuitatem postmodum coeperit, ca-
 pram incendere, Senatores omnes, vr-
 bisque primores in sellis curulibus confi-
 dentes trucidari, mortaliū nemini (per-
 inde ac in capris vrribus fieri consuevit)
 pepercerit: cede, cruore, incendio, cun-
 cta confuderit, nomen denique populi
 Romani & efflorescentiam illam in perij
 iugum. H. maiesta-

maiestatem penitus pænè exstinxerit: adeò vt aduersa fortuna & desperatione debilitati, vastatam incendijs ruinisq; Romam relinquere, & Veios urbem paulò ab ijs antè expugnatam migrare decreuerint. Meminerint Bundwicam foeminam, sed incomparabili fortitudine foeminam, quæ suis auspicijs septuaginta Romanorum millia prostrauit. Cuius tantus terror urbem Romanã (vt scribit Virunnius) peruaferat, & Italiam quoq; omnem, quantus nunquam antea neque in aduentu Brenni, neq; Pyrrhi, aut Hånibalis ciuitati inciderat. Meminerint Aruiragum Britannici imperij fulmen, libertatem inuitis Romanis rerum dominis conseruantem, atq; toties pro aris & focis fortissimè dimicantem. Denique tot belli duces præstantissimos, tot millia virorum fortium, tot legiones atque cohortes, tot reges militaris scientiæ laude florentes, quia Bruto vsque ad Caduel-

Ff. iij. Iodaurum

Iodaurum (qui vltimus Britannorum in Anglia regnavit) meminerint: qui omnes grauissimis semper atq; periculosissimis impliciti bellis, cum Romanis, Pictis, atq; Saxonibus, (æternis Britannici nominis hostibus) decertarunt. Multa prætereo (neq; enim omnia persequi in animo est) & hæc ipsa quæ dixi, singularem nostrorum hominum virtutem & admirabilem in bellis obeundis fortitudinem abundè satis demonstrant.

Neque minor certè gloria fuit Anglo-saxonum, aut obscurior in re militari laus & industria, qui pulsos deuictisque Biritannis clarissimis omnia victorijs triumphisq; decorarunt. Etenim illud quantæ fortitudinis est: quantæ virtutis: quàm admirabilis audaciæ: non dicam quod sua defenderint, quòd domi bellis districti ciuilibus strenuè se gesserint, quòd foris externo Marte lacessiti præclara militiæ facinora ediderint:

rint: sed quòd longinquas regiones per-
agrauerint, quòd gentes ferocissimas
contriuerint, quòd imperij fines Nor-
uegiam vsque protulerint: quòd finiti-
mas omnes insulas in potestatem rede-
gerint, quòd denique multis & maximis
prælijs cum acerrimis nationibus de im-
perij dignitate contenderint. Ac ne for-
tè cuiquam in istarum rerum comme-
moratione magnificentius quàm par est,
exultare videatur oratio mea, tabellis
veluti obsignatis, confirmandi & testifi-
candi causa agere decreui, quidque hac
de re in vetustissimis Anglicanæ antiqui-
tatis monumētis inuenerim demonstrare.
Ad hunc igitur modum in antiquissimis
diplomatibus, quæ multorum præsulum,
principumque sigillis consignantur (si-
cuti in archetypo videre licet) perscrip-
tum reperitur. *Edwardus Dei gratia,
rex Angliæ & Franciæ, & Dominus Hy-
bernæ, omnibus ad quos præsentis litteræ
peruene-*

Iodaurum (qui vltimus Britannorum in Anglia regnavit) meminerint: qui omnes grauissimis semper atq; periculosissimis impliciti bellis, cum Romanis, Pictis, atq; Saxonibus, (æternis Britannici nominis hostibus) decertarunt. Multa prætereo (neq; enim omnia persequi in animo est) & hæc ipsa quæ dixi, singularem nostrorum hominum virtutem & admirabilem in bellis obeundis fortitudinem abundè satis demonstrant.

Neque minor certè gloria fuit Anglo-Saxonum, aut obscurior in re militari laus & industria, qui pulsas deuictisque Biritannis clarissimis omnia victorijs triumphisque decorarunt. Etenim illud quantæ fortitudinis est? quantæ virtutis? quàm admirabilis audaciæ? non dicam quod sua defenderint, quòd domi bellis districti ciuilibus strenuè se gesserint, quòd foris externo Marte lacerassiti præclara militiæ facinora ediderint:

rint: sed quòd longinquas regiones per-
agrauerint, quòd gentes ferocissimas
contriuerint, quòd imperij fines Nor-
uegiam vsque protulerint: quòd finiti-
mas omnes insulas in potestatem rede-
gerint, quòd denique multis & maximis
prælijs cum acerrimis nationibus de im-
perij dignitate contenderint. Ac ne for-
tè cuiquam in istarum rerum comme-
moratione magnificentius quàm par est,
exsultare videatur oratio mea, tabellis
veluti obsignatis, confirmandi & testifi-
candi causa agere decreui, quidque hac
de re in vetustissimis Anglicanæ antiqui-
tatis monumētis inuenerim demonstrare.
Ad hunc igitur modum in antiquissimis
diplomatibus, quæ multorum præsulum,
principumque sigillis consignantur (si-
cuti in archetypo videre licet) perscrip-
tum reperitur. *Edwardus Dei gratia,*
rex Angliæ & Franciæ, & Dominus Hy-
berniæ, omnibus ad quos præsentis litteræ
peruene-

peruenerint salutem. Inspeximus chartam
 confirmationis, Domini Edgari quondam
 regis Angliæ progenitoris nostri, quam fe-
 cit Oswaldo Episcopo Wigornienſi, & Mo-
 nachis Wigornienſibus in hæc verba. **¶**
 Altitonantis Dei largiſſua clementia, qui
 eſt rex regum, & dominus dominorum, ego
 Edgarus Anglorum ~~basilicæ~~ omniumque
 regum, inſularumque Oceani Britanniam
 circumiacentium, cunctarumque nationum
 quæ infra eam includuntur, imperator, ac
 dominus. Gratias ago ipſi Deo omnipotenti,
 regi meo, qui meum imperium ſic ampliavit,
 & exaltauit ſuper regnum patrum meorum,
 cui conceſſit cum Anglorum imperio propi-
 cia diuinitas, omnia regna inſularum Oceani,
 cum ſuis ferociſſimis regibus, uſq; Norue-
 giam, maximamque partem Hyberniæ, cum
 ſua nobiliſſima ciuitate Dublinâ, Anglorum
 regno ſubiugare, quos etiam omnes meis im-
 perijs colla ſubdere cõegi.

Verum hæc antiquiora, diutinoque
 ſupe-

superiorum seculorū silentio sepulta pænè atq; obliuione obruta iacent : illa verò recentiora quis pro incredibili gestarum rerum magnitudine satis comprehendit? Quæ etenim in terris natio, quod regnum, quæ gens, vel pacis artibus illustrior, vel militari laude gloriosior vñquam exstitit. Bella quæ à nostris regibus non ita multis ab hinc annis inaudita cū gloria suscepta, gesta, confecta sunt recodemur, tum demum intelligemus quanta fortitudine, virtute, audacia, addā etiam consilio, grauitate, prudentia, nostra semper regio redundarēt. Nullus etenim in tota ferè Gallia locus, templū pænè nullum, nulla vrbs, nulla paulò celebrior ciuitas, vbi non triumphorum suorum insignia, & victoriarū tropæa defixerunt. Mitto hīc Scotiam à nostris sæpè exercitibus direptam, vastatam, incensam: mitto captos reges : mitto in prælio interfectos : mitto stragem nobilium, cædem

Gg. militum,

militum, ruinas urbium, multaq; alia quę
 nostrę genti immortale decus, famamq;
 perennem pepererūt. Iam verò illa quā-
 ta sunt? quā admirabilia? quā omni
 laude, honore, prædicatione digna? quòd
 vno eodemq; momento nostri exercitus
 cum duobus potentissimis regibus con-
 fluxerint? quòd foris in Gallia Gallum,
 domi in Anglia Scotum fregerint? quòd
 nuper paucissimis cum militibus, & exi-
 gua bellatorum manu, absente etiam re-
 ge, formidolosissimoque bello in Gallia
 detento, influentes in Angliam Scotorū
 maximas copias tumultuaria panē pu-
 gna reprefferint, exercitum ferē omnem
 deleuerint, regem denique ipsum intere-
 merint? Quid? maiores nostri? nōne
 Galliam vi ac armis sæpenumerò sube-
 gerunt? plebem proceresque in sua verba
 iurare coegerunt? cōditionibusq; quibus
 vellent, obstrinxerunt? maximi nominis
 atq; potentię Regem, in bello cœperunt?
 captum-

captumque in Angliam perduxerunt.
 Quibus rebus quid præstantius? quid ex-
 celsius? quid in omni pænè seculorū me-
 moria magnificentius enumerari potest?
 Atq; hæc omnia publicis sunt litterarum
 consignata monumentis: tantumq; abest
 ego vt istæc ad libidinem meam cōfinxe-
 rim, vt nostrorū hominum res gestæ vel
 inimicis etiam nostris inuitissimis, singu-
 laris cuiusdam ac ferè diuinæ fortitudinis
 confessionem extorserint.

Quāobré ex hijs quæ breuiter exposita
 sunt (non enim sum copiam quam potui
 persecutus) cōcluditur profectò, Britāniā
 (quam hodiè Angliam nuncupamus)
 sicut vbertate agrorum, varietate fructu-
 um, magnitudine pastionis, omniumque
 commodorū opportunitate & copia fa-
 cilè cæteris omnibus Insulis antecellit: sic
 rei militaris scientia, atque bellandi gloria
 insignem semper atq; admirabilem ex-
 stitisse. Quæ cum ita sint, cumque huic

Gg. ij.

parti

parti abūdè iam satisfactum arbitror : reliquum est, quoniam de insulæ nomine, situ, forma, magnitudine, fertilitate, rerumque gestarum fama cursim quædam (vt potuimus) perstrinximus, nunc deinceps de ciuitatibus locisque celebrioribus nonnulla dicamus.

Ac primùm vt à *Cantio* potissimùm exordiamur, quandoquidem ea regio opposita & obiecta Galliæ, à transmarinis partibus commodissimū præbet in Angliam traiectum : manifestum est regionem illam omnibus ijs rebus abundare, quibus florentissimæ quæquæ gentes circumfluere consueuerunt. Etenim præter soli vbertatem, frugifera & immensa camporum spatia, vicorum, atq; vrbium frequentiam, maris finitimi non minùs utiles quàm iucundas opportunitates, portuum recessus tutissimos, quibus ex rebus, incredibile dictu est, quantum incolæ vtilitatis ac commodi percipiant, illic sunt

sunt fontes dulcissimi ac perennes, limpidissimis aquis profluentes : illic sunt ouium, bouum, diuersorumque animalium greges passim per agros vberes & opimos discurrentes : illic denique auium, piscium, cunctarumque pænè rerum tanta copia, vt ad eam regionem commoditatum omnium, quoddam quasi mare affluxisse videatur. Princeps ciuitas *Can-
tuaria* dicitur, (olim *Dorobernia* nomen fuit) vrbs sanè perantiqua, & quondam diuitijs & opibus, & descriptione ædificiorum, & sacrarum ædium pulchritudine, in primis nobilis. Nunc verò vel vetustate, vel Calisij (quod ipsi queruntur) amissione, vel ciuium (quod plerique autumant) ignauia atque discordia, pristinum pænè splendorem omnem decusque penitus amisit. Siquidem legulei, sartores, lanij, pharmacopolæ, cæteri que parui atque perangusti animi opifices, (qui in sordida arte versantur omnes) auidi lucri,
Gg.iiij. dediti

dediti rixæ, inuidia & æmulatione sæpe-
numerò ardentes, & leuissimis plerunq;
de causis sæuis (vt fit) inter se nonnun-
quam & immanibus irarum vndis ex-
æstuentes, eos malorum fluctus in vr-
bem inuexisse putantur, qui statum
ipsius intestinis concussum dissidijs in-
credibiliter dilacerarunt. Cæterum ha-
rum rerum vtra magis rem Cantua-
riensium publicam (quondam vt di-
xi florentem) afflixerit, an simul om-
nes ad perniciem & ruinam, tantæ ci-
uitatis concurrerint: affirmare temerè,
neque audeo certè, neque debeo. Proin
rem integram: ijsque dijudicandam re-
linquo, qui ciuium mores, vsitatamq;
viuendi consuetudinem meliùs perspe-
xerunt. Vna tamen in re, cæteris ad-
huc omnibus Britanniae ciuitatibus an-
tecellit. Illic etenim est Archiepisco-
pi sedes, sicuti multis abhinc iam se-
culis

culis fuit. Namque à primo vsque ad *Matthæum Parkerum* antistitem amplissimum (cui nunc quoque illius ecclesiæ cura incumbit) septuaginta Archipræsules exstiterunt. Restat igitur illud vnicum veluti diuinitus, afflictæ vrbi, ac pænè iam deploratæ solatium, quòd adhuc Archiepiscopali sede resplendeat, totiusque Angliæ & Cambriæ ciuitas Metropolis cognominetur.

Proxima Cantuariæ *Roffa* est: (Nam *Feuershamiam*, *Myltonum*, *Syttingburnam*, & interiecta nōnulla oppidula prudens certè prætereo) vetus & illa vrbs sicut murorum ruinæ, & quædam antiquitatis vestigia declarant.

Atque hæc quidem de *Cantio* breuiter dicta, sufficiant: Etenim syluas, portus, villulasque, quæ hinc indè sparsæ circumiacent, (colitur enim vndiq; & habitatur frequentissimè) transire decreui,

ne

ne si curiosius aliquantulum in istiusmodi rebus persequendis substiterit oratio, peregrinari nimium, & immoderatiùs excurrere videretur. Itaque certum est, in cæteris hanc eandem rationem sequi, nimirum vt nominatis maximis vniuscuiusque prouinciæ vrbibus, atque notatis tantum, reliquas breuitatis causa præteruolem. Quod eò libentiùs adducor vt faciam, quandoquidem *Gulielmus Lamberdus*, præstanti ingenio, eruditione, iudicio vir, nuper istæc vernaculo sermone non minùs eleganter quàm copiosè descripsit. Qui (quod eum facturum magnoperè cōfido) si in via quam semel ingressus est, perstiterit, atque eodem penicillo ijsdemq; coloribus quibus Cātium depinxit, Angliam nobis omnē expressam, depictamq; dederit: equidem non video quid in eo genere ab aliquo alio politius poterit, perfectiusue proferri.

Cantianis proximi secundum Thameſis
ripam

ripam meridionalem, sunt *Suthsaxones*
& *Surreyenses*. Southsaxonum celeberrima ciuitas *Ciceſtria* est, Surreyensium *Guldefordia*. Quanquam & ipsa quoque *Craiduna* partim clarorū virorum cœtu qui eò quotannis semel iuris dicendi causa confluere consueuerūt, partim Archiepiscoporum Cantuariensium palatio nobilitata est: habent enim illic exstructam magnificè, & plenam dignitatis domū. Quo nomine etiam *Lomethis*, (quæ vulgò *Lambyth* appellatur) atque in extremis Surreyensis prouinciæ finibus consistit, circunuicinis oppidulis clarior multum & illustrior existit. Etenim postquam VVestmonasterij ab Archiepiscopis Cantuariensibus habitari desitū est, (ibidem enim vsque ad tempora regis Richardi, eius nominis primi, ædes habuerunt amplissimas ludo (qui nunc est) literario aduersas, VVestmonasterio Lamhithum migrarunt. Vbi cū de
Hh. locorum

locorum quorūdam permutatione cum monachis Roffensibus transegissent sibi ac successoribus suis palatium magnificentissimum exædificarunt. Quod inchoatum à *Baldwino* anno. 1183. dein ab alijs auctū antistitibus, postremo a *Mortono*, *Warhamo*, & *Polo* Cardinali renouatum amplificatumq; , ad hanc tantam peruenit (qua hodiè conspicitur) magnitudinem. Atq; hic quidem (pace tanti antiquarij dixerim) *Johannes Leylandus*, si non per errorem lapsus est, at certè titubauit aliquantulum, & ignorance veritatis de via deflexit. Ait enim Archiepiscopos Cantuarienses à tempore aduentus Normannorum in Angliam, *Lambithi* sedem ac domicilium habuisse. Quod secus esse ex ijs quæ superius dicta sunt quis non videt? nisi fortè plus vni *Leylando* (homini quod non infitior apprimè docto, & in harum rerum studijs non mediocriter

ter versato) credendum sit , quàm vetustissimis antiquitatis Anglicanæ monumentis, quæ certissima huius migrationis testimonia continent. Addam ipsius *Leylandi* verba , ne qui mihi fortè vitio dent , quod homini multis laudibus claro , & quod familiam ducit antiquario , ignoratæ antiquitatis crimen inflixerim. *Lomithis* (inquit) id est *sinus luteus* siue *Lamithis*, vulgò *Lamehyth* notissimus *Tamesinæ* ripæ locus , de quo nihil antiquiùs legi , quàm quod *Canutus Fortis rex Angliæ* hîc inter conuiuia & pocula , vt refert *Henricus Venantodunensis*, diem obiuerit supremum. In confesso est, *Archiepiscopos* à tempore aduentus *Nortomannorū* in *Angliam*, hîc sedem habuisse.

Baldwynus & *Hubertus Archiepiscopi* , nobile fanum *Lamhythi* erexerunt, decreueratq; præbendarios (vt vocāt) ibidem constituere. *Durouernēses monachi*

Hh.ij. hoc

hoc agrè ferentes, cum Romano pontifice defano diruendo egerunt. Postremò Monachis victoribus, ruinam locus passus est, & quidem magnam. Hæc Leilandus.

Southsaxonibus finitimi sunt *Atrabates*, (quos nunc Barcshirenses vocamus) quorum vrbs primaria *Caleua* olim, hodie *Wallingforda* cognominatur. Nam de *Segentio*, *Pontibus*, *Spinis*, *Cunetione*, quæ nunc *Cilcestre*, *Reding*, *Newbery*, & *Malborow* dicuntur (antiquis sanè oppidulis) plura fortassis dicerem, si non ad alia maiora festinaret oratio.

Inter hos & mare siti sunt *Simeni*, quos *Hamshirenses* hodie nūcupamus, quorū amplissima ciuitas *Venta* est, quæ multis abhinc annis fama percelebri fuit, & à Britannis, (qui eo tēpore regionem hanc incolebant) *Caermynt* dicebatur: nūc autem à nostris *Wynchestre* appellatur.

Vndè nō longè distat Portus magnus, (hodiè nomen *Portsmouth*) in cuius ostio
ciuitas

ciuitas erat *Caerperis* olim, iam verò
Portchestre nuncupata. Est etiam in ea-
dem prouincia *Trisantonis*: portus pul-
cherrimus atque peramplus: antiqui ad-
huc nominis vestigia retinens, *Southhāp-*
ton enim hodierno die dicitur. Ex ad-
uerso sita *Vectis* est: Insula clara, fertilis,
opima, & Romanorū monumētis cele-
brata: de qua Leylandus sic scribit: *Vecta*
sue Vectis Britannicè, Gueid vel Guith,
Anglicè VVight, insula tūm Latinis tūm
Græcis scriptoribus cognita. In primis autē
Ptolomæo, Plinio, & Antonino. Samuel
Beulani discipulus, qui annotationes in
Nennij Britanni historiam scripsit, hæc
dum Vectæ interpretationem significanter
excudit, refert: Quam Britones insulam
Gueid vel Guith vocabāt, quod nomē La-
tinè diaortium dici potest. Forma insule o-
uo simillima: longa quidem est viginti pas-
sum millia, lata verò decem. Rupes habet
litus horrentes. Terra frugū fertilissima,

*ne Sylvæ indiga. Amniculis aliquot com-
modè alluitur. Neoportus aliàs Medena,
unicum insulæ emporium. Villæ præterea
plus minus. 24. in quibus vt plurimum non
vicatim, sed sparsim habitatur.*

Locus hic admonet vt quod initiò fa-
cturum me receperam, id nunc demùm
præstem. Etenim de Insulis Britanniam
circumiacentibus dicturum me aliquid
pollicebar : quod quidem libenter face-
rem, si aut susceptæ historiæ ordo atque
natura pateretur, aut non aliò ad se in-
uitaret, & quasi raperet oratio. Ne tamē
hanc partem intactam prorsus relinque-
rem, aliquid hac de re dicendum mihi hoc
tempore existimaui, hortans nihilò tamē
secius omnes, qui talium rerum desiderio
tenentur, auctores vt consulant eos, qui
istec plenius & vberius in commentario-
lis explicarunt suis.

Est igitur Anglia (quemadmodum su-
perius demonstratū est) multis clarissi-
mis

mis insulis circumdata, quarū aliæ remotiores sunt, & longius disiunctæ, alię verò veluti parvæ filiolæ, matri magnæ circumfusæ. Harum omnium maximę sunt, *Veddis* (cuius paulò antè mentionem fecimus) *Menewia* (quam Ptolomæus *Monoadia* appellat: nostri *Man*) & *Mona*, de qua deinceps dicemus. Nam de *Teneta*, *Sheppeia*, *Ely*, *Axholmia*, *Aualonia*, & cæteris, (quæ quò angustioribus definitæ terminis sunt, eò fama semper minori exstiterunt) hoc tantum in oratione ponam mea, insulas illas fertiles esse & peramœnas, & rebus pænè omnibus ad vitā necessarijs redundantes.

Mona itaq; ea est quā *Angleseiam* hodiè nominant: cuius Cæsar commentariorū libro quinto meminit, *Monamq;* eam appellat. Quanquam *Polidorus* ex *Mona*, *Manam* fabricare conetur, homo utique non indoctus, sed qui vel ignoratione & inscitia, vel (quod pleriq; putant)

putant) maleuolentia, & nescio qua gloriolæ cupiditate occæcatus, densissimis identidem errorum nebulis veritatem inuoluerit. Quæ res mouit *Humfredum Lhuid* & *Johannem Leilandum* (summæ equidem in antiquitate perlustranda, industriæ viros) vt immoderatâ istam *Polidori* in urbium, locorum, ciuitatumq; nominibus deprauandis licentiam hisce verbis perstringerët. Ac primùm *Humfredus Lhuid* eleganti quadam epistola, quam nuper cum suo totius orbis terrarû Theatro *Abrahamus Ortelius*, (præstantis & eruditionis & ingenij vir, coniunxit, sic scribit: *Restat* (inquit) *de Monæ insulæ nomine & situ*, quæ apud antiquiores, & modernos authores obseruauit, quæque ipse ex experientia & ex lingue Britannicæ cognitione didici, tibi cui aliquid denegare quod vires meæ præstare possint, apud me piaculi loco erit, aliquid scribam, quamuis scio me hoc factitando nomē meum multorum

multorum calumnijs exponere, quia errores
semel imbibiti difficillimè euelluntur, ma-
ximè cum Polidori Virgilij viri docti, &
non vulgaris eloquentiæ authoritate confir-
mentur, sed pace eorum dixerim, virum hūc
annales suos manifestis erroribus & mille
mendis impleuisse, idq; non solum ei accidisse
ob imperitiam linguæ Britannicæ, sine qua
nec nomen ipsius insulæ rectè intelligitur, cū
alii per p, alij per b, alij per ph, litteras scri-
bunt: sed etiam quòd meliores authores non
legerit, vel quòd inuidia Britannici nominis
tumens, Gulielmi cuiusdam & re & no-
mine Parui, (spretis melioribus, eorumque
authoritates paruipendens, sibi que nimium
tribuens) cæcutientis, cæcus vestigia secutus
sit: Sed crepat licet Britannicæ gloriæ velli-
cator impudentissimus: dum exstant inter
Græcos Diodorus Siculus, Dion Cassius
bis Consul, Herodianus, Plutarchus, Pau-
sanias, Ptolomæus, & Strabo: inter La-
tinos Cæsaris commentaria, Cornelius
Li. Tacitus

66
 Eutropius, Suetonius, Orosius, Ælius
 Spartianus, Iulius Capitolinus, Ælius
 Lampridius, Flavius Vopiscus, Aureli-
 us Victor, Amnianus, Marcellinus, Sex-
 tus Rufus, Panegyrica Mamertini, & a-
 liorū: Plinius, Antoninus, Mela & Soli-
 nus, præter annales antiquissimos Britan-
 nicè scriptos, Gildas tres, Neniū, & cla-
 rioris eruditionis multos alios, qui res Bri-
 tannicas scriptis suis illustrauēre: Afferius,
 Obbernus, Felix, Monumetensis, Hun-
 tingtonensis, Malmesburiensis, Anno-
 uillanus, Iseanus, Necchamius, Giraldus
 Parisiensis, Triuettus, & infiniti alij. Cre-
 pat (inquam) licet imperiosus Vrbinas, &
 clarissimis Britānorū rebus gestis oblatrēt,
 dū hi classicū Britannicæ gloriæ cātēt, nus-
 quā poterit mēdacissimis suis calūnijs Bri-
 tanniæ decus & nominis famam à tot clariss.
 viris decantatā, vel obscurā reddere, vel ali-
 qua infamia inurere. Iam ad Monā redeū-
 dū est, quā Polydorus satis pro imperio no-
 mine antiquo briuauit, anonymāq̃ reliques.

Menauia vtroq̃ decorauit: quod facile, & ex Romanis, Græcis, & Britānicis scriptoribus, & incolarū lingua hunc in modum probatur. Eundē in finem, sed mitiūs aliquantulū Leylandus: Mona, Britannicæ terræ Mone. Hæc ab Anglis vi occupata, Anglesey dici cœpit, id est, Anglorū insula. Polydorus Virgilius cōtēdit miris modis ex Meuania Monam facere: si nomen quod vel adhuc retinet, si vrbs quæ è regione sita est, vnde & nomen Aruone, pro Ar-Mone habet, si traiectus breuissimus quidē ille, cuius & Romani scriptores meminerūt, si Penmona promōtorium, quæ dictio caput Monæ significat. Si arborū ingentes trunci ac radices sabulo obtectæ, quæ latè per Monæ litora eruūtur. Si abietes miræ lōgitudinis in vliginosis cāpis, passim sub terra inuētæ, nō satis probāt eā Monā fuisse, quæ nūc Anglesey vocatur: nihil amplius in præsetia dicā, nisi quòd decimo quarto apud Tacitū libro hæc legerim. Excisiq̃ luci sœuis super-

Ii.ij. stitio-

stitutionibus sacri. Ego verò (& meritò) as-
surgo Polidoro. Præstitit in historia quæ
potuit optima, si meliora potuisset, facile
quidem voluisset. Quo nomine & posteritas
multum illi debebit. Sed ut conuineam in
meridie, & indulgeam manifestis errori-
bus, qui frequentiusculè erudito occurrunt
lectori, siue ille per ignorantiam, siue ut can-
didus interpretor per incuriam peccauerit,
mibi nec commodum nec æquum videtur.
Quando amor erga patriam meus, & veri-
tas ne faciam, prohibent, & quidem seuerè.
Mibi quidem si esset cum eo familiaritas
vlla, libere eum, at opportunè, interim nec
minùs candidè & modestè admonerem, ut
sexcetas eiusmodi maculas in historia quam
edidit, elueret. Hucusque Leylandus.

Quam eandem Polidori temeritatem
feu mauis petulantiam reprehēdit etiam
Priseus scriptor politissimus: Mona
(inquit) insula, quam Angli nūc Anglesey
appellant, etiam nunc antiquum nomē inter
Brytan-

Britannos Cæbrenses retinet, nempe Môn dicta. Tametsi Polidorus ob linguæ Britænicæ ignorantiam, & quia alia non multum distans Insula (Man) apud Anglos nunc vulgò appellatur, illam videlicet Mônā eandem quam (Man) nunc Anglicè vulgò appellant, fuisse putat, interim nescius, quod & hæc quæ (Man) Anglicè dicitur, Mônoda olim à Ptolomæo, & antiquis, & nunc etiā à Britannis (Manaw) affini vocabulo vulgò dicitur. Vndè videre est, utramque insulam antiquitatis expressa vestigia adhuc retinere apud Britannos.

Quid quod Plinius harum quoq; trium insularū mentionem fecerit, & duas suis nominibus appellarit, tertiam, (quanquā obscurè) aliquantulū tamen subumbrarit: Inter Hyberniam & Britanniam sitæ sunt (inquit) Mona, Manapia, & Vectis insulæ. Monam & Vectim antiquis nominibus insigniuit: & eā quā nos hodie Mân appellamus, Manapiam nū-

li. iij. cupauit.

cupauit. Præterea *Cæsar* scribit eam in medio cursu esse inter *Angliam* & *Hyberniam*, suoque nomine *Mônā* appellat, quo quid dici potest apertius ad reprimendam scriptoris inconsideratissimi vanitatem? Tres itaque (quod antea dictum est) propè *Britanniam* insulæ sunt, finitimarum omnium insularum maxima. *Man* (veteri adhuc nomine insignis) *Mona*, (quam *Anglseyam* hodie appellamus) & *Vectis*. De quibus *Henricus Huntington* ad hunc modum scribit: *Tres maiores insulæ Britanniae sunt Orchades, Man, Mona, (Liseuboniam, vel Euboniam, vel Eufoniam vocat) quæ in umbilico maris inter Hyberniam & Britanniam sita est: Tertia Guith. contra Normannos, de quibus dicitur in prouerbio, iudicabit Britanniam cum tribus insulis. Hæc Henricus. Videamus nunc quid de remotioribus insulis veteres scriptores tradiderint. Antonius ait: In mari Oceano, quod Gallias*

Gallias & Britanniam interluit, sunt insulæ Orchades, Glota, Vierione, Vecta, Riduna, Sarnia, Cæsaræa, Barfa, Bifia, Andium, Sicdelis, Vixantisma, Vindelis, Siada, Iga. Sunt (vt inquit Plinius) qui aliàs prodant, Scandiam, Dumniam, Bergos, maximamq; omnium Nerigon, ex qua in Thyle nauigetur. Addunt etiam nonnulli numerum, inter quos est M. Capella, qui sic scribit. In ultimo eius, sylua Caledonia, insulæque quamplures, inter quas Orchades sunt, quadraginta pænè iunctæ. Et Mela, cuius hæc sunt verba: Quadraginta sunt Orchades, angustis inter se diductæ spatijs: Insulani statura sunt procera, semper sano fermè corpore, pariter atq; mente, quo fit vt longissimam vitã degant, etsi piscibus plurimum victitent, nam terra cõtinuò propemodùm frigore obfita, multis in locis vix frumentum fert, arborem verò pænè nullam. Consentit cū vtriusq; Plinius: Quadraginta sunt (inquit) Orchades

Orchades modicis inter se discretæ spatij.
Solinus item de Hebudibus hæc tradit :
*Multæ sunt circa Brytanniam insulæ, è
quibus Thyle vltima, in qua æstiuo solsti-
tio, sole de Cancris sidere faciente transitum,
nox pænè nulla brumali solstitio, dies adeò
conductus vt ortus coniunctus sit occasui.
Vltra Thylem accepimus pigrum esse &
concretum mare. Inde à Caledonio pro-
montorio Thylem petētibus bidui nauiga-
tio est. Jndè excipiunt Hebudes insulæ
quinque numero, quarum incolæ nesciunt
fruges, piscibus tātū & lacte viuunt. Rex
vnus est vniuersis, nam quotquot sunt, om-
nes angusta interluuie diuiduntur. Rex ni-
hil suum habet, omnia vniuersorum, ac ne
auaritia diuertat à vero discit paupertate
iustitiam, vtpotè cui nihil sit rei familiaris,
verū alitur è publico. Atque hæc cursim
strictimq; de Insulis, nunc ad reliqua de-
nuò reuertamur.*

*Simenos ordine consequuntur Seueriani
nunc*

nunc *Wylshiremen* dicti, horum nobilissima ciuitas *Caerfeuerus*, alijs *Caer caradoc*, à nostratibus hodiè *Seuerisbury*, vel corruptè *Sarisbury* cognominatur. Inter hos est nobilitatus ille Britannorum heroum clade locus, qui *Mons Ambrosij* appellatur, hodiè *Stoneheng*: vbi immensæ magnitudinis saxa conspiciuntur, modo tam incredibili constructa coagmentataq; vt omnes (qui vnquam conspexerunt) in admirationem tantæ ac tam inauditæ structuræ conuerterint. De quibus *Henricus Huntington* quodam in loco sic scribit: *Quatuor autem, sunt quæ miræ videntur in Anglia, primum quidem est, quod ventus egreditur e cauernis terræ, in monte qui vocatur Pec, tanto vigore, vt vestes iniectas repellat, & in altum eleuatas procul eiiciat. Secundum est apud Chedernhole, vbi tam magna cõcauitas est sub terra, vt eam multi sæpe ingressi sunt, & ibi spatia magna terræ, & flumina pertransferint, nunquam ta-*

men ad finem eius venire potuerint. Tertiū est, quod in quibusdam partibus, pluuia videtur eleuari de montibus, & sine mora per campos, diffundi. Quartum est apud Stannens, vbi lapides miræ magnitudinis in modum portarum eleuati sunt, ita ut portæ portis superpositæ videantur, nec potest aliquis excogitare, quæ arte tanti lapides adeo in altum eleuati sint, vel quare ibi constructi sint. Hucusque Huntingtonus. Præterea in Seueria, est etiam & altera non minus ferè nobilis vrbs, quæ Shaftesbury nominatur, à Britannis olim Caerbaladin, & Caersepton dicebatur. Hijs finitimi sunt Durotriges, Brytānis Durugueir, Anglis Dotsetshyremen dicti: à quibus non longè absunt Damnonij, (Deuonshyremen hodiè vocantur) quorum amplissima ciuitas Isca est, cui olim Augusta nomen fuit, & Caermyck, nunc à nostratibus Excestre cognominatur.

Proxima & vltima omniū Cornauia est,
inco-

incolis *Cernico*, ab Anglis *Cornwallia* dicta. Suprà *Damnonios* sita est *Murotrigū* regio, quæ Britannis *Guladarhaf*, Anglis verò *Somersetshyre* dicitur. Huius provinciae vrbes primariae sunt, *Ilcestre*, *Briston*, & *Bath*, in qua sunt aquae calidae, & terrae quasi venis atq; visceribus mirabiliter ebullientes, humanisque coporibus, tabifica lue aut morbo contactis, admodum salubres. Ab hijs non longè absunt *Dobuni*, siue *Claudiani* (*Glocestrenses* nostri nuncupant) tribus ciuitatibus, *Glocestria*, *Cicestria*, & *Malmsburia* insignes.

Regiones quæ ad australem *Thamesis* orā sitae sunt indicauimus omnes, reliqua nunc eodem quo coepimus ordine, conspectabimur. Et primo contra *Cantium* ex altera parte *Tamesini* fluuij sunt *Trinoantes*, qui hodiè à nostratibus *Estsaxones*, & *Mediosaxones* appellantur, quorum princeps ciuitas *Londinum* est,

Kk.ij. olim

olim *Trenouantum* dicta, vrbs Anglicarū
omnium maxima, pulcherrimaq;. Nam
& situ est tūm egregio, tūm ex omni ad-
itu, vel terra, vel *Tamesi*, (qui fluuius vr-
bem præterfluit) ad aspectum præclaro:
dein templis, ædificijs, locisq; tam priua-
tis quàm publicis, ita ornata atque distin-
cta, vt longè ceteris omnibus ciuitatibus,
& specie & magnitudine antecellat. Nec
me certè mouet, quòd *Polydorus*, (vir vt
sæpè iam dixi, in rebus nostris explican-
dis minùs castè integreq; versatus) aliter
aut senserit, aut se sentire finxerit, præser-
tim cū tot vbique præstantissimorum
hominum scripta illius commentitias fu-
tilesque coniecturas, atque ineptias (plus
pænè quàm aniles) detexerint. *Trinouan-*
tibus proximi sunt *Sceni*, quorum ciuitas
Venta est, ea, quā nostrates hodiè *Nor-*
wycum nuncupant. Quam quoniam or-
nandam quoad potero, meisque scriptis
celebrandam suscepi: non committam,

vt quas laudes illius pulcherrimæ vrhis
perpetua oratione (cùm ad id loci per-
uenero) persequi decreueram, eas nunc
in hoc rapidissimo orationis meæ cursu,
festinantiùs quàm par est, explicem atq;
profundam. Quàquam mirari satis cer-
tè non possum, quid *Polidoro* in mentem
venerit, regionem vt hanc *Nordouicen-*
sem, ciuitatem verò *Nordouicum* appel-
landam existimaret, atque ex *Ordinico*,
peritissimus proculdubio vrbium archi-
tectus) vnica tantùm litterula adiecta,
Nordouicum tam subito construeret.
Vna solummodò præter Londinum ciuitas
Ordouicum (inquit) *nomen vetus retinet,*
tametsi nos addita N. littera in principio,
Nordouicum vocamus. Hunc in modum
purus ille scriptor, & rerum (quod
profitetur) Anglicarum fidissimus inter-
pres, ea quæ certis locis, temporibus,
atque nominibus distincta sunt, singulari
quadã temeritate atq; audacia permiscet

semper atque confundit.

Pryſæus (auctor ſanè grauiſſimus) in
hiſtoria ſua hac de re ſic ſcribit: *Quale eſt
illud quod de Ordouicibus Polydorus cē-
ſet, hanc videlicet ciuitatem ſolam, præter
Londinum, antiquum nomen, videlicet
Ordouicū in hæc tempora retinuiſſe, quod
de Norwýco ciuitate, nunc ad orientis in-
ſulæ extremum latus poſita innuit, cum
Ptolomæus Ordouices planè ex Diame-
tro, videlicet ad extremum Occidentis in-
ſulæ Britannię conſtituit. Nec ipſa loci
longitudinis aut latitudinis ullo modo ratio
patiatur eos ubi Norwycum eſt, conſti-
tui: Nec dum tempore Ptolomæi Saxo-
nes, undè hoc vocabulum Norwich, du-
bio procul originem traxit, in hanc inſu-
lam applicuerant, videlicet à (North)
& (VVich) quod Latinè ſonat, Aquil-
lonaris vicus, quod Polydorum minimè
obſeruafſe plurimùm admiror. Ordouices
etiã non ciuitatis, ſed gentis nomen erat.*

Nec

Nec omninò verum est, quod cætera loca omnia sua antiqua nomina penitus amisere, ut Polydorus in suggillationem historiæ receptæ asserit. Quippè Londinum quod London, & Eboracum, quod non ita pridem Euerwyck: Venta, VVinchestre, Trifantonis hostia, Sowthampton: Cantium, Kent: Sabriana, Seuerne: Corinij, Cornisimen: Dannonij, Deuonshyremen: Tamesis, Tames: multiq̃ue alij loci atq̃ vrbes palàm faciunt, non omnia ut Polydorus censet, huius insulæ loca sua antiqua nomina amisisse. Hæc ille. Sed de Polydoro satis: Nos eò, vndè defluxit oratio reuertamur.

A Norwicensibus non longè distant Cantebrigenses, quorū ciuitas olim Britānis Caergrant, & ab antiquioribus Anglis Grātecestre (à flumine vrbe præterlabète) dicebatur, nūc verò vulgò (sed corruptè) Cambridge appellatur. Academia omniū celeberrima, eruditissimiq̃; semper hominibus

minibus atq; liberalissimis bonarum artium studijs florentissima. Cuius & vr-
bis & Academiæ antiquitatem, & cum
antiquitate dignitatem, *Ioannes Caius* nu-
per eleganti volumine cōplexus est. Nec
procul indè disita sunt hæ gētes, *Catych-
laumi*, siue *Hertfordiēses*, *Buckinghamen-
ses*, *Huntingtonēses*, *Bedfordiēses*, *Oxon-
ienses*, & post hos, *Lincolniēses*, *Leicestrē-
ses*, *Nortauondunēses*, *Staffordiēses*, *War-
uicēses*, *Wigornienses*. Hertfordiensium
ciuitas fuit *Verolanium*, vrbs per antiqua,
& *Saxonum* furore funditus excisa, cuius
etiam adhuc vestigia quædam manent,
& mœniorum ruina, cis amnem non lō-
gè à fano diui (vt vocant) *Albani*. Nunc
inter cæteras eius prouinciæ vrbes, *Hert-
fordia*, (nationis insignita nomine) prin-
cipem locū obtinet. Eodem modo *Buc-
kinghamensium*, *Huntingtonensium*, *Bed-
fordiensium*, *Oxoniensium*, *Lincolniensium*,
Leycestrensiū, *Nortauondunensium*,
Warui-

Waruicēſium, Staffordienſium, Wigornienſium, primarię vrbes omnes (*Staffordienſium* duntaxat excepta, quę *Lychfeldia* nuncupatur, gētium nominibus inſignuntur, ſiue (nam id quoq; incertum eſt) gentes ſibi vrbium, an vrbes gētium vocabula contraxerunt. Inter has maximi nominis vrbs *Oxonium* eſt (ſecūdum *Catebrigiā*) nobiliſſima, & antiquiſſima totius pænē terrarum orbis Academia. Sequuntur *Salopienſes*, quorum antiquiſſima ciuitas *Vricouium*, Saxonico perculſa bello, funditus concidit: hodiē *Salopiam* habent vulgò dictā *Schreusbury*, vrbem non multo minùs nobilem & illuſtrem. Dein ſunt *Deuani*, ſiue *Ceſtrenſes*, & non procul ab hijs *Doruentani*, qui nunc *Derbienſes* dicuntur. *Deuanorum* ciuitas maxima ea eſt, quam in hunc diem Britanni *Caer Lheo Ddourdum* nuncupant, veteres Latini *Deuam*, Angli *Leganceſtre* appellarunt, quam eandem hodiē breuius e-

Ll. quidem

quidem sed multò corruptiùs) *Chestre* cognominamus. *Derbiē*sium vrbi *Dorguent* quondam nomen fuit (ab albis aquis sic dicta:) quæ vox longo tēporis intervallo, inflexa nonnihil, atq; paululū immutata, à *Dorguent*, ad *Derby* iam tandem deuenit. Vltimi omnium sunt *Snotingomenses*, nunc *Notyngamenses* dicti, *Eboracenses*, *Northumbrenses*, *Westmerlandenses*, *Cumberlandenses*, *Lancastrenses*. *Notyngamenses* ciuitatem habent suo nomine percelebrem atq; insignem, (*Notyngamia* etenim nuncupatur) positaque est in summo colle, pellucidis vndique amnibus ac riuulis circumflua. Ea autem est vicinorum vrbi natura locorum, siue amoenitatem agrorum, siue vbertatem spectes, vt illic potissimū constituti ciues videantur, quò omnibus tūm vitæ commodis, tūm voluptatibus circumfunderentur.

Eboracenses olim *Brygantes* dicebātur,
pugna-

pugnacissima gens, & *Romanorum, Pictorum, Scottorum, Saxonū, atq; Danorum* aduersa semper, atque inimica tyrannidi, adeò vt perpetuò illorum rapinis obstitierint, neq; vnquam ne assiduus quidem fracti bellis conquieuerint. Horum ciuitates *Ptolomæus* nominat, *Eboracum, Bynionium, Calatum*, vel *Calcaria, Rhygodunum, Olicana*: quæ hodiè à nostris *Yorcke, Bynecestre, Tadcastre, Rippon, & Haligfex* denominantur. Harum omnium maxima, amplissima, atque augustissima ciuitas *Eboracum* est, totius prouinciæ Metropolis, atq; Archiepiscopali nobilitata sede, quæque secundum *Londinum*, summæ est & dignitatis, atq; magnitudinis: multis clara triumphis, atque nobilium regum ducumq; illustrata victorijs. A Britānis olim *Caerfroc*, ab Anglis verò (vt antea dixi) *Euermick*, & nūc (contractiùs aliquantulū, sed corruptiùs) *Yorck* appellatur. *Northamhymbrenses*,
 Ll.ij. *Westmer-*

Westmerlandenses, Cumerlandenses, atque *Lancastrenses*, has habent præ cæteris principes dignitate vrbes, Northumbrēses *Nouum castrū*, VVestmerlandij, *Applebeiam*, Cumerlandij *Carliolum*, (ciuitatem nobilem, antiquam, & splēdidam, (olim *Luguballia* nomen fuit) Lancastrenses *Mediolanum*, quæ *Lācastre* dicitur, & *Mancuuium*, cui nunc *Manchester* nomen est.

Neq; miretur hic quisquam, quòd vetera vrbiū nomina obliuio iam pænè obruerit, præsertim cū *Saxones*, postquam per vniuersam pænè Angliam, longè lateque victorias disseminarūnt suas, cūctis locis aut noua prorsus nomina indiderint, aut antiquiora ob linguę (vt fit) inscitiam penitūs deprauauerint. Patet hoc ex ijs quæ *Henricus Huntingtonius*, (scriptor grauissimus) hac de re memorię mādauit: cuius ex verbis liquidò perspicui potest, non solum quemadmodum

Saxones

Saxones antiquissima vrbiū nomina immutarunt, verumetiam vtpotè regnum vniuersum in prouincias atque pagos distribuerunt. Hæc igitur ille : Ciuitatum nomina quondā hæc erant, Britannicè Caer Ebranc, *Eboracum* : Caer Chent, *Cantuarua* : Caerguragon, *Wigornia* : Caer Londone, *Lundonia* : Caerlyrion, *Leicestre* : Caercollon, *Colchestre* : Caer Glow, *Gloucestre* : Caercey, *Cicestre* : Caeroder, *Bristow* : Caercery, *Cirecestria* : Caergwent, *Wyncestria* : Caer Grant, *Granteceastria*, (*quæ modò dicitur Grantebrigia* :) Caerlion, *quam vocamus Carleuil* : Caerdauri, *Dorocestria* : Caer Dorin, *Dormecestria, quæ sita est in Hunthedun prouincia, super flumen quod vocatur Nen, penitus destructa est* : Caerlotthiot, *Lincolne* : Caermardin, *quæ nunc quoque sic vocatur*, Caer segent, *Sylcestre*. Hæc erant nomina ciuitatum tempore Romanorum & Britānorum. Præterea

Caerguercon, Caer Guccerat, Caer Gortegrin, Caer Vruac, Caer Celemiō, Caer Megniad, Caer Licilid, Caerperis, Portchestre, Caerlegion, in qua fuit Archiepiscopatus tempore Britonum, nunc autem vix mœnia eius comparent, ubi V sca cadit in Sabrinam. Caer Draiton, Caer Marcipit. Et alio deinceps in loco: Britannia etiam ciuitatibus quondam nobilissimis viginti nouem insignita fuit, præter castella innumera, quæ & ipsa muris, turribus, & portis, ac seris erant instructa firmissimis. Quando autem Saxones hanc terram sibi subiungauerant, reges septem statuerunt, regnisq; nomina pro libitu imposuerunt. Primum regnum vocatum est Kent, secundum Sudseax, in quo sita est Cycestria: tertium Estanglia, in quo sunt provincie quæ vocantur Nordfolc, & Sudfolc. Quartum est VVestseax, cuius caput erat VViltonia, (quæ nunc data est sanctimonialibus) in quo sunt vrbes VVinceastria, Salef-

Salesberia, & plures aliae. Quintū Nord-
humbriæ, in quo est Eboracum. Sextum
regnum est Eastsex, quod non durauit diu,
sed certis regnis subiugatum est. Septimum
Merce, in quo est Lincolnia, Leicestria,
& aliae complures. Postquam autem reges
VVestseax cæteris præualuerunt, & mo-
narchiam obtinuerunt, terras per viginti
quinque prouincias sibi diuiserunt, quarum
situs & nomina scribere nō piguit, quamuis
habitoribus notissima sint. Deueniet enim
forsitan, ut quemadmodum nomina ciuitatū
prædicta, quæ olim grata & excelsa erant,
modò in barbariem & risum vertuntur, ita
etiam decursu temporum, quæ modò notissi-
ma sunt, incognita & incredibilia fiant: vn-
dè patet quàm miserè & frustrà nominis
nostri famam incolæ prouinciarum appeta-
mus, cum nec ipsarum vrbiū, vel prouin-
ciarum durare possunt. Atq; hæc de sep-
tem regnis & ciuitatibus, videamus vi-
cissim quid de prouincijs tradiderit.

*Prima prouincia (inquit) Kent, in qua
 Archiepiscopus est Cantuariæ, & episco-
 patus Roueceastræ. Secunda est Sudseax,
 in qua est episcopus Ciceastræ: Tertia
 Sudrie: quarta Hantshyre, in qua est epi-
 scopatus VVintceastræ: quinta est Berc-
 shire: sexta VViltshire, in qua est episco-
 patus Salesbyrie: septima est Dorset, octa-
 ua Somerfet, in qua est episcopus Badhe:
 nona Dauenshyre, in qua est Episcopus
 Exceastræ: decima est Cornuallia: unde-
 cima est Essex: duodecima, Middelsex, in
 qua est episcopus Lundoniæ: Tertia de-
 cima, Sudfolc: quartadecima, Nordfolc,
 in qua est episcopus Norwici: quinta de-
 cima Cantebrigeshyre, in qua episcopus
 Ely: sextadecima Lincoleshyre, cuius ca-
 put est Lincolnia, cui subiacet sex alia pro-
 uinciæ, scilicet, prouincia Leicestriæ, &
 Hantonæ, & Huntyndonæ, & Hert-
 ford, & Bedford, & Buckyngham, &
 Oxenford, extenditur enim Episcopus
 Lincol-*

Lincolniæ à magno flumine Humbri, vs-
 que ad flumen Tamefis. Vicesima quar-
 ta est Gloucestresyre, vicesima quinta
 VVyrecestresyre, in qua est episcopatus
 VVigornia: vicesima sexta Hereford-
 syre, in qua est episcopatus Herefordia:
 vicesima septima, Saloplyre: vicesima o-
 ctava Ccestresyre, in qua est episcopatus
 Cestria: vicesima nona, VVarwic: tri-
 cesima Stafford. Post trigesimam prima est
 Derby, secunda Nottingham, tertia est
 Euerwycksyre, in qua est episcopatus E-
 boraci: quarta est Nordumberland, cui
 præest Episcopus Dunelmia: quinta illa
 regio, in qua est nouus episcopatus Carluil.
 Sira verò Anglicè, Latinè prouincia dici-
 tur, igitur decem & septem episcopatibus
 insignita nostro tempore florescit Anglia.
 Vrbes verò multò plures sunt quàm episco-
 patus, vt Gloucestria, Leicestria, Oxen-
 fordiam, & aliæ plures Episcopis carentes.
 Quamuis nunc vtraque ciuitas & Glou-
 Mm. cestria,

cestria, & Oxenfordia suos habēt Episcopos. Ex hijs omnibus liquet, quantum post deuictos *Britannos*, in rebus suis cōstituendis *Saxones* elaborarint: quam curam in propagandis imperij sui finibus adhibuerint: vtpotē nominibus nouis, vrbibus, atq; prouincijs impositis, vetustiora deleuerint: denique quemadmodū regionatim, viciatimque gentem omnem dispertiuertint. Quid quod non minori etiam cura publicæ vtilitati prospectum est, cum vijs quatuor, latis atq; perpetuis, itinera trans *Angliam* pæne omnia distinguerent, eiusq; facinoris perpetuitatem atque memoriam solennibus edictis decretisq; deuincirent. Quæ de re ad hunc modū libro primo *Henricus Huntington* scribit: *Tanta autem gratiæ inhabitantibus fuit Britannia, quod quatuor in ea calles, à fine in finem construerent, regia sublimatos auctoritate, ne aliquis in eis inimicum suum inuadere auderet. Primus est*
ab

ab Oriente in Occidentem, & vocatur I-
 chenild. Secundus est ab Austro in Aquil-
 onem, & vocatur Ermingeftrate. Tertius
 est ex transuerso à Dorobernia in Cestri-
 am, scilicet, ab Euroaustro in Zephyrum
 Septentrionalem, & vocatur VVatling-
 strete. Quartus maior cæteris, incipit in
 Carnes, & desinit in Totnefs, scilicet à
 principio Cornwalliæ, in finem Scotiæ, &
 hic callis vadit ex transuerso, à Zephyro
 Australi, in Eurum septentrionalem, & vo-
 catur Fossa, tenditq; per Lincolniam. Hij
 sunt quattuor principales calles Angliæ,
 multū quidē spatiosi, sed nec minus speciosi,
 sanciti edictis Regū, scriptisq; verendis legū.
 Hæc ille. Vnde facile quis animaduerte-
 rit, quibus (veluti) ex fontibus ad laudem
 atq; eternā nominis gloriā, antiqui Reges
 profluxerunt. Etenim si perenni fama
 digni sunt ij qui res in bello maximas, ad-
 mirabili cum virtute atque audacia desi-
 gnauerunt: (sunt autē dubio procul

Mm.ij.

dignif-

dignissimi) quantis honoribus eos cum-
mulabimus, qui, quæ alij cruento Marte
pepererunt, dulci pace, atque diuini cu-
iusdam consilij grauitate, cōseruauerint,
auxerint, dēfenderint. Veruntamen hijs
de rebus non est hic dicendi locus, & cer-
tē si esset, subtiliūs ista persequi superua-
caneum foret, præsertim cū *Gulielmus
Lamberdus* (is cuius paulò antē mentio-
nem feci) multorum nuper antiquorum
regum priscas leges, è vetustatis tenebris
in lucem veritatis vindicauerit. Ad alia
nos maiora rapimur, & sēpē numero an-
te oculos *Norwici* imago obuersatur
nostros, quæ nos ad se identidem reuo-
cans, promissi laboris fidem atque con-
stātiā efflagitat. Etenim cū illius cau-
sa suscepta institutaque sunt hæc omnia,
iamq; tanquam è scrupulosis cotibus e-
merlerit atque enauigarit oratio, cumq;
vniuersam ferè *Britanniam*, (eam præ-
sertim quā hodiè *Angliam* nūcupamus)
breuiter

breuiter enucleateq; descripserim, eiusq;
 nominis rationem, situm, speciem, ma-
 gnitudinem, fertilitatem, rerum gestarū
 famam, finitimas insulas, mira, prouinci-
 as, vrbes primarias, vias denique (pingui
 quamuis vt aiunt *Minerua*) dilucidè ta-
 men satis, (vt mea fert opinio) aperteq;
 depinxerim, cūcta q; (quoad potui) gra-
 uissimorum, atque antiquissimorum au-
 thorum testimonijs cūfirmauerim: quid
 restat, nisi vt quibus astrictus teneor, ijs
 me continuo vinculis exsoluā. Quocirca
 quandoquidem hunc in modum celeri-
 ter per omnem pænè *Britanniam* cucur-
 rimus, maria q; immensa oratione pera-
 grauimus, iamq; propè, atq; in ipso planè
 cōspectu nostra *Normycus* est, cuius dū-
 taxat causa tam latè euagati sumus, passis
 eō velis cursum confestim dirigamus.

1. Tres igitur partes erunt huius histo-
 riolæ: primo loco Urbis vt nunc est, for-
 mam, descriptionemq; instituemus,

Mm. iij.

qui-

quibusque initijs creperit, donec ad hanc tantam peruenit (quâ hodiè visitur) amplitudinem, ostendemus. 2. Tum consequetur Pontifices, qui sacris ac religioni præfuerunt: 3. ac post hos Prætores. Semper autem vt quid memoria dignū inciderit, id ordine, & (vt poterimus) aptè, in illorum vitas ac tempora includemus.

NORWICVS ciuitas *Angliæ*, vna inter multas celeberrima, ad oriētis insulæ latus extremum, propter *Baradenum* fluuiū sita est: qui à mari *Hyermuthico* (in quod profluit) sexaginta millia passuum abest. De nominis ratione, atq; origine; variæ sunt & multiplices diuersorū hominum opiniones. Siquidem qui ea de re scripserunt, (scripserunt autē permulti) in dubias & ancipites sentētias distrahuntur. Quidam enim à regulo quodam seu duce *Noro*, (nam id imprimis traditur) nomen ciuitati impositum putant. Non-

Nonnulli à *Norico* (antiqui sanè nominis fluuiò) cæterùm & fluuius, & fluuij nomen (perindè vt mortalia quæq;) vetustate iam penitus exaruit. Alij de piscinis quibusdam nescio quid nō minùs fabulosè, quàm ridiculè & perinsulsè comminiscuntur. Sunt qui ex hijs duobus *Saxonicis* vocabulis (*North & Wich*) simul iunctis, ac si dicas *Aquilonarem vicum*, (talìs enim Latino si exprimantur sermone, istorum verborum vis est,) (*Norwicum*) nūcupatam, autument. Hos vt sequar potissimùm (quandoquidem de fluuiò nihil constat) inclinatus animus.

Hec in leui collis deiectu posita, & magnitudine, & situs opportunitate, cæteris omnibus Angliæ ciuitatibus (paucis dūtaxat exceptis) lōgè antecellit. Latè patet ab ortu in occasum, hoc est, à mōtis radice, quam flumē alluit ad summū verticē passus ferè millē: vndè sensim crescēdo, in
maxi

maximam amplitudinem diffunditur: in longitudinem verò à meridie in Septentrionem mille quingenta passuū & paulò amplius protenditur.

Forma eadem quæ arcui vehementius intento, cum sagittarius pleno nisu incūbit, iam iam sagittam emissurus, cuiusmodi apud Astronomos signi cœlestis, (cui nomē fecēre *Sagittarij*) arcus est: nisi quòd hic figurā habet Scythici, ille Britannici: hoc est, non incuruantis mediū, nec extrema tenosue flectentis in auersum. Ad hanc formam ab angulo incipit, & se paulatim hinc ædificiorum laterum efferentium tractu, inde murorum arcuato flexu extendit, dilatatque, ad maximam ipsius amplitudinem. Tum sensim se cogit arctatque, ac tandem lateribus ex diuerso propè cōeuntibus, alium facit angulum, sed priori ampliorem. Hanc in formam cum fluminis naturā, tum manus artificum urbem cogeant.

Fluui-

Fluuius etenim ab occasu ex duorū fontium, quasi ad *Wymondhamiam* confluxu profluens, (quorum alter suprà *Derhamiam*, a^lter suprà *Attilburgum* æquali ferè semper spatio decurrit,) mediam urbem partim interluit, partim præterfluit, itaque è ciuitate deuolutus, latus vrbs quod ad solem exorientem spectat lambens, præcingit & alluit. Naturam iuuat ars, & ciuiū sollers industria, qui firmissimo muro urbem circumcinxere, cuius ea ratio est, vt nec ad eius defensionem quicquam munitius, nec ad speciem ornatus cogitari potuerit. Nam & lapide quadrato, siliceque elaborato construxerunt, itaque crebris pinnarum interuallis, fornicibus, speculis, frequentiūque turri distinxerunt, vt & defensionis opportunitati, & intuentium voluptati cū primis prospexisse videatur. Et certè si non ad vsum ciuium, & peregrè aduentantium commoditatem, plurima porta interrū-

Nn.

pere-

retur, nusquam non perpetuus foret. Nā
quā urbem deserit flumini coniungitur,
& paulatim assurgendo per vniuersum
montis cacumen porrigitur, indeq; sen-
sim denuò deuexus, amni (qua ex ciuita-
te ad septentrionem emergit) committi-
tur. Vndè fit, vt quod fluuius propter lo-
ci celsitudinem naturali munimento de-
fendere nequirit, id murus artificum in-
genio tutissimum reddiderit. Occiden-
talem enim & præruptissimā vrbis par-
tem murus, murum fossa præalta, fossam
agger ambit. Latus Orientē versus mu-
rū habet nullū, sed profluentem tantū
qui cum muro sibi (vt antea dixi) qua ex
ciuitate effluit, commisso, ac in septentri-
onem ad portas vsq; *Magdalineas* proie-
cto ita se habet ad reliquam vrbis arcuatę
formam, vt neruus adductus ad arcum.
Ergo quia id latus nullū habet artis be-
ficio, sed naturę tantū (habet enim
propter se amnem, propter amnem pra-
tulum,

tulum, pro anni tempestate viride semper satis & amœnum: nonnunquã tamẽ fluidum & vndosum: quem mons alius asper, & densissima vestitus sylua, indẽ se attollens, atque ex aduerso urbem respectans, suo sinu excipit receptatque,) quã ergo (vt dixi) nullum habet artis præsidium, duo prostant propugnacula, duarum turrium instar erecta, quæ plena foraminibus ad tormenta exercenda affabrè excauatis, & ferreis machinis ad bombardas sustinendas instructa, & vrbi decus, & hosti terrorem inferunt. Horum alterum trans amnem ad vrbis angulum, solido ex lapide in ripa positum: commune & aquæ & terræ patentium, nec debile munimentum est. Et ex hoc transmissas fuisse antiquitũs, in citeriorem ripam (vt nunc in statione publica fit) cathenas, & in opposita muri arce receptas, indicio sunt cathenarum reliquiarũ, &

Nn.ij. turri-

turrium tùm recipientium, tùm emittentium ruinæ. Periculine ad prohibendum cymbarum aditum: an portorij causa (vt nunc fieri cōsuevit) incertū. Alterum ex aduerso vrbis vmbilico, quā amnis è ciuitate præcipitat, cis fluuiū ex cocto latere cōstructū: ea vrbis loca defendit, quę munimentorum (præterquàm amnis ea ex parte vadosi, & præcipitiorum impeditissimorum) expertia, eorum exposita sunt iniurijs, qui ex Oriente vrbi periculum inferre possent.

Ad hunc modum partim natura loci asperi, montosi, iniqui, & syluestris, partim artis & ingenij machinationibus solerter ad defensionem excitatis, vrbs est vndequaq; munitissima, adeò vt hostiū quamlibet numerosam multitudinē (si opus fuerit) facile ac nullo negotio disicerit.

Atq; quemadmodum situs, lociq; natura multum adfert vrbi roboris ac firmamenti,

mamenti, ita ingenium, ars, virtus, & industria ciuium plurimum addidēre & opportunitatis ad vtilitatem, & ad delectationem dignitatis & ornamenti. Etenim quamuis nunc ampla sit, nobilis, florens, celebris, & ciuitatum omnium, secundum *Londinum* (vniuersi regni emporium) multo maxima augustissimaq; tamē initia habuit (quemadmodum omnia) vt non vsque quaq; illustria, ita humiliora fortassis, quā pleriq; homines arbitrantur: omnino tamen obscura nō ausim appellare. Nō enim Romā florētē (vt vulgō loquuntur) vidit vna dies: nihilq; simul inuentum idem, & perfectū: & abundē clara sunt initia quæ commēdarūnt fœlicia incrementa: itque semper dicendus est benē cœpisse, qui in instituta ratione rectē processerit. Quō magis laudi dabitur ijs, qui ex initijs humilibus clariora, ex paruis maxima, ex illustribus illustrissima fecēre. Nam cum

Nn. iij. insigni

insigni semper apud omnes gloria floru-
 erunt ij, qui quæ à maioribus tradita sunt
 conseruantes, ampliora eadem & orna-
 tiora quàm acceperunt ad posteros trās-
 miserint: quos & quantos honores tri-
 buemus ijs, qui magnorum operum ve-
 luti fundamenta ponentes, quæ pruden-
 ter inchoarunt, prudentius multò per-
 fectiusque absoluerint. Hæc enim sua
 sunt: cætera quæ non fecimus ipsi, *vix*
ea nostra voco, vt verissimè cecinit *Oui-*
dius: nec merentur laudem: cùm tali-
 um virorum industria sempiterna secu-
 lorum omnium memoria vigeat. Ete-
 nim vt pleræq; ciuitates (quarum prima
 fundamēta posita sunt illustria) socordia,
 inertia, luxu, & ignominia defluxêre, nec
 virtute aut relligione (firmisimis ad æ-
 ternitatem præsidijs) circunseptæ sese ex-
 tulerunt, sed fœdos & perditos exitus ha-
 bētes, æterna se sceleris labe & ignominia
 commacularunt: sic quæ (minimis pri-
 mum

mum ac languentibus viribus) ciuium industria tamen, virtute, cōtinentia, modestia, ac frugalitate paulatim auctæ, ad maximas tandem opes, & summum felicitàtis gradū peruenēre, omnium vocibus & sermone celebrātur. Hinc veteres illi Heroēs, *Moses, Cecrops, Cadmus, Romulus*, innumerabilesq; alij (magnarum autores rerū) tantam nominis sui amplitudinem, ad perennem ipsius memoriam, posteritati propagarunt. Contrā verò *Rehoboam, Sardanapalus, Creon, Sylla, Cinna, Nero, Heliogabalus*, omnesq; qui vel morum immanitate, & importuna tyrannide, vel noxijs & impuris libidinibus patriæ vastitatem & exitium intulerunt suæ, æternam sibiipsis, & nullo interitum æuo turpitudinem inflixerunt. Nec iniuria. Illi namque clades & interitus rerum publicarum fuisse, hij authores: illi longis duratura seculis, exiguo temporis momento pessum dedere,

dedere, hij breui spatio virtute sua multa, ad innumerabilia secula permanfura perêre. Respublica ab hijs incœpit, at in illis desijt. Siquidẽ amplitudini quasi vitã dedisse, multò magnificentius est, & ad nominis perpetuitatem gloriosius, quàm acceptam iugulasse. Itaq; si auium in nidis construendis prouidam industriam, si araneolorum in telis texẽdis subtilem sollertiã, si formicarũ perpetuos in victu parãdo labores, si apũ admirabilẽ in Republica sua administranda diligentiam, (multaq; prætereà, quæ parens natura paruis animalculis inseuit) tantopere admiramur & suspicimur: quid hĩc fieri conuenit? vbi non malleolis aut sarmen- tis nidi, sed ciuitates: non leuiter suspen- sa ad muscarum interitum & insidias re- tia, sed leges ad concordia fiunt: vbi non naturæ imperio omnia, sed virtutis arbi- trio geruntur: vbi denique non de fauis, aut aluearijs, sed de recta ciuium institu-
tione,

tionē rerum suarum conseruatione, vita beata disceptatur, & communi omnium salute. Quo quid humano generi vtilius excogitari potest? Itaque quemadmodū familiam qui benè instituit, qui instrumento domestico, qui supellectile largè copioseque instruit, qui omnia in ordinem cogit digeritque, qui rem deniq; familiarem pertenuem, & angustam, amplam facit & magnificam, summo est apud omnes in honore, prudensq; paterfamilias & οἰκονομος perhibetur: sic qui res publicas ad eum modū moderantur atq; gubernant, hij non viui solū inter sapientissimos numerabūtur, sed post mortem etiā admirabili semper laude ac gloria circumfluent. Ergo ne longum faciam, rem paulò altius repetam. *Norwici* primordia hæc erant.

Aeneas Anchisæ Venerisq; filius, Troianorū qui capta Troia profugerunt dux nobilissimus, cū per Macedoniam atq;

Oo. *Siciliam*

Siciliam sedis quærendæ causa deuectus,
Laurentem agrum (qui locus est *Italiae*,
 qua parte olim *Latium*, hodiè *Campania*
 est) anno ante Christi aduentum mil-
 lesimo centesimo primo occupasset : ex
Lauinia Latini regis filia, (quam vxor-
 em duxerat) *Ascanium* filium suscepit.
 Is dein *Sylvium*, *Sylvius Brutum* pro-
 creauit. *Brutus* autem vt in insulam
Albion delatus est, (eius ab origini-
 bus fuis, se primùm regem insulæ con-
 stituit, anno ante *Christum* natum mil-
 lesimo centesimo tricesimo tertio, eamq;
 ex suo nomine *Britanniam* (*Albion* vt
 dixi prius nomen erat) appellauit : ac
Nouam Troiam (hodiè *Londinum*) ad
Thamesim fluuium anno ante *Christum*
 millesimo centesimo condidit. Quid
 multis? Res *Brytannorum* iam inde pau-
 latim propagari cœperunt, cùm tamen
 neque *Norwici*, neque castelli quod in
 e) visitur, vllum adhuc nomen (ante
Gurgunti

Gurgunti Bellini filij tempora (qui à *Bruto Britanniam* vigesimus quartus rexit) exstitisset. Is etenim postquam tributum quod *Bellino* patri , vectigales *Dani* pendere consueuerant , occiso *GutLaco Danorum* rege , anno regni sui sexto , illato genti fœdifragæ bello recuperasset , rediensque per *Orchades* , *Hyberniam* prius incultam atque inhabitatam , *Parthalao* , *Cantabro*que *Hispānorum* ducibus , subditorum astrictam iure , stipendio insuper imposito , hospitij incolendi que causa concessisset : in ea *Brytanniæ* parte quæ ortum solis spectat , (quam orientalem vocabant incolæ) loci naturam arci condendæ satis idoneam conspicatus , castelli cuiusdam fundamenta posuit. Quod forma iam quadrata inchoatum , & ex albo lapide in collis excelsi vertice fundatum , (ad flumen olim *Sydumanum* , nunc *Hierum*

Oo.ij. nuncu-

nuncupatum) Rex sui vt videtur nominisationem secutus, *Kaier Guntū* (quod Latinè *Gunti castellum* rectè dixeris) appellauit. Sed in rebus humanis vt nihil est perpetuum, ita opere imperfecto auctor fatis concessit.

Veruntamen *Guthelinus* (qui proximus à *Gurguntio* numeratur) rex Græcæ & Latinæ linguæ peritissimus, opus inchoatum perfecit, idque muro, vallo, fossaque duplici circummuniuit. Quarum alteram monti ad eius radices vndique circundedit, alteram ante portam pontemque ita perduxit, vt in semicirculi figuram recuruata, atque ad interioris fossæ diametri ferè fines reducta, vtroque suo cornu cum ea tantum non coiret. Nisi iam vrbis purgamentis (vt aliquot nunc ab annis fieri cœptum est) & sordibus quæ ex ædibus indies exportantur, ciues eam compleuissent. Prætereà ad castellū testudines quasdam subterraneas, longo
fornice

fornice, cœcoq; itinere duxit: Dein mutato cum suo *Gurgunti* nomine, *Kaier Guthelin* (quasi *Guthelini* castellum) Britannica voce loco nomen fecit.

Atq; ita re nomineq; integra ad multos annos arx permansit, nulla memoria digna (quæ scriptorum monumentis comprehensa est) accessione facta, nisi quod *Julius Cæsar* omnium ferè gentiū victor, quadraginta (vt fama est) ante *Christum* natum annos, multa circa castellum ædificia extruxerit.

Veruntamen postea res Norwicensis crescere indies, atq; illustriores fieri cœperūt. Annus is fuit à partu virginis quadringentesimus, quadregesimus nonus, cum *Vortigerus* Gerseorum rex, Brytanniæ quoq; regnum per vim ac nefas occupauisset. Is etenim vt quod immani nequitia, adeptus esset imperium firmiori tueretur præsidio, gentem Saxonum sceleris sibi sociam asciiuit, quæ ducibus

Hengisto atq; *Horso* maximis copijs sese in *Brytanniam* infudit. Tenuère tum ad orientem maximam insulæ partem *Picti Scotiq;* (gens aspera & multū in sanguine & caede versata) post hos *Anglosaxones*, dein *Dani*: tum *Normanni*: ultimò *Belgæ*: sed *Pictis* atq; *Danis* prorsus deletis, ad nostra vsq; tempora habitatum est in *Albania* à *Scotis*, in *Cæbria* à *Brytannis*, in *Saxonia* Orientali, Occidentali, Meridionali, & inter utrāq; media, à *Saxonibus*, à *Belgis* verò per vniuersam insulam cū *Normānis* mistim, tū præcipuè in *Wallia* occidentali. Inito igitur cū *Scotis*, *Pictisq;* contrà *Britannos* fœdere, *Horsoq;* in bello quod cōtra *Aureliū Ambrosiū* gessit, interemto, superstes fratri *Hengistus*, homo feritate incredibili præditus, & bonitatis cœli soliq; nō ignarus, regionisq; occupandę percupidus, quò facilius omnē *Brytanniā* domesticis percussā dissidijs inuaderet, *Ibittos* (*Iutas* nōnulli: alij *Vitas* appellāt)

pellāt) gētē eius partis *Germania* quę hodiē *Alemania* dicitur, *Anglosq;* qui *Anglia* regionem inter *Saxones* & *Ibittos* positā incolebāt, huius fecit sui consilij crudelissimi participes. Quę barbara lues breui temporis interuallo, ita se per omnes regni partes diffudit, vt cūctis rebus immani rabie deuastatis, *Britannorumq;* viribus post longa bellorum incommoda fractis atq; contusis, vniuersa pænē regio in eorum ditionem concesserit.

Ibitti etenim *Cantium* occuparunt: *Saxones* prouincias quas nunc nostri *Westsexiam*, *Estsexiam*, *Sudsexiam*, & *Middlesexiam* nuncupant: *Anglosaxones* autem *Brytanniam Orientalem*, eam quę hodiē *Northfolciæ*, *Suthfolciæ*, & *Cantebriegiæ* comitatus continet.

Nec dum nouem expletis annis *Ibitti*, anno Domini. 457. suo *Cantio* regē præfecerunt, & post hos (annis videlicet viginti quatuor ab illo tēpore elapsis, *Angli* quoque

quoque, suæ *Britanniæ* orientali suum.

Exin nouus rex *Guthelmi* castellum sedem regiae capit, Anglique circum arcem ædificare, ibique deinde habitare, & piscibus capiendis operam nauare coeperunt. Tum ex insigniore duce *Noro*, (cuius auspicijs in *Britanniam* venerat) naturaque loci piscatorij qui eorum lingua *Wices* dicebatur) *Norwici* loco nomen dedere, falsa quidem inueterata, tamen opinio) castrumque *Burchestrum* nuncupauere.

Ex hijs principijs tanta *Norwicus* deinde incrementa coepit, atque eò magnitudinis longo tandem interuallodeuenit, vt totius *Britanniæ* orientalis vrbs pulcherrima, florentissima, potentissimaque facile existeret. Etenim imbecilla primum, & quasi in cunis vagiens, reges habuit illustrissimos, & insigni præditos prudentia pontifices: infantiae (vt ita dicam) alumnos suæ, quorum admirabili bonitate

bonitate alta indies, & educata fuit, donec postmodum corroborata iam atate, ciuium industria excolta, & ornata, eam adepta est (qua nunc quoq; fruitur) plenam opulētæ dignitatis senectutem. Tales namque habet magistratus annuos, quales hodiè Londinenses habēt, & numero, & dignitate pænè pares, eosdem ritus, eundem in muneribus delegandis ordinem, eandem Prætorij iuris descriptionem, ac viuendi disciplinam. Quam obrem vrbs est tum natura, situ, & ædificiorum pulchritudine apprimè nobilis, tum rebus ijs omnibus, quibus abundare solent, benè moratæ ac constitutæ ciuitates, instructissimæ.

Atque vt opibus creuit, ita religione claruit, iam inde à *Sigeberto Orientalis Britannia* Rege, sub quo Christi fidem suscepit. Is enim interea dum in *Gallia* exulabat, (inita cum *Fælice* quodā *Burgundo* amicitia) mortuo iam *Corpus* vallo in

Pp. Angli-

Angliam reuersus, *Anglia* orientalis (ibi enim habitabat) regno est potitus, *Fælicem*que principatus sui præfulem constituit. Qui dein suos ad *Christi* fidem conuertit, ac *Donuoky*, *Donmycum* nonnulli appellant, (ciuitas propter mare in orientali *Southfolciæ* parte posita, hodie *Fylcheston* dicitur) sedem habuit. Sunt tamen qui putant antè *Fælicem* *Angliæ* orientalis episcopos fuisse, qui *Sohami* iuxta stagnum *Eliensis* oppidi cōfederint. Vt-
 cunq; fuit (quis enim rem tam veterem pro certo affirmet?) constat certè hunc *Fælicem* postquam prouinciæ *Norwicēsi* & *Southfolcensi*, annos decem & septem præfuisse, extremum obiisse diem, atque *Donmyci* sepultum. A cuius morte in episcopatum surrogati sunt *Thomas* quidam *Fælicis* Diaconus, ex *Giruiorum* prouincia oriundus qui quinque annos *Ecclesiam* rexit: & post hunc *Bonifacius*, qui totidem annos, quot *Fælix* vtri-
 usque

usque Ecclesiæ gubernacula tenuit. Post
Bonifacium autem *Bysus*: sed *Byso* mor-
 tuo, duo eidē prouincię præsules præfici-
 ebantur. Quorum alteri *Donwocy*, alte-
 ri *Elmhamiæ* sedes erat. Horum omni-
 um nomina prout quisque munus pon-
 tificium obierat, ordine subsequun-
 tur.

*Elmhamenses Episcopi.**Donwocenses.*

<i>Beadwynus primus.</i>	<i>Acceius primus.</i>
<i>Northbertus. 2.</i>	<i>Astwolfus. 2.</i>
<i>Headeulacus. 3.</i>	<i>Aerdredus. 3.</i>
<i>Neathilferethus. 4.</i>	<i>Cuthwynus. 4.</i>
<i>Eanferethus. 5.</i>	<i>Aldberthus. 5.</i>
<i>Atbelwolfus. 6.</i>	<i>Eglasus. 6.</i>
<i>Alcharus. 7.</i>	<i>Heardredus. 7.</i>
<i>Sybba. 8.</i>	<i>Aelphunus. 8.</i>
<i>Humferthus. 9.</i>	<i>Tydfertus. 9.</i>
<i>Humbryctus. 10.</i>	<i>Weremundus. 10.</i>
<i>Weremundus. 11.</i>	<i>Wylredus. 11.</i>
<i>Wylredus. 12.</i>	

Totidem erant à *Bis* viriusque sedis
 Episcopi, quorum res geste vetustate ob-
 literata iam penitus euanuerunt. Nec
 mutata multum harum rerum conditio
 fuit, donec ad tempora *Humberti Elm-*
bamensis, & *Wylredi Donmycensis* episco-
 pi peruentum est. Horum enim ætas in-
 cidit in perturbationem ecclesiasticæ di-
 scipline, regnantibus *Ludicano*, & *Egber-*
to Merciorum, & *Westaxonum* regibus.
 Ab *Ludicano* enim afflicta Ecclesia, re-
 busque pontificijs vehementer perculsis,
 ad vnum denuò præfulem episcopalis di-
 gnitas deuoluta est. Quàm primum *A-*
thulfus suscepit, ac sub *Edmundo* rege *El-*
bami consedit. Huic suffecti sunt hi quo-
 rum nomina consequuntur.

Alfridus. 2.

Theodredus. 3.

Theodredus. 4.

Atbelstanus. 5.

Algarus. 6.

Alwynus. 7.

Alfricus. 8.

Alyfreicus. 9.

Cui defuncto, *Stigādus* successit, ascitus

in

in

in Pontificatum, & statim eiectus. Con-
sistit clade de sede pōtica decidit *Grim-*
chefalus, honore ac fortunis exclusus am-
plissimis. Hunc etenim postquam com-
pertum esset admissi sibi ad eum quem ad-
eptus est honorem mercede ac pretio pa-
tescisse, denuò deturbarunt, & *Stigandū*
rursus in episcopali cathedra locarunt.
Stigando Ægelmarus eiusdem *Stigandi*
frater successit: atque hij omnes ad *Guli-*
elmi Normanni tempora *Elmhamy* con-
sederunt. Huius tempore anno Domi-
ni millesimo tertio, ciuitas *Normieen-*
sis subitis ignibus deflagrauit: qui casu nē
urbem intraserint, an eos nefarij ciues clā-
destino scelere tectis intulerint, incertū.
Ægelmaro episcopo *Gulielmus* rex sacel-
lanum suum *Arfastum* substituit: qui ex
cōsiliij sententia sedem episcopalem *Elm-*
bamo Thetfordiam transtulit. Vbi is so-
lus, ac qui illi surrogatur, *Gulielmus Gal-*
sagus consedere.

Proximus ab hijs *Gulielmus Herbertus*, pontificiæ dignitatis gradus conscendit, vir sanè illustris, ac (vt illa ferebant tempora) insigni eruditione præditus.

Veruntamen priusquam vltius progredior, hoc in loco, tacitis quorundam hominum reprehensionibus occurrendum mihi existimaui. Neq; enim defuturos quosdam suspicor, qui cum ea quæ à me optimum in finem describuntur, (vt est talium virorum captus) inuidiosissimè detorserint, iniquum meis scriptis vel inscitæ, vel superstitionis crimen imponent.

Quid tu mihi (inquit aliquis) hos *Beadwynos*, *Northbertos*, *Accios*, *Tydfert hos*, *Astwolfos*, *Weremundos*, & id genus alios, quisquillas verius quàm pontifices commemoras? quos aut numquàm natos sanè oportebat, aut sempiternâ obliuione sepultos? Enimvero horum hominum proteruam insolentiam satis demi-

demirari nequeo; qui ardentibus inanibus
gloriæ flammis perusti; usque adeo fel-
metipsum diligunt, ac magnificè circum-
spiciunt, ut ea solum scribi debere arbi-
trentur, quæ illorum aures nescio qua
inani ac futili delectatione perfructu-
ant. Nolumus (inquiunt) talia litera-
rum monumentis prodi: Nolumus Ro-
manas sacerdotes, templa, sacra, cere-
monias audire: Nolumus denique ab-
olitam illam iam pænè papisticam tyran-
nidis memoriam cuiusquæ scriptis red-
integrari. Cur quæso? Nimirum quia
tempora illa impietatis, errorum, &
ignorantiæ plenissima, immani vindi-
que superstitione redundarunt. Quasi
verò nos istuc aut ignoremus, aut oc-
cultemus, aut quouis modo oratione
nostra illorum impuritati suffragemur.
At fuerunt plerique omnes illius ætatis
pontifices impij, crudeles, auari, indocti,
& (quod caput est) papistæ: Esto, fuerint:
(quamuis

(quamuis hoc quoq; infitiri centē lice-
bit) sed fuerint tamen improbi; fuerint
sacrilegi, fuerint spurcissimis superstitio-
nibus polluti, fuerint deniq; flagitiorum
omnium vitiarumq; antistites: Quid
tunc? Nonne ideo illorum exemplis alij
à consimili scelere & nequitia detestabū-
tur? Quid? hac dumtaxat una supersticio-
nis tæ, & superioris seculi labe excepta,
an non multi exstiterunt præfules erudi-
tionis laude aliquam insignes, virtute
præstantes, vitæ disciplina admirabiles,
tamen & horum silebitur?

Iam verò illud cuius est, nō dicam stul-
titiæ sed amētiae, arrogantia, importuni-
tatiq; tuæ, nescio quod cōscientiæ vulnus,
ac superstitionis pestem prætexere, per-
inde ac si mētis castimoniam talium vo-
luminum lectione coinquines. Itanē ve-
rò *Herodotum*, *Thucydidem*, *Cæsarem*, *Ti-
tum Liuium*, cum legimus, & veterū seu
Romanorum, seu Græcorum res gestas
remi-

reminiscimur, quos ad virtutem stimulos
sentimus? quo inflammamur ardore?
quanta denique suauitate perfundimur?
& adeo ingrati erimus, nostros vt infra
Ethnicos amandandos putemus? Quid?
Sacra Veneris, Orgia Bacchi, Solēnia ma-
tris Berecynthæ, Iunonis, Dictinnæ, Flo-
ralia, Eleufina, Saturnalia, cū audimus
quotidiē, legimus, manibus ferē atque o-
culis vsurpamus, nonnē singulari odio
& detestatione sceleris tam horrendi in-
ardescimus? & nostrorum hominum ve-
tusta volumina, ritus, mores, cērimonias
perscrutantes, periculum erit, ne consci-
entiæ nostræ illarum sordium cōtagione
respersæ violentur? Quid? Poetæ? nonnē
in istarum rerum descriptionibus crebri
sunt ac frequentes? quis tamen vnquam
illorū carminibus relligionem suam la-
befactari sensit, aut mentem perfidię ma-
culis contaminari? Tres illi *Marci Tullij*
Ciceronis de natura Deorū libri, omnibus

Qq. verbo-

verbis firmatis et huiusmodi floribus con-
 spersis, et quos recordari possumus, quod
 cum ex animis apertum illud orationis flus-
 menti divini fluminis cognitio nemine elue-
 ritur. *Augustinus* ipse, qui horum omni-
 um sacrilegorum torrentia uno volumi-
 ne complexus est, eoque illius oratio,
 gentium spurcissimis ritibus implicavit.
 Veteres illi Christianae Ecclesiae ante-
 signani, ac martyres gloriosissimi, *Ter-*
tullianus, *Cyprianus*, *Cyprianus*, *Arnobius*,
Lucianus, innumerabilesque alij,
 quanta eloquentia, arte, ingenio, copia,
 horum cultus, sacra, caeremonias, mo-
 res, inuenta, institutaque persecuti sunt,
 cum tamen in omni paene seculorum
 memoria ne unus quidem unquam in-
 ventus fuerit, cuius animus illorum
 scripta depraeverint? Pleni sunt om-
 nium philosophorum libri, talibus inep-
 tijs, annales vetusti, et antiquorum scrip-
 torum monumenta huiusmodi fabulis

ac monstribus referti, qui tamen ubique
absque periculo, incredibili certe eorum
legentium voluptate, teruntur, legun-
tur, ediscuntur. Nec tamen adhuc
quisquam existit adeo sceleratus & ex-
cors, qui ex horum voluminibus virus
aliquod superstitionis exfuxerit, aut tam
impuræ religionis guttulam aliquam in
animum suum illabi fuerit, sed eò ma-
gis ab illorum diris sacris, ac nefandis
mysteriorum deliramentis abhorruerit.
Ergo in horum libris euoluendis castius
versabimur quàm in nostris? & ab illis
nihil damni metuentes, perniciem, ab
his & conscientiae pestem perhorresci-
mus? Equidem ea semper mente fui, vt
istius sententiae homines, aut bonorū stu-
dijs apertè inimicos & infensos existi-
marem, aut papistarū sceleribus occultè &
insidiosè præuaricari. Nam qui ista ferre
nequeunt, nescio ob quam putidā & de-
licatam curiosæ mentis puritatem, quam

Q q. ij. stulti-

stultitiæ suæ prætendunt, superbas medi-
us Fidius aures habent, & morbo quo-
dam mentis ac iudicij quo laborant, po-
pularium scripta fastidientes, ingenij sui
vanitatem, & cordis virulentiam depro-
munt. Qui autem omninò tanquam in
obscuritatis coeno, iacere veterum mo-
numenta volunt, neque ex occultis ea te-
nebris in lucem vindicari, non tam reli-
gionis amore id exoptât quidem, (quàm
fortassis funditùs deletam & extinctam
cupiunt) quam impuritatum conscien-
tia, quas sempiternis silentij latebris atq;
integumentis inuoluere conātur. Vterq;
sanè & cœlo solem, & nocti diem inui-
dent: & manifesta mentis deprauatæ in-
dicia dantes, insignem sibi vel perfidiæ,
vel inuidiæ notam inurunt, dū ea obrue-
re & opprimere nituntur, quæ cognita
eunctis summam importabunt salutem,
Sathanæque atq; Antechristi insidijs atq;
sceleribus detectis, gloriam Dei optimi
maximi

maximi mirificè illustrabunt.

Quapropter hoc maneat semper, ac fixum sit: harum rerū lectionem, vt multis iucundam, ita nemini inutilem futuram: solosq; eos pollui ac commaculari, qui picem impietatis tetigerint, id est qui vel praua voluntatis consensione papisticis fecibus sese foedarint, vel maleuolentia & inuidia cæcati, mentis oculos, & ingenij lumen amiserint.

Neq; verò velim quisquā me arbitretur hoc in loco, vel hominibus, vel illorū tēporum relligioni, seu potius superstitionissimis sacris quicquam honoris imperituri. Nō me latet quā cæca & horribilis nox, illa ætate orbem terrarum opprimeret, quāque crassis obducta & circumfusa tenebris, ipsa veritas, ac relligio Christiana iaceret. Verū si in tanta ac tam illustri Euangelij luce qua hodie Dei benignitate circūfundimur, horum hominū sanctimoniam, vel si mauis super-

Q. iij. stitio-

stitutionem imitantes, illorum exemplo ad
virtutem inflammemur, & quis iure re-
prehenderit.

Sint igitur ista nobis semper ad imita-
dum proposita, eoque sinu animo, ut si
quæ temporum illorum antistites pieta-
tis monumenta ad posteros transmise-
rint, ea nos non hominum voluntate, sed
naturæ regula, & rei ipsius magnitudi-
ne metiamur. Parum etenim iam no-
strâ interest, quo consilia sua direxerint,
quemque sibi benè aut secus agendi fi-
nem proposuerint, dummodo illorum
pro sua conscelerata religione suscepti
labores, mentes nostras ad virtutem
& sanctitatem exacuant. Nihil enim
nobis oberit, clarorum hominum ex-
emplis, ad pietatis officia incitari, si
in virtutis studio defixi, actiones no-
stras omnes sensusque, ad fratrum v-
tilitatem, & Christi gloriam confera-
mus. Proin scelus omne, impietatemq;
ac

ac superstitionem ex animo execratur
taliū verō factorum memoriā, sum-
ma semper benevolentia prosequamur.
Verū ut eō unde egressa est, denuō se
referat oratio.

Fuit igitur *Herebertus* iste (de quo
anteā diximus) *Oxonij* natus, & *Re-*
berti cuiusdam de *Losinga*, *Wintoni-*
ensis Abbatis filius, quem *Fiscani* nūm
Normanniæ Monasterio præpositum
(Priorem vulgò nūcupant.) *Guliel-*
mus *Rufus* in *Angliam* acciuit. Cui
cū in aula versaretur assiduus, om-
nibus in rebus ita se probavit, vt & il-
lum Rex non solum magnoperè dili-
geret, sed & præmijs etiam cumlaret
amplissimis. Vnde factum est, vt infrā
triennium tantos nummorum acervos
construxerit, vt & sibi pontificatum (di-
citur enim sedem suam à *Gulielmo* *Ruf-*
o 1900. libris obtinuisse) & patri coeno-
bium turpissimō mercatu coemerit.

Cuius

Cuius execerandæ Symoniæ labem ac maculas multis scriptis suis ambiciosissimo præfati sempiternas asperferunt, & eius delicti causa, eam quam mox dicam templorum exstruendorum necessitatem ad tanti facinoris poenam à Papa *Paschali* inflictam, monumentis perscriptum veteribus reliquerunt.

Illud certè cōstat, fuisse eum cæteroq̃ui virum (vt temporibus illis) pereruditū, & haud vulgari doctrina excultū. Quò magis miror, quænam ratio ipsum ad hanc tantam turpitudinem impulerit, vt cum artibus se instruxisset optimis, quæ semper hominibus ad decus & dignitatem præsidio esse cōsueuerūt, nihilominus tamen aditū sibi ad eam quā animo cōplexus est amplitudinē, tam immani flagitio munierit. Enimuerò illius inexplēbile vt ita dicā pecunię sitim, ac insaturabile ambitionis ingluviē *Gulielmus Malmshieri* huiuscemodi verbis perstrinxit.

Tres

Tres sunt in Anglia Episcopatus, qui ex antiquis sedibus in alias transferunt. VVellensis, per Iohannem in Bathoniam, Cestrensis per Robertum in Couentreiam, Thetfordensis per Herbertum in Norwicum. Omnes nummorum maleficio, omnes venalitatis ambitu, ac sacrilegio. Deniq̃ ut primum de postremo dicam, Herebertus cognomento Losinga, quod ei ars adulationis impegerat, ex Abbate Ramsey emit Episcopatum Thetfordensem, patre suo Roberto eiusdem cognominis in Abbathiam VVintoniæ intruso. Fuit ergo vir ille magnus symoniæ fomes in Anglia, Abbathiam Episcopatumq̃ nummis aucupatus, pecunia scilicet regiam sollicitudinem inuiscans, & principum favori promissiones nō leues assibilans. Vnde quidem egregiè tunc temporis versificans, sic ait:

*Surgit in Ecclesia monstrū, genitore Losinga,
(Symonidūm secta Canonū virtute resecta)
Petre nimis tardas, nā Symon ad ardua tētat.*

Rr.

Si

*Si præsens esses non Symon ad alta volaret.
 (Proh dolor) ecclesiæ nūmis vendūtur & ære:
 Filius est præsul: pater abbas: Symon vterq̃.
 Quid non speremus si nummos possideamus?
 Omnia nūmus habet: quod vult facit: addit, &
 aufert.*

Res nimis iniusta nummis fit præsul & Abba.

En qualis in iuuentute exstiterit, videamus nunc vicissim quemadmodū seni hē tam immensæ gloriæ atq; pecuniæ cupiditates deferuerint, atq; id ipsum quoque eiusdē *Gulielmi* testimonio comprobemus. Eodem igitur in loco institutā narrationem hunc in modum persequitur.

Veruntamen erroneum impetum iuuentutis aboleuit pœnitentia, Romam profectus senioribus annis, vbi loci dalmaticam, & baculum & annulum deponens, indulgētiā clementissimæ sedis iterum recipere meruit. Quod Romani sanctiūs & ordinatiūs obseruāt, vt Ecclesiarum omnium sumptus suis potiūs marsupijs inseruiant, quā quorumlibet

bet regū vsibus militēt. Itaq; Herbertus domū reuersus, sedē episcopale quæ quodā fuit in Helmhā, & tūc erat apud Thetford ad insignem mercimonijs & populorū frequentia vicum transtulit nomine Norwycum. Ibi monachorū congregationem numero, & religione percelebrē instituit, omnia eis necessaria ex nūmis mercatus domesticis. Prouidens suorū successorū querelæ nullos de episcopatu terras monachis largitus est, ne illi Domini famulos fraudarent victualibus, si quid donatū offendissent, quod suis cōpeteret rebus. Prætereà apud Thetford monachos Cluniacenses instituit, quod sint illius cœnobij professores ubiq; penè gētium dispersi, locupletes in seculo, & splēdidissimæ religionis in Deo. Ingēti ergo & numerosa virtutū gratia præteritarū offensarū molē obumbravit, disertudinis et litterarū copia, nec minus secularū rerū peritia ratione quoq; celsitudinis suspiciendus. Fuitq; Herbertus mutatus vt Lucanus de Curione dixit momētū &

Rr.ij.

mutatio

18

mutatio rerum sicut tempore istius regis symoniae caufidicus, ita posterius propulsator inuictus, nec ab alijs fieri voluit, quod à se præsumptum iuuenili feruore indoluit, præ se semper (ut aiunt) ferens Hieronimi dictum, Errauimus iuuenes, emendemus senes. Postremò, quis in illius facti laudem dignè pergat, quod tam nobile monasterium Episcopus multum pecuniosus fecit, in quo nihil frustra, deside, vel in ædificiorum sublimium specie, vel in ornamentorum pulchritudine, vel in Monachorum relligione, & sedula ad omnes caritate. Hunc & viuum spe felici palpabant, & defunctum (si non vana fides pœnitentiae) super æthera tulerunt. Hæc ille.

Sedenim ô verè miseram illorum temporum conditionem, cum diuini numinis ignoratio cuncta densissimis erroribus obsepsisset, cum homines non vitæ integritas, sed turpitudine summa & indignita: non pietatis ardor, sed ambitionis flamma: non sacrarum rerum scientia, sed sceleratissimæ

lestissimæ libidines, ad ecclesiasticas dignitates eueherent. Quantò nos foeliciori fortuna nati sumus, qui Dei benignitate ex hoc superstitionis veluti orco, ad cœlum & vitam æternam emerimus. Alia siquidem iam nostræ Ecclesiæ species & dignitas, alia Romanæ, alia Christianorū ratio alia Papistarum, non idem religionis splendor, impietatisque tenebræ: lux denique longè alia est Euangelij, & lychnorum, quibus illorum tenebricosissima templa collucet. Iam verò illud cuius tādē stupiditatis ac dementiæ fuit, quòd cū iuuenis tam diris se flagitijs dedecorasset, decursa iam propè ætate, non ad Christum (vnicum æternæ salutis fontem) sed *Romam*, ad lutulentas impuri pontificis lacunas cōfugeret. Qua professione tātum abest vt illius facinoris dedecus deleuerit, vt ad symoniæ potiùs infamiam (meo iudicio) perfidiæ quoque scelus adiunxerit.

Rr. iij.

Vt.

Vt cunq; se res habet domum reuersus, extremis pænè ætatis temporibus ita vixisse dicitur, vt tum Regi charus, tum iucundus omnibus esset. Etenim postea episcopatus sui munere magna cum laude perfunctus, & sibi metipsi perennem gloriam conflauit, & posteros consimili virtutis ardore flagrantibus, exemplo suo non mediocriter ad studia pietatis incendit. Nam cum *Romæ* (vti suprâ memorauimus) beneficio Papæ, eam esset, quam opinionis errore sibi cõfluxerat peccatorum impunitatem consecutus, omnesque symoniæ sordes, in cœnoissimis Romanæ curiæ puteis abluisset, nihil post reditum in *Angliam* prius, neque antiquius habuit, quàm vt eam pecuniam quam iuuenis rapinis coaceruauerat, senex, in sacris ædibus construendis collocaret. Ac primùm non ferens vagæ pro hominum arbitrio sedis molestiam, certum aliquem locum, ac veluti

veluti domicilium episcopali dignitati
cōstituere decreuit. Et quoniam eo tem-
pore *Norwycus* ciuitas esset Orientali-
um omnium, & ad aspectum pulcherri-
ma, & ad vitæ necessitatē instructissima,
idcirco vrbs ea maximè præ cæteris op-
portuna visa est, quæ & pontificij splen-
doris amplitudinem, & tantę sedis digni-
tatem sustineret. Quod cū ciues om-
nes libentissimis excepissent animis, Re-
gesq; *Gulielmus*, & *Henricus* primus, Pa-
pæq; *Paschalis* (vti temporibus illis fieri
consuevit) diplomatibus suis confirma-
sent: omni cogitatione in curam ecclesia-
stici muneris incumbendū sibi existima-
uit. Itaq; primū ædē Cathedralem suis
impensis exstruendam locauit, areamq;
pulchrā cōemitt (locū quem veteres *Com-
bolme* appellarūt) inibiq; tēplū augustis-
simū, & monachorū domus exēdificauit.
Cuius fūdamēti lapidē primū ipse suis ie-
cisse manibus dicitur, paucisq; maiusculis
litteris

litteris lapide incis, eius rei memoriam posteris sempiternam tradidisse. Eæ autē erant huiusmodi. *HVNC PRIMVM HVIVS TEMPLI LAPIDEM DOMINVS HERBERTVS POSVIT: IN NOMINE PATRIS, ET FILII, ET SPIRITVS SANCTI. Amen.* Dein templum Sanctæ Trinitati dedicauit, locupletissimiq; prædijs donauit, adeò vt agrorū fructus quos quotannis perciperent, sexaginta monachis, atque amplius alendis sufficerent. Tum libris, omniq; sacra supellectile instruxit, breuique effecit, vt nihil nec ad Monachorum vsum, nec ad tanti templi splendorem maiestatemq; deesset.

Hanc tantam publicæ vtilitatis curam, excepit haud minor domesticę dignitatis cogitatio. Itaq; ex Aquilonari parte Ecclesiæ palatium ipse sibi construxit: quod prudens à monachorum cellulis secre-
uiffe

uiffe dicitur, ne crebrò hominum huc & illuc discurrentium tumultu, illorum solitariae mentes à cœlestibus rebus cōtemplandis abstraherentur.

Quinque insuper fana exstruxit, quorum vnũ sancto *Leonardo* consecrauit, idque in summo colle cathedrali ecclesiæ aduersum, (interiecto flumine) constituit. Alterum *Norwyci*, *Elmhami* tertium, quartum *Lhynni*, quintum ad ostium *Gerni* fluminis. Ea fana perpetuò Monachorum potestati subiecit, quosdamque ex eo cœtu ac numero semper esse voluit, qui votis concipiendis alternatim vacantes, Romanos ritus ceremoniasque indies obirent.

Fertur etiam *Thetfordiæ* Monachos Cluniacenses instituisse, multaq; alia designasse, quibus plebis imperitæ animi (vt illa fuerunt secula) rudes, superstitionũ laqueis implicarentur.

HÆC à me eò referuntur, non quòd

Sf.

illa

illa probem : (Quis enim tantā impietatem nō aspernetur & oderit?) Sed vt nostri homines horum in Romanis sacris ac ritibus asciscendis sollicitam industriam contemplantes, illorumq; exemplis excitati, ad Dei optimi maximi amorem, & veræ pietatis cultū flagratiūs exardescāt. Etenim cū homines anili superstitione, & inexpressibili fraude cōstrictos, eo diuini numinis metus impulerit, vt maximas facultates in res peruersas ac impias profundere non dubitarint : quo nos tādē animo esse debemus, qui dispulsa erroris nube, cœlesti disciplinæ solē dispicimus? Quapropter quemadmodum hij in templis construendis, & sacrificulorum cœtibus conflandis, nullo neq; labori, neque sumtui pepercerint : sic nos vicissim miserorū hominum inopiam egestatēq; subleuemus : & nuda Christi membra moerore ac luctu perculsa, māsuetudine ac misericordia (vt par est) cōplectamur.

Huius

Huius pontificis tempore (anno Domini millesimo centesimo duodecimo) pestis magna omnium ferè ciuiū domus peruagata, multos mortales absumsit.

Obijt. a. d. XI. Kal. August. 1113. regnāte *Henrico* primo, atq; *Normici* in ecclesia cathedrali ad altare summū sepultus est.

Defuncto *Hereberto*, successit *Euorardus* Archidiaconus *Sarisbyriæ*, qui cōsecratus fuit à *Rodolpho* Archiepiscopo Cantuariensi, anno Domini millesimo, centesimo, vicesimo primo. Sed iniuria temporis factum est, vt huius pontificis memoria, abolita pænè vetustate, perierit. Nam cū annos viginti nouem Episcopatu præfuiſſet, perfecit eadem quæ omnia delet vetustas, vt nulla eius ingenij monumenta mandata litteris, nullū opus otij, nullum dignitatis munus ad pietatis gloriam exsistat.

Hoc tantum in pontificijs cōmentariolis perſcriptū reperitur, quod cū totidē

Sf. ij.

quot

quot antea diximus annos orientalem rexisset ecclesiam, regnante *Stephano*, idibus Octobris vitam cum morte commutauerit.

Hunc consecutus est *Gulielmus* cognomento *Turbus*, genere *Normannus*, & ineunte ætate Noruicensis Monachus, post Prior, demum à conuentu (sic enim religiosorum coetū & frequentiam nuncupant) electus Episcopus, atque à *Theobaldo* Archiepiscopo Cantuariensi consecratus. Huius tempore combusta fuit ecclesia Norwicensis. Obijt anno pontificatus sui vicesimo quinto, & a.d. XVI. Calend. Feb.

Huic successit *Iohannes* primus (dictus *Oxonienfis*) anno Domini millesimo, centesimo septuagesimo. Hic inceptā prius, & inchoatam ab *Hereberto* Ecclesiam perpoliuit, & infirmorum hospitia exedificauit. Templum præterea Trinitatis *Gipmyci* exstruxit, & ædes quamplurimas

mas incendio consumtas, restaurauit. Mortuus est anno pontificatus sui vicesimo sexto, quarto nonas Iunij, & sepultus est ante altare summū cum *Hereberto* & *Gulielmo*, anno Domini millesimo, ducentesimo: & regis *Iohannis* secundo. Huius tempore (anno ab humano genere redempto suprā millesimum, centesimū, septuagesimo primo) *Norwici* templum sanctæ Trinitatis igne fortuito incensum, denuò deflagrauit.

Huic suffectus est *Iohannes de Grey*, vir illustris & eximius, Reipublicæ administrandæ, ac Iuri interpretando) Iusticiarius vulgò nuncupatur) à rege præfectus. Hic in omni vita eam adhibuit, sanctitatem, religionem, prudentiam, & in legibus æquitate explicandis integritatem, ac fidem, vt illum Rex ad Archiepiscopatū Cantuariensem (tanquam ad summum honoris culmē) euehere decreuerit. Sed immatura mors desponsam iam, & de-

Sf. iij.

stina-

stinatam præfuli amplissimo dignitatem præripuit. Aulam & omnem illam (quæ hodiè *Gaymodia* visitur) molè exstruxit. Obijt anno pontificatus decimo quarto, & a. d. Kal. Nouemb. sepultus. *Norwici*. Post hunc autem ab Episcopo per septennium vacua fuit pontificia sedes.

Quo temporis spatio decurso, *Radulphus* (quem alij quoque *Pandulphum* appellant) episcopi Romani legatus, *Norwicensis* Præsul factus est. Hic à conuentu electus: *Romæ* ab *Honorio* insignia pontificia suscepit: anno Domini millesimo, ducentesimo, vicesimo secundo: & Regis *Henrici* tertij, sexto.

Multa monachis dedisse fertur, ac insigni semper sapientiæ laude floruisse. Verum nomen eius, nec præstas naturæ bonitas, nec tanta Ingenij magnitudo, ab interitu vindicare potuerunt. Namque factorum famam vetustas ita afflixit, vt funditus illorum omnium memoriam peruertere-

uerterit. Obijt anno Episcopatus sui quinto. a. d. XVI. Kal. Septemb. A cuius morte Pontificia sedes, annos tres absque Episcopo permansit.

In qua tandem (vt nonnulli volūt: quidam enim huius nullam omnimò mentionem faciunt) *Thomas de Blondeuilla* à *Stephano* Archiepiscopo Cātuariensi cōstitutus est: qui quoque cū per decennium eo munere perfunctus esset, ex vita migrasse dicitur, anno Domini millesimo, ducentesimo, tricesimo sexto.

Triennio exacto (totidem enim annos prouincia sine Episcopo fuisse perhibetur) *Gulielmus de Ragble* ecclesie gubernacula suscepit: anno Domini. 1239. In qua cū Regi specimen pietatis ac prudentiæ suæ dedisset, tertio pontificatus anno Rex eum *Wintoniensis* ornauit Episcopatu.

Vnde factū est, vt *Gualtherus de Suthfield* illi (haud dum defuncto) succederet:

vir

uir totius diuini ac humani iuris peritissimus. Hic Hospitale (vt appellant) *Ægidij Norwici* construxit, & possessionibus ditauit amplissimis. Insuper sacellum *Beatæ virginis* in Ecclesia Cathedrali ædificauit: vbi postea sepultus fuit, anno pontificatus sui decimo tertio: a.d. XV. Kalend. Iunij, & anno regis *Henrici* tertij quadragesimo primo.

Nec ita multò post *Symon de Wanton* Regis *Henrici* sacellanus, & iudiciorum ac iuris publici interpres summus (vulgò Iusticiarium appellant) episcopalem dignitatem consecutus est. Sed vt omnia humana fatali quodam temporis impulsu, ruunt & concidunt: sic huius res gestas, ætas labefactauit omnes atque peruertit. Igitur cum annos octo Ecclesiæ præsedisset, ex hac misera & caduca vita migravit, corpusque *Norwici* in eodem sacello (quod paulò antè *Gualtherus* construxerat) compositum est.

Huic

Huic successit *Rogerus de Skermyng*, anno Domini millesimo, ducētesimo, sexagesimo quinto, & *Henrici* tertij quadragesimo nono. Huius Pontificis nomen ad sempiternā memoriam temporis calamitas propagavit. Etenim illo Ecclesię præsidente, grauis ac funesta clades vrbe *Norwicēsem* afflixit: quæ leuissimis profecta initijs, exitus habuit lugubres & perhorrendos.

Et quoniam aliorū casus ac ruinas contemplantes, sepe numero cohorrescimus, & sceleris odio ac detestatione perfundimur: iccirco visum est rem paulò altius repetere, operæ pretium me facturū sperans, si saltem aliquos, mente & animo minùs benè constitutos, harum calamitatum intuitu, ad pacis studiū & amorem instigem.

Euenit igitur vt cū quodam fortè diē nundinę (pro porta Prioratus) *Norwici* celebrarentur, ac multi illuc iuuenes ex

Tt. circun-

circūvicinis oppidulis villulisq; confue-
rēt, lis acerrima inter ciues, & religiosorū
famulos exoriretur. Quo in certamine
vtrinq; ita animis exarserant, vt à verbis
ad vim versi, totis inter se viribus tumultu-
osissimè cōfligerēt. Ibi in turba (vt fit)
multi ciues grauissimis affecti vulneri-
bus, cōplures verò crudelissimè perempti.
Cumq; arbitri, qui quæstioni de nece per
vim, aut casum cuipiā illata præesse con-
sueuerunt (coronatores vulgò appellan-
tur) pronuntiaissent ciues illos à religio-
forum famulis nefariè per vim ac scelus
trucidatos videri, vicorum submagistris,
ac licitoribus negotium datū est, vt fon-
tes (si fortè in urbem venirent) primo
quoque tempore comprehenderentur.
Eius rei veluti indignitate permoti Mo-
nachi, ira vehementer accensi, inuidiā &
odio in ciues immani flagrare cœperunt.
Et primū diris execrationum fulmini-
bus in eos tonantes, miseram plebeculam
per-

perterrefaciunt. Dein verò vt conceptus animo furor acriùs efferbuerat, scelere & nequitia deflagrantes, vrbi pestem & exitium machinantur. Itaque cum se gladijs, fustibus, scutis, ac omni ferè telorum genere instruxissent: clausis coenobij valuis, transeuntes crebris balistarum ictibus conuulnerare cœperunt. Die vero Dominica ante festum Diui *Laurentij*, effusi omnes è portis infestis clamoribus, urbem ingenti terrore perculerunt. Etenim noctem illam totam (quæ insecuta est) circa urbem armati debacchantes, nihil prætermiserunt nefandi sceleris, & nequitiae quod non conceperint. Nam & mercatores quosdam miserè dinexatos, & bonis exutos omnibus, crudelissimè interemerunt, & ciuium domus perscrutantes, ac quicquid vsipiam nancisci potuerunt diripientes, tantum pauoris cunctis incusserant, vt (tanquam in capta vrbe) ciues
Tt.ij. hostilia

hostilia omnia metuentes, lamentabili clamore cuncta replerent. Tantaque nefarios homines & humani iuris, & diuini (quo se deuinxerant) coepit obliuio, ut cum onusti præda, & pænè humano respersi sanguine, è ciuiũ tectis recessissent, omnem vndique urbem (quacumq; incedebant) impio latrocinio exsultantes, importunis vlulatibus ac insanis permiscerent. Demùm à scelere ad scelus dilapsi, in tabernam cuiusdam *Hugonis de Bramholm* irrupentes nihil illic vini reliquerunt, quod non aut turpiter exhaurerint, aut dolijs cõfractis & pertusis sceleratius effuderint. Hanc tantã ac tam inauditam in omni genere crudelitatis libidinem exosi ciues, cum illos immani rabie præcipites ad vim ac cædem ferri cõspicarentur, cõmuni consilio illorum pestiferis conatibus obsistere decreuerunt. Itaque missis celeriter nuntijs, qui maiestatem regiam de hoc tã nefario tumultu certio-

certiorem facerent, quique de religioso-
rum iniurijs grauissimis verbis conque-
rerentur: ipsi conuocatis vndique auxi-
lijs, se ad vrbs defensionem accinxêre.
Sed vt sunt hominũ plerunq; mentes ac
naturæ, in inimicijs persequendis effræ-
natæ nimiũ ac præcipites: sic isti iracun-
dia & vlciscendi desiderio intemperan-
tiũs (quàm par fuit) elati, consimili se sce-
leris atrocitate constrinxerunt. Etenim
cũ vndique omnibus ex locis hominũ
concurfus fierent, vrbsque præfecti pa-
lãm edixissent, vti cuncti in foro ad horã
decimam conuenirent, tanta multitudo
armatorũ ciuium confluit, vt pænè iu-
sti exercitus speciem præberent. Qui ira
& odio ardêtes, tam violento & horribi-
li impetu de foro ad Prioratũ cõuolaue-
runt, vt vno eodemq; momento diuersis
locis ignem iniecerint. Vnde factum est,
vt campanile, portæ, Monachorũ cellu-
læ, stabulum Prioris, pistrinum, hospitia
Tt. iij. paupe-

pauperum, denique templum ipsum, & propinqua templo loca cuncta, acerbissimo incendio deflagrarint. Vt verò exustis valuis aditum ipsi sibi in conobium patefecissent: magna religiosorum strages facta est, multique mortales ferro vtrinque absumti. Quo in certamine superiores ciues, à cædibus ad prædam dilapsi, memores crudelitatis & iniuriarum quibus eos pridè Monachi affecerant, nihil intactum relinquere decreuerunt, adeo vt libris, vasculis argenteis, sacre suppellectili, cunctisq; religiosorum thesauris sacrilegas manus adinouerent. Tantalusque supor seu potius furor omnium animos tenuit, vt cùm multis cædibus vrbem huj; Priorum illi afflixissent: neque huj; ratarum calamitatum sensu ac recodatione, atque illi (ingratissimis malis) diuini numinis metu ac reuerentia, à tati sceleris diritate reuocaretur. Quinetiam tantum abfuit monachorum vt animos aut

sequi
T
tædium

tadium malorū, aut vrbis, templū eide-
flagrantis commiseratio subiret, vt Prior
ipse (sic religiosorū antistitem appellant)
ex *Geremutha* armatorū subsidia accer-
feriti. Qui infesto agmine urbē intrantes,
cū omnia tubarū sono, & hostili clamore
cōplessent, cūcta ferro ac flāmis miscētes,
vt religiosorum animos nōnihil ad spem
salutis erexerant, ita ciuium mētes incre-
dibili luctu perculerūt. Nec defuere sanē
horreda prodigia, præsagaq; iræ coelestis
indicia, quæ fatalem illā vrbī cladem de-
nuntiauerunt. Etenim eodem anno, im-
mō eodē panē mense, quo hæc patrata
sunt, cū Monachi (vt fieri consuevit)
de re dubia deliberabundi, frequentes
conuenissent, tantæ subito ortæ tempe-
states sunt, cum magno fragore tonitri-
busq; vt turrim excelsā & duas colūnas
lapideas deturbarēt. Quo repentino casu
cū ingens cunctis esset terror, iniectus,
monachi de templo vniuersi diffugerūt,
(tribus

(tribus duntaxat exceptis) qui præ metu
exanimis conciderunt.

Prætereà formidabilis & inaudita aqua-
rū vis regiones vicinas inundauerat, tan-
tumq; vastitatis & agris & vrbibus inue-
xit, vt domus, & obuia quæque lamen-
tabili ruina peruerterit. Multa quæ alia
euenerunt, quæ maximarum semper so-
lent esse calamitatum prænuntiæ.

Veruntamen diuina non solum moni-
ta ingruente fato spreta sunt, sed humana
insuper consilia neglecta. Nam priusquā
cædibus, rapinis, ferro, flamma, & mutua
internecione ipsi alternatim se funestaf-
sent, re adhuc integra multi sancti ac pru-
dentes viri, tam perniciosorum consilio-
rum exitus, longè antè animis prospiciē-
tes, ab vtriusq; vehementer contenderūt,
vt sese ad aliquam otij & tranquillitatis
conditionem traduci sinerent. Excepta
res primū est omnium consensu, arbi-
trique ex vtraque parte delecti, quibus
permis-

permissum vti de re tota statuerent atque deliberarent. Verùm enim uerò cùm horum hominū mentes erectæ in spem pacis, nihil aliud percuperent, votisq; omnibus exoptarent, nisi vti res primo quoquo tempore transigeretur, cuiusque iam veluti fœderis leges, quibus vtriq; parti caueretur, descriptæ forent, eaq; tabulis comprehensæ palàm recitarentur: tātum afuit vt ad pacem & concordiam mutuis sensibus conspirarint, vt ipse Prior (quod antea se facturum spononderat) pacificationem illam sigillo suo confirmare recusaret, vnde omnes illi fluctus postea in rempublicam redundarunt. Et certè nisi rex ipse *Henricus* (eius tum nominister-tius) profligatorum hominum consilia aduentu suo dissipauisset, fieri nō potuit quin vrbs vna, (omnium pænè pulcherrima) tāto labefactata motu funditis cōcidisset. Veruntamen is celeriter nefariorum pestiferos coetus profligauit, &

Vv.

ruenti

ruenti ciuitati subuenit, eamque ferè è flammis eripuit: demùm solutos nimium & fluentes ciuium mores iudicij seueritate constrinxit. Etenim postquàm ad illius aures istius tanti tumultus fama peruenit, statuit ipse *Norwicum* proficisci, atque in sceleribus vindicandis boni Regis munere atq; officio defungi. Quo cùm omnium opinione celerius venisset, illicque miserabilem vrbs ac templi deflagrationem conspexisset, cædem, vastitatem, rapinas, & quicquid prætereà mali vel prædæ cupiditas, vel odij acerbitas ciuitati inflixisset, tam incredibilis erat is, quem & oculis vsurpauerat, & hauserat animo dolor, vt vix sibi Rex optimus temperasse dicitur, quin eum lacrimis exprimeret. Itaque confestim *Nicolaum Triuetum*, litium ac iudiciorum moderatorem summum, ad causam adhibuit, illique inquirendi munus coràm delegauit, iussitq; vti poenam vnicuique pro

pro criminis atrocitate infligeret. Interea Rex ipse ciuitatem omni iure ac libertate priuauit, veteres immunitates abrogauit, leges dissoluit, magistratus, senatum, publicū ex vrbe consilium sustulit, imaginem nullam Reipublicæ reliquit. Nimirum hoc voluit sapientissimus princeps, vt quæ ciuitas illustrissimorum Regum benignitate ad vim & scelus abusa foret, ea careret ijs rebus omnibus quibus cæteræ florentes ad maximam amplitudinem conscenderunt. Dein Episcopus *Roffensis* (fortè enim hic quoque aderat) omnes qui hanc perniciosorū flagitiōrū societate coissent, diris ominibus, & execrationibus publicis deuinxit.

Attamen Monachi è iudiciōrū laqueis elapsi, rem integram *Romam* reijciunt. Ea etenim illius temporis calamitas, & Regum miseranda conditio fuit, vt ne Principi quidem ipsi ius suos in ciues foret, nisi accessisset nefanda impu-
Vv.ij. rissimi

riſſimi ſacerdotis auctoritas. Vnde factū
eſt, vt ſæpenumerò perſiti homines, ijs
ſoluti legum vinculis, quibus alij aſtricti
tenerentur, (velut ferè è cuſtodia emiſſe)
omni ſe nequitia ac foeditate commacularet.
Quemadmodū Monachi, qui cū
auctores ſcelerum, principes tumultuum,
euocatores *Yeremuthenſum*, & hominum
proſtigatiſſimorum concitatores
exiſtiterunt: tamen ad *Papam* prouocādo,
viri teterrimi, fallaciſſimi, crudeliſſimi,
ac omnium impuritātū libidinumq;
maculis notatiſſimi, id conſecuti ſunt, vt
ijs ſe iudiciorum flammis eriperent, quibus
miſeri ciues conflagrauerūt. Etenim
oppidanorum magna multitudo, qui ſe
ijs tumultibus immiſcuerant, multiq;
mortales qui in patrandis cædibus, templis
inflammandis, ſacris auferendis, diro
ſe ſcelere contaminaffent, ad equorum
caudas deligati, & per plateas ac viarum
ſtrata ignominioſiſſimè tracti ſunt: ac
acer-

acerbissima demùm morte mulctati.
Mulier etiam quæ princeps ignem por-
tis subiecisse dicitur, combusta fuit : di-
gnam factis passa poenam, vt quæ ignem
ad sceleratæ mentis libidinem explendam
adhibuisset, eadem ambusta quoque flā-
mis igne interiret.

At Monachi (vt antea dixi) cùm ad
Pontificem Romanum prouocassent, eo
artificio in *Romanorum* mentibus delini-
endis vsi sunt, vt nō solùm furorum sup-
plicio sese expedirent, verùm etiā in po-
sterum (vt videbatur) flagitiorū omni-
um impunitam licentiam consecuti sint.
Etenim cùm alij capitali poena plectun-
tur, alij tanquam criminis immunes sup-
plicij terrore liberantur, quis non videt
flagitiosissimo sceleri, insidiosissimā pa-
cem concedi? Monachi igitur cùm duos
ē coetu suo *Romam* misissent, *Geruasium*
Fordhamium, & *Richardum Bramtonum*,
qui procuratorum vice fungerentur, ijsq;

Vv. iij. quatu-

quattuor (vt appellant) suffraganorū ecclesiæ *Catuariensis* litteras ad *Papam* dedissent, quibus in litteris totius tumultus historia perscribebatur, tātū opibus & gratia valuerunt, vt Maximus Pontifex cognitionem de postulatis Monachorū contrā ciues *Norwicenses*, ad Antistites *Eliensem* & *Londinensem* diplomate suo reiecerit. Sed *Londinensi* alienissimo tempore, in ipso ferè huius relligiosisimi certaminis initio extincto, Monachi re infecta, cum *Eliensis* litteris ad sacrosanctum Pontificem denuò *Romam* reuertuntur. Verū non ita multò post contigit, vt (cū *Edouardus*, eius nominis primus (pater enim recens obierat) è terra *Sancta* in *Angliam* rediens; in itinere *Romam* venisset, ibiq; honorificentissimè à *Papa* & purpuratis suis exciperetur) Monachi à *Romano* Præsule facilè impetrarūnt, vt totius litis æstimandæ potestas Maiestati Regiæ permitteretur.

Qui

Qui demùm deprecante, atque adeò instigante *Rogero Norwycensi* Episcopo, secundùm Monachos sic decreuit.

1. Primùm vt utrîque in perpetuum inimicitia ac simultates omnes, omnium ex animis radicitus extirparentur.

2. Tum vt ciues ad reficiendam Ecclesiam, & ea instauranda, quæ vel flammæ vis, vel hominum furor diuastasset, millia mercarum tria infrà sex annos persoluerent: videlicet quotannis quingentas. 3. Deinde vt vas aureum septem pondo confestim fieri curent, quod Christi corpori sustinendo, (sic enim Cererem illam suam Papistæ nuncupant) perpetuò deseruiret. 4. Præterea vt ex quacunque ciuitatis parte collibitū foret, in cœnobium vltro, citroq; commeandi potestas detur, portasque vbi velint constituent, dummodò detrimento neminem, aut grauiore incōmodo afficiant. 5. Vltimum fuit, vti proprijs sumtibus

sumtibus ciues, homines idoneos *Romã* mitterent, qui summum Pontificem de tota re certiore facerent, ciuibsq; suis deuotis iam, & admissorum conscientia constrictis, pacem ac veniam demissè deprecarentur. Hæc uti ciues præstitissent, Rex eos pristinae dignitati restituit, magistratus reddidit annuos, Senatum, consilium publicum, omniaq; ea quæ Pater dudum ademerat. *Ærarios* tamen esse iussit, utpotè qui ab illo tempore in hodiernum vsq; diem, ad perpetuam eius rei memoriam, quadraginta solidos quotannis Regi persoluerint.

Atque hunc exitum habuit ciuium temeritas: & Monachorum nefandū scelus: qui etsi in vrbe violanda fraudes in-expiabiles concepissent: auctoresq; eius tumultus existerēt: tamen operæ pretiū erit animaduertere, quemadmodū præfulum iniquitate supplicio sese subtraxerint, & miseros ciues in flammam illorū
tempo-

temporum coniecerint.

Visum est autem nobis sempiternis literarum notis, testata hæc atque expressa ante omnium oculos pōnere, vt mali exemplo admoniti, poenaque deterriti, meliores efficiantur : boni verò in virtutis via quam semel ingressi sunt alacrius insistant. Quæ certè cogitatio longius orationem prouexit, quam aut opinio tulerit, aut voluntas mea, sed dum omnia nō quo decet iudicio, sed legentium cōmodo metimur, factum est, vt verbosiores fortassis hac in parte quàm par est, exstiterimus. Quapropter his omisis, reliqua eādē qua instituimus breuitate, persequamur.

Restincto igitur (vt paulò antè memorauimus) hoc funesto fatilique incendio, *Rogerus Skeruyngus* (solutis demum caducæ carnis vinculis) ex hac fragili turbulentaq; vita migravit. Post cuius obitum ad *Gulielmum Mideltonum* Archidia-

diaconum Cantuariensem, Pontificius
honos deuenit.

Hic Ecclesiam *Norwicensem*, crudeli-
bus nuper deformatam flammis, restau-
rauit, eamq; nunquam antea dedicatam,
conceptis sollemniter de more votis, rege
Edwardo præsentē, multisq; regni antisti-
tibus, atq; proceribus consecrauit. Cessit
ē vita anno Pontificatus sui vndecimo :
pridiē Kalend. Sept.

Cui Monachi communi consensu
Radulphum de *Walpoole* suffecerunt, qui
sacris insignibus ab Archiepiscopo *Ioan-
ne Peckamo*, *Cantuarie* susceptis, *Nor-
wicensis* Presul factus est, anno à Christo
nato millesimo, ducentesimo, octuagesi-
mo octauo : (& Regis *Edwardi* eius tum
nominis primi) septimo. Quā cū annos
vndecim prudenter satis, ac piē guber-
nauisset, à *Norwicensi* ad *Eliensem* Epi-
scopatum à *Bonifacio Romano* Pontifice
euectus est. A quo tempore non ita diu
super-

superstes fuit: Etenim secundus à translatione (vt loquuntur) annus nouæ dignitatis, vitæque finem fecit.

Idem *Bonifacius* qui *Radulphum* exstulerat, illumque *Eliensi* (vt modò diximus) Ecclesiæ præposuerat, *Ioannem* quendam eiusdem Ecclesiæ præfectum, *Norwicensi* pontificatu insigniuit. Hic diplomata quædam & codicillos de primis fructibus, à *Clemente* Papa impetrauit: *Ædiculam*q; quandam ad occidentalem cathedralis Ecclesiæ partem cōstruxit: quattuorq; sacerdotes instituit, qui inibi Romanos ritus, sacraq; peragerent. Magnam insuper aulam & sacellum in Palatio Episcopi, impensis proprijs exædificauit. Obijt in cœnobio Monachorum de *Folkstane* iuxta *Doueriam*, anno Domini millesimo, trecentesimo, vicesimo quinto, pridie nonas Iulij.

Inter hunc & *Gulielmum Ayerminum* numerant nonnulli *Robertū Baldockum*,
Xx.ij. Regis

Regis *Edoardi* Cancellariū, primarium
sancti virum & illustrem. Veruntamen
hic Monachorum renuntiatus suffragiis
tantum, cum eam dignitatem intellexis-
set, nemini, præterquam ad Romani pō-
tificis libidinem ac nutum delatam iri,
sponte sua celsit, ne frandi Monachis fo-
ret, quod eum infcio *Papa* (& fortassis
inuito etiam) delegissent.

Quapropter *Gulielmus* (is de quo paul-
lò antè mentionem fecimus) paucis in-
teriectis diebus, ex Romani Præsulis au-
toritate, episcopalem provinciam obti-
nuit. Fama est hunc plusquam anili su-
perstitione implicatum, ducentas libras
duobus Monachis dedisse, nimirum vt
illi, & qui in posterum eo munere (quod
illorum fortè habebant) fungerentur (e-
rant autem coenobio à vinis) perpetuò
defuncti memorie, missis & scelestissimis
ritibus parentarent. O admirandam il-
lorum temporum cœcitatē. Sperabat
videli-

videlicet prudētissimus pontifex his nefandis peractis sacris, diuinū numen placari posse: perindè ac vitiorum omnium labes, mortalium mentibus suffusæ (talibus tanquam piaculis) puriter expiatæ, diluerentur. Obijt *Sharingia* iuxta *Londinum*, anno pontificatus vndecimo: & Cal. Apr. sexto.

Huic successit *Anthonijs* de *Beck*, sacrae Theologiæ professor, qui cum *Romæ* diu in aula summi antistitis, & in illis pontificijs sordibus vixisset, seque ibidem in sacrarum rerum nundinationibus per aliquot annos quæstuosissimè exercuisset: faciliè tandem scelestus, à scelestiore præfule, præsul impetrauit, vt eum *Norwicensi* Episcopatu præficiendum curaret. Nunquam effluxerant illi ex animo ea quæ *Romæ* dudum didicerat, itaque importunam tyrannidem & immanem in Ecclesia sua exercuit, itaque se gessit, vt nihil illo insolentiùs vnquam exstiterit.

Xx.iiij.

Om-

Omnem siquidem Monachorū in rebus domesticis administrādis potētiam infringit, & imminuit, eamq; totā ad semetip-sū infidiosissimè transtulit, neq; passus est quenquā munere aliquo defungi, quē nō ad id, ipse prius designauisset. Cūq; *Robertus Winchesleus Cantuariensis* Archiepiscopus, *Norwicensem* diocesim (de more) peragrarē decreuisset, quo sordes quę huius cōtaminatissimi sacerdotis dominatu in Ecclesiā influxerāt, disciplina ecclesiastica exhaurirētur: apertè restitit, cōfirmans, nullubi se nisi *Roma*, responsurū, monachosq; alios spe, metu alios ita deuinxit, vt cōiunctis animis ad vim manifestā & apertā consenserint. Sed diuinitūs cōtigit, vt qui flagitiosā vitā vixerat, non nisi flagitiosissimo scelere cōciderit.

Etenim veneno à domesticis de medio sublatu, sempiterno nobis terrori debet esse, & exemplo, vt si quando vitiorū impunita libertate lætemur, irā tamen semper diuinā, maximorū quotidie facinorū spe-

speculatricē ac vindicē pertimescamus.

Becko à domesticis (ita vt diximus) per-
emto, *Gulielmus Batemannus* iuris ciuilis
doctor, *Norwici* natus, indidēq; Archi-
diaconus, *Romanēq;* curiæ arbiter & in-
terpres, omniū monachorū suffragijs pō-
tifex declaratur. Huius antistitis tēpore,
nimirū anno post natū Christū eterne sa-
lutis authorē. 1348. dira pestis perniciosis-
sima lue vrbe quaquauerfus peruasit. E-
tenī turpis morbi cōtagio per vulgus im-
prouidū sensim serpēs, horribilem ubiq;
mortaliū stragē edidit, adeò vt in ciuitate
alsiduis exhausta funeribus, nemo peni-
tus exstiterit, ad quem nō ex tāta tabe, aut
moeror, aut morbus, aut mors deniq; per-
uenerit. Fama siquidem est (religiosis &
monachis pauperioribus exceptis) à Ca-
lēdis Ianuarij vsq; ad Calēd. Iulij, 57104.
homines, ea clade concidisse. Enimuerò
ingentem pestem esse oportet, & ad me-
moriā illius tēporis semper insignem,
quæ

quæ tam exiguo spatio, tantam hominum multitudinem tam miserabili interitu deleuerit.

Erat *Batemannus* iste ecclesiæ suæ propugnator acerrimus, adeoque se in eius libertate tuenda inuictū præbuit & magnanimum, vt ne iram quidem Regis, nedum magnatū minas metueret. Etenim tantum afuit vt ecclesiæ suæ concessa iura, & consuetudines, procerū libidine conuelli aut labefactari sineret: vt ipse permultos talia conātes, cōstanti semper mentis robore compefceret ac coerceret. Veluti cū tēpore quodā Dominus *Robertus Morleius*, famulos quosdam illius (fortè vt fit) iniuriosius tractauisset, & in damarum septis feras quoque nonnullas per luxum atque lasciuiam, iuueniliter confixisset: adeo implacabili iracundia mitissimus pontifex exarsit, vt nunquam conqueuerit, donec nobilissimum adolescentem, turpissimam poenam subire coegisset.

Nudo etenim & capite, & pedibus, cum funali cereo, (quem incēsum manu magnum tenebat) per plateas (cūctis inspectantibus) ad templum incedere coactus est, ibique ad altare summum magna corona ciuium circumfusus, conceptis sollemniter votis, pacem diuinam exposcere, & pontificis à se odium ac similitatem deprecari. Quod eò mirabilius videri debet, quandoquidem in senso grauer Regē, ac planē inuito, neq; id solum: verum literis etiam, ac Regijs interdictis id ne faceret imperante: tum carceris interdum pœnam, ac omnium bonorū amissionem denuntiante, in sentētiæ suæ proposito nihilominus persisteret. Præterea Episcopalem auctoritatem litibus & controuersijs valdē implicatam, & inuolutam expediuit, & à Clemente Antistite Romano (eius tum nominis sexto) omnium ecclesiarum *Norwicensium* vacantium (ut vocant) fructus, sibi ac successoribus

ribus suis impetram. Quæ contentio inter Præfulem & diocesim agitata diu, & forènsi iactata strepitu, sic demùm à pōtifice Romano repressa, corquieuit. Iurisconsultorum amantissimus fuisse perhibetur, vtpote illorum, quorum è disciplina ipse, totus ad hominum famam, & eam quam consecutus est dignitatē profusus flet. Proprijs itaque sumtibus *Cantabrigie* collegium, exstruxit (eam quam hodiè Trinitatis aulam nuncupant) præstisquæ nonnullis locupletauit. Neque hoc solum, sed illius etiam hortatu, & impulsu, *Gumylius*, quidā sacræ Theologiæ professor, aliam itidem ibidem instituit, & ex suo nomine aulam *Gumylensem* appellauit: quam nuper *Ioannes Caius* vir omni literarum genere præstans, ac medicina scientissimus, suis impensis atque tam mirificè amplificatamq; illustrauit. Incidit interea inter *Angliā* & *Gallia* reges, grauis de totius *Francie* hereditatis

iure contentio, qua de re cum mittendi
essent *Roman* homines idonei, qui pon-
tifici Regis nostri causam probarent:
hunc potissimum Rex diligendum si-
bi putauit. Quo in munere obeundo
*Auinion*e mortuus est, anno salutis no-
strę millesimo, trecentesimo, quinquage-
simo quarto.

Quo sepulto, *Henricus Lancastrię* dux,
qui *Thomam Perceium* comitis *North-*
umbrię fratrem magnoperę dilexerat, ab
Antistite Romano, absens, per litteras
vehementer contendit, vt eum hono-
rem ei deferendum curaret. Quibus im-
portunissimis flagitationibus breuı per-
fecit, vt Pontifex ipse (quandoquidem
Monachi id facere recusauerant) eun-
dem *Thomam Perceium* Norwicensis ec-
clesię pręsulem constitueret.

Hoc pōtifice peratrox tēpestas & sæuior
quàm vnq̃ antea per id anni tēpus homi-
nes meminisset, subito coorta est, cœlūq̃;

tam horribili fragore & fremitu intremuit, vt toti penè terrarum orbi extrema clades impèdère videretur. Etenim certantium inter se ventorum tanta fuit rabies, vt transuersis flatibus domibus, ac templis incidentes, celsiora quaq; miserabili ruina prosternerent. Qua procella multis ædium tectis impulsis & euersis, cathedralis Ecclesiæ quoque campanile, eodem turbine disiectum concidit, maximamq; templi partem vicinaque templo ædificia deturbauit & afflixit. Quibus detrimentis resarciendis, non solum ipse quadringētas marcas dedit, sed à clero etiam magnam pecuniæ summā impetrauit. Decreuit hic quondam decanatus omnes qui propriè ad Ecclesiam cathedralem pertinebant, sacello sanctæ *Mariæ* (vt Iuriconsultorū verbis vtar) appropriare, sed cū Monachi id neuti- quam licere ostendissent, facilè à sententia destitit. Migravit ex hoc seculo anno ponti-

pontificatus sui decimo quarto. A cuius morte, (id enim ut fieret testamento cauerat) ijs quibus ea cura demandata fuit, defuncti Episcopi nomine, domum & terras quasdam in villis de *Kymerle*, *Cerlton*, *Fowrhow*, *Gromthorp*, & *Wikelwood*, Norwicensis Ecclesiæ præcentori (ut loquuntur) in perpetuum dederunt. Ea nimirum lege, ut Antistitis demortui manes, profanis precibus expiarentur, missæq; funestæ (quo enim alio nomine mortuorum sacra designem nescio) in Cathedrali templo ad illius animæ salutē quotidie conciperentur. Lubet ergo exclamare cum *Lucretio*:

*O miseras hominum mentes, ô pectora cæca,
Qualibus in tenebris vitæ, quâtisq; periclis?
Degebât veteres, quos somnia dira Paparū
His mersere malis?*

Celerius opinione omnium defuncti Antistitis fama *Alpes* peruolauit, *Romam*que ad aures superbissimi Pontificis

Yy. iij. perue-

peruenit. Erant tunc, ut & hodie sunt, semperq; fuerunt, *Romani* Præsules, ambitione, & illius intollerandæ potentiae cupiditate adeo districti, ut intermissis sacrarum rerum studijs, perpetuis sese bellorum tumultibus implicarent. Itaq; semper maximis militum copijs circumfusi, vim & terrorem vicinis urbibus inferunt; neque vquam consistere possunt; quamdiu aut in inimicitijs persequendis, naturæ acerbitas stimulos admouet, aut in imperij finibus propagandis nefariæ eos cupiditatis aura prouehit.

Sub hoc igitur *Papa* stipendia tum fortè merebat *Spencer* adolescens sanè nobilissimus, qui cognita morte Antistitis *Norwicensis*, *Papam* adit, rogat ut *Henrico* fratri (fortè & hic quoq; aderat) illius prouinciæ pontificatum deferri sinat. Fit voti compos adolescens, fraterq; confestim ex milite Antistes creatur. Itaque protin-

protinùs magnis itineribus in *Angliam* contendit, ibiq; a.d. XVII. Kal. Aprilis, anno Domini. 1370. in Ecclesia sua ab Archidiacono Norwycensi consecratus est.

Fit magna mutatio non viri, sed vestis: etenim qui ab ineunte ætate sic vitã instituit suã, vt sese perpetuò militiæ assueuerit, quid mirum si huius menti bellandi semper ardor inexplebilis insederit. Itaq; accepta ab *Vrbano* sexto, inaudita potestate contra schismaticos (sic appellabantur qui à Pontifice Romano iniuriosius tractati, illius imperium aspernabantur;) quarto nonas Maij instructa classe, cum ingenti exercitu, inuito tamen Rege in Belgium traiecit, vbi fuis profli-gatisque triginta hominum millibus, septem autem interfectis atque concisis, *Dunkirkum*, *Neoportum*, *Burburgum*, *Poringum*, *Grauelingum*, cæterasque maritimas vrbes funestissimis flammis

flammiis deleuit. Atque hæ fuerunt illæ pontificiæ cohortes, ex flore scilicet ac robore superstissimorū hominum delectæ, sacratī (si dijs placet) religionē milites, ac croceis crucibus insigniti, quorum dux fuit & antesignanus Episcopus *Normicensis*, vir equidem ferocia insigni, atque inaudita spiritus immanitate præditus. Qui (vt paulò antè memorauimus) ne Regi quidem ipsi reclamanti, atque adeò per litteras sæpenumerò ne in *Belgium* transmitteret denūciantī, obsecūdauerat.

Nec domipacatior quā foris fuit: quippe qui Monachis atrox & inexprabile bellū indiceret: eosq; omni iure antiquo, ac libertate priuare conatus sit: adeò vt per annos quindecim multis vexatos iniurijs, incredibiliter affligeret. Diū tamen restiterunt Monachi, sed tandem forensi decertatione fracti, ac debilitati, omnis ille repugnandi seruator ac impetus ita refrixit, vt eò demum deuentum fuerit, vt sponte

sponte quadringentas marcas antistiti dare consentirent. Huiusmodi terrenorum tumultuum tempestatibus per omnem ferè vitam, tanquam in medio ambitionis mari iactatus, demùm, cùm Ecclesiæ triginta septem annos præfuisset, ex huius miseræ vitæ vinculis euolauit. Vir Marti magis quàm Christo consecratus atque deuotus.

Huic successit *Alexander*, ecclesiæ quoddam *Norwicensis* Prior, cunctis monachorum suffragijs pontifex renuntiatus: sed Regi inuisus, qui tantum afuit vt dignitate illa perfrui potuerit, vt per annū ferè integrum *Windeforiæ* Rex carceris eum custodia coerceret. Biennio post, deprecante *Thoma Arundelio* Archiepiscopo *Cantuariensi*, & alijs regni proceribus, pristinam dignitatem recuperauit. A quo *Glaucestriæ* consecratus est, anno Domini millesimo, quadringentesimo, octauo. Hoc de Pontifice nihil memo-

ria dignum, in Antistitum annalibus reperitur, præterquam quòd illo Ecclesiæ præsidente maxima pars ciuitatis fortuitis perusta flammis deflagarit.

Obijt sexto pontificatus sui anno, sepultusq; est in ecclesia cathedrali, in sacello beatæ Virginis *Mariæ*, ad pedes *Gualtheri* eiusdē quondā prouinciæ Episcopi.

Illustri familia natus *Courtneius*, vtriusq; iuris peritissimus, ac Oxoniensis Academiæ Cancellarius, rege *Henrico* (eius nominis quinto) vt id fieret magnoperè contendente) *Alexandro* sepulto, cōmuni monachorū cōsensu pōtifex delectus est. Ac nō ita multò post ab Archiepiscopo Cātuariensi, præsentē Rege *Henrico Cātuariæ*, in maxima nobilissimorū hominū frequētia, pontificijs fuit velatus insignibus. Nobilitatē generis exornauit decora facies, & erecti corporis cellus honos, quapropter Regi quoad vixit ita charus ac iucūdus exstitit, vt eū semper implicatissimis

tissimis regni negotijs interesse voluerit. Sed vt optima quęq; (flosculorū ritu) celeriter defluunt, sic hūc nobilissimū antistitem tū primū ad gloriā & dignitatē florescētem, mors immatura (tanq̃ turbine aliquo, aut subita tēpestate) peruertit. Etenim in *Normādia* secundo post cōsecrationē anno acerbissimo fatō extinguitus est, vndecimo Kal. Septemb. anno Domini millesimo, quadringentesimo, decimo quinto. Verū cadauer perhorrificētissimē in *Angliam* delatū, *Westminsterij* inter Regum sepulchra, tumulo magnificē illatum, conquiescit.

Pietate, prudentia, māuetudine, beneficentia, vitæ integritate, omniq; virtutū laude redūdauit, *Ioannes Wakeringus*, qui post *Courtneium* proximus in *Norwicēsi* ecclesia pontifex confedit. Hic regij sigilli custos, a Monachis electus fuit (anno ab orbe redempto, millesimo, quadringentesimo, decimo sexto) & ab *Herico Chickleio*

Cantuariensis Archiepiscopo sacris (vti tū vulgò videbantur) ornamentis de more circundatus. Horribilis eo tempore tempestas Ecclesiam *Romanam* afflixit: siquidem tres simul Papæ vno atque eodē momento, inter se de dignitate pontificia inimicissimè depugnarunt. Quorum diræ, execrationes, anathemata, pugne, tumultus, bella, omnesq; intolerandi illius dominatus procellæ, tanto impetu (velut sæua diuersorum ventorum rabies) conflixere, vt totum penè terrarū orbem vehementer concusserint. Ideoq; celebratum fuit concilium *Constantiense*, quo *Ioannes* cum multis alijs *Angliæ* antistitibus, à Rege missus fuit.

Qua in legatione ita boni pastoris munere perfunctus est, vt omnes illi pietatis atq; prudentiæ summæ testimoniū perhiberint. Claustrum quod hodie in palatio pontificis visitur, construxit, idque versicoloribus saxis strauit, magnificè
sanè

sanè, & ad oculorum voluptatem elegantè distinctis. Demùm perfunctus omnibus huius ærumnosæ vitæ molestijs, decessit, humatusque est in Ecclesia cathedrali ante altare Diui *Georgij*.

Gulielmus Alnwyckus legum doctor (& ipse quoq; regij sigilli custos) Episcopalis imperij dignitatem adeptus est, anno salutis humanæ. 1426. *Londini* in tēplo beati *Pauli* ab Archiepiscopo Cātuariensi consecratus fuit. De hoc nihil memoria dignū litterarum monumentis proditur, præterquā quòd portas occidentē versus, in Ecclesia cathedrali, & fenestrā magnā fieri fecerit, quodq; decimo pontificatus anno, Cātuariensis Presul eū à *Norwicēsi* episcopatu ad *Lincolniensem* transtulerit.

Fuit eo tempore in concilio *Basiliensi* *Thomas Brounus*, antistes *Roffensis*. Huic omnium consensu, absenti tunc, ac nihil tale exspectanti, delata est *Norwycēsis* Ecclesiæ dignitas. Quo sacris præsi-

Zz. iij, dente

dente, contigit vt ciues Norwicensēs cō-
iunctis sensibus, ad subuertendam eccle-
siæ libertatem denuò conspirarent. Mul-
ta igitur conati sunt, multa in pestem &
exitium Ecclesiæ machinati, sed huius
Pontificis animi excelsi atq; inuicti, ma-
gnitudo ac robur, omnes illorum impe-
tus retardauit atque repressit. Verū me-
nim uerò cum nouem iam annos in sede
pontificia cōsedisset, vita functus est, ex-
ulceratis adhuc ciuium animis, & Eccle-
siæ infestis. Anno Domini. 1445. & Ric-
gis *Henrici* eius tum nominis sexti, vice-
mo septimo.

Quem subsequutus est *Gualtherus Henr.*,
sacræ Theologiæ professor, cuius graui-
tati ac cōstantiæ ascribunt nonnulli, quod
illius prudētia delinita demū plebs, ex-
acerbate ciuium mentes conquieuerunt.
Cruci sustinendo (alia enim supersticio-
sa illa tēpora desiderarunt) templo trans-
uersum pegma fieri fecit: pauidūq;
Eccle-

Ecclesiæ saxo sternendum curauit. Duo-
decim scholasticis *Cantebrigie* in hospitio
quod tum *Fischmyck* dicebatur (quoad
vixit) omnia vitæ necessaria suppedita-
uit. Cessit è vita decimo sexto Maij,
1472. atque sub pegmate, quod vt antè
diximus, cruci sustinendæ construxerat,
tumulo conditus est.

Proximi ab illo numerantur *Jacobus
Goldwellius*, & *Thomas Ian*, de quibus
memoria dignum nihil certè accepimus,
nisi quòd alter cùm viginti quinq; annos:
vnum alter Ecclesiam rexissent, ex hac
luce migrauerint.

Goldwellio tamen pontifice (neq; enim
id silentio prætereundum videtur) a.d.
V. Kalend. Ianuarij. 1480. per vniuer-
sam ferè *Angliam*, terra tremuit motu tã
vehementi, vt celsarum domuum pinnae,
turresq; templorum, tum innumera fu-
mi receptacula (quæ suprà ædium culmi-
na tubo atq; calatho attolluntur) quassu
diuulsa

diuulsa in vias, ipsaq; in tecta corruerent. Præterea multarum vrbiū domus (si quidem longinquus is terræ tremor fuit) pleraq; omnes non sine ingenti incolentium interitu, ruinam traxerunt. Sic vt cunctis pænè in locis prostrata fanorum atque ædium cadauera, miserabilisq; villularum strages conspicerentur.

Fano Nixus surrogatur, cuius vitæ nescio quas libidinū labes vulgi sermo impressit. Etenim illius turpitudine ac impuritates spurcissimæ, in hodiernum vsque diem omnium ferè linguis ac vocibus celebratur: adeò vt nemo pænè sit, ad quem cœci Norwycensis Episcopi fama non peruenerit. Tenebrosissima tamen ætatis illius tempora, ortus præstantissimi Præfulis illustrauit *MATTHÆI PARKERI* Cantuariensis Archiepiscopi: qui nuper ex hoc impuro lacrymabiliq; hospitio, ad cœlestem & immortalem gloriam auolauit.

1575.
XVI. Kal.
Iunij.

QVO

QVO DE VIRO dicendū mihi
aliquid hoc tēpore existimaui, non quod
illius dignitas egeat oratione mea, aut ego
me eū esse putem, qui tāti viri laudes scri-
ptis meis celebrare queam: sed quoniam
res Norwicensis explicandas suscepi, si
huius nominis memoriam silentio præ-
termisisssem iure reprehēdendus viderer.
Quid enim vel ad ciuium gloriam mag-
nificentius? vel ad vrbis splendorem illu-
strius? quàm eius viri nutricem ac alum-
nam existisse, qui ingenio, doctrina, pru-
dentia, probitate, omnibusq; semper ma-
ximarum virtutū ornamentis abūdauit?
Habuit profectò ciuitas illa multos quō-
dam duces, belli gloria insignes, habuit
viros optimarum artium disciplinis im-
butos, habuit Præsules relligionis inte-
gritate præstantes, sed habuit externos:
habuit alienos: non habuit domesticos,
nec in vrbe natos. Itaque factum est, vt
non tantūm vrbem illi, quantū vrbs illos

decorauerit. Huic verò *Mormici* honestissima stirpe orto, vrbs illa contigit veluti altrix dignitatis sedes: cui sicut adolescēs, gloriæ semper fuit & honori, ita quā senex meritis adeptus est dignitatem, ad sempiternum patriæ nomen, & amplitudinem transfudit.

Ac ne illud quidē vereor, ne velle fortē videar cuiusquam in aures verborū bladijs influere: præsertim cū & meæ semper ab ineunte ætate, vitæ susceptæ rationes, has ineptias respuerint, & omnes, quorū mentes inuidia non sunt & maleuolentia suffuse, multo illi maiora, & ampliora ijs, quæ ego dicendo consequi possum, virtutum testimonia tribuerint.

Quanquam certē nō ignoro quā petulanter, ne dicā sceleratē & impiē, in hūc eximiae virtutis vinū improbæ plebis rumor acerbitalis & maleuolentiæ suæ virus profundat. Sedenim, ecquis viuuit mortaliū cuius ad laudes nihil allinierit inuidia?

Num

Nū quos fortes viros? quos claros? quos
 de republica benè meritos reminisci pos-
 sumus, popularis quos leuitas, & circum-
 uolitantes fabulæ nec viuos læserint, nec
 mortuos perstrinxerint? Multæ sunt (vt
 ait poeta nescio quis) insidiæ bonis: virtu-
 tisq; comes (corporis vt vmbra) inuidia:
 porro principibus viris aduersaria sem-
 per fuit & infesta vulgi temeritas: tum
 optimi cuiusq; vita facinorosorum per-
 petuò linguis patuit atq; libidini. Cæte-
 rum qui cunctis mortalibus in hoc magno
 malorum mari, ad bonam famam bono-
 rum (quæ sola verè gloria nominari de-
 bet) vela dantibus, odij, simultatis, inimi-
 citiarū, & inuidiæ resistentes veluti venti ac-
 turbi nes cōcitari solēt: ij si huic vni tādiu
 in his turbulētissimis offensionū fluctibus
 iactato, ac iam panè portum ingresso in-
 eiderūt, nū cui mifū videri potest? Perin-
 dē ac si magno, & deuexa iā etate viro, &
 terrena oīa infrā se habēti, & contōnenti,
 domus

dum nullos pro suis labores & periculâ defugeret, dum curiosorum, atq; omnia perturbare cupientium leuitatem, grauitatē suā perfringeret: dum redundantes nonnullos, & immoderata licētia superfluentes, reprimeret: dum quorundā hominum (nouitati atq; ineptijs indulgentium) impetus & conatus nefarios legū laqueis irretiret: deniq; dum omnes curas, & vitæ rationes omnes, ad Christi gloriā, & Ecclesiæ commoda conuerteret: illud vitio verti debeat, quod popularis iracundiæ & maleuolentiæ tempestatem deuitare nequirit. Quasi vero id aut optarit vnquam, aut sperarit sagacissimus senex, & planè veterator in communi vita: aut quas inuidiæ, & offensionis acerbitates in hoc terrestri exilio pro Christi gloria suscepas, mortalis pōtifex negligeret, eas nunc demum vitalapsum, immortalis, & inter cōlites æternū ascriptus cuius reformidar.

tub

.i. m. A.

Quamob-

Quamobrem tantum abest vt assen-
tādi crimen reformidem, quod huic cla-
rissimo viro, & licet suo, nec Reipublicæ
tamē nec nostro tempore extincto sen-
debitū probitati præconium scriptis im-
pertuerim meis, vt certē nisi id fecissem,
sceleris aut inscitiae ignominia mihi sube-
undā existimarem. Nam cum Deus op-
timus maximus, huic præstatissimo præ-
suli hanc mentem dederit, vt in omni sua
vitā præter virtutē, ac pietatem nihil ada-
matuerit, sceleratū eum sanē esse oportet
bit, & ab omni prorsus humanitate auer-
sum, qui tam claro & illustri viro virtutū
ornamenta inuiderit. Quis enim illo aut
morum sanctitate illustrior vnquam ex-
stitit? aut vllō genere laudis præstantior?
Quam laudabiliter se gessit in omni æta-
te? quam constanter? quam pie? quo ma-
ximarum semper artium desiderio fla-
grauit? quo virtutum ardore? quam ad-
mirabili, ac penē diuino?

Cantebrigia diu vixit, liberalibus disciplinis vehementer deditus: & ita vixit, ut in illo maximorum ingeniorum celeberrimo theatro, cunctos industriae ac eruditionis admiratione commoderit. Fuit postea tempore Regis *Henrici* (principis inuictissimi) in aula, & *Annae* Reginae à sacris, quid illo prouidentius? quid sanctius? quid humanius? quid non modò in studijs, & in ambrosiis, in convivio, in sermonibus, sed in ipso planè aspectu iucundius? Quis fuit quem non fama tantarum virtutum incederit? Quis denique qui non intimis cum sanctibus dilexerit? huius argumenti

Delatus est illi *Stokenys* decanatus, ac non ita multò post *Lincolniensis*, quo in munere fungendo, cum incomparabili pietate, singulari humanitate coniunctus. Nam & frequenter concionando multorum mentibus sanctitatis amorem infudit, & rem familiarem benignè largiendo misero-

miserorum inopiā subleuabit. Unde
factum est, vt quam sacrarum literarum
studio consecutus est scientiam, eam vita
magis ac moribus, quàm oratione, aut
verbis expresserit.

MARIANA tēpora cōsecuta sum
(tēpora omniū que nostra vidit atas loā-
lami totissima) cū rege *Edouardo* britanni
regū optimo, crudeli funesto que fato ex-
stincto, *Maria* peruersitas institutā à pa-
tre, & fratre *Christiana* religionis disci-
plina peruertisset, & Romanorum ritus
ac sordes denuò in ecclesiam inuexisset.
Enimuerò tū virū optimū omni ecclesi-
astico munere priuatū, cunctisq; fortunis
exclusū, graues cōmuniū temporū casus
perculerunt. Quid igitur? nū quis eū fra-
cto vidit animo ac debilitato? nū qua sce-
leris aut superstitionis labe respersum?
Nihil minùs. Itaque in ijs rerū asperitati-
bus, cū Romanorū scelus, nefadis ritibus
cūcta cōinquinasset, omnesq; boni, cadē,
flammam

flammas & horrenda quæque metuerent, ita aduersos temporum fluctus excepit, vt & omnem illam immanem Papistarum rabiem prudenter deuitaret, & se tamen semper ab impietatis huius purum immunemq; conseruaret.

Moritur interea Regina, cui succedente illustrissima sorore *Elyzabetha*, subuersis omnibus superstitionum portentis, atque sublatis, pristinum Ecclesia decus recuperauit. Tum verò huic amplissimo Præsuli, non defuere diu quæ nunquam sperauerat, multò minùs optauerat, cæcis debita virtutibus præmia. Nam eum ita viueret, vt omnes semper spes in vno Deo defigeret, cæteraq; quæ tantoperè suspiciunt homines, & admirantur, perindè ac caduca & inania negligeret. ita manauit fama de admirabili eius prudentia, temperantia, doctrina, cæterisque virtutibus, vt ad aures demùm Regiæ Maiestatis accederet. Noluit illa pati diuti-

diutius iacere, tantam, & tam excellentem, in omni genere virtutem. Itaq; protinus eum non petentem, non sperantem, propè etiam recusantem, ad Cātuariensem Archiepiscopatum euexit, nimirū vt in amplissimo munere amplissima virtus, campum haberet in quo commodius posset excurrere.

Parem itaque iam propè voluntati facultatem nata præstans naturæ bonitas, omnem illam protinus effudit, quæ intimis semper infixis sensibus insedit humani generis iuuandi cupiditatem. Ab hoc studio fluxerunt illa, (quæ vtinam tam imitarentur multi, quàm cupiunt, & laudant omnes) in consilijs grauitas, in Ecclesiæ muneribus obeundis sedulitas, in tractandis rebus prudens cōsiliorum integritas, nihil in potestate insolens, nihil sublime, nihil in opum abundantia dissolutum, sed arctissimis cuncta temperantiæ vinculis astricta. Hinc illæ diurnæ,
Bbb. noctur-

nocturnæq; eura in optimarum rerum
cogitatione defixa : hinc eruditorum
hominum quotidiani complexus : hinc
rei literariae amor incredibilis : hinc in
claris fouendis ingenijs excellens libera-
litas : hinc Antiquitatis tanta notitia : hinc
affecta iam penetralis insignis authori-
tas : hinc deniq; omnia illa quæ per sede-
cim fere annos laxerunt inaudita virtu-
tis & ingenij ornamenta.

Iam vero illa quanta sunt? In summa
fortuna summam tamen humanitatem
exhibere : neminem aditu, neminem
congressu, sermone neminem excludere :
rebus aduersis ac calamitate pressis
opem ferre, Christi profugos misericor-
dia prosequi : Gallos, Hispanos, Belgas,
Venetos, tam viros quam foeminas om-
nium rerum inopes ac egenos singulari
caritate compleri? Neq; hoc solum sed
annuâ insuper nonnullis peregrinis stipē
diligiri, alios domi suæ liberalissimè su-
stentare,

stetare, omnes beneficentia, & facultatibus
iuuare: adeo ut nullus pœne sit quem vel
fortunæ calamitas vehemētius affligeret,
vel iniqui temporis procella peruerteret,
cui non aliquid opis & auxiliij contulerit.

Quid hic commemorem quos quan-
tosq; labores ac sumptus in antiquissimo-
rum scriptorum codicibus conquirendis
exhauserit: quot libros vel hominum in-
curia vel temporū calamitate corruptos,
typis quā emendatissimos peruulgari fe-
cerit: quemadmodum Academiam *Cate-
tebrigensem* bonarum omnium discipli-
narū matrē impensis proprijs ornauerit:
quā elegāti muro scholas publicas præ-
cinxerit: quanta sacrorum voluminum
multitudine bibliothecam nuper instru-
xerit: quibus deniq; beneficijs Corporis
Christi collegium (cui ipse quondam
multis abhinc annis præfuit) illustrauerit:
Sint hæc in illius laudibus minima: non
quòd si spectetur singula, maxima videri

Bbb.ij. non

non debeant, sed si ad illa quę dudum dixi, mentem converteris, multa & maiora & elatiora videbis, quorū lumine hę virtutes, sicut luce solis sydera, obscurantur.

Atq; his tantis splendidissimarum virtutum ornamentis, cū omnis antea acta ætas redundaret, tantum abest vt se illarū intuitu, elatius efferret, aut popularem atriam, & vulgi ramusculos ardetius concupisceret, vt ab aspectu se pæne mundi & mortaliū oculis subducens, omnia illa veluti inania seculi deliramenta contemneret.

Siquidem domesticis oīj sui finibus cōtentus, terrestrium animalium expers vixit, non tam comitatu stipatus famulorum suorum honestissimō (quos habuit sanē quamplurimos) quam optimarum cogitationū ac virtutum cohorte (quæ ei semper comites fuerūt & administræ) circumseptus. Itaque hoc consecutus est, vt cū gloriæ causa nihil fecerit, incredi-

bili

bili tamen apud omnes gloria circūfluat.

Hæc igitur intueantur adolescentes, qui patriæ, qui hominibus iuuantis, qui verę laudi, qui gloriæ, qui Deo deniq;, vitæq; perenni, non desidię, non somno, nō delitijs, aut vitæ huius breuissimis inanibusq; oblectamentis natos sese arbitrantur. Ad hæc se studia conuertant : talium virorū facta imitanda sibi proponant : horū exemplis atque adeò vestigijs insistant. Hæ sunt veræ læudes, quas nulla delebit obliuio : hic splendor perpetuus, cuius memoriam anni consequentes excipient, & obstupescant : hæc certissima virtutum decora : quæ omnium & litteris & linguis celebrabuntur.

Atq; hunc in finem ista à nobis breuiter decursa sunt, nimirum vt huius illustrissimi Archiepiscopi exemplo, hominum mentibus veluti faces ad virtutem admouentes, quàm plurimi (si fieri posset) ad eius studium incenderētur. Quæ

Bbb. iij.

quidem

quidem sapientibus haud iniucunda futura scio, ineptis autem & maleuolis, suspecta videbuntur fortassis, & inuisa. Verum quid fieri expediat non vulgi arbitrio nos, sed prudentium semper iudicio, metiri consueuimus: & optimorum autoritate contenti, insipientium vocalas, & maledicta cōtemnimus. Quæ cum ita sint, ad historiam vnde paulisper defleximus denuò reuertamur.

Defuncto ergo *Richardo Nix*, *Gulielmus Ruggus* surrogatur anno salutis humanæ. 1536. De quo viro nihil proditum memoriæ, præterquā quòd extremo sui pontificatus anno Norwycenses (Ketto quodam duce) conspirantes, hostilia cōtra maiestatem regiam arma induerent. Qui quidem maximis perditissimorum hominum gregibus conflatis, tantas tragœdias excitarunt, totam vt pænè *Angliam* eo motu concuterent. Quem tumultū quoniam nos vno volumine cōplexi

plexi sumus (quod cum isto libello coniunximus) eo lectorem harum rerum cupiditate flagrantem remitemus. Quo autem iudicio id fecerimus, huius est neque temporis, neque instituti commemorare: consilium certè fuit eius coniurationis casus omnes atque euenta explicare, plenamque & perfectam Norwycensis tumultus historiolum posteris relinquere: quæ perpetuò cunctis, vitæ dux, & magistra foret, ut quo illi corruerent scelere cernentes perfidiam omnem, & prodicionem (authoribus exitiosam semper & fatalem suis) perhorrescerent. Legant igitur qui volent, & diligenter animaduertant, quæ tandem præmia homines perniciosissimi pro scelere tanto, atq; patriæ perturbatione consecuti sunt.

Ruggo proximus fuit *Thomas Thurlbeius*, legum doctor, à *VVestmonasteriensi* episcopatu, ad *Norwicensem* (ut loquuntur

quantur) translatus, boup) amul) iac)

Quem virum si ingenij, prudentiæ, grauitatis, consilij laudibus priuare conarer, amēs certè videri possem, præsertim cum eas illi naturæ atq; industriæ dotes oratione præiperem mea, quas semper huic (vno propè cōsensu) vniuersi tribuerint. Verum enimuero istuc in illo si non magnopere admirandum, at certè dolentiùs deplorandum fuit, quòd cum vir talis, ac tātus existeret, omnes nihilominus mētis atque ingenij neruos ad Romani Pōtificis gloriam illustrandam conuerteret. Cuius tam acerrimū se propugnatorem præbuit, vt *Maria* defuncta, honores potiùs omnes, quàm errores deponere maluerit. Vno se scelere commaculauit, quod quidem nō patiar silentio præteriri. Etenim cum gloriosissimus Iesu Christi martyr *THOMAS CRANMERVS* (Cantuariensis quondam Archiepiscopus) vir quo nihil sol cōspexit vnquam

quam illustrius) summo illū amore, gratia, beneuolentia complexus, multis ipsum sibi beneficiorum vinculis (quibus eum astringerat arctissimis) deuinxisset, nefariæ questionī quæ vitæ integerrimi pontificis constituebatur, nō interfuit solum, verumetiam quod multò sceleratius est, & ad eius facinoris memoriā diuturnius, cum **BO NERO** (cruento illo christianorū Busiride) crudelissimè præfuit. Quod facinus siue volens admisit, siue inuitus, necesse est omni se vituperio dignum fateatur, qui præsulem tanto honore, eruditione, prudentia, pietate præstantem, dignitatis etiam suæ authorem, & (quod caput est) innocentem, sententia sua perfidiosissimè opprimeret : illiq; qui eum omnibus in rebus fulsit, ornauit, sustinuit, cuncta (quantum in se fuit) pristini decoris insignia detraheret. Tantū autem abest vt aut temporis, aut necessitatis excusatione istius criminis labem ac

Ccc.

inuidiam

inuidiam à se deprecari potuerit, vt poti-
 us meo iudicio hominis sui famam in æ-
 ternū beatissimi martyris sanguine cru-
 entarit. Nam quòd fecerit illo atque fla-
 gitioso die lachrimas profudisse dicitur,
 utiq; hæ non tam testes doloris quàm cō-
 scientiæ indices exstiterunt. Quanquam
 quid mirum si vel mentis angor, & con-
 scientiæ sollicitudo: vel nobilissimi & opti-
 mi de se meriti senis misericordia, illi qui
 vultum illū cum verè diuinum cōspexit,
 & præsens (quod aiunt) præsensem con-
 templeretur inuitissimo (& quod crede-
 re fas est) magnopere reluctanti, lachry-
 mas expresserit, præsertim cum mihi istec
 scribenti, atque illius gloriosissimi Anti-
 stitis casum longo iam post temporis in-
 teruallo recordanti, subitò exciderint.
 Quid enim illo homine vixit vnquam in
 terris sanctius? quid innocentius? quid
 humanius? quid omni laude, gloria, ho-
 nore, immortalitate dignius?

inhibuit

300

Cæterum

Cæterum hoc nescio quo fato *Thurlbeio* contigit, vt quamuis in optimū Præsulem ingratus nimis atq; beneficiorum omnium immemor exstitisset, *MATTHÆVM* tamen *PARKERVM* Cantuariæ quoq; Archiepiscopum (in signi certè probitate virum) non minùs erga se clementem atque propitium expertus fuerit. Nam cum extincta *Maria* orbis reipublicæ subitò conuersus foret, ac *Thurlbeius* dum pertinaciter nimis immanem Papæ tyrannidem tueretur, vnà cum alijs antistitibus omni exclusus honore (erat autem tum temporis Episcopus Eliensis, & defunctæ reginæ à cōsilijs) in Turrin Londinensem conijceretur, facilè à clementissima Regina quidā amici eius impetrarunt vt domi apud Pontificem esset. Vbi cum *Boxallo* (qui *Mariæ* quoq; à secretis fuit) diu certè vixit, cum interim præstantissimus Præsul in maximis occupationibus nūquam

salutis tamen illorum curam intermitteret, verum omnes ingenij māsuetudinis, & industriæ machinas adhiberet, quo animos illorum pessimarum superstitionū spinis ac sentibus expediret. Sed altis defixæ radicibus, adeò funditùs inheferant, vt nullius certè (quod deslendum fuit) ingenio extirpari potuerint. Lamhithi obiit anno post natum Christum millesimo quingentesimo septuagesimo, in domo Archiepiscopi Cantuar. & in ecclesia Lamhithensi sepultus est.

Thurlbeio (ita vti suprà diximus) ad Eliensem episcopatum euecto, *Iohannes Hoptonus* sacre Theologiæ professor, successit, anno Domini. 1554. De quo hoc tantum perscriptum inuenio, quòd cum annos quattuor Norwicensẽm rexisset ecclesiam, eodem quo *Maria* regina huius molestissimis vitæ ærumnis perfuncta obierat anno, ipse quoque repentino (vt nonnulli suspicantur) dolore percul-

perculsus inuenit. Vltimus ordine, sed meritis princeps,
fuit reuerendus in Christo pater *D. Jo. Parkhurstius*, clarissimus & spectatissi-
mus vir, qui quotquot ante illū Norwici
exstiterunt Pontifices, vnus ferè omnes
virtutis laude superauit. Tempore *Ma-
riæ* reginæ, multa passus est, gradissimiq;
iactatus periculis: ex quibus deinceps Dei
clemētia, ad eam (qua dudū fruebatur
dignitatem) emerſit. Etenim anno tertio
Reginæ *ELIZABETHÆ*, præsul
Norwicensis factus, ita vixit vt omnes in
illius vita ac moribus expressā veri Pon-
tificis imaginem intueretur. Quanta au-
tem doctrina, iudicio, prudentia, ingenio
sit, semperq; fuerit, quā subtili, quā acuto,
etsi neminē qui illū nouerit ignorare ar-
bitrer, tamen ex illius scriptis manifestō
deprehēdi queat. Obijt Norwici anno
salutis humanæ suprā millesimum, quin-
gentesimo septuagesimo quarto.

Ccc.iiij.

Hactenus

Hactenus Urbis initia, atq; incrementa, res gestas Norwicensium, & Præsulum vitas, qui Ecclesiæ præfiderunt, breuiter explicauimus. Restat nunc ut (quod ultimo nos loco facturos spondimus) Præfectorum urbis, quos Balliuos nuncupant, tum Prætorum, atque Tribunalium plebis, (quos Vicecomites appellant) nomina subiungamus. Quæ ubi notis atque figuris (pro temporum ratione aptè adhibitis) distinxerimus: huic tandem volumini finem imponemus.

Eodem itaque iure (ut supra memorauimus) utuntur Ciues Norwicenses, iisdemque ritibus atque institutis in Ciuitate gubernanda sua, quibus Londinenses utuntur: Prætoresq; (Maiorem ipsi nuncupant) Regis permissu quotannis deligunt: cui (quemadmodum Londinensi) more per antiquo atq; solenni gladius præfertur.

Diu tamen, sicuti quoddam Londinum quoq;

quoque, cæteraq; celebriores huius Insulæ Ciuitates, Præfectos seu Vicomagistros habuere suos (nostra lingua Balliuos appellamus) cæterum anno millesimo, quadringentesimo tertio, is administrandæ ciuitatis ordo primum immutatus est, isq; quem nunc retinent institutus. At Balliuorū nomina ne fortè

delicatoribus fastidiò sint, prætereunda putauī : Prætorum verò & Vicecomitum, quandoquidem legentium

plærisque (perindè vt obsoleta nimis atque plebeia) minus præbitura

voluptatis existimem, breui-

ter summamque, sicuti

in fastorum codicillis

antiquitùs per-

scripta inueniuntur, demon-

strabo.

NOMINA

NOMINA PRÆTORVM (QVOS Maiores vocant) & Vicecomitum Nor- wicensium ab anno primo Henrici quarti ad decimum sextum Elizabethæ Regine.

Annus Do- minæ.	Annus Re- gum.	Annus Po- puli.	Ratiſſima seu præſentium & ibi nomina ad 4 annos.	
1339	Anno pri- mo Hen. 4.	An. 29. H. Spencer Po.	Walterus Daniel. Rob. Dunſtan. Rich. V. White. G. Eton.	
1400	1	30	Rog. Blickley. Barth. Blackney. Tho. Gerrard. H. Skeyt.	
1401	2	31	Io. Daniel. Edm. V. Varner. G. Aplyard. Gul. Euerard.	
1402	3	32	Rob. Hunwooth. Io. Harlſton. Gul. Sedman. Io. Coppin.	
1403	4	33	Guliel. Aplyard. 1. Rob. Braſier. Iohannes Daniels.	
1404	5	34	Guliel. Aplyard. 2. Sampſon Barker. Io. Skie.	
1405	6	35	Guliel. Aplyard. 3. Io. Harlſton. Rich. Spurdance.	
1406	7	36	Guliel. Daniel. Edmundus V. Varner. Rich. Erue.	
1407	8	An. primo Elizabethæ.	Iohannes Daniel. Thomas Garrard. Io. V. Nelyke.	
1408	9	1	Edmund. V. Varner. Thomas Partlet. Io. Bixley.	
1409	10	2	Gualterus Daniel. 2. Guals. Moyley. Io. Manning.	
1410	11	3	Robertus Braſier. Iohannes Scatham. Gauſ. Audley.	
1411	12	4	Gul. Aplyard. 4. Iohannes Leuerech. Io. V. Foke.	
1412	13	5	Gul. Aplyard. 5. Rich. V. White. Io. Grunthorpe.	
1413	14	6	Richardus Erue. Guliel. Sedman. Rob. Luſſielde.	
1414	15	7	Iohannes Bixley. Thomas Cock. Henricus Raſſman.	
1415	16	An. 1. Io. V. Fakering	Ioan. Manning. Rob. Moyley. Thomas Occl.	
1416	17	2	Henricus Raſſman. Iohannes Aſgar. Ioan. Miche.	
1417	18	3	Ioan. Daniel. 2. Gul. Roſe. Hen. Iacques.	
1418	19	4	Gul. Aplyard. 6. Robertus Baxter. Io. Cambridge.	

HOC anno nefandam diri facinoris societatem contra regem ineunt, Ioannes Holandius dux Excetriae. Io. Montacut Sarisburiensis, Tho. Cantij, Hugo Spencerius Glocestriae comites, nimirum uti regem ludorum statuta die, Oxoni, de impruise opprimerent, sed detectis insidijs omnes perfidiae poenas luerunt. Nam Cantianus, & Sarisburiensis ad Cestriam quo confugerant, interfecti sunt, Dux vero in Essexia comprehensus securi percutitur.

2 Hoc anno atrox pugna Salopia fuit, in qua interemptus est Tho. Percium comes PPigorniensis, qui contra regem conspirauerat: Henricus autem comitis Northumbrorum filius, multiq; alij capti ultimo supplicio afficiuntur.

5 Hoc anno naualis pugna fuit inter Anglos & Britones, sed Britones incensis ac depressis nauibus paucis omnibus fusi, prostratiq; sunt.

6 Hoc anno fuit Monomachia Londini in Smythfield, inter Edmundum Cantij comitem, & Marrensem comitem Scotum, quo in duello Anglus Scotum magnifice superauit.

8 Hoc anno Richar. lue Scrup Archiepiscopus Eboracensis capite ob initia contra regem coniurationem Eboraci plectebatur, ac non ita multo post Comes Northumbrorum, & Dominus de Bardolf, multiq; alij (qui contra-Eus multis tam Anglorum quam Scotorum millibus, regi bellum inferre decreuerant) tumultuaria pugna in agro Eboracensi deuicti, confestim capti sunt, Eboracumq; perducti, ibiq; capitibus mulctati.

9 Hoc anno tanta erat frigoris vis, ut per quindecim hebdomadas, cuncta continuo astricta gelu obriguerint.

14 Hoc anno rex Hierosolymam proficisci decreuerat, verum repentino morbo implicitus, annu agens quadragesimu sextu, ex hoc seculo migravit.

1 HOC ANNO Robertus Stuartus, vnicus Iacobi Regis Scotiae filius, ab Anglica classe capitur, quo ex casu tantu pater doloris accepisse fertur, ut infra paucos dies postquam id accidisset, vehemens eum luctus ac miror existinuerit. Eodem etiam anno maxima pars ciuitatis Nortwycensis repentini ignibus deflagrauit.

2 Hoc anno legati ad Carolum Regem in Galliam mittuntur, qui regnu Francia Edoardo tertio, ac posteris Angliae Regibus debitum, repeterent: Verum Carolus a deo regem nostrum contempsit, ut per iocum ac ludibrium dolio ad ipsius luforis pilis repletum per legatos suos transmiserit: cuius tamen petulantiae Gallum non ita multo post magni periculi parauit.

Anni Do- mini.	Anni Re- gum.	Anni Po- tificum.	Maiores.	Vicecomites.
1419	7	5	Gual. Daniel. 3.	Hen. Pecking. Io. Scotchan.
1420	8	6	Rich. Spurdance.	Thom. Ingham. Rob. Asger.
1421	9	7	Gul. Sedman	Gul. Niche. Symon Cooke.
1422	An. primo Henrici. 6.	8	Io. Manning. 2.	Io. Gerard. Tho. Daniel.
1423	2	9	Io. Daniel. 4.	Io. VVrightus. Io. Hodkins.
1424	3	10	Thomas Baxter.	Guliel. Gray. Petrus Brasier.
1425	4	An. 1. Gul. Anwyck.	Tho. Inghaym.	Tho. VVeybie. Rob. Chaplain.
1426	5	2	Io. Asger.	Io. Copping. Io. Gleder.
1427	6	3	Tho. VVetherby.	Io. VVylby. Rich. Pilbye.
1428	7	4	Rich. Moyley.	Io. Alderford. Gregor. Draper.
1429	8	5	Robertus Baxter. 1.	Gul. Iselham. Io. Sytater.
1430	9	6	Io. Cambridge.	Rob. Toppys. Io. Penningus.
1431	10	7	Tho. Ingham. 2.	Gul. Aftwel. Tho. Grafton.
1432	11	8	Tho. VVisherbey. 2.	Io. Dunning. August. Bang.
1433	12	9	Rich. Spurdance. 2.	Rob. Langley. Gul. Hempsted.
1434	13	10	Io. Garrard.	Rogerus Bosen. Tho. Ball.
1435	14		Robertus Toppys.	Edmund. Breton. Petrus Roper.
1436	15		Robert. Chapleyn.	Rich. Brasier. Gualr. Crump.
1437	16	An. primo Th. Brown.	Io. Cambridge. 2.	Symon VValsker. Clemens Fishman.
1438	17	2	Io. VVellys gubernat.	Gualr. Eton. Io. Lingford.
1439	18	3	Io. KVVellys. Custos.	Gualr. Eton. Io. Lingford.
1440	19	4	Io. Chyfton. mil. custos.	Io. Brofard. Io. Spicer.
1441	20	5	Io. Chyfton. Custos.	Io. Gosleyn. Hen. Styrmyrn.
1442	21	6	Gul. Hempsted.	Tho. Aleyn. Robertus Seygrym.
1443	22	7	Guliel. Aftwel. 2.	Io. Inwood. Rob. Aleyn.
1444	23	8	Robertus Toppys. 2.	Io. Brofard. Rob. Spicer.

- 3 Hoc anno Richardus Cantabrigia Comes, Dominus Scruppus, & Thomas Graim, mortem Regi optimo nefarie machinantes ad Southamtonensem portum in conspectu Regis, regni procerum, & totius exercitus, perfidia penas dederunt.
- 4 Hoc anno nobilis ad Dagincurtum pugna commissa fuit, quo in pralio flos panè omnis & robur Gallica nobilitatis interijt.
- 5 Hoc anno .a. d. V l. Kalendas Augusti, cum ingenti nauium classe Rex in Galliam traiecit, qui quaquauerfus incedit, capto omnibus urbibus, munimentis, atque castellis, Gallo fuso victoria decem mirifice propagauit.
- 6 Hoc anno Rotomagum (opulentissima Gallie ciuitas) obsidebatur, & tandem per deditionem in potestatem Regis nostri peruenit.
- 7 Hoc anno inter nostrum & Francie Regem fœdus initur: quod matrimonio Catherina (Caroli filia) qua Henrico Regi nupserrat, firmatum fuit.
- 8 Hoc anno Catherina ad Wyndesorium castrum filium enixa est, qui patris nomine Henricus sextus appellabatur: ac non ita multo post Rex Anglia fuit. Etenim eodem anno pater iniquo fato extinctus occidit, tricesimo sexto ætatis anno, vir omni maiestatis regie splendore circumfluens.
- 1 HOC ANNO Carolus Gallorum rex vita functus est, acuius morte confestim veriusq; regni proceres Henricum sextum Anglia regem, communi omnium consensu Regem quoque Gallie renuntiant.
- 2 Hoc anno Dominus Rogerus Mortimerus læsa maiestatis conuictus, proditorum communi supplicio afficiebatur.
- 3 Hoc anno grauis incidit contentio inter Bedfordia ducem & Wyntoniensem Episcopum.
- 9 Hoc anno Rex Parisius coronatur.
- 14 Hoc anno diem obijt supremum Dux Bedfordia, vir tam pacis laude quam belli gloria insignis, cuius morte res nostra mirifice percussa atq; afflicta, tandem funditus conciderunt.
- 17 Hoc anno ad quadriennium ciuitas Nortwycensis libertate priuata, omne magistratuum ius amisit.
- 21 Hoc anno restituta denuò libertati fuit: Eodemq; anno Londini iclu fulminis Templum Dini Pauli deslagrauit: verum ciuium industria ignis celeriter restructus fuit.

Anni Do- mini.	Anni Re- gum.	Anni E- piscopati.	Maiores.	Viccomites.
1445	24	9	Io. Chyffyn.	Io. Intwood. Robertus Allyn.
1446	25	an. s. Gual. de Hart.	Guliel. Astwel. 3.	Io. Intwood. Robertus Allyn.
1447	26	2	Thomas Catworth.	Io. Intwood. Robertus Allyn.
1448	27	3	Thom. Catworth. 2.	Robertus Furbusher. Io. VVigton.
1449	28	4	Georgius Draper.	Robertus Brown. Io. Drall.
1450	29	5	Thomas Allyn.	Io. Chyttock. Robertus Machin.
1451	30	6	Radulphus Seygrym.	Gul. Barley. Io. Gylberd.
1452	31	7	Robertus Toppys. 3.	Thomas Elys. Robertus Lyred.
1453	32	8	Io. Drall.	Edwardus Culter. Io. Clerck.
1454	33	9	Richardus Brown.	Richard. Beer. Galfridus Quinch.
1455	34	10	Georgius Draper. 2.	Gulielmus Norwich. Rich. Alboon.
1456	35	11	Richard. Brasier.	Thom. Buckingham. Io. Blunt.
1457	36	12	Io. Chyttock.	Galfridus Ioy. Io. Hunsworth.
1458	37	13	Robertus Toppin. 4.	Thomas Oswald. Gul. Ryser.
1459	38	14	Io. Gilbert.	Gualter Godfrays. Edm. Colman.
1460	39	15	Thomas Ellis.	Rogerus Bestin. Io. Anbery.
1461	An primo Edward. 4.	16	Gulielm. Norwich.	Io. Northal. Io. Cooke.
1462	2	17	Io. Bust.	Io. Burton. Rich. Hoste.
1463	3	18	Richardus Brasier. 2.	Henricus Spencer. Gul. VVylls.
1464	4	19	Io. Gylberd. 2.	Gul. Swayn. Robertus Portland.
1465	5	20	Thomas Ellis. 2.	Gualth. Fornsfield. Rich. Aniel.
1466	6	21	Io. Chyttock. 2.	Io. Roose. Io. Beckles.
1467	7	22	Rogerus Bestin.	Io. Lawse. Robertus Hyckling.
1468	8	23	Gualt. Fornsfield.	Rich. Farror. Thom. Veyl.
1469	9	24	Io. Anbery.	Tha. Buckingham. Gul. Peper.
1470	10	25	Edwardus Culter.	Io. Harny. Hen. Oswald.
1471	11	26	Io. Bust. 2.	Io. VVylls. Rob. Aymer.

Regnavit Henricus sextus annos.39. Henricus quintus 9.

- 25 Hoc anno Anglia tota terra motu horribili contremuit.
- 29 Hoc anno Gulielmus de la Poole dux Suffolcie Domeria subito ab adversarijs captus interficitur. Eodemq; anno Cantiani Ioannem quendam cognomento Caddum ducem sibi constituunt, infestisq; agminibus Londinum versus contendunt, quo cum venissent, cuncta spoliunt, vastant, incendunt, diripiunt, quosdamque de Nobilitate viros (& inter illos Dominum Sayum principem totius Anglia questorem) securi percutiunt. Nihilominus ad extremum (divina benignitate) fusi profligatiq; dignas scelerum penas pertulerunt.
- 31 Hoc anno ad Fanum Albani acerrima fuit pugna inter Regem & ducem Eboracensem, ubi Neuyllorum (patris ac filij) Sarisberia, & Varinici Comitum virtute atq; consilio, regia copia fusa fugataq; sunt, ac Rex ipse comprehensus.
- 32 Hoc anno Ars Typographica in Germania primum inventa fuit, ars una omnium excellentissima, cuius beneficio bonarum literarum disciplina sese per omnem penè terrarum orbem diffuderunt.
- 37 Hoc anno denuò ducis Eboracensis copia ad Northamptonum cum regis cohortibus confixere: ubi iterum maximo praelio rex vincitur: captusq; Londinum ducitur.
- 38 Hoc anno in agro Eboracensi iuxta castellum Middleham Regina ducem Eboracensem aggressa maximo praelio demicit. Qua in pugna dux ipse cum Edmundo filio Rutlandia Comite interfectus fuit. Et Richardus Neuyllus (pater) comes Sarisberienfis captus, aliquanto post cum nonnullis alijs capite multatur.
- 39 Funestissimus fuit hic annus, & civili clade insignis, quaq; mirabilem in modum regni vires imminuit. Etenim duo validissimi exercitus iuxta Eboracum inter se atrocissime depugnauerunt. Quo in certamine triginta penè millibus ex utraq; parte interfectis, victoria tandem Edoardo Marchia Comiti cecit: qua potius Henricum dignitate regia privavit, si biq; principatum asciuit.
- 3 Hoc anno Norwyci Cathedrale Templum repentini ignibus exustum est.
- 9 Hoc anno Dominus V Kellys in comitatu Lincolnia tumultus quosdam concitavit, qui quidem celeriter repressi sunt, atq; is merito affectus supplicio.
- 10 Hoc anno inter Cantianos novi motus fiunt, qui Londina ac circumvicinis urbibus multum damni attulerunt.

Anni Do- mini.	Anni Re- gum.	Anni E- piscopori.	Maiores.	Vicecomites.
1472	12	26	Rogerus Bestw. 2.	Edmundus Stacy. Tho. Storm.
1473	13	An. 1. lo. Goldwel.	Rich. Farror.	Io. Cooke. Gul. London.
1474	14	3	Thomas Ellys. 3.	Iacobus Goldbeter. Io. Bright.
1475	15	3	Gul. Swayn.	Tho. Cambridge. Rob. Lound.
1476	16	4	Io. VVellys.	Hamo Claxton. Robertus Cooke.
1477	17	5	Io. Portland.	Greg. Clerck. Philip. Curfeth.
1478	18	6	Rich. Farror. 2.	Rob. Osborn. Tho. Beafield.
1479	19	7	Tho. Buckingham.	Robertus VVellys. Tho. Philips.
1480	20	8	Io. Awbry. 2.	Rich. Gardyner. Tho. VVurth.
1481	21	9	Gul. London.	Rich. Ballys. Radulp. Est.
1482	22	10	Gul. Aylmer.	Rob. Belton. Io. Denton.
1483	An. pri. Rich. 3.	11	Rich. Farror. 3.	Gul. Rosa. Gul. Farror.
1484	2	12	Io. Cooke.	Io. Ebbes. Gul. Curteys.
1485	An. pri. Hen. 7.	13	Hamo Claxton.	Io. Tylles. Io. Swayn.
1486	3	14	Tho. Buckingham. 2.	Io. VViskins. Io. Swel.
1487	4	15	Io. VVellys. 2.	Io. Pichamor. Io. Castyn.
1488	5	16	Tho. Beafield.	Io. Reed. Rich. Howard.
1489	6	17	Rich. Ballys.	Tho. Cause. Nich. Dany.
1490	7	18	Rob. Gardyner.	Nich. Cowlych. Gul. Gogean.
1491	8	19	Gul. London. 2.	Steph. Brayn. Tho. Cock.
1492	9	20	Rob. Aylmer. 2.	Io. VVarnes. Io. Rightwif.
1493	10	21	Rich. Farror. 4.	Robert. Lang. Barth. King.
1494	11	22	Steph. Bryan.	Io. Horsley. Rob. Burrow.
1495	12	23	Io. VVellys. 3. Tho. Cause. }	Rich. Brasier. Robertus Bestw.
1496	13	24	Io. Reed.	Io. Francys. Io. Perhode.
1497	14	25	Nich. Cowlych.	Greg. Clerck. Thomas Aldych.
1498	15	26	Rich. Farror. 5.	Gul. Ramsfey. Thomas Hennynge.

Regnavit Edoardus quartus annos.22. Ric.tertius.2. Hen.sept.24.

11 Hoc anno inter Regem & Richardum Newyllum comite m Farnicen-
sem ad Barnetum pugnatum fuit, quo in certamine Comes ipse (vir inui-
ctissimus) ac Ioannes (frater illius) Marchio Montacutensis ceciderunt: &
Rex ipse non incrementam victoriam adeptus est. Eodem anno ad Tewks-
beriam infestis armis denuo concursus fuit, quo in certamine Regina vin-
citur suis ferè ad unum casis, aut captis. Eodem etiam anno Edoardus
Princeps filius Henrici sexti, adolescens præstantiss. à Duce Glocestria (ut
fama est) crudelissimè confoditur.

12 Hoc anno Rex Henricus in turri Londinensi ab eodè Richardo Gloce-
stria duce (ut constans fama est) miserrimè trucidatur.

14 Hoc anno Edoardus rex Norwycum venit, paxq. inter Angliam &
Galliam paulo post facta est, quæ ad septennium duratura foret.

17 Hoc anno Dux Clarentia (imperio fratris) pessimo in omni memoria
hominum exemplo Caletis in dolio (ut aiunt) vini cretici extinctus est. Cu-
ius mortem horribilis pestis insecuta, quæ omnem Angliam quaquaver-
sus peruagata est.

19 Hic annus insignis fuit clade civium Norwycensium ex pestilentia
lue: quæ inibi incredibilem hominum multitudinem absumpsit.

20 Hoc anno mense Iulij, tanti terra motus in agro Norwycensi, totæque
penè Anglia facti sunt, ut multa in diversis locis adificia eorum vi labe-
factata corruerint.

22 Hoc anno rex Edoardus cessit è vita, annum agens ætatis circiter. 50.

1 HOC ANNO Edoardus Princeps eiusq. frater (filius Edoardi regis
nuper defuncti) immanissimo scelere Richardi Ducis Glocestrensis in turri
Londinensi, contrucidantur: qui eius flagitij diritate regiam sibi maiesta-
tem acquisivit.

2 Hoc anno in Tyranni cōiuratio Nobilium facta est, cuius princeps ex-
stitit Henricus Buckinghamia Dux, cui oh id postea capto, Sarisberia caput
amputabatur. Nobilis hic quoque annus fuit interitu Richardi, (Regis
post natos homines sceleratissimi) qui apud Pagum Bosworthum paullo ultra
Leycestriam, in prælio contra Richmondia comitem, inter confertissimos ho-
stes pugnans confoditur.

3 HOC ANNO novum, & in omni sanè ætate prorsus inauditum
morbigenus, per totam Angliam pervasit, (qui sudor lues nuncupatur)
dira equidem pestis, quæq. innumerabilem mortalium multitudinem ex-
stinxerit.

Anni Do- mini.	Anni Re- gum.	Anni Po- tificum.	Maiores.	Vicecomites.
1499	15	Anno pri. Tho. Ian.	Robertus Gardyner.	Io. Randolph. Robert. Pichamor.
1500	16	An. pri. Rich. Nyex.	Io. VVarnes.	Gulfr. Steward. Io. Crome.
1501	17	2	Io. Rightwyse.	Rich. Aylmer. Gul. Drake.
1502	18	3	Gul. Ramsey.	Simon Reed. Io. Smyth.
1503	19	4	Tho. Cause.	Tho. VVarnes. Thomas Chaunt.
1504	20	5	Robertus Burrow.	Gul. Hart. } Io. Henry. Io. VValters.
1505	21	6	Greg. Clerck.	Tho. Large. Gul. Godfrey.
1506	22	7	Robertus Gardner. 3.	Tho. Clerk. Io. Swayn.
1507	23	8	Tho. Aldrich.	Io. Clerck. Robert. Farror.
1508	24	9	Gul. Ramsey. 2.	Ed. Reed. Robertus Broome.
1509	Anno pri. Henric. 8.	10	Robertus Long.	Henricus Meir. Rob. Iannys.
1510	1	11	Rich. Brasier.	Io. Marsham. Radul. VVilkins.
1511	2	12	Richardus Aylmer.	Robertus Bell. Steph. Stallon.
1512	3	13	Gul. Hart.	Steph. Stawn. Io. Corpustly.
1513	4	14	Ioannes Rightwyse. 2.	Io. Busting. Tho. Pickerel.
1514	5	15	Greg. Clerck. 2.	Henricus Schoolehouse. Io. Terry.
1515	6	16	Io. Clerck.	Robert. Barker. } Rich. Farrrome. Gul. Broome. } Tho. VVilkins.
1516	7	17	Tho. Aldrich.	Tho. Bawber. Greg. Cause.
1517	8	18	Robertus Iannys.	Rob. Green. Tho. Cory.
1518	9	19	Io. Marsham.	Rob. Hemyng. Hamo Lynsted.
1519	10	20	Gul. Hart. 2.	Io. Brown. Barth Springwel.
1520	11	21	Io. Clerck. 2.	Nic. Syphat. Io. VVestgate.
1521	12	22	Edwardus Reed.	Tho. Moore. Robertus Haul.
1522	13	23	Io. Terrey.	Reginal. Lislepross. Gul. Norfolk.
1523	14	24	Robertus Iannys. 2.	Steph. Raynbow. Hen. Salter.
1524	15	25	Tho. Pickerel.	Rob. Leech. Io. Swayn.

Regnavit Henricus octavus annos. 36. Edoardus sextus. 6.

2 Hoc anno Rex Henricus Norwycum venit.

3 Hoc anno ingenti denud terra motu Anglia conquassata fuit.

7 Hoc anno natus fuit inuictissimus princeps Henricus, rex eius nominis octavus.

16 Hoc anno Arthurus princeps duxerat in uxorem Catherinam Hispania regis filiam.

17 Hoc anno mortuus est Arthurus princeps summa spei adolescens.

19 Hoc anno 10. VVindamius miles securi percutitur. Eodemq; anno ciuitas Londinum incendio panè absumpta fuit. Praterea astidui imbres, tonitrua, fulgura, procella vbiq; existerunt.

20 Hoc anno sexto Augusti & ipso die transfigurationis domini nostri in parochia sancti seruatoris Norwyci natus est Mathias Parker in Theologia Doctor, vltimus decanus collegij de Stoke iuxta Clare, postea decanus de Lincoln. Tandem Archiepiscopus Cantuarie sub Elisabetha Regina: qua regnante, fato concessit. 17. May.

23 Hoc anno. 25. Aprilis horribile incendium Norwycensem urbem afflixit, adeo vt continuos quattuor dies funestis ignibus ciuitas conflagrauerit. Eodemq; anno quarto Iunij consimili casu denud incensa fuit.

24 Hoc anno 10. Coletrus Dini Pauli decanus, suis sumptibus magnificam scholam extruxit in ea parte cæmeterij Paulini, qua ad orientem spectat. Eodem anno mortuus est Henricus eius nominis septimus, cui successit filius eius illustriss. Henricus octavus.

1 HOC ANNO Iacobus Scotia Rex hostili exercitu Angliam invadens, cum magna Scotorum strage profligatur. Eodemq; anno magna pars templi Norwycensis cum libris panè omnibus ac Ecclesie ornamentis combusta fuit.

3 Hoc anno rex in Gallia prosperè bella gessit, Tornacum & Turwynum oppida munitiss. vi cepit: domi verò Regina duce Comite Smrabio Scotos debellavit.

7 Hoc anno Greenwyci nata est Maria, qua postea Anglia Regina fuit.

8 Hoc anno tanta fuit glacies, tantusq; tamque perpetuus nivium rigor vt omnia vbiq; flumina congelauerint, ac equi carrig. onusti Tamesim transierint. Eodem etiam anno fuit dira illa Dies May Londinensibus lugubris & infelix, quam & hodie atram & infaustam vulgò nuncupant.

10 Hoc anno uniuersa panè Anglia sudoris lue, & fame afflicta fuit.

Ecc.

Anni Da- mini.	Anni Re- gum.	Anni E- piscoporu.	Maiores.	Vicecomites.
1525	17	26	Rob. Farror.	Aug. Steward. Gul. Layer.
1526	18	27	Rob. Burrow.	Gul. Russel. Io. VVats. senior.
1527	19	28	Rad. VVylkins.	Tho. Grew. Io. Clerck.
1528	20	29	Gul. Rome.	Tho. Cranck. H. Fuller.
1529	21	30	Tho. Greene.	Io. Curat. Io. Corbet.
1530	22	31	Tho. Bawber.	Tho. Naughton. Nic. Sotherton.
1531	23	32	Edoard. Reed. 2.	Rich. Cattlyn. Gul. Rogers.
1532	24	33	Reginal. Littleprosv.	Io. Groor. Gul. hast.
1533	25	34	Tho. Pickrel. 2.	Adam. Lows. Rog. Cowper.
1534	26	35	Aug. Steward.	Gulielmus Lyn.
1535	27	36	Nic. Syphas.	Robertus Brown. H. Crook.
1536	28	An. primo Gul. Rug.	Rob. Farror. 2.	Edmun. VVoodd. Tho. Thetfort.
1537	29	2	Gul. Layer.	Rob. Rug. Robertus Palmer.
1538	30	3	Th. Pickrel. 3.	Nic. Osborn. Io. Humberston.
1539	31	4	Nich. Sotherton.	Iacob. Marsham. { Tho. VValters. Io. Traye.
1540	32	5	Tho. Grew.	Thomas Cod. Io. Spencer.
1541	33	6	Robertus Eech.	Felix Putrack. Io. Quash.
1542	34	7	Gul. Rogers.	Tho. Cock. Rich. Dawy.
1543	35	8	Eduardus Reed.	Rich. Alec. { Gul. Morrant. Tho. Marsham.
1544	36	9	Henricus Fuller.	Edmund. VVarden. Rob. Marlyn.
1545	37	10	Rob. Rug.	Rich. Suckling. Robertus Lyng.
1546	38	11	Aug. Steward. 2.	Rob. Michles. Bernard. Vdberd.
1547	An. primo Edoardi. 6.	12	Robertus Rich.	Tho. Dowfing. Gul. Heed.
1548	2	13	Edmund. VVod. 2. Gulielm. Rogers. 2.	Hen. Bacon. Io. Atkins.
1549	3	14	Tho. Cod.	Rich. Fletcher. Gul. Ferror.
1550	4	An. primo T. Thulbey.	Rob. Rug. 2.	Tho. Morley. Io. VValters.

Regnavit Henricus octauus annos. 36. Edoardus sextus. 6.

11 Hoc anno diluvium fuit, ad diem (quem vocant Sancti Leonardi) quod hodierno etiam die Dni Leonardi diluvium appellatur.

12 Hoc anno Duci Buckinghamie ob proditionis scelus, ceruicis securi incisa fuit.

13 Hoc anno Imperator Carolus quintus in Angliam venit, & à Rege nostro magnificentissimè excipitur.

14 Hoc anno in Angliam venit Christernus Dacia rex.

17 Hoc anno ob religionem maximi motus sunt in Germania.

20 Hoc anno multi in locis mortalium corpora denuò latali illo sudore disfluxère, sed præcipuè Londini.

21 Hoc anno intollerabilis illa Antistitis Romani potestas edicto regio diminuta fuit.

23 Hoc anno omnium ordinum consensu Rex Anglicana Ecclesia supremum caput renuntiatur.

24 Nobilis fuit hic annus ortu excellentiss. principis Elisabethæ (Regina nunc nostræ illustriss.) quæ septima die Septembris Greenwyci nata fuit.

25 Hoc anno Romani Pontificis execranda Tyrannus penitus ex Anglia profligata fuit.

<i>Anni Do- mini.</i>	<i>Anni Re- gum.</i>	<i>Anni Po- pificum.</i>	<i>Maiores.</i>	<i>Vicecomites.</i>
1551	5	3	Rich. Dany.	Io. Aldrich. Tho. Gray.
1552	6	3	Thomas Cock.	Rob. Norman. Io. Bungey.
1553	An. pri. Re. Maria	4	Thomas Croock.	Nic. Norgat. Io. Howse.
1554	2	Anno pri. Io. Hopto.	Thomas Marlbam.	Tho. Malby. Gul. Mingex.
1555	3	3	Felix Puttock. 2. Tho. Codde. 2.	Tho. Green. Io. Bloome.
1556	4	3	August. Steward. 3.	Thomas Sotherton. Leonardus Sotherton. }
1557	5	4	Henricus Bacon.	Edmund. VVilsey. } Tho. Lyn. Io. Beniamyn.
1558	An. 2. Re. Elyzabeth.	3	Io. Aldrich.	Thomas Parker. And. Quash.
1559	2		Rich. Flecher.	Tho. Culley. Tho. Tesmond.
1560	3	An. 1. Io. Parchurst.	Robertus Michels.	Tho. VVhall. Rich. Heede.
1561	4	2	Gul. Myngy.	Rob. VVood. Tho. Peck.
1562	5	3	Gul. Ferror.	Tho. Ferror. Tho. Beesmond.
1563	6	4	Rich. Dani. 2.	Christoph. Some. Elisaw. Bare.
1564	7	5	Nic. Norgate.	Rob. Sucklyng. Io. Gybbes.
1565	8	6	Thomas Sotherton.	Io. Sotherton. Tho. VVynter.
1566	9	7	Henricus Bacon. 2.	Tho. Petts. Io. Sucklyng.
1567	10	8	Tho. VVhall.	Io. VVorsley. Tho. Layer.
1568	11	9	Tho. Parker.	Io. Reed. Symon Bond.
1569	12	10	Rob. VVood.	Christof. Layer. Rich. Baar.
1570	13	11	Io. Aldrich. 2.	Tho. Gleane. Robertus Gostlyn.
1571	14	12	Thomas Green.	Henry Greenwood. Edwardus Pye.
1572	15	13	Robertus Sucklyng.	Nic. Sotherton. Franciscus Rag.
1573	16	14	Tho. Peck.	Georg. Bowgeon. Tho. Stokes.
1574	17	15	Christoph. Some.	Nich. Baker. Tho. Gosecke.

